







Bestock Emmelt  
Dem ist das selbige  
In geborn wider Anno Domini  
1583



Das Sechst Capittel des  
Euangelisten Luce/sampt dem Hünff-  
ten Warhei/von der rechten warhafft-  
gen auslegung des Gesetzes/inn  
xvi. predigt/verfasser/durch  
Johann. Brenz Eccle-  
siasen/auß dem la-  
tein vrentschet/  
durch  
Wolfgang Waler Diacon  
non/zü Schwebischen  
Hall.

psal. 118.

Hertz: Öffne mir die augen/das ich sehe die wunn-  
der an deynem gesetze.

Ich bin ein Gast auff derden/verbirgedeynne ge-  
bett nicht für mir.

Gerücht zü Hagenaw.



Den Vesten/Erbaren/Fürsichtige/Presamen/vñ  
weisen/Stetmeyster/vnnd Rache/ der Stat  
Schwebischen Hall/meynen günstigen  
gebietenden lieben Herren.

Genab vnd Fridt von Gott dem vatter/vnd  
vnserem HERRN Jesu Christo.  
Amen. Vest. E. S. E. vnd W. ic.

**N**ach dem das heylig E  
uangelion von vnserem lieben  
HERRN Jesu Christo/auf  
sonderer Gottes gütigkeyt vñ  
genaden yetzt zu diser zeyt/klar  
vnnd lauter nach außweisung  
der heyligen geschriffte gepredis  
get wirt / also das auch die widersecher müssen be  
kennen/das es Gottes wort seie. Vnd die weyl sie  
keyn andre cynrede/innen süglich / mer haben kön  
den/so schreyen sie man verbiete die gütten wercke/  
mach vngehorsame leüt/ verwirre vnnd verwerffe  
alle gütten ordnungen.

Auf disem/vnd anderer anregung/vnnd bitte  
gütter freunde/binn ich verursacht worden das  
Sechst Capitel des Euangelisten. S. Lucas. wie  
denn hie zu Hall vor etlicher zeyt/durch vnsern lie  
ben Herren prediger Johann Brenzen gepredis  
get/ vnd zu latein im druck auß gangen/ist/zu ver  
u  
reudschen

rendſchen Da mit yederman ſehē was vnſer lere  
ſei / wie vnd was wir von den gūten wercken halſē  
vnd predigen / Nēlich auff das allergeſtrengſt  
nach außweiſung der gebort Gottes / zu rechten  
fruchten vnd zeugnüſſen des glaubens / vnd hertz  
licher danckbarkeyt / der gūthaten / ſo vnns durch  
vnſeren lieben HERRN Jeſum Chriſtum ge  
ſchehen ſind. Darzu auch alle vnderthenigkeyt vñ  
gehorsamen / der geſetze / beide gegen Gott vnd den  
menſchen. Denn da wirt der gehorſame fleißig ge  
leret gegen der oberkeyt / kyrchenn dienern / vatter  
vnd mütter / vñndeynes yeden auch gegen ſeynem  
nechſten / nach laut der lere des weiſen manns Sa  
lomonſ in ſprüchen am. viiiij. Meyn kind fürchte  
den HERRN / vnd den Könige / vñnd menge  
dich nicht vnder die auffrührichen. Ja es wirt  
auch das ganz Chriſtenlich weſen / vñnd was die es  
wigen ſeligkeyt zu erlangen vnd zu beſigē betrifft  
fleißig dargerhan. Darumb wer hi nicht hören /  
noch volgen will / der darffe ab der lere nichts kla  
gen. Es werden auch die rechten Chriſtenlichen  
ordnungē bey vnſ nit verwoſſen noch verwirret.  
Sonder wo zu furdring Gottes eere / dienſt / zucht  
vnderbarkeyt gehört / wirt (wie ewer. V. L. W.  
ic. wiſt) recht vnd ordenlich nach Gottes wort vñ  
ordnung gelernt. Wie es dann alles künde vnd of  
fembar werden wirt / allen denen ſo diß büchle mit  
Chriſtlichen annüt vnd hertzen leſen werden.  
Die weil nun diß büchle / die rechten Chriſtenlichen  
werck



werck/die nit alleyn cyn prediger täglich schuldig  
ist/sampt dem glauben an Christum zu treibē/son  
der auch cyn oberkeyt mit fleiß drob zu halten/dar  
zu auch den rechten gehorsam vnd verstand gött  
licher vnnnd menschlicher geset/gebotten vnnnd or  
dnungen/leret. Hab ich auß guter meynung Er  
er. V. L. S. W. diß büchle wöllen zu schreiben / als  
meynen lieben günstigen Herren / Bey welchen es  
zu vor auch offentlich (wie gesagt) geprediger wor  
den ist/auff das diselere wider in gedächtniß denē  
so sie gehört haben keine vñ ernewert/dar zu auch  
das soliche vnserere lere von den güten wercken vnd  
auflegung der gebort Gottes/auch andren Chris  
ten/so si nicht gehört haben/kundt/wurde. Vnd  
auch yederman dester angenehmer vnnnd nützlicher  
seyn möchte. Dann was vnder dem namen der o  
berkeyt außgehet/das kan nit leichtlich /eynen ar  
gwon des betrugs haben/wirt auch nit bald von  
den gotlosen vnd verechtern/vmb schenke willen/  
der Maieffet/verachtet. Bey den fromen aber in  
größerer reuerenz vnd eeren gehalten. So nun so  
liches in gemeynen weltlichen dingen geschicht/wie  
vil mer wirt es in Göttliche dingen/welche von in  
en selbs auch zucht reuerenz vñ vnaussprechenlich  
en nuz haben/geschehen?

Ich were zwar wol des willens gewesen/diß  
büchle on meynen nammen lassen außgehen/wo es  
nit dem büchle cynen nachteil vnd argwon bracht  
hette. Dann der Satan vnser widerseher pfllegt



gar bald/durch die so sich ihres nammen scheinen/  
vnd dennoch dolmet scher seyn wollen./ in der hoch  
geleit en vnd betümpren menner bücher/seyn giffe  
vnd falschen lere vnder mischen/auff dz sie cyn an  
sehen vnder eynem frembden namen habe/vnd die  
einfeltigen/betrogen werden/eheman/des falsche  
eintrags gewar wirt. Darumb bitte ich. V. L. S.  
L. W. 12. Dis büchle zu nuz vnd heyl Ewer /vnd  
ewer vnderthanen/auch sunst/ andren frommen  
Christen vnd lieb haber des heyligē Euangelions/  
zu gericht /in dem bösten auffzunemen vnd aufle  
gen/vnd mich als Eweren/willigen vnderthänigē  
armen Tyrchen diener/lassen beuolhen seyn. Ge  
bē zu Schwebischen Hall Am. xx. tag des herbst  
monads Anno/12. M. D. xxxix.

.L. V. S. L. W.

Williger /vnd  
vnderthaniger  
gehorfamer  
diaconos.

Wolfgang  
Maler.

Kurz

# Kurtz inhalt der XXI. Predigen

Die erst predig / ist von dem Sabbath vnd  
gesetzen.

ij.

Auch vom Sabbath vnd andren Festen.

iiij.

Von erwölung der .xij. Apostel / von Apostlern  
vnd irem ampt.

iiij.

Von der irrigen auflegung des gesetzes / von irri-  
gen verstand des leidens / von den geistlichen armē  
hungerigen reichen /c.

v.

Vom weinen / veruolung / belonung / leiden /c.

vj.

Vom glück diser welt / setzrigung / freude / lachen /  
gütem lobe /c.

vij.

Vom irthumb der auflegung des gesetzes / vom  
dem todt schlag.

vij.

Vom Ebruch / scheidbrieffe /c.

ix.

Vom eydschwur vnd schweren.

x.

Von der rach / vnd vnbilligkeyt zu leyden vnd ab  
zu lehren.

xi.

Vom

Vonder lieb des nechsten.

xij.

Von der rach des/der vnß schlecht/oder das vnser  
nimpt/dem geben der vnß bittet/vnnd wem zu ge  
ben seie.

xiii.

Vom gesetz vnd Euangelio.

xiiii.

Von der gerechtikeyt/barmhertzigikeyt/liebe/ıc.

xv.

Von kauffen/verkauffe/leyhen/vnd jährlichen zin  
sen.

xvi.

Von nachreden/vrteilen/schmechen/ıc.

xvii.

Von verzeyhen vnnd nachlassen.

xviii.

Von billigikeyt in verkauffen/von vnrechten güt  
mit list vnd trug gewonnen.

xix.

Von falschen leren vnd blinden leeren.

xx.

Von nachreden vnd ehrabschneiden/schenden/ıc.

xxi.

Von erfüllung des gesetzes.

§

¶

Auflegung  
Des Sechsten Capitel des  
Euangelisten Luce/ vnd des  
Fünfften Mathei von der  
auflegung des  
gesatz.

Die erst Predig



Die Phariseer haben im vorigen  
Capitel/ nemlich im fünffte/ vn  
serem Herren Jesu Christo ver  
wissen vnd auffgehebt: Erst  
lich/dz er den menschen die sünd  
verzeihe/vnd nam sich des Göt  
lichen gwaltes an. Darnach/dz  
er mit den sündern vñ zollern aß vnd tranc. Zum  
letsten/ Das er seinen Jüngern nit auch fürschrē  
be sund observation vñ hattüg zu fasten vñ ander  
rer werck. Im anfang aber dises Capitel hebe sie  
ihm auff/ dan die gottlos heuchlerey vergift irer  
gröste sünd vñ laster/ vnd finder alle zeit an einem  
anderē das sie verachtet schilt vñ strafft dz er seine  
junger nit eribe dz götlich gesatz zu halten. Aber/  
gleich wie dz neidig auffhebe d phariseer vns zum  
bestē geratē ist/darüb dz wir/durch sie verursach  
et vō Christo gelernt habē/welches sein recht ampt  
A sey.

Die erst Predig Johan. Brentij.

sey/ vnd welches die recht weiß vnd weg sei der phariseischen auffsetzungen. Also bringt es vns ietz cyn grossen nutz: das die phariseer vber Christum klagen/von vbertrertung wegen des sabbaths. Dan da nimpt Christus cyn versach/vnnd legt auß den rechtē verstand der haltung/nit allein des sabbats sond auch aller gesatz/sie seien eisserlich/burgerlich/oder ceremonien vñ kirchē breuch/darumb so vns die recht erkantniß der burgerlichen gesatz lieb ist/so laßt vns fleissig auffmerckē auff das/dz hiean disemort geschriben ist.

Vnd es begab sich/spricht Lucas

auff eyner afftēr sabbath/dz er durchs  
getreid gieng vñ seine junger raufftē  
ehern auß/vnd assen vnd riebe sye  
mit den henden.

Von disem affter sabbath welchen die Eriechen deuteroprothon nennen: das ist/afftēr sabbath/halten andere/anders. So aber eyner alles das/so zu diser sach gehört/recht ergründet/so wirt er finden das/der tag der affter sabbath genemmet wirt/dar an der priester ein garbē der erstling/derndre vordem Herren webde/das war der pfingsttag. Welchen auch die geschriffte den affter sabbath/dz ist/den andrentag nach dem sabbath nennet. Dan also

in das Sechst Cap. des Euan. Luce. 8

also steet geschriben im drittbuch Mosi am xxiij. cap. Wen ihr ins land Kompt das ich euch geben werde/vñ werdents erndten so solt ihr eyne garbē der erstling ewer rütten zū dem priester bringen da sol die garb gewebt werden für dem Herren/das von euch angenehme sey / solchs sol aber der priester thun des anderen tags nach dem sabbath/vñ bald hernach. Darnach solt ihr zelen von andren tage des sabbats/das ihr die webe garben brachtet/siben ganzer sabbath biß an den andrē tag des sibendē sabbats/deshalbē/dz fest dz Mosi den andern tag des sabbaths heyßt/dz nennet hie Lucas sabbatū Deutoroprothon. den affter sabbath/den heyligē tag/an welchem man keyn arbeit thun dörfte.

Darum/do die junger Christi auff den selbigē tag ehre außraufften/vnd ryben sie mit den henden/sprachen erliche der phariseer zū inen/warum thut ihr das sich nit zimer zū thun auff die sabbather?

In Matheo am xij. hubē sie Christo selbs dz auch auff/vnnd sprachen/Sihe/deine jünger thun/das sich nit zimpt am Sabbath zu thun: Sie heben ihm nit auff das sie ander leuten die frucht vnd ehrz außrauffen/dan das selbig mochtē sie thun/nach dem gesatz/welches im fünffte buch Mosi am xxij also spricht: Wan du in die sabbat deines nechsten ghest/so magst du mit der hand ehern abrupffen aber mit der sichlen solen nicht drinnen hin vnd her faren. Aber sie heben ihm auff das sie das am fest

A ij thun

Die Erst predig Johan. Brentij.

thun. Diß auffheben aber hat diese meynung: wir  
möchten zwar leiden/das ihr mit den sündernest/  
vñ dz jr diemenschlichen auffsatzungẽ vbertretet/  
Aber das ist nit zu leiden/das jr das gesatz Gottes  
brecht vnd vbertretet/ Wolanes sei also/das die  
sunderen fast tag vnd die langen gebet/seien auff  
setze der Phariseer: Aber das man den tag halten  
sol vnd feiern/das ist Gottes gebot. Die stim Gor  
tes spricht selbs/Du solt disen tag außruffen/denn  
er sol vnder euch heylig heysen/ Eyn dienst arbeyt  
solst ihr an im thün/ In welchen Worten der Herr  
klarlich anzeygt/das er wölle das diser tag nit mit  
wenigerem Gottes dienst vnd ehr soll gehalten wer  
den/dann der Sabbath des sybenden tags selbs.  
Was ist aber gebotten/heylicher zu halten dan der  
Sabbath des sybenden tags? Dañ/das Gott ge  
rühret hat am sybendē tag/nach dem er newlich die  
creaturen erschaffen hat/ist eyr genügsam anzey  
gung/das man am Sabbath Eyn werck thün sol.  
Was wöllen wir darzu sagen/das auch die hal  
tung dises tags mit eynem wunderzeychen bestäti  
get worden ist? Dañ da die Kinder Israhel auß E  
gypten zohen in die wüste/da ließ der Herr alletag  
brot vom hymel regen/Vnd da man es behielt biß  
an morgē des andern tags/da wüchsen würm drin  
nen/vnd wardt stinckend. Am sechsten tag aber  
gab der Herr zwifache speiße/die biß auff den sab  
bath worden behalten/vnd wurden nit stincken.  
Darumb

Leut. 23.

Wie der  
sabbath  
soll ge  
halten  
werden.

Gen. 2.

Exo. 16.



Darumb so hat der Herr mit diesem winderzeyche  
wöllen anzeygen/dz man den Sabbath halten sol  
mit höchster heyligung/feier vnd rüge. Des halbē  
als die kinder Israel/wie im vierden büch Mose am  
xvi. geschriben steet/eynen man fundē hettē der am  
sabbat tag holtz hat gelesen/vñ Mose wüßte nicht  
mit was straff man ihn solt straffen/Da antwort  
der Herr/Der man soll des tods sterben/die ganz  
gemeyn sol in steynigen aussen dem leger. Vnd vff  
das die haltung dises tags mit merer forcht vñnd  
ehr Gottes wider geöffret vñnd eingebildet würde/  
so ist das gebot von dem Sabbath gezelt in die zal  
der zehen gebott/welche die sum des ganzen gesatz  
begreiffet/vñnd hatt die dritte stat überkommen/auff  
das dar durch anzeygt wurde/das man diß gebot  
mit so vil heyliger vñnd grösserer ehr halten sol/wie  
vil mehr es an eynem klaren vñnd heyterem ort stet.

Die weil nun Gott vnser Herr die feir vñnd hal-  
tung dises affter Sabbaths/welcher der Pfingst  
tag ist/nit mit weniger ernst/erforderet: Dann  
die feir vñnd haltung des sybenden tags/wöllen die  
Phariseer sagē/so volgt es/das deine junger so vil  
schwerer wider Gott sündigen/wie vil harter sie  
Gottes gesatz übertrettē/Warlich eyn solcher fre-  
uel/vñnd freiheyt zu sünden/ist ganz vnleidenlich  
Sou es aber alleyn euch hin gehn vñnd vnstrefflich  
sein/bey de/diemenschlichen vñnd Gottlichen gesatz  
vbertretten: Wir werden nichts mindes leiden/

A iij dann



Die Erstpredig Johan. Bren. ij.

Dann das/Darumb verschaff das dine junger das  
gesatz gottes halten/oder wir wollen mit steynen  
zu wegen bringen/das es euch weiter nit mer sol ge-  
lusten so haßstarrickliche sünden. Dis ist die mey-  
nung des auffhebens/dar in die phariseer Christo  
verwissen vnd auffheben/das seine junger den fier-  
tag oder das fest brechen. Vnd dis ist warlich ebe-  
das/das Christus von dem gleißner sagt hernach  
in disem. cap. was sihest du aber eyn spelter in dei-  
nes brüders ange vnd des balcken in deinem ange  
würstu nicht gewar?oder wie kanstu sagen zu dey-  
nem brüder/halt stille brüder/ich wil denn spelter  
aus deinem ange ziehen/vnd du sihest selbst nicht  
den balcken in deinem ange? Disephariseer waren  
vollen neid/vergünst/geiz/stolzikeit/hochfart  
gottlosikeyt vnd verachtung des nechsten. Dise  
ihre balcke werde sye nit gewar. Aber dz spelter le-  
dz die junger Christi am sabbath hehn außrauffte  
werden sye von stund an nit alleyn gewar/sonder  
machens auch groß vnd grausam. So laßt vns  
nun hören was Christus darzu antworde. Dan er  
spricht zu ihnen.

**Habt ihr nicht gelesen/das da-**  
uid thet/da in hungerte/vn die mit ihm  
ware:wie er zum hause Gottes einging  
vnd nam schaw brodt/vnd aß/vn gab

auch

in das Sechst Cap. des Euan. Luce. 111

auch den n/die mit ihm waren/die doch  
niemande dörffte essen/on die priester al-  
leyn/vñ sprach zu inen des mensche son-  
ist eyn Herr auch des sabbats.

Christus bewert mit zweyen argumenten vñnd  
vrsachen/das nit dem außrauffen der ehern seine  
junger weder gesündiger/noch das fest oder feyer-  
tag gebrochen haben. Das erst argument vñnd be-  
werung ist ein vorbild von dem David genomen.  
Die histori aber die Christus an disem ort anzeücht  
ist atzmersten teil Samuelis am viij cap. geschribē  
Dan als David mit wenig knechten beleytet seinē  
durchter Saul flohe/keret er ein on geferd in die  
stat Nob. In deren der oberst priester wonet mit  
namen Achimelech vñnd da in hungeret begeret er  
brot von dem priester 8 priester Achimelech aber  
antwortet David vñ sprach: Ich hab ecyn gemein  
brot vñnder meiner handt/sonder allein heylig brot  
Man sich nur die knaben vonweibereu enthalten  
herten. David antwort dem priester/vñnd sprach  
zu ihm es sind die weiber drei tag vñß versperet ge-  
wesen da ich außzog/vñnd der knabē zeüg war hey-  
lig/diser weg aber ist er vnheilig so wirt er heüt ge-  
heyliget werden an dem zeüge. Das ist/wir wissen  
zwar wol/das sich nit zimpt/das die gemeynē leute  
vñnd vngeweihten das schaw brod essen. Aber die  
weil wir reyn sind/vñnd den reynen/als Paulus  
spricht

# Die Erst Predig Johan. Brentij.

Schaw  
brod.

spricht: alles reyn ist/darumb so gezimpt es vnß  
auch diß brodt zuessen. Von diesem brod aber/redt  
das gesatz im dritten büch Mosi am xxiiii. Capit.  
also/Du solt semelmelh nemen/vnd da von zwelff  
küchen backē/zwo zehende soley n küche haben/vñ  
solt sie legen/ja sechs auff eyng schicht/auff den fei  
nen tisch für dem Herren/vñd solt auff dieselben  
legen reynen weirach/das es seien denck brod zum  
opffer dem Herren/alle sabbath für vñd für/sol er  
sie zurichten für dem Herren/vñ den kindern Isra  
el zum ewigen bund/vnd sollen Arons vñ seiner  
søn sein/die sollen sie essen an heyliger stette/Sie  
sollen/spricht das gesatz Arons vñd seiner sön  
sein/Das ist/es gebürt anderen leuten nit dise heyl  
ligen brod essen/die vor dem Herren die ganz woch  
en gelegen sind/da her sie schaw brod genent sind/  
sonder sie gehören alleyn dem obristen priester vñ  
seinen sönen zu/den das ist seig aller heyligsts/vñ  
den opffern des Herren/zum ewigen recht.

Was die  
schaw  
brod be  
deuten

Aber (auff dz ich diß auch hin zu setze) dise schaw  
brod habē das Euangelion bedeutet/das durch  
die zwölff Apostel in den umbkreiß der welt ge  
prediget ist/vnd ist das hymel brodt/das des men  
schen hertz stercket/welches on zweiffel durch die  
krafft Gottes/die da sällig maker/alle die dar an  
glauben/alle zeit in der gemeyn des Herren sol ge  
prediget/vñ ymer gecfert werden/vnd dz es eyge  
lich zu gehöre des obristen priesters kindern/wel  
cher

In das Sechst Cap. des Luan. Luck: v.

Der ist Jesus Christus vnser Herr/ Des halben  
nimpt Christus seine bewerung/ für seine junger  
auß diesem exempel wider die Pharisceer/ also/ Es  
wirt nit minder im gesatz gebottē/ das die so nicht  
priester sind/ nit sollen die schaw brot essen/ als ge  
botten ist das der affter sabbath mit heyliger ehr  
gehalten werde. Dauid aber hat in der nott/ keyn  
auff sehen anff das gesatz gehabt/ an den schaw  
brodten/ sonder als in hungeret/ vñ in der hunger  
drang/ hat er diß gesatz vbertretten/ vnd hat die  
heyligen brod gessen. Vnd es ist niemants der  
sich von der thatt willen straffe/ vnd eyner sünde  
beschuldige/ Sonder es verzediget vil mehr diese  
rodt yederman/ vmb der nott willen/ die keynen  
gesatzē/ als man spricht: vnder worffen ist. Es  
kan auch dißse bewerung nit hinder sich geworffen  
werden. Ob man schon sagte das Dauid hab  
wol mögen darumb diß gesatz vbertretten Das  
der oberst priester Abimelech welcher gewalt hab  
gehabt mit dem gesatz zū dispensieren/ vñ es nach  
lassen/ vnd in das/ wie man sagt/ ex plenaria po  
testate/ auß vollen gewalt zū gelassen. Dan Da  
uid setzt cyn vrsach warumb er möge diß gesatz  
brechen/ vñ spricht/ Diser weg aber ist er vnheilig  
so wirt er heute geheiligt werden an dem zeuge/  
das ist/ den reinen ist alles rein/ vnd den heyligen  
ist alles heilig. Diß ist aber cyn gemeinē vrsach/  
vnd leret klarlich/ das man das gesatz möge bre

Wie ferz  
das glas  
möge ge  
brochen  
werden.

B chē

Die erst Predig Johan. Brenij.

chen vnd vbertretten nit auß gewalt des oberste  
bischoffe/sonder auß dem gewalt gottes welcher  
als vil es dise sache antrifft/weder die notwendige  
Keyt an das gesetz bindet/noch vtheilet das die  
sprisen irgent einen beslecken der durch den glau  
ben geheyliget ist. Darumb so David hat möge  
das gesetz von den schaw broten vbertrete/vmb  
des hungers willen/warumb soltens nit meine  
junger auch than mögen/in gleichem fal der not  
wendigkeit/dz sy das gesetz vom sabbath zu halte  
von des hungers wegen vbertretten. Wie wol  
ih mir entgegen werfen wert/meine junger seyen  
weit vngleich dem David/das der David yetze  
schon zu einem König gesalbet war/meine junger  
aber seyen gemeine leut denen nichts beuollen sei.  
Aber die Königlich salbung nit schuldiger David  
nit/wie auch meine junger ihre nidrigkeit nit ver  
klagt/darumb das/dz so David than hat/allein  
den priesteren zu thun gezimpt vn keinem andern  
menschen sey König oder ander gemeine leut.  
Zu dem/so hat David nit allein das gesetz vmb  
des hungers willen vbertretten sonder auch seyne  
knecht/die mit im waren/dan david die brot selbs  
gessen/vnd hat denen auch geben/die bei im waren  
das sy essen/Darumb/so die knecht dauids nicht ge  
sündigt haben da sy die schaw brot gessen haben/  
warlych so sündigen meine junger auch nit so sye  
eher außraufften am sabbath. Du hast nun das  
eympel

in das Sechst Cap. des Euang. Luc. vi.

eyempel Davids/darinnen die junger Christi entschuldiget werde. Zu disem wirdt hinzu gesetzt mat. am xij. das eyempel oder vorbild von den priestern Oder habt ihr nit gelesen im gesatz/spricht Christus/wie die Priester am Sabbath im Tempel den sabbath breche/vnd sind doch on schuld. Ich sage aber euch/das hie der ist/der auch grösser ist/denn der tempel. Es sindt auch sunst mehr eyempel die Christus auch andßwa her zu bringet/zu entschuldigen die vbertretung des sabbaths/wie den das ist Jo. vii. von der beschneidung so am sabbath geschicht/Item dz/Matth. xij. von dem schaff so am sabbath in eyne gräben fellet/wir wollen aber vō disen hernacher sagen.

Jetzt wollen wir das ander argument hören/dar mit an disem ort Christus die vbertretung des Sabbaths entschuldiget/Vnnd spricht zu ihnen/des menschen Son ist eyn Herr/auch des sabbats.

Es geschicht zum offtern mal in den Euangelisten meldung des menschen Sons. Darum wollen wir mit kurzen Worten erklären/wz die ursach sei dises namens/vnd was an disem ort durch den Son des menschen zu verston sei. Es ist aber offenbar/das Christus sich selbs seer offte die menschen Son heyßt/vnd zwar ertliche haltenthorlich/das Christus darumb des mensche son genēt werde dz/

B ij die



Die Erst predig Johan. Brentij.

Christus  
eyn Son  
des mens-  
chen.

Zwen für  
nemlich  
menschen  
auff erdē.

die weil die andern mensche seien Sön zweyer men-  
schen/nemlich vatter vnd mäter. Christus aber sei  
alleyn eyns menschen Son auff erden/nemlich/der  
Jungfrawen Marie/Die andern haltens besser/  
das Christus werd des menschen Son genant (mit  
welchem namē die Hebreer eynfältig eyn mensche  
verstanden) durch eyn gegensatz/gegē dem Adams  
dem ersten menschen. Dannes sind nur zwen für-  
nemlich menschen im ganzen vmbkreiß der welt/  
an welchen das ganz menschlich geschlecht stehet/  
Adam/an welchem wir hangen durch die leibliche  
geburt. Vnd Christus an welchem wir hangen  
durch die geystlich geburt. Paulus spricht: i. Cor.  
xv. Der erst mensch Adam ist gemacht ins natürl-  
ich leben. Vnd/der erste mensch ist von erdē vnd  
irdisch: Der ander mensch ist der Herr vom himel/  
Dise außlegung des menschen Sons/ist nit vnbe-  
quem. Aber es ist zu mercken/ Erstlich: das/wie  
wir eyn wenig zu vor gemelt haben/Die Hebreer  
nach ihrer weiß den menschen heysen eyn Son A-  
dams oder des menschen/Wie sie eynen der dem  
tod verpflichtet ist/des tods Son heysen/eyn frid-  
samen/eyn Son des fridens/eyn verderpten: eyn  
Son der verderpnüß/vñ der gleichē vil. Darnach  
nennt sich Christus nit alleyn des menschen Son/  
Sonder auch der Prophet Ezechiel wirt zum off-  
ten mol des menschen kind genant. Vnd eyn ig-  
licher mēsch wirt in der gemeyn/ Adams oder des  
mensch

In das Sechst Cap. des Luan. Luce. vij.

menschen Kind / das ist / cyn mensch genennet. Job spricht am xxx. Cap. Die sterne sind noch nit rein vor seinen augen / wie vil weniger cyn mensch / die made vnd cyn menschen kinde / der würm? Vnnd Esa. am li. Wer bistu den / dz du dich vor mensche fürchtest? die doch sterben / vnd für menschen kinder die als hew verzert werden. Vnnd Hieremias vñ 8 zerstörung Edom / am xliij. sprich: dz niemā da selbst wonen / noch keyn mensch drinen hausen sol. An disen vnd vilen andren ortren der heilige geschriffte / wirt des menschen kinde nit für Christo Sonder einfeltig für ein mensch / nach der eygen schaffte der hebreischen sprach genomen / Daher / so Christus sich eins menschen son heysen so nimpt ers nit an / als ein newen vnd vngewonen zunamen Sonder so er wil sich als cyn menschen anzeygen / nennet er sich nach Hebreischer weiß / cyn menschen Son / Oder / wan er ye sich auß eyner sunderen vrsach eyns menschen Son nennet. Warlich / so acht ich zum fürnemlichsten dise / das er durch den zunamen woll anzeygen seine nidrigkeyt vñ verachtig vor der welt. Dann die hebreer / wan sie sunst Adams kind oder menschen kind / für mensch sagē So thund sie das fürnemlich / wenn sie wöllen des menschen jamer vnd arbeyt seligkeyt anzeygen / 8 von Adam auff in kommen ist / das menschen kind als vil sei / als so du sprichst / cyn armer vñ arbeit seliger mensch / der durch seinen ersten vatter A



Die Erstpredig Johan. Brentij.

Adam in allerley leiden geworffen ist / Herr was  
ist der mensch / spricht David am. cxliij. psalm / dz  
du dich sein so annimpst: vñ der menschen kind / dz  
du in so achtest: Ist doch der mensch gleich wie  
Nichts / seine zeit feret dahin wie ein schate. Vnd  
abermal Im. cxlv. verlasset euch nicht auff Fürste  
sye sind menschen / die Könen ja nicht helffen / Des  
halben nennet sich Christus des menschen son / das  
er mit disem zunamen anzeyge / dz auff sich geworf  
fen seyen / aller Jamer vnd not / von Adam / vmb  
der sünden willen verdient / vñ das er der mensch  
Esa. 53 sey welcher nach dem wort des propheten Esaie.  
sey der aller verachtetst vnd vnwerdest / voller schme  
merzē vñ krankheyt / auff welchen got aller men  
schen sünd geworffen habe. Aber hie an disem ort /  
da gesagt wirt / daß menschen son ist ein Herr auch  
des sabbaths wirt nit alleyn auch Christus für des  
menschē son / sonder einfeltiglich ein ieder mensch  
Mat. 2 verstanden / Dann Marcus zeigt das klärlich an /  
Bey welcher Christus also sagt d sabbath ist vmb  
des menschen willen gemacht / vñ nicht der mensch  
vmb des sabbaths willē / So ist des menschē Son  
ein Herr auch des sabbaths / welches disemeinung  
hat / d mensch ist von anfang nicht allein geschaffe  
Gen. 2 zu einem Herren der erden / der visch / des meers / der  
vögel vnder dem himel / vñnd der thier auff erden /  
sonder er ist auch erschaffen zu einem Herren des  
Sabbaths / dem alles was erschaffen vnd verord  
net

In das Sechste Cap. des 2ten. Buchs. viii  
 net ist zum nutz des menschen/ vber das selbig ist d  
 mensch eyn Herz gesetzt/ vñ es muß menschlichem  
 nutz gehorsam sein/ vñ dienen/ nit alleyn aber sind  
 diert hier auff erden/ die fisch im wasser/ vñ die vögel  
 vnder dem himel zum menschlichen nutz geschaffen/  
 sonder es ist auch d sabbath zum nutz des menschen  
 von Got verordnet. Darüb volget es offenklich/  
 das der mensch eyn Herz auch des sabbaths ist/ so  
 er aber eyn Herz des sabbaths ist/ was ist weiters da  
 weder das er sich auch des sabbaths gebrauchem  
 mag/ nach dem rechten vñ gewalt seiner herschaft?  
 Wir wissen wol dz eyn herz gerechtigkeit vnd ge  
 walt hat vber seine güter/ den er mag sie verwalten  
 vnd brauchen nach seinem nutz vnd heyl/ vñ die gü  
 ter müssen dienen zum nutz ires herren. Darumb so  
 auch der sabbath zu zelen ist vnder die menschliche  
 güter vnd besizung/ so ist es auch von nöten das er  
 menschlichem nutz diene/ Vñ wann es nutz ist dz er ge  
 halten werde/ so sol er gehalten werden/ wann er aber  
 nit vnnutz vñ schade gehalten wirt/ als im hunger  
 oder andren notwendigen fellen/ so mag er on sünd  
 durch Götliche gewalt dem menschen vorlangest in  
 seiner ersten erschaffung verleihen/ gebrochen wer  
 den. Du würst aber sagen/ was ist des Herze ge  
 sag/ Du solt den sabbat heyligē/ mag man darüb  
 des Herze gsag vmb d node willen breche? So wil  
 ich Christus vñ d node willen verlenckne/ nemlich  
 /dz ich nit vñ d bekärniß wege des namens Christi/

*Sind religioſe*

Ob das  
 gesang r  
 tes auß  
 node mög  
 gebroche  
 werden?

ent

Die Erst Predig Johan. Brenij.

entweder verfolgung leide/ oder erwirgt werde/ ich  
wil cyn abgott anbetten/ vmb der not willen/ das  
ich nit getödt werde/ Ich wil falsche zeügnüs redē  
auff das ich nit vmb der not willen/ nemlich/ so ich  
die warheyt sage/ mich selbs in schwere gfar vnnnd  
schaden werffe. Vnd so der mēsch cyn Herz des sab  
baths ist d durch das gotlkh gsatz ist auff gesetzt/  
vnd mag demnach seinen nutz üben/ was volget  
drauß/ weder das der mensch mög thün in Gottes  
gsatz was er wölle: was ist aber vngeschickters:  
was ist menschlichen dingen schädlicher: was mag  
der forcht Gottes/ die der mensch dem wort Gottes  
schuldig ist/ widerwertigers gesagt werden: Des  
halbē müssen wir mercken/wz für cyn vnder scheyd  
sei der Götlichen gsaßen vnd ordnungen/auff dz  
wir auß disem vnder scheyd vnderweisen werden/  
wie der mensch cyn Herz sei der gsatz/ vnd welchen  
gsaßen die nott nit sei vnderworffen: Der halbē  
so sind etliche gsatz natürlich/etliche burgerlich ge  
satz / vnder den burgerlichē gsaßen/sind etliche ge  
richtes ordnüg/etliche kirchen gsatz. Die natürlichē  
gsatz die mit cynem andren namē / werdē sieliche ge  
satz genant/ sind die/welche Got in die natürlichen  
vernunft des mēschen ein geschriben hat/vñ hats  
na her durch Mo sen/zum reyl in den zehen gebotē/  
zum reyl anderswa geoffenbarer vnd erleichter.  
Dise sind es aber nemlich/das man Got ehren soll  
das man Gottes namen ehren vnd loben sol/ Das

man

Natür  
lich ge  
satz.

In das Sechst Cap. des Luan. Lucis 19

man sol vatter / muter / vnd die Oberkeyt ehien/  
 das man nit tödren / nit stelen / nit ebrechen soll /  
 kurzlich das man den nächsten lieben sol als sich  
 selbß / vnnnd was du nit wilt das dir geschch / das  
 soll auch keynem andren geschehen / Den in disem  
 wort / wirt kurz verfaßt / aller fleiß / gunst / libe vñ  
 gätwilligkeyt so wir dem nächsten zu thun schuls  
 dig sind. Dis werden die Göttlichen gsatz genant  
 nit alleyn darumb / das die zehē gebott / dar in sie  
 als in eynem kurzen begriff verfaßet sindt / von  
 Gott geben sindt / auff dem berg Sinai durch den  
 Mosē / Sonder auch darumb / das ihrer erkant  
 nis ist von Gott / in diemenschlich vernunft ge  
 schrieben vnd eintruckt. Darumb ist zu halten / dz  
 nit alleyn das / das Mosē von gäten werckē / sind  
 auch das / dz die Philo sophi vñ weisen vnder den  
 Heyden von allerley tugenden vñ diensten geschri  
 ben vnd geleert haben / zu diser ordnung der gsatz  
 gehöre. Das man weißt / spricht Paulus / dz Gott  
 sei / ist vnder den Heyden offenbar / vnnnd aber eyn  
 mal spricht er / Die Heyden beweisen des gesatzes  
 werck sei geschribē in iren hertze / seit einmal jr gewis  
 sen sie bezeuget / da zu auch die gedanchē die sich vn  
 derynander verklagen odentschuldigen. Die bur  
 gerlichen gsatz aber / habē iren vrsprung auß den  
 natürllichen gsatz / vnnnd sind die / die durch Göttliche  
 ordnung gesetzet vnd verordnet werden / zu erhal  
 tung des gemeynen regiments beyde Geystlichs /  
 C vnd

Die erst Predig Johan. Brenij

vnd weltlichs. Vnd dieweil zwerley policey vnnnd regiment sind/das ein/das geystlich/das man kirchen gebreng vnd ordnung heist/vnd ist das /das auff gesetzt wurde zuleren vñ zu erhalte den rechte glauben oder Gottes eer in der gemein/ Derzwerley sind vil im gsatz Mosi/ Als die gsatz von der beschneidung/vom sabbath von den opfern vñ von dem ganzen Leuitischen gottes dienst. Es sind deren ancherliche in der Christenheyt/ als die einsetzung vom tauß/von dem nachtmal des Herren von der predig des Euangelions/vñ was für ordnung/die sacrament züchtrichlich vnd ordenlich zu reichen oder zu empfangen/ auch den dienst gottes worts ordenlich auß zu richten/ auff gesetzt sindt/ Dise werde aber Göttliche gsatz genant/ Erstlich das welche im gsatz Mosi sind gewesen/ geben sind durch Mosen auß dem wort des Herren/ Darnach das im neuen Testament/ der tauß/ des Herren nachtmal/vnnnd die predig des Euangelions von Christo dem Son Gottes selbs eingesetzt sind vnd benolhen/ Was aber disen hin zu than ist/darumb auff das alle ding(wie Paulus sagt) züchtrig vnd ordenlich in der kyrchen oder gemein geschehen/die werden auch Göttliche ordnung genant/darumb das Gott von vnserfordert ein gemeine zucht ordnung/er berkeyt vnd bescheidenheit/darumb/ als Paulus die kirche zu Chorintho züchtrig geordnet hatte/vnd einem ieglichen beide weiber vnd manen seine gebürlichen emptern für geschribt hatte/thut

er hin zu/ vnd spricht. So sich iemand leset dunckt  
 er sei ein prophet/ oder geistlich/ & erkenne/ was ich  
 euch schreibe/ den es sind des Herren gebott. Auß  
 was ursach/ darumb der Herr will vnd gebeut/ dz  
 alles züchtricklich vnd ordenlich zü gehen. Der hey  
 den Gots dienst/ aber sind nit götliche ordnung  
 gewesen sonder erdichtung eins gotlosen wesens/  
 dann sie sind nicht auß gottes wort eingesetzt so  
 sind sie auch nicht nutz gewesen den rechten glaubē  
 zu leren/ Sonder sie sind vil mer geselt den rechten  
 glauben vnd gots dienst zu zerstoren/ vnd zu leren  
 ein gotlos wesen vnd abgötterei. Auch die gots  
 dienst vnder dem Papstum/ die alleyn gehalten  
 werden/ außgethonem werck/ mitt verdienst ihre  
 sünd zu büßen/ vnnnd den zorn Gottes zu versönen  
 sind nicht Gots dienst/ des glaubens/ auff Chri  
 stum/ sonder des gotlosen aberglaubens/ Darum  
 so sind sie auch nit Gottes ordnung/ Aber von den  
 wollen wir hernacher sagen. Etliches sind welt  
 liche gsatz/ die eigenliche burgerliche oder gericht  
 ordnung heissen/ vnd sind die/ so auffgesetzt werde  
 den friderunge vñ erbarkeyt zu erhalten/ Es sind  
 auch deren vil in Mose/ die den kindren Israel ge  
 ben sind/ es hat auch cyn iglich volck seine eygnen  
 weltlichen vnd burgerlichen gsatz/ vñ dise werde  
 auch Götliche gsatz genant/ den w3 Mose den kin  
 dern Israel für gsatz geben hat/ die hat er inē auß  
 Gottes wort gebē/ was aber für gsatz/ die andren

*Gotta geset*  
 Heyden  
 gots  
 dienst.

*Warum*  
 weltliche  
 gsatz got  
 lich ge  
 nant wer  
 den.



Die Weiß predig Johan. Brenij.

gesatz geber nach der rechten vernunft gebē habē die werden darumb Götlich genant/das die oberkeyt eyn ordnung Gottes/vnd Gottes diener in ist eyn ra. herin zur straffe vber den/der böses thut/Rom. xij. Darumb werden die weltliche vnd burgerlichen gsatz/so da hingestellt sind/das/das gut werck sein lob habe/vnnd das böß gestrafft werde billich Götlich gsatz vnd ordnung genant. Dann Paulus spricht: Es ist keyn oberkeyt/on vō Got/wa aber oberkeyt ist/die ist von Gott verordnet.

welch ge  
satz Herz  
d mensch  
sei.

Wir haben den vnder scheyd der Götliche gsatz Nun wölle wir weiter sehē/welcher gsatz d mensch also eyn Herz sei/das er inen in der nott nit vnderworffen sei. Vnd Erstlich/wann wir von der weiß vor Got frum/vnd gerecht zu werden/reden/warlich so müssen wir halten/das der mensch gar keynem gsatz vnderworffen sei/es sei natürlich oder burgerlich. Dan wie wol das gsatz heylig ist/vnd als vil als an jm ist so geschriben/gebeit so heylige werck das sie/wa sie so volkommenlich von dem menschen erfüllt wurden/vn geschēhē/so mochte sie vor Gott frumb vnd gerecht. Aber/dieweil der mensch ist vnder die sünd verkauft/so mag keyn gsatz/kein werck des geset/es sei natürlich/kirchen gsatz/oder gerichtes ordnung/den menschen vor Gott frum vnd gerecht machen/den zorn Gottes versönen vn ewigs leben verdienen/Sonder alleyn Jesus/Jesus Christus ist vnß für gesetzt zu vnserer frumkeyt vnd

in das Sechst Cap. des Euan. Luce vi.

vñ recht fertigung/ auff das wer an in glaubt/ wer  
de frum vor Gott vmb seiner willen gerechnet/ vñ d  
habe dzewig lebē. Darum/ als vil zu der rechtfer  
tigug gehört/ so hat Christus alle die so an in glau  
ben also freigemacht/ von allen gsagen vñ ihren  
wercken/ das sie von node wegen müssen halten/ dz  
sie ganz vñ gar mit Eynem verdienst ihrer werck  
recht fertigt werden/ vñ das ewig leben haben mö  
gen. Dise freiheyt aber gehört nit zu dem eusser  
lichen vñ burgerlichen leben/ in welchem wir alle  
gsagen vñ derworffen sind/ wie bald solgen wirt/  
Sonder zu dem gewissen vñ glauben des hertzen/  
nemlich/ das wir vnß nit frumb schätzen vmb der  
werck willen/ sonder dz wir glauben/ das wir von  
Gott frumb vñ gerecht alleyn geschätzt werden  
vmb Christus willen. Vñ dise freiheyt des ge  
wissens von den gsagen vñ iren gütten wercken/ ist  
nit da zu mal erst in die welt komen/ da Christus  
geoffenbaret vñ vñder den Heyden geprediget ist  
worden/ sonder ist alwegen in der welt gewesen/ in  
der fromen Got seligen hertzen/ von der zeit an/ da  
zu in aller ersten Christus verheysen ist wordē/ dz  
ist/ von dem anfang der welt/ da zu dem schlangē  
gsagt ist wordē/ der som des weibs sol dir den kopf  
zertrētē/ vñ darnach zu Abraham/ Durch deine  
samen sollen alle völker auff erden gesegnet wer  
den/ Also Mose/ wie wol er den kindern Israel dz  
gsatz geben hat doch/ was die frumbheyt vñ redre

Christ  
lich free  
heyt

Freiheyt  
des gewis  
ses.

Gen. 3



Die Erstpredig Johan. Brenij.

fertigung betrifft/ist er in seinem gewissen von allen gsatzē freigewesen/Also auch Dauid/wie wol er vñd dem gsatz gelebt hat/so hat er doch sich nit frum vñ gerecht geachtet vñdes gsatz werck willē Des gleichen sind alle Gotseligē vor der zukunfft Christi/mitten vnder den gsätzen/freigewesen vñ allen gsätzen/dañ sie habē glaube das sie die frumkēyt vor Gott haben/nit vmb der werck willen des gsatz/sonder vmb Christus willen. Von diser freiheyt prediget Petrus im Consilio zu Hierusalem/vñ spricht: In büch der geschicht der Apostel am xv. Was versücht jr dan nur Gott/mit aufflegen des jochs auff der junger helse/welches weß vnser vätter/nach wir haben mögē tragen? sond wir glauben durch die genade des Herren Jesu Christi selig zu werden/gleicher weiß wie auch sie. Vñ Paulus jr sind nit spricht er: vnter dem gsatz sunder vnter der gnade. Vñd aber eynmal/das gsetz des gystes/8 da lebendig macht in Christo Jesu/hat mich freigemacht von dem gsatz der sünden vñd des todes/vñ an eyn andern ort/Ir habe Christum verloren/die jr durch das gsatz gerecht werden wolt/vñd sind von der gnade gefallen. Vñd/also haben wir nun bißher von der freiheyt des gewisses gehört/in welcher der mensch durch Christum also eyn Herr des gsatzes worden ist/dz er muß die frumkēyt nitgēt dan in Christo/durch den glauben suchen.

Nun

Rom. 6.

Gal. 5.

Nun aber/wollen wir reden von der gehorsame/  
 welcher wir den götlichen gsagen schuldig sindt. gehorsam  
me göt  
licher  
gsag.  
 Dan das zu dem gehorsam/vnnd zu dem wercken  
 göttlicher gsag/die wir thun solen/gehört/war-  
 lich/so ist kein mensch frey/Sonder alle menschen  
 sind allein göttlich gsagen beide/denn natürlichen/  
 vnd den gesetzten/sie zu halten verbunden. Was  
 ist den das so droben gesagt ist/das der mensch sey  
 ein Herr des sabbaths/vñ möge in notwendigem  
 fal den sabbath vnstreflicher weyß brechen. Auff  
 das wir disen handel klarlich verstandē so müssen  
 wir vor merckē den vñdscheid göttlicher gsag/ein-  
 wenig zu vor erzelen. Dañ die natürliche gsag ha-  
 ben dise eigenschafft/dz man die in keiner nott/sie  
 sey wie groß sie wolle/mag übertretten Sonder wir  
 müssen ehe alle gfar/alle widerkeit vñ alle not lei-  
 den vnd anemen ehe das wir dise gsag brechen wöl-  
 ten/Du solt dich ehe verbrennen lassen ehe du Got-  
 tes verleucknen wöltest/Du solt dich lieber an ey-  
 nbaum hengen lassen weder das du Gottes namens  
 lesteren wöltest/Du müßt ehe sterben wollen dann  
 das du wöltest falsche zeügnüs reden/Dannes ist  
 keyn grössere nottwendigkeit/dañ die man Got-  
 tes gehorsame schuldig ist/Es ist auch keyn gröf-  
 sere gfar/dann die vñß vmb des vñgehorsams/vñ  
 der sünd willen auff dem hals leit.

• Darū

Die Erst Predig Joh an. Bremen.

Darumb / so sollen alle andere / not vñ gfar / diser  
 einigen not vñd gfar weiche. Dañ das ist von nö-  
 ten vñd müß sein / das du gott gehorsam seiest / dz  
 du aber leiblich lebest / das ist nit von nöten / dann  
 Gott vnser Herr / hat darumb dem menschen die  
 erkantnis diser gsatz natürlich geoffenbaret / vff  
 das sie cyn yeglicher halten solle. Auch der glaub  
 an Christum / nimpt dise erkantnis nicht hinweg  
 sonder erleuchtet sie vil mer / vñ bringet den heilige  
 geist / durch welches krafft / ons das möglich wirt  
 das vns zuuor vnmöglich was zu thun / Es wirt  
 zwar / dz gsatz nit ganz volltmenlich erfüllet / den  
 die sünd bleibet jmer im fleisch / aber doch wirt es er-  
 füllet / als vil denn glauben zu bezeugen genug ist /  
 darumb so ist es ganz von nöten / dz wir alwegen  
 den natürlichen gsatz / die man sitlich heist / ge-  
 horsam seien. Die gesetzte gsatz aber vnder welche  
 erliche kirchen gsatz / etlich gerichtes ordnung sind  
 Die weil sie auch Göttliche ordnung sind vñ haben  
 iren versprung von den naturlichen her / sollen nit  
 mit weniger forcht vñ ehr gehalten werden / weder  
 die naturlichen / Doch sind sie nit so gar heylig / vñ  
 so gar vnuerletzic / dz man sie nit brechen möge in  
 der ordenlichen notwendigkeyt / sond man möcht  
 sie vil meer gar abthun. Dann dise gsatz gestandē  
 auß mencherley vmstenden der vöcker / der versam-  
 lungen gemeynen stenden der lender / zeit ster perso-  
 nen vñd anderer ding / welche dem nach cynander  
 pflegen

Wie die  
 burger-  
 lichen  
 gsatz zu  
 halten  
 seien.

In das Sechst Cap. des Euan. Luce xij.

pflegen sich zu verwandlen/Darumb wie die vmb  
stend diser gsatz offentlich/dar zu auch in sonder  
heyt verwandelt werden/also wurt auch jr gehor  
sam odder haltung/verwandlet. So wollen wir  
nun kurzlich allerley gestalten diser gsatz erzelen/  
auff das wir sehen/welches ihr recht weiß seien.

Denn diß sind erstlich/Kirchen gsatz oder Ceremo  
nien vnd Gots dienst in Mose/dise solten von den  
Kindern Israel gehalten sein wordē/alle die weil jr  
eusslerlich regiment bestanden ist/vñ Christus noch  
nit offenbarer worden war/dan sie waren dem Is  
raelischen volck von Got durch Mosen verordnet  
vnd waren dar zu verordnet/dz Gottes nam wur  
de gelopt vnd auß gekündiget/das die verheysun  
gen von Christo geleret/vnd der recht glaub erhal  
ten wurde. Daher gehört die beschneidung/der sab  
bath/die opffer vñnd der ganz Levitisch Gots  
dienst. Gott aber/wil auß dem naturlichen gsatz  
das sein nam gerümet vñnd verkündiget/vnd der  
recht glaub erhalten werde. Darumb so muß man  
genzlich/die Kirchen gsatz vnd Ceremonien im Is  
raelischen regiment halten/Aber darvñ/das dise  
gsatz geben sind alleyn dem Israelischen volck/a  
ber den Heyden nit/vñ sind den Kindern Israel ge  
geben/nit zum schaden/sond zu irem nutz/darvñ  
so sind auch die Heyden disen gsatzē nit vnderwor  
ffen gewesen/vnd ist inen auch nit vonnöden gewe  
sen nach jñe zu lebē/ob sie schon die Abgötterei hin

Kirchen  
gsatz.

D legten

Die Erst predig Johan. Brenett.

legten vnd sich bekereten vnd büßtheren/erkantem  
den waren Gott/vnd glaubten den zu sagungen  
4. Reg. 5 von Christo/daher so lesen wir/das nyemant der  
Syrer/also das gottloß wesen der Heyden ver-  
leucknet/dem waren gott hat. angenommen/vnnd  
lesen doch nit das er sei beschnitten wordē/oder hab  
die Sabbath gehalten wir lesen auch/dz die Ni-  
3 mineiter nach der predig Jone des propheten/büß-  
than haben/vnd Gott gefellig gewesen seien wir  
lesen aber nit das sie die kirchengsatz vnd Ceremo-  
nien des volcks Israels in irer policey vñ regimēt  
haben auff gericht. Es bezeüget auch Daniel  
am. iij. cap. das Nebucad Nezar der König zu  
Babilonia hab mit einem offnem gebott den Got  
Israel bekant/vnd verbotten/das niemants wi-  
ß disen Gott keyn laster wort rede/eben dz selbig  
schreibt er auch von Dario dem König der Perser  
das diser mit einem offnen edict vnd gebott gebot-  
ten habe/das in seinem gangen keyserthumb vnd  
Königreich ieder man dem gott Daniels fürchten  
vñ schühen sol. Also ist der war Gott beide/in dem  
Babilonischen Königreich/vnnd in der priester  
Königreich gelobt vnd verkündiget worden/Vnd  
es sind on zweifel vil auß den heiden bekeret wordē  
zu Gott/es ist aber doch gewiß/dz dise heyden nit  
haben die Israelische. 1 Gots dienst bei jnen auff  
gericht es ist auch das nit not gewesen zu irer soli-  
teyt/dan die kirchengsatz vñ Ceremonien waren  
mit den heyde sond den juden alleyn geben/Dar zu

gebott  
gott

Mormeyn

in das Sechst Cap. des Luan. Luce. viij.

auch die Israeliter selbs/sind nit also disen gsatz  
verbundē gewesen/ dz sie/sie müßte auß not all we  
gē haltē/dan̄ als offte die not entweds d̄ erbartheit  
od̄ der nügbarkeit anderswa sie zuge/so möchtē sie  
dise gsatz on sünd übertretten. Also nach dem die  
Kind̄ Israel auß Egypten in die wüste komen/da  
wurde vil in d̄ wüste n̄r beschnitten/wie im Josua  
am v. cap. geschriebe steet/vñ es ist auch glaubwiz  
dig dz deren vil in d̄ wüsten gestorbē seien/welche  
dennoch vñ d̄ vorhaut willen nit verdampft sind  
wordē/darum̄ dz sie im glaubē gestorbē sind. Also  
dispēsiert vñ feiert vñ disem gsatz d̄. Nistia/die dz  
osterlamb assen/vñ warē doch nit geheyliget nach  
dem gsatz vñ spricht: Der Herr d̄ gütig ist/wirt  
gnedig sein allen die jr hertz schicken Gott zu sūchē  
den Herren den Gott irer vätter/vñ nicht vñ der  
heyiligen reinigkeyt willen/den also stet geschriebe  
im andern büch d̄ Chronick im xxx. mit welchem  
wort Nistia clarlich anzeigt/das auch die Israeli  
ter den kirchen gsatz nit verbunden sein/wan̄ die  
not eyn anders erfordert/Daher gehört auch das  
eyempele Dauids/das Christus an disem ort an  
zeucht/von den schaw broten/dar zu auch dz Chris  
tus sagt/des mensche son/ist eyn Herr auch des sab  
baths/mit welchē sprich Christus/nit wil dz d̄ sab  
bat vñ ander kirche gsatz/im Israelische regiment  
nit sollen gehalten werden/danner spricht: an ey  
nem andern ort Dis/nemlich die sitlichen werck/  
soll mann thun/vñ d̄ Ihenes/nemlich die Cere

also geschriben  
Luce 11. 12.

Josua 11. 12.

Die Isra  
eliter mü  
ssen die  
Kirchen  
gsatz in d̄  
not vber  
tretten.

7. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30.

Samuel  
v. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30.



Die Erst predig Johan. Brentii.

monien vnd kyrchen breuch / nicht vnder lassen.  
Aber er legt die eigenschafft vnd weiß der Cere-  
monischen gsatz auß / nemlich das sie sollen vmb  
gemeiner ordnung willen gehalten werden. Wo  
aber die not der erberkeyt oder nutzbarkeyt eyn  
anders erfordert / dann so der mensch ihr Herr ist  
mager sie im in der not geschickt vñ nützlich mache  
Zuletzt / sind die kyrchen gsatz des Mosaischen  
volcks nach Christo gar auffgehebt / zumerst / dz  
gots dienst der kind Israel ist ein schatt gewesen  
auff Christum / dan nach dem der war leib komen  
ist / da ist der schatt vergangen / vñnd so die Son  
scheinet / sind die amplen des gsatzs außgelescht /  
Darnach / darumb dz eusserlich Israel nach Chris-  
to hat auff gehört eyn gemeyn / vñnd offentlich  
volck zu sein dan jr regiment ist gar zu nichts wor-  
den vnd auffgehebt / darumb habē auch ire kirchē  
gsatz auff gehört. Diß ist nun die recht weise der  
kyrchen gsatz vñnd Ceremonien Im gsatz Mosi.  
Nun wollen wir auch sagen von denn gsatzten des  
Christlichen volcks. Dann es sinderliche die Chris-  
tus selbs hat eingesetz. Es sind erliche die vnser  
vorerkeren / den glauben an Christum füglich vñnd  
ordenlich zuleren / verordnet haben / wiewol aber  
die kyrchenbreuch vñnd gots dienst die vnser vor-  
elkeren auffgesetzt haben in keynen weg nit / mit  
denen diß Christus eingesetz hat zu vergleychen  
sind / so sol man doch sie beide mit groffceren hal-  
ten /

Der Chri-  
sten gots  
dienst.

gottliche  
monien

kyrchenbreuch  
vñnd gots dienst



In das Sechst Cap. des Euan. Luce. xv  
ten/ den woz die Ceremonie vñ gotts dienst mit dem  
wort Christi eingesetzt betrifft/ da will Christus  
genzlich das wir seinem wort gehorsam seien. Vñ  
was die gotts dienst von vnseren elteren eyngesetz  
betrifft/ da will Christus auch/ das alles inn der  
Kyrchen vnd versammlung züchtig vñnd ordenlich  
geschehe. Aber die weil dise Ceremonien vñ gotts  
dienst zu vnserem nutz/ vñnd nit zu vnserem schade  
auffgerichtet sind/ darumb so will auch vnser Herr  
Christus das sie vnserer not weichen. Also sind  
vil gefangner Christe vnder dem Türcken/ die sich  
des Nachtmals vnseres Herren Jesu Christi nit  
können gebrauchen/ solten sie darumb verdampft  
sein: gar nit wa sie anderst eyn rechten glauben an  
Christum haben. Es habē sich auch vil vnder dem  
Bapstum allein d andre gestalt des Herren nacht  
mals/ wider die einsetzung Christi gebraucht/ wer  
wölt aber sagen das die selbigen vmb diser sache  
willen verdampft weren: die haben zwar grösslich  
gesündiget/ die auß keiner not sonder allein auß ty  
ranney gewalt vñnd heuchlerei/ die eyn gestalt des  
Sacraments der Kyrchen entzogen vñnd genommen  
haben. Aber/ die allein die eyn gestalt empfangē  
haben/ die sind entschuldiget vñnd der not willen.  
Es sind auch vil die von natur den wein auch nit  
reichen noch schmecken könnē/ dise nemen allein dz  
brot in des Herren Nachtmal/ Sündigen sie aber  
nit so sie der ordnung Christi nit volgen: gar nit/

D iij dan

Die erst Predig Johan. Bre nüt.

dañ die nodt entschuldiget sie. Dañ so des menschen  
Son ist eyn Herr auch des sabbaths/warum wolt  
er nit auch eyn Herr sein des Herren nachtmals?  
Eyn Herr sprich ich/nit eyntyrañ/dañ der/8ty-  
rañ/bricht vñ vbertrit das gsatz auß frenel/vnmil-  
rigkeyt vñ lauterem mütwillen/Wiser aber/bricht  
das gsatz nit anders/dañ auß grosser billiger vnd  
rechter nodt gezwungen. Der halben/wie wol der  
mensch eyn Herr gesetzt ist des Herren nachtmals  
vnd anderer breuch vnd Ceremonien/so zimpt ihm  
doch nit dise breuch oder Gorts dienst on rechte bil-  
liche vñ ordenliche vsach zu überretten. Aber die  
Ceremonien vnd Kirchen breuch/die von den Bap-  
sten vnd Bischöffen dar zu verordnet vnd auffge-  
setzt sind/das sie auß dem werck so geschehen ist/die  
gnad Gortes verdienen sollen/die verzeihung der  
sünd/vnd ewigs leben/die sind ganz vnd gar gort-  
loß/vñ sollen in keinem weg in solcher meynung ge-  
halten werden/Dañ es ist so weit dar von/das sie  
sollten den glauben an Christum leeren/das sie vil  
mer von dem glauben an vnseren Herren Christū  
abfüren vnd lestern Christū/das so die verzeihung  
8 sünde alleyn 8 herligkeyt vñ maiestat Christi zu  
gehört/warlich wo die verzeihung 8 sünd auß das  
verdienst 8 werck zoge wirt/da ist nichts dañ leste-  
rüg w8 vnsern Herrn Jesum Christū. Darum die  
Kirche breuch die also auffgesetzt sind/als da sind  
die sunderē meß vñ etliche andere breuch die sind in  
der

der bapst  
breuch.

In das Sechst Cap. des Euan. Luce. vof

8 Kirchē vñ versamlūg Gottes gētzlich ab zuehū <sup>Bürgerlich gsatz</sup>  
darnach sind auch burgerliche gsatz / welche / wie  
wir gsatz haben / gericht's ordnung nēner / dise ha-  
ben gleiche eigenschafft mit den Ceremonien vñ <sup>eigenschafft</sup>  
Kirchē breuchē dā die im gsatz Mōsi sind warlich  
die haben die kinder Israhel so lang sollē haltē / als  
lang jr regiment im land Canaā geweret hat / dar-  
vñ aber d̄z dise gsatz allein dem israhelisch volck zu  
seinem nutz vñ rügikeyt gebē sind / darūm so sind  
wed̄ die heidē jñē verbundē gewesen / noch dē kinder  
Israhel vnzimlich in d̄not sie zu brechē vñ vber-  
treten. Daher kompt auch / d̄z sie zu diser zeyt gar  
sind abthan / dan das regiment darinen sie waren  
auffgericht / vñ die gemein herligkeit des volcks  
dem sie geben sind / ist gar auffgehebt / darumb so  
sind auch zu gleich mit jnen jr gericht's ordnung  
vñ gsatz darnider gefallen. Es hat auch eyn ieg-  
licher gemeiner nutz vñ regiment der Christen / sei-  
ne gericht's ordnung vñ gsatz / welchen man war-  
lich mit grossen ehren vñ forcht sol gehorsam sein  
Erstlich das der Magistrat vñ oberkeyt eyn ord-  
nung Gottes ist / zum andren das es Gott gebeut /  
auff das gemeine rüg vñ friden erhalten werde  
Aber doch die weil der magistrat vñ oberkeyt  
eyn ordnung Gottes ist / mit eyns gemeinen nutz  
oder regiments allein / sonder eynes yeglichen ord-  
dēlichē regiments / vñ auch die burgerliche gsatz ge-  
bē sind zu gemeinem nutz / darūm so sind die selbigē  
gsatz

Die Erst Predig Johan. Brenij.

*Gesetz* gelas/nit also ganz heilig/das es von nöte muß  
sein/das man sie alwegen vnuerletzt halte/Sond  
in was landrecht oder statrecht einer kompt/sol er  
sein weiß nach dem selbigen gsatz richten.

*Gegensatz* Vnd wann die oberkeyt sich/das ihr gsatz dem ge  
meyne fride vñ stilligkeyt hinderlich sein/mag frei  
sie entweder seyn zeit lang an steen lassen/oder gar  
auff heben. Dann in disen gsatzengilt vnd ist seer  
mächtig/das gemendlich gsagt wirt/die not heet  
keyn gsatz/oder ist den gesatzennit vnderworffen  
Vnd aber cyn mal/Die gsatz geltē nichts im krieg  
Nun hastu den vnder scheid vñ die weise/aller Got  
lichen gsatz nemlich/das/als vil zu der fromkeyt  
vñ rechtfertigung gehört/Keyner nit auß den wer  
cken des gsatz/es sei des naturlichen/odder kirchen  
Ceremonien oder gericht's ordnüg/vor Gott frum  
vnd gerecht werde/Als vil aber/zu der gehorsame  
gehört/So soll ieder man nit alleyn den naturliche  
sonder auch den gsetzten gsätzen eynes ieden regis  
ments gehorsam leyssen. Aber in der not/wie wol  
die naturlichen gsatz/nit still standen/welche auff  
alleweg ganz heylig vnd vnuerleglich sind. So  
standen doch still vnd hören auff die keychen gsatz/  
vñnd gericht's ordnung/welches Christus klärlich  
an zeigt/vnd das vteyl spricht: Das der mensch  
cyn Herz sei/auch des sabbaths. Darumb nun das  
zu mercken ist/Erstlich/dz wir zur frumkeyt vñ  
vor Gott zu erlangen/nit vertrauen sollen/auff  
die

Wie man  
vor Gott  
frum  
werde.

In das Sechst Cap. des Euan. Luce vij.

diwerck des gsatz/od auff verdienst vnserer werck  
sonder das wir glauben das wir frum vor Gott  
werden gearteyle vmb Christus willen/Darnach  
das wir durch die krafft des heyligen Geysts den  
wir durch dē glaubē entpfangē habē/also den göt  
lichen gsatzergehorsam seien/dz wir vnseren glau  
ben bezeugen/vnnd nichts freuenlich thün/durch  
Jesum Christum vnseren herren/der zu gleich mit  
dem Vatter vnnd dem heyligen Geyst /Gott ist  
über alles/gelobet in ewigkeyt. Amen.

## Die ander Predig.

**D**s sind vbertreffliche gebot  
im gsatz Mosi von dem Sabbath  
Aber wie vil mer die vbertrefflich  
er sind/mit so vil merer vngeschick  
terem vnd vnbequemem/vnnutz  
lichem geschweiz vnd auff setzen der  
Phariseer sie besudlet vnd verfin  
stert worden sind. Darum/istes cyn schwers ding  
gewesen/den rechten verstand vom Sabbath wi  
der bringen vnd erneuweren. Vnd vff das wir den  
Sabbath recht verstunden/hatt zwar Christus  
vnser Herr zu vor fleißig gehandelt/Da sine jung  
er auff gehebt wardt/das sie am Sabbath ehern  
L auß

Die Anderpredig Johan. Brenett.

außraufften. Jez handelt er eben das selbig mit  
grosser herligkeit/vnd thut hinzu ein herlich wund  
zeichen/mit welchem er als mit einem sigel/bewert  
das nit der Phariseer/sonder sein verstand vnn  
meynung warhafftig vnd göttlich sey/dan also  
schreibt der Euangelist.

**E**s geschach aber auff einen an  
dren sabbath/das er gieng in die schule  
vnd lerte/vnn da war ein mens.h/des  
rechte hand war verdorret. Aber die  
schrifftgelerten vnn phariseer hielten  
auff in/ob er auch heylen wurd am sab  
bath/auff das sie cyn sache zu im funden.

Die blinden Phariseer verradē mit irer eignen an  
zeygung ire blindheyt vnd vnnwissenheyt/dan so  
sie auff Christum halten vnd sehen ihm auff/ob er  
den menschen wöll am sabbath gfund machē/auff  
dz sie ein vrsach in zu verklagen als cyn verachter  
vnd übertreter des gsatz haben/was beweisen sie  
anders mit disen gedanken/dan das sie gar keyn  
erkenntnis haben des rechten verstands/des gsatz  
vom sabbath:dan das gsatz sagt von dem sabbat  
du solt keyn arbeit an dem thun/dz leiten die pha  
riseer also auß/als ob gott gebotten hett/das am  
sabbath/wed heussliche werck geschchē/nach dem  
er antw. argney gebē werdē/soltē/Die sihem mir an  
die verkertē vñ lenzē außleger vñ treiber des gsatz  
es. Die naturlichē od wiemans nener/die sitlichē

Die pha  
riseer le  
ge dz gs  
is verkert  
auf.



In das Sechst Cap. des Luan. Luce. vñij.

Gsag die das schwerest im gsatz sind / die legten sie  
auffs heftichest vñ leidlichest auß / so sie die / auff dz  
aller fleissigest vñ ernstlichest solte außgelegt habē  
du solt / sprachē sie / liebē deine nechste / nemlich dein  
freünd / dē dein feind magst du hassen / Du solt nie  
mād tödtē mit d̄ hand / du wirst sunst des gericht  
schuldig / aber wan du hie zwischē deinē brüñd has  
sest / oder in mit laster wortē beschalckest da leit nit  
vil an / du hast nit cyn so grosse sind begangē / dz du  
darum schuldig werdest des gericht oð des hellē  
schen feurs. Du solt nicht ebrechē mit d̄ chat. So  
aber die weil / dz hertz mit ehbruch brunstig ist vñ  
überlaufft (den wer möcht solchen bewegungē des  
herzens widstan?) so wirt kein ehbruch begangē /  
In diser vñ andrē auflegungē des gsatz / sind die  
phariseer gang milt vñ gütig. Aber in dē kyrchē  
gsatzē vñ Ceremoniē wel. hes dz gering im gsatz ist  
da sind sie gang ernsthaftig vñ vnfreündlich / vñ  
setzē also da / die aller grausamesten sünd / da ent  
wed keine / oð aber gar cyn kleine wz / vñ sagē da  
die geringst sünd / da die grōst was. Darum müßē  
sie hörē in Matheo von Christo / wel euch schrifft Math. 23  
geleret vñ phariseer ihr heuchler / die ihr verzeñdet  
diemins til vñ kymel / vñ lassen dahindē dz schwe  
rest im gsatz / nemlich dz gericht / die barmhertzige  
keit / vñ dē glaubē / diß solt man thun / vñ id ihenes  
nicht lassen / jr verblēteleiter / die jr muckē seiger /  
vñ id kamel verschluckt.

Nun



Die Ander Predig Johan. Brentij.

Heuchler  
sind fals-  
che auß-  
leger des  
gatz.

Nun wer es aber leidlich / wann alleyn vnder den  
juden solchen Pharisceer weren geweest / Jetzt aber  
sichst du / das solliche verkerre außleger des gatz /  
in die ganzen welt zu aller zeit / auß gestrewet wer-  
den. In geystlichen sachen / halten die heuchler für  
eyn grösser sünd am Sontag hölz harwē / oder am  
freitag fley sch essen / weder truncken werden / odder  
hurerei treiben. In burgerlichen sache / wirt es für  
eyn grössere sünd geurtheyle / von eynen vnerfarnen  
Oberkeyt / eyn wild schieffen / odder die steuer vnn-  
dschoßer was vnordenlicher / dan bestimpt ist / gebē /  
weder che brechen / oder jungfrawen schenden / vnd  
Gott den herren lestern / Dan dise sünd werden ge-  
meynlich vnstrefflich begangen / so ihene mit der  
schwersten peen gestrafft werden.

Was wirt aber darauß werden? Seitenmal al-  
les voller verkerter Pharisceer vnd heuchler ist / dz  
ist / außleger des gatz / so sind auch verkerre sitten  
der menschen / vnd wa wir vnß nit bekern vnd  
büßchun werden / so wirt auch eyn verkerter auß-  
gang diser ding werden / Also / das wer in der böß-  
heyt fridenhoffet / dem wirt der krieg kōmen / wel-  
che das lebē hoffen / denen wirt der todt widerfarē  
vnd welcher der sälligkeyt darinnen warten / denē  
wirt die ewig verdammnis zu kōmen.

Solast vns nun Christum hören / der / der war  
außleger / vnd auch der rechte erfüllter des gatz ist /  
das wir nit alleyn auß im die rechte erkantnis des  
gatz

In das Sechst Cap. des Euan. Luce: xix  
gsatz lernen/ Sonder auch in jm die erfüllung des  
gsatz durch den glauben haben. Es volgt weiter:

**E**r aber mercket Ire gedan-  
cken/ vnd sprach zu dem menschen mit d  
durzen hand/ stehe auff/ vñ tritt her für  
vnd er stund auff/ vnd trat dahin/ Da  
sprach Jesus zu ihnen/ Ich frage euch  
was zymet sich zu thun auff die Sab-  
bater: gutes od böses: das leben erhal-  
ten/ oder verderben: vnd er sahe sie alle  
vmher an/ vnd sprach zu dem mensche/  
strecke auß deine hand/ vnd er thers/ da  
ward ihm seine handt widder zu recht  
bracht/ gesundt wie die ander.

Marcus erzelet dise history am. iij. cap. et was  
vollkommenlicher vnñd spricht. Sie aber schwiegen  
still/ vnd er sahe sie vmher an mit zorn/ vñnd war  
betrübt über ihren verstockten hertzen/ vnd sprach  
zu dem menschen/ streck deine hand auß: vnd was  
mehr nacher volgt. Christus leit den rechten ver-  
stand auß des gsatz vom sebbath/ mit der frag vñ  
mit dem wunderzeichen/ dan das gsatz sagt. Lxx.  
xx. Gedenck des sabbats tags/ das du in heiligest  
Sechs tag solt du erbeitē/ vñ alle deine werck thun  
Aber am sibenden tage ist der sabbath des Herren  
deines Gottes/ du solt keyn erbeit daran thun. So  
L iij nun

Die Ander Predig Johan. Brentij.

nun Christus anzeigt dz sich zime am sabbat gûts thun/vnd er thut gûts als bald/dem der die durre hand hat/vñ macht in gesundt/so zeigt er warlich offentlichen an/dz wiewol/dz gsatz spricht: du solt keyn arbeit am sabbat thun/aber dieweil er hinzu setzt gedenck des sabbats/dz du in heiligest/dz man mög die werck vnd hendel am sabbat thun vñ auff richten/welche die heyligûg nit ver hindern. Dan dz gsatz sicht vornemlich auff die heyligung/erfordert/dz wir solche werck thuen am sabbath/durch welche wir von Gott geheyliget werden. Darum sagt d Herr im andern büch Mosi/am xxxi. Halte meinen sabbat/den der selb ist eyn zeichẽ zwischẽ mir vnd euch/auff eweremachtkomen/das jr wisset dz ich der Herr bin d euch heyliget/mit disen wortẽ wirt der sabbath zu eynem Sacrament od zeychen geweiht/auff welchem die Israeliter lernen sollen/dz sie mit jren eygnen krefftẽ nicht mögen geheyliget oder gerechtfertiget werden sond sei nen von nödtẽ dz sie den sabbat halten/vñ thuen die werck des sabbaths/welche sind/Gottes wort hören/vñ andere heyligeding/so von Gott sind auff gesetzt/thun/durch welche sie von Gott geheyliget werdẽ darumb dz werck dz der heyligung nit zu wider ist vnd gehöret zu d heyligung das ist im gsatz nit verbotten. Dis aber heysen wir eygentlich die heyligung/dar in vnß Gott heylig vñ fromm macht/die se heyligung ist zweierley/dann man muß sie also vñdscheiden dz manß deßer baß leeren mög/ Die

Des sabbath  
werck.

Was die  
heyligûg  
sey.

In das Sechst Cap. des Euan. Luce. xx  
 cyn ist innerlich/ vnd geschicht durch den glauben/  
 Abraham spricht die schrifft/ glaubt dem Herren/  
 vñ das rechnet er im zur gerechtigkeit/ vñ Petrus  
 Act. xv. Got reyniget die hertze durch den glaubē  
 denes ist sunst nichts anders / da durch vns Got  
 heylig vnd gerecht macht vñ rechnet/ dan 8 glaub  
 an Jesum Christum. Aber dise heyligung soll all  
 wege sein in disem leben/ daruñ so wir vñ diser hey  
 ligung redē/ so sind alle werck/ die dem glaubē wid  
 streben/ als die sind/ die wir sind nennen die wid got  
 sind/ nit alleyn am sabbath/ sond auch alle andre  
 tag verbottē. Die ander heyligung ist eusserlich/  
 vñ geschicht durch dz eusserlich kirchē ampt/ durch  
 die predig Gottes worts (vnder welchē bei den kin  
 dern Israel auch die opffer begriffen werdē/ die nit  
 anders gewesen sind dan cyn predig vñ Jesu Chri  
 sto) vñ durch die aufsteylung 8 Sacrament. Dan  
 durch disestuck heyliget Got die menschen/ vñ gibe  
 ihnen den glauben/ vñ den heyligē geyst/ dz wir war  
 hafftiglich vor im geheyliget werden. So wir nun  
 von der heyligung reden/ so verbeut das gsatz die  
 werck/ die da verhindern/ dzeiner am sabbath nit  
 kan bei der predig Gottes worts/ bei den opfferen  
 vnd aufsteylung der sacrament sein/ Es sind aber  
 zu vor an dise als zacker geen/ sein teglich hädwerck  
 treibē/ vñ 8 gleichē and hendel aufrichten/ Aber die  
 weil dz gsatz vñ sabbat cyn kirchē brauch ist vñ ein  
 Ceremoni/ so sind dise werck vñ hēdel nit so ernstlich  
 obboten/ dz mans darüb nit thun dorffte in 8 not.

Welche  
 werck am  
 sabbath  
 verbotte  
 seyn.

Die Ander predig Johan. Brechtij.

Darumb die Jude im ersten buch der Nachabeer  
amij. recht für namē vnd beschlossen/das sie strei-  
ten wölten am Sabbath wider die Heyden/denn  
also sagen sie/So man vnß am Sabbat angreif-  
fen wurde/wöllē wir vnß weren/dz wir nicht all  
vmbkūmen/wie vnser brüder in den hūlen ermor-  
det sind. So es sich aber gezimpt hat in der notē  
die werck am Sabbath thun/die die eusserlich hey-  
ligung verhindernen/ wie vil mer mag man am  
Sabbath die thun/die zum teyl nicht verhindernen/  
dz eyner die heyligen werck des Sabbats thū/als  
da sind/den frantzē heylē/hauß werck thun/speiß  
bereyten/rinder vnd schaff trenckē/cyn schaff auß  
der grūben helffen/vnd was dann diser werck mer  
sind. Zum teyl gehören ertlich zu der heyligung/  
als cyn kind beschneiden/dz vihe zum opffer schla-  
chten/vnd andere dergleichen. Vnd zwar Chri-  
stus meldet beyderley werck/da er den Sabbath  
auflegt/hie an disen ort spricht er/man mag am  
Sabbath gūts thun/nemlich/den frantzē gsund  
machen/vnd des menschen leben gsundt erhalten/  
Dann diß werck hindert nit/das du darumb Got-  
tes wort nit hören kündest/vnd beiden opfferen  
siehest/ denn das sind die gemeynen werck des Sab-  
baths In Matheo spricht er: Welcher ist vnder  
euch/so er cyn schaff hatt/das im am Sabbath in  
eyne grūben feller/der es nicht ergreiffe vnd auff  
hebe: Wie vil besser vñ vbertrefflicher ist nun cyn  
mensch

In das Sechst Cap. des Euang. Luce: xxi  
mensch weder eyn schaff: Vnd er spricht auch nach  
er In Luca am. xiiij. Löset nicht eyn ieglicher vns  
der euch seinen oxen oder esel von der Kripfen am  
Sabbat/vnd füret in zur trencke: Solt aber nicht  
gelöset werden am sabbath dise/die doch Abra-  
hams dochter ist/von disem bande/welche satans  
gebunden hat/nun wol achtzehen Jar: denn das  
werck hindert die heyligung des sabbaths nit/vñ  
ob es hinderet/so ist doch der sabbath vñ des men-  
schen willē verordnet/vñ d̄ mensch ist mit der not d̄  
frank̄ heyt beladen/so ist's billicher d̄ d̄ sabbath  
dem menschen weiche/dan der mensch dem sabbat  
In Johane spricht Christus. So eyn mensch die be Johan. 7  
schneidung annimpt am sabbath/auff das nicht  
das gesetz Mosi gebrochen werde/zürnet ihr denn  
über mich/das ich den ganzen menschen habe am  
sabbath gesund gemacht: Auß disen sprüchen allē  
ist offenbar/d̄z/so d̄z gesetz sagt/du solt kein erbeit  
am sabbath thun/das es nicht schlecht von allen  
wercken rede/Sonst dörfte man nit auß dem hauß  
in die kyrchen gehn/noch reden/hören/odder noch  
auch etwas gedencen am sabbath. Den das sind  
alles werck/sonder d̄z es allein von denen rede/die  
hinderlich sind/d̄z d̄ sabbath nit geheyliget werde  
das ist/d̄z die werck nicht volbracht werden/durch  
welche diemenschen von Gott geheyliget werden.  
Als da sind/Gottes wort hören/vñ den gots dienst  
der opffer halten/den glauben zu bestetigen vñ d̄  
S zu bezeugen



## Die Ander Predig Ihan. Brentii.

Von feste  
der Chri-  
sten.

zu bezeugen. Auß disem ist auch zu verzeilen von dem Sonntag vnd etlichen andren offentlich festen der Christen/den wiewol die selbigē im Christliche regiment/nit mit so grossen ernst auffgesetzt sind/ als mit grossem ernst der sabbath im Israelischen regiment ist eingesetzt/doch daramb das sie geordnet sind/auff das alles zuchtig vund ordenlich geschehe/in der kirchen vnd versamlung/Vnd auff dz die fürnemsten artickel vnseres glaubens vnd die wunderzeyche/an festen oder feirtagen/ als an den heyreren orten gsetzt vund verzeyhnet/mit grösserer Gottsforcht vnd fleiß gelert vnd gehalten wurden/So sindt sie warlich auch Göttliche ordnung vnd solche gebot des Herren/wie Paulus die kirchen ordnungen zu Corinthon nennet. Was sollen wir dan sagen? Ists sind/am Sontag vntertracht heylen/oder chern außrauffen den hunger zu verreiben? Es seien weit von vns die Pharisäischen auffsetz vnd eitelkeyt/laßt euch niemant/spricht Paulus/gewissen machē/uber bestimpte feirtagen vnd sabbathen/Dan wie wir vom sabbath haben gesagt/also ist auch zu halten vom Sonntag/vund etlichen andren offentlichen feirtagen/das an den selbigen die werck nit solten geschehen/die zu ver hinderung sind/dz du deßer minder die predig des Euangelions hörenmögst/vnd des Herrn Nache malen zusehen/denn diß ist nicht/nemlich/die predig des Euangelions vnd die Sacrament/sind werck zeug



In das Sechst Cap. des Euan. Luce. 14.

zeug/ mit welchen Christus seine Kirchen heyligen/  
vnd durch welche er der Kirchen mitteylt den glau-  
ben vnd den heyligen geyst. Vnd dise werck zeug/  
zu vor an die predig Gottes worts/ solt man zwar  
täglich brauchen/ aber die weil andre/ mit andren  
geschefften beladen vnd verhindret werden/ so ist  
eyn sonderer gewisser tag offentlich verordnet/ dz  
auff den selbigen tag/ die burgerlichen werck vnd  
lassen werden/ das man disen werck zeug ordenlich  
zu brauchen vnd pflegen könne/ Darumb soll man  
diser Götlichen ordnung gehorsamē/ vñ an denen  
festen/ deren geschefften/ die vns von dem gehöret  
Gottes worts/ vnd von der yebung vñnd brauch  
des Herren Nachtmals mögen abwenden/ Eye-  
nes/ freuenlich on noth aufrichten/ Es sei aber  
yetzt genug von disem geredt. Wir wollen yetz  
kurtzlich dz wunderzeychen erklären/ das Christus  
hie than hat vnd wollen sehen was es vñß für nutz  
bringe/ deñ er hat dem armen menschen seine rechte  
hand die dürre wñ wid zur vorigē gesundheyt bracht  
do ward im wie d̃ Euangelist sagt sein handt wid  
zurecht bracht/ gesund wie die ander. Dis ist eyn  
wunderbarlich wunderzeychen/ das vmb eyns  
worts vñ geborts Jesu willen/ die dürre der hand  
hinweg gangen/ vnd die gesundheyt wider kommen  
ist. Erstliche nun/ ist dz d̃ nutz/ welches dañ die ge-  
meyn nutzbar keyt vñ frucht ist aller wñd zeichē die  
Christus than hat/ auß disem miracel od̃ wunder

Gemeyn  
nutzbar  
keyt der  
miracel  
Christi.

S ij zeych

Die Ander Predig Johan. Brentij.

zeychen kompt vnß der nutz/das wir eyn himlisch  
sigill vnd zeugnüs haben/das der Jesus der war  
Messias sei/vñ der Son Gottes/vñ dz sein Euan  
gilion/welches er vñ seinem vatter welcher durch in  
im himel versönet ist/vñ von 8 verzeyhung 8 sün  
den/geprediget hat/sei das aller gewissest vnd war  
Gottes wort/Vnd das ja diser Jesus warlich der  
Gott sei/welcher in den vorigen zeitten/dem Moßi  
sein hand die er in bösen steckt außsezig gemacht  
hat vnd darnach alß ers wider in den bösen steckt/  
hatt ers im alß bald gesundt gemacht wie vor/wie  
dan im andern büch Moßi am iiii. geschriebē steet.  
Das auch Jesus der Gott sei/durch welches krafte  
die außgereckt hand des Königs Jeroboam/wel  
che des Herren Propheten fangen hieß/dürz wor  
den ist/Vnd durch welches güte die hand im wider  
gesundt ward/wie im Ersten büch der König am  
xiiij. geschrieben ist. Darin das Jesus Christus/nit  
in eynem andren vñnd frembden namen/wie die  
Propheten vñnd Apostel/Sonder in seinem eyg  
nen namen/vnd durch sein eygne krafte diß wund  
zeychen than habe/vñ habe sich dardurch bezeuget  
das er eyn wazer vnd naturlicher Gott sei. Das be  
wert er hernacher mit klaren vñ öffentlichen zeug  
nüssen vñ bewernus. Nemlich durch die verstände  
von den todten/durch sein himel fart/das er sitze  
zur gerechten des vatters/vnd durch die sendung  
des heyligen geysts. Darumb sollen wir das wun  
der

In das Sechst Cap. des Euan. Luce xviii.

derzeychen in frischer gedechtnus behaltē/ als eyn  
himlisch zeychen vnd sigill/ das wir dar durch vn-  
seren glauben besterigen vnnnd gewiß machen/ das  
der Jesus Christus sei der Messias vnnnd Gottes  
Son/ vñ das sein Euangelion von der verzeihung  
der sünden vnd vñ dem ewigen leben/ sei warhaff-  
tig vnd göttlich. Darnach ist auch eyn sonder-  
rer nutz/ den wir auß disem wunderzeychen haben/  
Dann Christus leit das gsatz vom Sabbath weit  
anderst auß/ dann die Phariseer/ denn er leret das  
mit alle werck am Sabbath verbotten waren/ son-  
der alleyn die/ die der gemeynen heyligung hinder-  
lich waren/ welche dennocht die eygenschafft hettē  
dß man sie wol auch am Sabbath thun möchte/ wa-  
dß die ordenlich node erfordert. Des halben thut er  
nun/ zu diser ler vnnnd anfügung des Sabbaths/  
das wunderzeychen/ dar innen er dem menschen die  
durchehandt gesund macht/ Auß das er mit disem  
wunderzeychen vnd himlischen sigill/ die warheyt  
diser anfügung besteriget. Hieher kompt auch  
eyn anderer sonderlicher nutz dises wunderzeych-  
ens. Denn/ Gott vnser Herr hat verheysen/ er wöl  
also/ bei allen denen sein/ die in Göttlichem beruff  
wandlen/ vnd auß in vertrauen/ dß sie weder hun-  
gers noch durst sterben solten/ ob sie schon mit der  
größten vnd herresten not vnd armüt beladen wur-  
den/ vnd weder brot noch wasser hettē. Der mensch  
spricht er Deut. viij. lebet nicht vom brot alleyn/

Gott ist  
bei denen  
die in ver-  
trauen.

Die Ander Predig Johan. Brenth.

sonder von allem das auß dem mund oder beruff/  
des Herren gehet/Vñ weiter Math am. vj. Sehet  
die vögel vñ dem himel an/sie seen nicht sie erndtē  
nicht/sie samlen nicht in die schewren vñ ewer him-  
lischer vater neret sie doch / seit jr dan nicht vil mer  
dan sie. Vñ bald hernacher/So oent Gott dz gras  
auff dem felde also kleidet das auch Salomon in  
aller seiner herligkeyt nicht bekleidet ist / als d sel-  
bigen eins dz doch heute stehet / vñ morgen in den  
offen geworffen wirt solt er das nicht vil mer auch  
thun. Was bedarff es vil. So gott sagt. Ich bin  
der Herr ewer Gott / warlich so verheyßt er vns  
mit disem wort/nit alleyn/das er wöl eyn erhalter  
sein der seelen/sonder auch des leibs. In narung /  
Kleidung vñnd aller seiner nordurfft. Jetzt diser  
mensch den die dürz hand wider vmb gesundt vñd  
zu recht bracht wirt / ward in seinem beruff mit der  
größtē nott beladē / dan so er ein dürz hand hette /  
kündt er mit keyner erbeit seine vñd seines gesinds  
narung überkomen/deshalben ward er in seinem  
gewissen angefochten/das er nicht vileicht von der  
dürz wegen seiner handt / entweder mit schmach  
seiner ehren durch den bettel seine narung suchen/  
oder gar hungers sterben müß. Deshalben ruffte  
im Christus zu sich / vñd bringte im seine hand wid  
zu recht durch sein almechtig wort / vñd macht sie  
im wider vmb geschickt zu erbeiren. Auff dz er mit  
disem wundzeyche offentlich bezeuge dz er ehe die  
natur verkeren wöll / dan den verlassen der in dem

In das Sechst Cap. des Luan. Luce. *xxviii*  
 Göttlichen berufß wandlet/vnd in der not begreif  
 fen wirt/Was nun für vnstimigkeyt/was für wü-  
 ten treibt dich dan/das du mit list ligen/triegen vñ  
 falschem schweren/dich dein narung zu bekömen  
 vnder steest: Den es sind/ach Gott/es sind vil/wel-  
 che/so sie schon noch bei gäzer gesundheyt sind/fur-  
 chten sie seer/das nit ettwan inen die hand durr/vñ  
 die füß schwach werden/das sie inen selbs/mit irer  
 arbeyt nit möchten die narung bekömen/vñ müß-  
 sen also hunders sterben/Darumb lügen sie für sich  
 die weil sie gesund sind/doch nit mit rechter billicher  
 arbeyt/noch mit zimlichem abbruch/sonder mit bö-  
 sen listen/sinangen/betrüg vnd raub/vnd verhof-  
 fen also/auff söliche weiß iren sachen zu radten/dz  
 ob in schon die hand durr wurden/sie denoch zu le-  
 ben habē/Was ist aber das anders/dan verzweif-  
 len/vñ Gott vnsern Herzen lügen straffen: Dan  
 Gott hat verheyßet/er wöll keynen in der not ver-  
 lassen/der in seinem berufß wandle/vñ im vertrau-  
 enß mich an/spricht er/in der not so wil ich dich er-  
 redten/so solt du mich preisen/Vnd aber eyn mal  
 vnd der Herr ist des armen schutz/eyn schutz in der  
 not/Vnd dise verheyßungen hat Gott bestetiget  
 mit grossen erschöcklichen/gleich als mit sigillen/  
 vnder wölichen wunderzeychē/anch eyns hie zu ge-  
 gen vnß wirt fürgesetzt/von der durren handt die  
 Christus hat gesund gemacht. Hierher gehört auch  
 das Gott mit klaren worten anzeygt das reich-  
 thumb so mit bösen listē vberkömen sind/verflucht

vnfertig  
 güte.

Pro. 26.

Die Ander predig Johan. Brentij.

seien. Mancherley gewicht vñ maß spricht 8 Herr  
ist beydes greuel dem Herzen / Vnd aber cyn mal /  
Vnrecht güt hilfft nicht / aber gerechtigkeit erret-  
tet vom tode vnd bald hernacher / 8 Herzeleht die  
seele des gerechten nicht hunger leiden / er störrt  
aber 8 gottlosen schalckheyt welche sachen / wo sie  
also standen / warlich so velget dz die / so verhoffen  
inen mit berrug geraden vñnd geholffen werden  
verzweyflen / vnd ob es schon mit worten nicht ge-  
schicht / noch dennoch straffen sie Gott der lügen  
in jres hertzen meinung / vñ mit den wercken / was  
kan grausamer sein / den solche gottlosigkeit : Des  
halben sollē wir die gotlosen forcht von vns legen  
vñ den glauben auß Gottes verheyssung an nemē  
welcher auch / mit disem wunderzeychen hie erzelet  
zu befesten ist / Auff das so du noch gesundt bist /  
deinem berüff recht nach kōmest vnd dienest. Wan  
aber diehend vnd füß vnempfindlich vñ vntherig  
werden / solt du nicht verzweyflen / sonder starck im  
glauben werden / vnd solt auff s aller gewiseß wis-  
sen das der / der die hilff in der nott verheyssen hat /  
Eōne dir nit allein solche hilff thun sond wölle auch  
gern helffen. Dis sind nun die frucht vnd nutzbar-  
keit / welche wir hie auß disem oberzelten wunder-  
zeychen haben mögen. Aber wie vil vnß nützer ist  
dis wunderzeychen zu lernen die gottseligkeit / zu  
so vil grösserer gottlosigkeit vñnd wüten sind die  
phariseer durch dis gereizt worden. Den Lucas  
spricht weiter also. Sie



**S**ie aber wurden ganz vnfinig  
vnd beredten sich mit eynander/ was sie  
ihm thun wollten.

Diß sagt Marcus also/ vnd die Phariseer giengen hinnauß/ vnd hielten als bald eynen rad mit Herodis dienern vber ihn/ wie sie in vmbrechtē/ vmb was vrsach willen? vmb des gütē wercks willen/ das er thon hat/? dz wolten sie in keynen weg nit geacht werdē/ sonder/ das er den sabbath (wie es inen traumer) gebrochen hat/ Darum sagen sie Johannis am ix. Der mensch ist nicht von Gott/ die weil er den sabbath nicht helt. So sich mir nun hiezū/ wie eyn ruher vngütiger richter des nächstē sei/ eyn gotloß vnd liebloß hertz vnd gemüt/ Dan Jesus hat vil grosser gutthatē than/ vnd hat vñer messie gaben Gottes/ die allen menschen bekande waren vnd am tag lagen. Et tröstet die bekümmerten/ er macht die traurigē frölich/ er kam den schwachen zu hilff er heylet die Francken/ vnd hat hie an disem ort ganz Götlich von der Gotseligkeyt gelet/ vnd hat ganz wunderbarlich die dürre hand gesund gemacht/ Vnd dise woltharen/ die so groß sind/ vnd so wunderbarlich/ die bedencken die Phariseer gar nit/ sonder/ setzen inen nur für die augen die vbertretung (wie sie meynen) des sabbaths die treiben sie/ die machen sie grausam vñ groß/ dz  
G sie



Die Ander predig Johan. Brentij.

sie auch das vrteyl darüber sprechen / sie habe den  
tod sehr wol verdienet / Du hast in disen Pharisern  
eyn vorbild eynes gottlosen gemüts vnd hertzens  
darinnen kein brüderlicher trew vnd liebe ist / denn  
die eyner solchen art sind / die haben gar kein auff  
sehen / 8 gaben vñ Gottes tugende an irem nächstē.  
Sonder alleyn der gebrächen vnd sünden / vñ von  
wegen eyns geringen lasters (welches dennoch er  
wan kein laster ist) vergessen sie der grösten tugen  
ten / vnd zu gleicherweiß als eyn spin die böß fei  
chtigkelt auß eyner blümen saugt / vnd verkerets  
in gift / Also samlet die gottlos art / alleyn die  
ding auß den Worten vnd wercken des nächsten / die  
zur schmach mögen gezogen werden / vñ lassen  
sunst vnzalbarliche güter vnberürt / Also thet  
Ham da er seinen vatter Noe auff gedeckt sach li  
gen / da er truncken war / ist er in allen wolthaten /  
die er durch sein vatter empfangen hat / blind / Ge  
denckt nit / was sein vatter von kunds auff / für vn  
flat an im geduldet / was für gestanc er erlittē hat  
gedenckt auch nit dar an das er erst newlich durch  
in von dem sündtfluß erlöset vnd erhalten war / son  
der er setzt in alleyn für seine augen die entdeckung  
seins vatters / vnd offenbaret sie / zeygt darmit of  
fentlich an / das er seinen vatter für eyn allten a  
berwitzigen narren hielt / Also die kinder Israel /  
da sie von Salomon / die besten grösten güthaten  
frid / rüg / herligkelt / ehr vnd vberfluß aller ding /

em

Gen. 9.

In das Sechst Cap. des Euan. Luce. xxxi  
empfangen hatten/so vergessen sie doch diß alles  
vnd können nur etliche kleine beschwerung vnn  
schagung von Salomon erzelen/die inen zum teil  
etwas schwer vñ hart waren/welche sie also groß  
machen vnd auffmügen/dz sie meinen es sei billich  
dz sie von dersch wegen von dem geschlecht Davids  
abfallen der der best vñ frühest könig w3 gewesen  
Was ist aber schantlicher dan diße bößheyt: was  
mag verhaßter sein den solche leüt: Dan dz laster  
ist stracks/wider die eigenschafft vnn art vnser  
Herren Jesu Christi/vnn wid die natur der liebe  
die wir vnserem nechsten menschen schuldig seind/  
Vnd kompt ganz vnd gar über cyn mit 8 natur  
vnd art des Teüffels. Denn Gott ist cynet so groß  
sengütigkeyt/dzer alleyn dz schaffer/dzer durch  
Christum seinen Son vnser sünd vñ schwachheit  
deckt.

Die menschen aber die mit diser gottlosigkeit ge  
sinnet sind/die schaffen allein das/das sie die sind  
vnn schwachheit irer nechsten außbreiten.

Widerumb ist das der liebe natur/das sie die ga  
ben Gottes an ihrem nechsten erkennen vñ rümet  
sie vnn macht sie groß.

Aber die gottlosigkeit erkennen allein die laster  
vnd sind an ihrem nechsten/die sie auch auff das  
höst auß breitet vnn groß macht.

G 4. Nun

### Die Dritt Predig Johan. Brentij.

Nun ist das des teuffels natur vnd art/das er aller menschen wort vnd werck vor Gott schende/vñ schmehe hier vnder/aber gedenckt er nit mit eynem wort der wol that/so durch Christum den mensche die an in glauben/beschehen ist/mit diser art komē ganz vber eyn die schender vñ schmeher/welche al leyn anderlent sünd wissen/die wolt haben aber wissen sie nit. Darumb wo wir nit wollen ewig mit dem teuffel verdampt werde/so laßt vnß sein weiß fliehen/der natur aber vnd art Gottes vnser Herren nach folgen/auff das wir im gleich werden/vñ die ewigseligkeyt erlangen durch Jesum Christū vnseren Herren/der zu gleich mit dem vatter vñnd dem heyligen geyst/Gott ist vber alles/gelobet in ewigkeyt. Amen.

### Die drit Predig



is her hat vnser Her  
Jesus Christus /alleyn das  
ampt dz Euangelion zu pre  
digen in Galilea gebraucht/  
jetzt aber erwelet er im zwölff  
mitgsellē vñ ampts genossen  
auff der ganzē zal seiner jun  
ger/durch welche im das E  
uangelion zu predigen/geholfen wurde/sicht den  
er

in das Sechst Cap. des Euan. Luce xxxij.

er das der handel des Euangelions glücklich von  
statt gehet/vnd dz nit alleyn Galilea/sonder auch  
Judea vnd die vmb liggenden lender ganz durstig  
zum Euangelion waren. Darumb hat er zwölff  
Apostel erwelet/das er leut hette/die er auß sende  
künde/das Euangelion zu leeren/erstlich in Galis  
leam vnd Judeam/darnach in die ganzen welt.  
Aber ehe das er die Apostel ertiset vnd bestimpre/  
spricht der Euangelist/ Es begab sich aber zu der  
zeit/das er gieng auff eynen berg warumb? es vol  
get zu betten/vnd auff das du sehest/mit wie grös  
serer andacht er gebettet habe/wirt hinzugeset  
vnd er bleib vber nacht in dem gebett zu Gott.

Was ist Christo/möchtest du sagen/zu hande gan  
gen/das er die ganzen vberlange nacht in dem ge  
bett zu Gott/beharrt hatt? Warliches ist eyn  
grosse vrsach/die in zu so grossen ernst anhaltung  
vnd beharligkeyt getrieben hat / Denner hatt im  
für gesetzt/eynen handel an zunemen/der zwar/d  
Kirchen vnd gemeynnd/zum aller nützlichest/vnd  
zum höchsten von nöten/was/ Aber eben der sel  
big was auch der aller gefarlichest/Denn er wolte  
Apostel ausservelen/welche er in seinem namē hin  
schickte/zum ersten/vnder die Jude/darnach vnd  
alle völker vnd Heyden/das sie predigen solten dz  
Euangelion vnd frölichen botschafft/von der ver  
zeihung der sünden durch Christum/vnd dz sie ire  
predig bestetigten mit wunderzeychen/vnd das

Anhal  
tung des  
gebets  
Christi.

Der apos  
tel ampt

### Die Dritt Predig Johan. Brentij.

Math. 5 sie weren das licht der welt vnd das saltz der den/  
 vnd herten cyn solche herligkeyt vnd gewalt/ auff  
 das wer sie höret/ dz der auch Christum höret/ vnd  
 wer sie höret/ der höret auch Christum/ wer aber sie  
 verachtet/ der verachte Christum kurtz/ das sie die  
 weren/ durch welcher dienst die Kirchen vnnnd ver-  
 samlungen in der ganzen welt gegrundt vnd ge-  
 ordnet wurden/ welche auferwelung warlich die  
 allerschwerest vnd voller sorg ist gewesen. Denn  
 erstlich/ hat sie cyn ansehen vñ gestalt gehabt cyn  
 auffrur zu erwecken/ darnach w3 cyn grosse gfar-  
 ligkeyt darinnen/ das vileicht nit solche erwelt wur-  
 den/ die durch boßheit ires lebens den lauff des E-  
 uangelions mer verhindernen/ wan das sie im fort  
 hülffen/ Oder/ die durch widerwertigkeyt abge-  
 schreckt die ersten weren die das Euangelion ver-  
 leückneten/ vnd daruon abtrünig wurden. Oder  
 die/ die reinigkeyt des Euangelions durch phari-  
 seische leer besflecken/ vñ dz Euangelion mit men-  
 schen auffsetzen besfleckt den nachkōmen verlassen.  
 Aber in schweren gfarligkeyten vñ grossen schwe-  
 ren anfechtungen/ sol man zu dem gebet eilen als  
 zu dem höchsten trost/ vñ wie schwerer die kimernüß  
 vñ angst ist so vil empfiger muß man am gebet an-  
 halten dan des gebets krafft ist groß welches zu  
 gott vnserem Herren geschicht/ So man sich muß  
 in ein gfarligkeyt begeben/ so erlangt dz gebet ein-  
 starckē dapfferē vñ vnerschrocknē geist vñ herz/  
 so in widerwertigkeyt zu beharrē ist so erlāgt dz ge-

Krafft  
 des ge-  
 betts.

in das Sechst Cap. des Luan. Luce. xxviii.  
 bett bestendigkeit vnd gedult / ja es erlangt auch  
 erlösung vnd das heyl / ist cyn werck zu thun / dz on  
 Gottes seggen vnd gedeihen nit kan für faren vnd  
 glucken / So erlangt das gebett den seggen vnd dz  
 gedeihen / kurzlich man müß gefarlich handeln od  
 leiden / so erlangt das gebett die gnade vnnnd hilff  
 Gottes. Wie kan aber das / sprichst du / geschehen  
 dieweil wir die gnad Gottes alleyn durch den gla  
 uben vñ Christus / vnnnd nicht vñ 8 werck willen /  
 vnder welchem dz gebet on zweiffel begriffen wirt  
 erlangen / wañ du die recht weiß des gebetts erken  
 nen wirst so wirstu in diser sacheyn rñw noch be  
 kümernis haben. Dañ das gebet ist nit cyn sollich  
 werck durch sich selb oder auß seiner eygnen werde /  
 das es cyn gnedigen Gott mache vnd seine genad  
 verdiene / so es mit wortē vñ geberden geschehen ist /  
 Den wer also von dem gebet helt / 8 versetzt die her  
 ligkeit Christi auß cyn werck des menschen / vnnnd  
 macht auß dem werck des gebets cyn fremdē Gott  
 Aber das recht gebett hat dise eygenschafft / das  
 es solle gesteen auß den Götlichen verheysungen /  
 vñ wer recht bettet / der ergründet fleissig alle wort  
 Gottes / ersuchet sie / vnd bringt in die gedechtnus  
 alle solchen Gottes verheysungen die zu seiner  
 angst vnnnd nodt bequiem sind / vnnnd in welchen er  
 klarlich sehen mag / das im in seinen nödten vnnnd  
 widerwertigkeyten die hillff Gottes werheysen  
 sei. Wann er dise erfunden vnnnd ergriffen  
 hat

Eigene  
 sch. afft  
 eins rech  
 ten ge  
 betts.



Die Drit predig Johan. Brenth.

hat/so zündet er dar mit an/vnnd erhitziget seinen glauben/Aber durch den glaubē werden alle ding vom Gott erlangt vmb Christus willen. Darumb die weil/das gebett auß Gottes verheysungen gesteeet/vnd den glauben erwecket/anzündt vñ erhelet so ist gang wol geredt/das wir die gnad vnd hilff Gottes durch das gebett erlangen/in allen vnseren gfarē vnnd nöten. Des halbens da Christus wolt seine Apostel erwelen/welches der schwerest vñ gfarlichst handel ist/ So gehet er vor allen dingē vff ein ort zum gebet/vñ verharret da die ganz nacht im gebet/In welchem er die gschrifft ersücht vñ stelt im fur die augen seins gemüts die verheysungen von den Aposteln/als die/so in den Psalmen begriffen sind/psal. xviij. Ir schnur ghet auß in alle land/vnd jr rede an der welt ende/vnd am xliij. Psal. an statt deiner vätter wirst du kinder kriegen/die wirst du xi Fursten setzen in aller welt Oder was sunst andere der gleichen verheysungē sind. Er bringt aber dise verheysungen im darüb in die gedechnus durch das gebett/das er dar mit seinem glauben bsteriget/vnd die forcht auß schlachet die im anlage/das er nicht vngechickte vñ grolse zum Apostel ampt erwelet/oder das er nicht durch dise wal sich vnd die Apostel in gegēwertig grosse gfar wurffe. Was höre ich? Jesus Christus ist eyn warer Son Gottes/den alle Creaturen anbetten sollen/auff den alle Gottes verheysungen sehen

Verheysung von den Aposteln.

in das Sechste Cap. des Luan. Luce. viii.

sehen/durch welchen allein alles gebett der menschen Gott angenehm ist/vnd der/der hertzen vnnieren erforscher ist/warum bettet der/den man anbetten sol: was darff er bestetigung des glaubens auff welchem der glaub stehet/vnd der die verheysung Gottes selbs ist: warumb fürchtet er gefertigkeyt an seiner erwölung/der der hertzen kundiger ist/vnd alle ding weißt: du haltest recht von Christo dan er ist warlich von natur Gott/vnd dz wort Gottes selbs/vnd prüfet die hertzen/vnd erkennet alle ding. Aber man muß hie mercken/dz Warum Christus so er gott ist/gebettet habe? Phil. 2  
Paulus zu den philippem schreibt/Ob wol Christus Jesus/spriicht er/inn Göttlicher gestalt war/hielt er sich nicht für eynen raub/Gott gleich sein/sonder euffert sich selbs/vnd nam knechts gestalt an/ward gleich wie cyn and mensch/vnd an geberden als cyn mensch erfunden. Ernidriget sich selbs/Indisen worten leret Paulus/das wie wol Christus von natur Gott sey/allis wissen/vnd cyn hertzen erkundiger/So habe er doch nit allwegen zu dreyt seines fleisch/sich gebraucht diser maiestet yebung vnd brauch/sond habe sich in die menschlichen schwachheyt geworfen/vnd sei wie andere menschen (doch on sünde) wordē/vnwissend/forcht sam engstig vñ sorgfältig/Derhalbē so er menschliche amütung vnd bewegung an sich genomen hatt/so nimpter auch das gebett zur hilff vnd arznei seiner anmütung/vnd bittet Gott seinen vatter/dz  
H er dig

Die drit predig Johan. Brentij.

Christus  
denn.

er die gfarligkeyten/ so in der erwölung der Apostel mochten geschehen/wölle abwenden/vnd seine seggen vber das werck der erwölung aufgießen. Christus aber/hatt vnß mit diser seiner demüthigkeyt in welcher er an sich genomen hat die menschlichen schwachheyt/vnd zu Götter seinem vatter gebetten hat/solcher schwachheyt zu helfen/dise gutthat erwerben/das auch wir yetzund dörfen mit frölichen gewissen zu Gott vnserem Herren treten in als eyn vatter in vnserem gebett an zu ruffen/all vnser leiden für seine augē setzen/vnd dertrewlich hilff vnd heyll begeren/Denn Christus sprichet der Apostel zu den Ebreern am v. Hatt am tage seines fleysches gebett vnd flehen mit starckem geschrei vnd erenen geopffert/zu dem der im vō dem tode künde auß helfen/vnnd ist auch erhört/darvmb dz er Gott in ehren hatte/vñ wie wol er Gottes Son war/hat er doch an dem/dz er leyd/gehorsam gelernet vñ da er ist vollēdet/ister worden allen die im gehorsam sind/eyne vrsache zur ewigē seligkeyt. Es künde vnß aber/kein grösseren noch nützere gutthat wider faren sein/zu vnserer seelen saligkeyt/dañ dise gutthat. Dañ welcher mit vertragen darff treten für den stül der Göttlichen maiestet/vnd mit Gott eynfrenndlich gesprech haltē was kan dem gebrechen? Wer des herren namen spricht der prophet Joel: an ruffen wirdt/der soll erredet werden. So in die armüt druckt/so hat er eynen reichen Gott im himel/der da seinen guten

in das Sechst Cap. des Euan. Luce. xxx.  
freunde nit wirt mangel lassen leidē/ So in Franck  
heyt vberfelt/ so hat er eyn erfarnen arzt im himel  
der den betrübtē so zu im schreyt/ nicht wirt ver-  
derben lassen. Wann die sünd vnd der tod/ verders-  
bung trewen/ so hat er eynen vatter im himel vmb  
Christus willen/ der ehe leiden wurde das die gang  
natur zerging/ dan daz seinem Son die sünd nit  
solt nach lassen/ vnd in im tod nicht erredten solte.  
Darumb/ laßt vnß disegut hat brauchen/ die vnß  
Christus erworben hat/ vnd wß wir für guts thun  
oder böses leiden/ oder gefährlichs annemen sollen/  
so laßt vns mit vnserem gebett zu Gott vnserem  
Herren treten/ auff das wir durch das gebett im  
glauben gesterckt/ das ewig leben erlangen/ Wir  
wollen aber ietzt den handel besthen/ darumb Chri-  
stus vbernacht im gebett beharrer ist. Der Euan-  
gelist spricht weiter also /

**Vnd da es tag ward / rieß er**

seinen jüngeren vnd erwölte ire zwölffe/  
welche er auch Apostel nennet / Simon  
welchen er petron nennet/ vñ Andrean  
seinen brüß Jacoben vñ Johannē Phi-  
lippon vñ Bartholomeo/ Matheen vñ  
Thoman/ Jacoben alphesus son/ Simo-  
genat Zelotes Judan Jacobs son/ vñ  
Judan Ischariothen den verredter.

**Sihe / diß ist der handel / darumb Christus die  
ganze nacht Im gebett zu Gott verharret ist/**

# Die Dritt Predig Johan. Brentij.

Denner hat wollen auß erwollen mitt gesellen das  
 Euangelion zu verwalten vnd zu üben/ vnd er er-  
 wölet jren zwölff auß der ganzen zal seiner junger  
 welche er Apostel hieß/ das ist/ auß gesanten mitt  
 befelch/ denn das kriegisch wort apostel mein/ von  
 welchen der nam Apostel her kömpt/ heysst auß  
 schicken vnd befelhen/ nemlich/ etwas zu verkün-  
 den/ boten oder legaten/ Denn Marcus spricht:  
 Er ordnete die zwölffe/ das sie bei im sein sollten/  
 vnd das er sie auß sandte zu predigen/ vnd das sie  
 macht hetten/ die seuche zu heylen/ vnd die teuffel  
 auß zu treiben. Dienamen aber 8 zwölff Aposteln/  
 die hie an disem ort/ vñ bei den andren Euangelistē  
 erzelt werden/ soll man fleißig mercken. Vnd es ha-  
 ben auch vnser voreltern wol vnd recht gethan/  
 das sie ertliche fest vnd feiertag diser namen verzey-  
 chnet vnd zu geeygnet/ vnd jren kinder dise namen  
 gegeben haben/ nemlich/ nicht das sie der meynung  
 seien gewesen/ dz die Apostel sollten ire beschirmer  
 vnd patronen sein/ das man sie in nöden vnd lei-  
 den an ruffe/ sonder/ das wir/ durch der Apostell  
 namen/ auff gewisse vnd eygnetag gelegt/ vnd  
 mensche gegeben/ als an eyn clar heytter ort gesetz  
 vermanet vnd erimeret/ wurden 8 Apostolischen  
 leer/ auff welche die Kirch Christi gebawen ist/ vff  
 dz/ als oft vns eyn name eyns Apostels/ als Pe-  
 trus Matheus/ Johannes/ od der anderē/ wirt  
 für gesetzt/ so oft sollē wir eyn zeugnis habē des  
 Euang

Apostel.

Mat. 3.

Der Apo-  
 steln na-  
 men.

In das Sechst Cap. des Euan. Luce xxxj.

Euangelions von Jesu Christo / Das / wir alleyn  
vmb Jesus Christus willen / durch den glauben em  
pfahen verzeihung der sünd / vnd das ewig leben.

Des halben so wöllen wir die namen der Apo  
stel auff's kurtzest begreiffen vñ mercken / auff das  
sie deßter baß in frischer gedechtnus behalten wer  
den. Der erst / so hie erzelt wirt / ist Simon / diser  
wirt sunst Bar Johanna genant / dzist / cyn Son  
Johannis / vñnd wirt von Christo auff Syrische  
sprach Kepha genant / welches auff Griechisch vñd  
latinisch / cyn fels heyst / daher kompt dem Simon  
der nam Petrus / das ist cyn felder / denn Christus  
spricht zu Petro Johan. j. Du solt Kephas heysen  
das wirt verdolmescht / cyn fels. Er wirt aber Pe  
tros geheysen / dzist / cyn felder / steyne oder felse.  
Darum das Christus seine Kirchen gegründet vñd  
gesetzt hat: Ich sag nit auff die person Perri (dan  
also ist alleyn Christus der grund der Kirchen) son  
der auff das ampt Perri / welches ist die predig  
des Euangelions. Denn dis ampt / ist fest vñ steiff  
als cyn felsig grund feste / die durch keyn mensch  
liche krafft oder gewalt mag zerbrochen werden.  
Da her sagt Christus Mat. xvj. zu Petro / du bist  
Petrus / vñd auff disen felsen (welcher dz ampt ist  
des Euangelions) wil ich bauen meine gemeyne /  
vñd die pforten der hellen sollen sie nicht vberwel  
digen. Der ander Apostel ist Andreas / cyn brü  
der Simonis petri. Der drit ist Jacobus / nicht

Simon  
petrus.

Das apo  
stel ampt  
ist der  
grund &  
kirchen.



# Die Drit predig Johan. Brentij.

Johan-  
nes.

Philippus.

Bartholomeus.

Matheus.

Thomas

Jacobus

Simon.

der son Alphei/sonder der son zebedei/cyn brüder  
Johannis/welchen Herodes Agrippa mitt dem  
schwerd getödtet hat/wie in den geschichten der A  
postel am viij. geschrieben steet. Der viert/ist Jo  
hannes der auch cyn son Zebedei vnd cyn brüder  
Jacobi ist gewesen/welcher dz Euangelion beschri  
ben hat/das man dz Euangelion Johannis heisse  
Disewen brüder Johannes vnnnd Jacobus/wer  
den von Christo mit dem zunamen genennet bne  
harges das ist gesagt/kinder des donners/darum  
das sie durch die leer des Euangelions/die ganzẽ  
welt bewegẽ wurdẽ als durch ein grossen vñ gra  
samen donder/vnd wurden die wißsäcker der Got  
seligkẽyt also erschrecken/das sie mit nichtẽ beskeen  
werden mögen. Der fünfft ist Philippus/ Der  
Sechst Bartholomeus/ Der Sybend Mathens  
der zollner/vnnnd wirt sunst Leui genant/cyn son  
Alphei/der das Euangelion geschrieben hat/das  
genant wirt Euangelion Mathei. Der acht/Tho  
mas/der didymos genant wirt/dann die Hebreer  
heissen Thom/welches die Kriechẽ didymos/die la  
tinischen gemellus heissen auff teutsch zwilling.  
Der Neünd/ Jacobus cyn son Alphei/der genant  
wirt des Heren brüder. Der Zehendt Simon/  
den die Hebreer Cananites/die Kriechen zelotes/  
nennen/den Kana heisse zelotes/cyn eiferer.  
Er ist aber also genant worden/darumb das er  
gewesen ist auß dem dorff Kana in Galilea/oder  
dar

In das Sechst Cap. des Euan. Luce. xxxij

darumb das diß / der zunam seins geschlechts gewesen ist. Der Fylfft / Judas / cyn Son Jaco<sup>judas</sup> <sup>Taddeus</sup> <sup>1</sup>  
hider sunst Tebbeus / vñ mit dem zunamen Thad  
deus heyst / Der Zwellfft / Judas Ischariotes /  
der dar nach Jesum verradten hatt / an welches  
statt nach Christi Himmelfart / Mathias / gesetzt  
ist worden / wie geschrieben ist in der Apostell ge  
schicht am ersten Capitel.

Diß sind die namen der Zwölff Apostel / das ist de  
ren / auff welcher dienst vnd Ampt die Kirch oder  
Gemeynd Christi in der gangen welt gegründet ist  
vnd welches offentli. he zeugen sind / das die verzei  
hung der sünden / vnd das ewig lebē / nicht erlange  
werden durch verdienst mēschlicher gerechtigkeit  
Sonder alleyn durch den glaubē an vnseren Her  
zen Jesum Christum.

Nie sihe aber / wie diß so eyn verworffne / vñnd wie  
eyn schlechte versamlung der Apostel / vñder welt  
sei / wann du das eusserlich ansehen bedenckest / Et  
liche sind vischer / etlich zollner / eyner auß ihnen ist  
eyn dieb vñnd verredter / Sie sind ja alle sandt ge  
wislich vngeleret / vnberümbt / vñnd vor der welt  
veracht. Was : hat nicht vnser Herr Jesus ehr  
lichere menner künden finden / die er zu Apostel er  
wölet : vnd so er der herten kündiger vñnd prüfer  
ist / warumb hatt er Judam den dieb vñnd verräd  
ter zum Apostel ampt berufft :

Die apos  
stel sind  
vngeleret  
vnd vers  
acht.

war

# Die Drie predig Johan. Brenck.

1. Cor. 1

Warlich Christus hetts wol funden / wann er hett  
vil welt weisen / ehlichere vnd edlere / Fursten vnd  
König erwölen / denen er diß ampt beuollen hette  
Aber es hat im also wol gefallen / das er erwölet  
was narrisch vor der welt ist / warumb das ? das  
er die weisen zu schanden machet / vnd erwölet das  
vnedle vor der welt / vnnnd das verachte / vnnnd das  
nichts ist / Auß was vrsach ? das er zu nicht mach-  
et / was etwas ist / vnd ( welches das grööst ist ) auff  
das sich vor im keyn fleisch rhüme. Den / das er Ju-  
dam Ischariotten den dieb vnd verredter erwölet  
hat / dz kompt daher / das Christus sich hat ge-  
eussert seiner Götliche maiestet / da durch er die heym-  
ligkeyt & herze erkant vñ vnteilet in diser erwölüg  
nach & weißheyte menschliches verstandes / darinn  
& wirt ehlich vnd from gesprochen / von welchem  
du nach menschlicher erfarnus nichts arge weyßt.  
Judas aber Ischariotes schein nach eusserlichem  
ansehen der aller frömst / vnd der aller fleißigst in  
seinem ampt. Darumb wirt er von Christo zum  
Apostel erwölt / vnd von wegen seins sorgfältigen  
fleiß wirt er auch zu eynem seckelmeyster gemacht /  
es schreiben auch etlich / das er auch vil wunder zey-  
chen than habe. Wie gehet es aber zu / das Chri-  
stus nur zölff / vnd nicht mer / oder minder Apostel  
erwölet hat ? Es wirt vileicht für ein vnnütze sorg-  
geacht / so fleyne schlechteding zu erforschen / So  
du aber die sache wol bedenckest / so ist nit on nö-  
tig

Warum  
Christus  
12. apo-  
stel er-  
wöllet  
habe.

In das Sechst Cap. des Euang. Luce xxxij  
eig das man wisse vnd erkenne/ alles so hie ge-  
schicht/ Dannes thut vil zum lob des Apostolisch  
en gewalts vnd ansehen/ denn vnser Herr Jesus  
Christus hatt seine Apostel zu disem ampt außers  
welter/ das sie offentliche zeugen weren der leer des  
Euangelions/ nicht alleyn in Judea/ sonder auch  
in der gangen welt/ vnd auff das sie mit offentlich  
er zeugnus seine verstend/ vnd das new Testament  
durch in auff gericht/ bezeugeren/ als ob du sie Tes-  
tament arter nennest/ denn also heysen wir die/ so  
den willē des/8 eyn Testament machet bezeugen ey-  
equiren vnd auffrichten. Denn das sind zwey te-  
stament/ die Gott vnser Herr vnder seinem volck  
hat auff gericht/ das eyn wurde das alt Testament  
genant/ vnd diß ist der punct den Gott mit Abra-  
ham hat auff gericht/ vnd hat verheysen er wöll  
den samen Abrahams meeren/ vnd seinem samen  
das land Canaan geben/ vnd eyn policey dar innē  
auffrichten. Vnd ja Abraham cynen samen gebē  
in welchen solten alle völder auff erden gesegnet  
werden/ Gen. xv. xvij. xxij. Das ander heysst/  
das new Testament/ vnd ist das/ welches Gott hat  
auff gericht durch Jesum Christum seinen Son/ in  
welchem Gott verheysen vnd zugesagt hat/ Erst  
lich das er wöll allen denen so an Christum glau-  
ben eyn günstiger vnd versönder vatter sein/ vnd  
wöll inen ire sund verzeihen vmb Christus willen/  
Darnach/ das er wöll alle die glauβē an Christum

Das alt  
testamēt.

Das new  
testamēt.

# Die drit predig Ihan. Brentij.

Christus  
ist ein  
ausrichte  
rer des ne  
wen test  
aments.

aus eyns kinds stat / vnd erben seiner güter auffne  
men / zu lest das er alle die so an Christum glauben  
wölle im leiden vnnnd toderhalten / vnd mit ewiger  
seligkeyt begaben. Diß wirt cyn newes Testament  
genant nit darumb / das die verheyßung von Chri  
sto vor hin nicht sei in der welt geprediget worden /  
den Christus was im paradeiß / als Adam gesün  
diger her / verheyßet ietz von anfang der wellt her /  
Aber es wirt cyn New Testament geheysen / das  
Christus ins fley sch kōmen ist / in den lestten zeittē  
Daher / die Epistel an die Hebreer Christum des  
newen Testaments außrichter / mitler oder versō  
ner heyßt / darumb das diß testament / ist vō Gott  
seinem vatter / durch in auff gericht volkōmen / ge  
macht vnderfüllet. Darumb hatt Christus seine  
Apostel / von 8 vrsach wegen erwōlet / dz er durch  
sie / als durch testamentarien / das new testament  
der gantzen welt offenbaret / vnd offentlich bezeug  
et / den Christus spricht zu inen Act. j. Ir werdet  
meine zeugē sein / nit alleyn zu Jerusalem / sonder  
auch im gantzen Judea vñ Samaria / vnd biß an  
das ende der erden / vnd Petrus spricht : So müß  
nun eyner auß disen mennern / die bei vñ gewesen  
sind / die ganze zeit vber / welche 8 Herr Jesus vn  
der vns ist auß vnd eingangen / von der tauff Jo  
hannis an biß auff den tag da er von vñ genomē  
ist / cyn zeuge seiner aufferstehung mit vns werden  
Vnd aber cyn mal. Act. x. Den selbigen hat Got  
auff

in das Sechst Cap. des Luan. Luce. xxviii.  
 auff erwecket am dritten tage / vnd in lassen offem-  
 bar werde / nicht allem volck / sondern vns / den vor-  
 erwelten zeugen von Gott / die wir mit im gessen  
 vñ getruncken haben / nach dem er aufferstand  
 ist von den todten / vñ er hat vns gebotten / zu pre-  
 digen dem volck / vñ zeugen / das er ist verordnet  
 von Gott cyn richter der lebendigen vnd der todte.  
 Das aber das gesatz spricht auff zwey oder dreien  
 zeugen mund bestet alle sache / idoch in den dingen  
 welche ganz gewiß vnd aller festest sein sollen / als  
 da sind gemeyne bundtnussen / vñ testament / wirt  
 cyn grösser zal der zeugen erfordert. Vñ zwar im <sup>Sal der</sup>  
 Römischen recht hat die zal sibenzeygen cyn offent- <sup>zeugen.</sup>  
 lichen ansehen. Das Keyserlich recht (sprechen die  
 rechtkundigen.) erfordert / dz zu eyner auffrichtig  
 eyns testaments / sibenzeygen genommen werden.  
 Aber in Judischer gewöheyt / ist die zal zwölff zen-  
 gen zum höchsten gefreiet vñ ganz heilig / welche  
 on zweiffel jr ansehen vñnd herligkeyt / vnder den  
 kindern Israhel auß der zal der zwölff erzvätter /  
 Jacobs sönen empfangen hat. Da her / als die  
 kinder Israhel vber den Jordan zugen / wurden  
 zwölff der herrtesten steyn mittē auß dem Jordan  
 erwelet / vñnd worden zu eyner offentlichen vñnd  
 ewigen gedechtnus vñnd zeugnis gesetzt / das die  
 wasser im Jordan im vberzug der kinder Israhel  
 sind auß getrueket gewesen. So nun das  
 new Testament durch Jesum Christum volendet



Die Dritt Predig Johan. Brentij.

sollcyn handel sein/ der der allergewissest vñ festest sei/ So hat Christus zwölff Apostell erwöllet/ das er sie auß sandre als öffentliche zeugen/ in die welt/ welche bezeugen sollten die verstendte Christi/ von den todten/ vñ predigten in seinem namē büß/ vnd vergebung der sünden vnder allen völkern. Du hast nun warumb Christus nur zwölff Apostel hab aussерwelet/ Nun wollen wir weiter erklären das/ so nacher volget.

Vnd er gieng spricht Lucas er-

nider mit ihnen vñnd trat auff cynen platz im feldē/ vñnd der hauff seiner junger/ vñnd eyne grosse menge des volcks von allem Judischen lande vñnd Jerusalem/ Tyro vñ Sidon am meer gelegē die da kōmen waren/ ihn zu hören/ vñnd das sie geheylet wurden von iren seuchē/ vñnd die von vnсаubern geyster vmb getrieben wurden/ die wurden gesund/ vñnd alles volck begerte ihn an zu rñrren/ den es gieng krafft von jm/ vñnd heylet sie alle

Marcus aber spricht: am iij. also/ Vñnd vil volcks volckte ihm nach auß Galilea/ vñnd auß Judea vñnd von Jerusalem/ vñnd auß Idumea/ vñnd von iensid des Jordans/ vñnd die vmb Tyro vñnd Sidon wonen/ cyn grosse menge/ die seiner hatten hören/ vñnd kōmen

in das Sechst Cap. des Euan. Luce. xxxv.

Komen zu im. Vnd was weiter volget. Aber wie vil eyn grossere menge des volcks zu Jesu kam/ so vil meer vnd grossere wunderzeychen theter/ denn er heylett vil/ also das sie in auch vberfiellen/ als le die geplaget waren/ auff das sie in anrürreten/ vnd wā in die vñsaubern geyster sahen/ fielen sie sie für im nider/ schreien vnd sprachen/ du bist Gottes Son. Der halben laßt vñs fleißig suchen vnd erfahren/ was Christus dar mitt meynde/ das er so vil vnd grosse wunderzeychen vor seinē zu hören vnd predig künden than hat. Vnd zwar von diser sache haben wir zu vor auch eyn wenig gesagt/ Ich acht aber es sei keyn vberfluß/ auch hiez eyn wenig hin zu setzen/ Denn Christus Jesus vnser Herr/ hatt die wunderzeichen/ zu vor an vmb diser vrsach willen gethan/ das er durch die seine maieſtet offembarer/ vñnd bestetiget die warheyt seins Euangelios/ vñ beweret mit disen/ als mit offentlichen sigillē/ die sicherhiet seine himlische legation vnd botschafft/ derer er sich vnder den menschen/ auß dem beuelch Gott seines vatters/ brauchen solte/ Denn er ist vom himel auff das erdreich gesandt/ als eyn legat vnd botschafft/ das er verkünden solt die warheyt/ nemlich/ das er Gottes Son sei/ vñ Drecht war Messias/ dzer von seinem vatter gesandt sei/ dzer 8 mensche sind bñste/ vñ vñson er die mēschē mit gott/ nem die mēschē vff zwar im zu brüdn/ aber gott zu künden vñ erbē gottes güter

Warum  
Christus  
so vil wñ  
derzeiche  
than ha  
be.

Die sen  
dung  
Christi.

Die drit predig Johan. Brentij.

vnd nach ewig/selig/alle die so an inglauben.  
Dis ist die legation vnnnd botschafft Christi/deren  
gleichen keyn grössere/auffer den nie keine außge-  
sant worden ist/Denn wie wol etwan vnd weilen  
hie auffer den legaten vñ botschafften werden auß  
gesant/das sie andren leuten etwas newes vnnnd  
grosses verkündigen sollen So kunden sie doch nit  
mer wan sie vil verkünden/dan ein gemeinen friden  
oder irdische erbgüter/oder übergebene reich vnnnd  
gewalt/oder erlangte sig auß dem friden/oder woz  
des gleichen ist/verkünden. Aber dis legation vñ  
botschafft vnsern Herren Christi/ist weit die aller  
gröist/darinen vnß verkündiget wirt/dz wir yetze  
friden haben mit Gott vnserem Herren/das wir  
seien zu Gottes kindern auffgenommen/das/das erb  
aller himlischen güter/vnd das reich vnnnd Reiser-  
tumb des himels vns zu gehöre. Vnnnd entlich das  
die sünd/todt vnd der Teüfel/vnserer schedlichste  
feind/also überwunten seien/dz alle sünd verzigē  
vñ vergebē seiē/vñ wir durch den todt nieregeden  
in die ewigen freud vñ seligkeit gangē/woz kan listi-  
ger vñ lieblicher verkündiget werde/dan ein sol-  
iche botschafft/woz mag dem betrübten gewissen an-  
genemers gesagt werde? Weiter aber/glaubt mā  
nicht bald einem legaten vnd botschafft/er bringe  
dann (wie mans nenet) Credenz brieffe/mit dem si-  
gill seins fürstens/von dem er außgesant/ist be-  
stetiget vñ versiglet/vñ wie von grösseren sache die  
botschafft

In das Sechst Cap. des Euan. Luce. xxxvi  
 bortschafft ist/ so vil fleissiger werden die brieff vnd  
 sigill der bortschafft erfordert. Darumb/ als Chri-  
 stus vom himel auff die erden heraber kam/ vnn-  
 d eyn legation von den grössen vnd schwereste sache  
 vnder den menschē anfrichtet/ ist er in keinen weg  
 on zeugnüs komen Sonder hat mit im Credenz  
 brieff/ mit dem sigill/ nicht eynes mensche/ od eyns  
 irdischen Königs/ sonder Gottes seins vatters er-  
 schaffers/ vnd Königs des himels vnn der erden/  
 versiglet/ mit bracht/ auff das er bei denen/ zu wel-  
 chen er gesandt war/ glaubē hette/ Die brieff aber  
 die Christus von himel auff erdē bracht hat/ sind  
 seine predigen/ die er in Gallilea vnn Judea than  
 hat/ in welchen er dz Euangelion geleret hat/ nem-  
 lich das er sei der Son Gottes vnn der Massias/  
 den patriarchen verheissen/ vnd durch die prophe-  
 ten verkündiget/ das er sei eyn genügthung für  
 die sünd/ der weg/ das leben/ dē warheit vñ verstē  
 Die sigill aber disen brieff sind die wunderzeichen  
 die durch Christum geschehen sind/ das er alle die  
 krank waren geheilet hat/ dz er die vnreinen geist  
 hat auß trieben/ dz die so in an rürten gesund wur-  
 den/ das er den blinden dz gesicht widergeben hat/  
 dz er die aussenigē hat gereiniget. Zu dem dz er hat  
 die todte aufferweckt. Vñ so gar hatt er auch dise  
 wund zeichē alle auß seinem eygnē wort vñ krafft  
 than/ welches er darnach mit seiner verstend von  
 den tod

Die pre-  
 digen sin  
 Christus  
 Credenz  
 brieff.

Die wun-  
 derzeichē  
 sind sigel  
 des Eua-  
 gelions.

Die Drit predig Johan. Brenck.

den todten/mit seiner himelfart/vnnd mit der sendung des heyligen geyst auff das aller offentlichst beweret hat. Denn das die zeychen so durch ihn geschehen sind/himlische zeugnus vnd sigill seien/mit welchen er sein legation/leer vnd Euangelion hat wöllen versiglen vnd bestetigen/das bezeuget  
Mat. 9. er selbs klarlichen/da er zu dem Gichtbrüchigen sprach: der durch das tuch hinab zu ihm gelassen war. Auff das jr aber wisset/dz des menschen son macht hat auff erden/sünde zu vergeben/sprach er zu dem gichtbrüchigen/ich sage dir/stehe auff/vñ hebe dein bett auff/vnd gehe heym/vnd als baldt stund er auff/für iren augen/vñ hub das bett auff dar auff er gelegen war/vnd gieng heym/vnd priesete Gott. Vnd aber eyn mal spricht Christus Jo. v. Die werck die mir der vatter gegeben hat/dz ich sie volende/die selbigen werck/die ich thu/zeuge vñ mir/das mich der vatter gsandt habe/Vnd Johā. 8. Die werck die ich thu in meines vatters namen/die zeugen von mir. Eben das zeugt auch Johannes der Euangelist an Jo. xv. vnd spricht: Auch vil andere zeychen thet Jesus vor seinen jüngerem/die nicht geschriben sind in disem büch/dise aber sind geschriben das jr glauber/Jesus sei Christus/der Son Gottes/vnnd das jr durch den glauben leben habet in seinem namen. Des halben/jr aller liebste/alle miracel vnd wunderzeychen/sie seien von Christo selbs/oder durch seine Apostel im namen  
men

In das Sechst Cap. des Euan. Luce xxxvi  
men Christi geschehen / die vnß in der schrift wer-  
den für gesetzt vnnnd erzelet / die selbigen sollen wir  
nicht anderst dan sigill vom himel heraber gsandt  
vnnnd mit der bildnus des himlischen vatters auß  
gegraben auffnemen / auff dz wir dar mit im glau-  
ben gesterckt vnd befestiget seien / vnnnd in keynem  
andren die seligkeyt süchen / dann in Christo Jesu  
vnserem Herren / der zu gleich mit dem vatter vnd  
dem heyligen geyst / Gott ist vber alles / gelobt in  
ewigkeyt. Amen.

## Die Fierd Predig.

**W**ir haben die außserwöl-  
lung der zwölff Aposteln auß  
gericht / welche Christus auß der  
gantzē zal seiner junger zu disem  
ampt hat auß gesunder / auff dz  
sie weren öffentliche vnnnd orden-  
liche zengē des neuen / Testamēts  
vñ außgesandten dz Euangelion zu predigen in d  
ganzen welt / von der aufferstehung Christi / vnd  
von der verzeihung d sünden / welche man hatt vñ  
Christus willen durch den glauben. Wir wollen  
nun weiter hören / was Christus seine Apostel ge-  
leret habe / che dann er sie zu dem ampt des Euan-  
gelions außsender. Dan so dise zwölff öffentliche  
R lerer



Die Fierdt predig Jhan. Brentij.

lerer der welt sein wurden vñ wie sie Christus nennet Warhei v das saltz der erden/vnnd das liecht d welt/wie hetten sie andere künden in dem glauben vnderrichtē/wañ sie den selbigen nicht verstundē? Wo dz saltz (spricht Christus) thum wirt/wo mit sol man saltzen? Es ist zu nicht hinfurt nuzge/den das man es himiſſ schütte/vñ laß die leute zur treten. Vnd wen das liecht dz in dir ist/sinſternüß ist wie groß wirt den die sinſternüß selber sein: Darüb nimpt Christus seine Apostel zu sich/vnd erleuchter si mit der waren ler des glaubens vnd rechten verehrung Gottes/Auff dz/wz sie von jerm himliſchen docttor vñ lerer hören/darnach in d ganz en welt leren sollen. Vnd außendlich leret er sie/dz geſatz Gottes recht verstehen/den als vil die erklerung vnd außlegung des geſatz betraff/die Juden/nicht allein die phariſeer vñ ſchriſſtgeleertē/Sond auch das gemeyn volck/lagen in erſchrocklichem irthumb vñ ſündigten fürnemlich vff dreierlei wege. Zum erſten/Moſe ſpricht im gſatz Deut. xxvij. Wenn du nicht gehorchen wiſt der ſtim des Herren deines Gottes/das du halteſt vnnd thuſt alle ſeine gebott vñ rechte die ich dir heüt gebiete/So werde alle diſe fluch über dich kōmen/vñ dich treffen/verflucht wiſt du ſein in der ſtad/verflucht auff dem acker/1c. vñ bald hernacher/der Herr wirdt vnder dich ſenden verarmen vnſriden vnd vnrat in allem das du für die hand nimpt/Jtem/der Herr wirdt dich

Die iude  
ſündigen  
auff drey  
erlei weg  
in d auß  
legung  
des geſetz  
es.

Der erſt  
irthumb  
von dem  
leiden.

In das Sechst Cap. des Euan. Luce. xxxviij  
dich schlagen mit schwulst/feber/hitze/brunst/dür  
re vnd bleiche/vnd andrem was nacher volgt.  
Auß disen sprüchen lerten die phariseer/vnd das  
gmein volck hielt auch also/das welcher mit dem  
flüchen beladen werg/odder auch mit leiden des ge  
müts/oder schwachheit des leibs getruckt wurde/  
der selbig were in eynem vnglick seligen stand/ther  
nichts rechts/wandler nicht in dem rechten vnd or  
denlichen beruff Gottes vnd were ganz vor Gott  
verflucht/also vrteilte auch die freund des Hiobs  
dann dise/als sie jren freund Hiob sahen mit dem  
schweresten leiden beladē. Sprachten sie das vrteil  
er hette wider Gott gesündiget/er were in eynem  
vnbillichen argen leben gewesen/vnnd were ganz  
vnd gar von Gott verworffen vnd verdampft ge  
west. Eben auff dise weise vrteilten auch die jung Johan. 9  
er Christi von dem blinden 8 blindt geboren ware  
vnd sprachten Meister/wer hat gesündiget: diser/  
oder seine eltern das er ist blind geboren?  
Denn als sie den sahen/das er blind geboren was/  
warden sie auch mit dem gemeinen irtumb 8 men  
schen verblindt/hielten dafür/das er entweder  
vmb seiner/oder vmb seiner eltern sünd willen/mit  
dem fluch der blindheit gestrafft were/vnnd Gott  
vnser Herz hette eyn scheuhen vnd graven ab im/  
Vnd diß ist der erst irtumb/auß welchen die Jude  
von dem fluch oder widerwertigem glück ganz  
arg vnd vnrecht auß dem gesetz vrteilten.

K ij Welcher

## Die Siredt predig Johan. Brenth.

Der and  
irthumb  
auff dem  
gütern  
glück.

Welchen irthumb ganz seer gemein ist/vnder allen  
leuten/die Gottes geist nicht haben. Der ander ir  
thumb ist/von dem segen/oder güten glück den Mo  
se spricht Im v buch am. xxxviii. cap. Wenn du der  
stim des Herren deines Gottes gehorchen wirst/dz  
du haltest vnnd thust alle seine Gebott/die ich dir  
heut gebiete/so werden über dich kommen alle dise se  
gen/vñ werden dich treffen/gesegnet weirst du sein  
in der stad/gesegnet auff dem acker/rc. vñ bald her  
nachher Gesegnet wirst du sein wen du eyngehest  
gesegnet weñ du außgehest. Auß disem vrtailen  
die kint/das wer den segen Gottes/vnnd gut glück  
here/der wer in eynem glückseligen stand/der hette  
einem gnedigen Gott/der were Gottes beruff ge  
horsam. Vnd es wer gar eyn seliger wege dar auff  
diser wandlet/Vnsere Kammern(spricht d. cxxxviii  
psalm) vol seien die erauß geben können eynen vor  
radt nach dem andren/dz vnser schaff tragen tau  
sent/vñ hundert tausent/auff vnsern dörffern/dz  
vnser oxen vil ehre bieten/das keyn schade/noch  
Klag auff vnsern gassen sei. Wol dem volck/  
deme es also gehet. Aber diser irthumb ist eben  
als erschrocklich/als der erst. Zum letzten kompt  
der drit irthumb/weit der aller schedlichst/Denn  
das gsatz spricht. Exodi xx. du solt keyn ander  
Götter neben mir haben/Item/du solt nit tödren  
Du solt nit stelen/Du solt nit ehbrechen/vnnd der  
gleichen vil mehr.

Der drit  
irthumb  
von d er  
füllung  
des gatz.

Dise

in das Sechst Cap. des Euan. Luce. xxxix.

Dise gebott verstunden die phariseer vnd legten  
also auß/ebē als ob nur die eusserlichen sünd allein  
in disen gebotten/verbotten weren/vnd allein die  
eusserlich erberkeit gebotten were/vñ hieltē dz die  
eusserlich gerechtigt wer nicht allein des gsatz er-  
füllung/sonder were auch ein genugtuung für die  
sünd vnd cyn verdienst des ewigen lebens. Dis  
waren drei öffentliche irthumb/mit welchen nicht  
allein das Judenthumb/sond auch die gang welt  
also verblendet war/das sie dessen stand selig urtei-  
let/der in seinen geschafften vnd sachen cyn glück  
seligen zufall hat/Widerum achtet sie disen stand  
vn selig/der in seinen hendlen keyn glück hatte.  
Entlich/achtet sie den gerecht vñnd from genüg/  
Gott lieb/vñnd ewiglich selig/der in eusserlichen  
wercken erber vñd vor der welt vnstreflich ist.  
Des halben ist Christus in disewelt komen/das er  
die menschen nicht alleyn/durch sein leiden von dē  
sünden/sonder auch/durch das amptt seiner leer  
von vnnützem/eytelem won/vnd irthum erlöset/  
vñ auß das er deßer füglich seinem Euangelio  
cyn platz zu richtet/vnd den rechten verstand des  
gesatzes lerete so vnderweist er vorhin/in dem be-  
sten anschlag seine junger/in der rechten vñd wa-  
ren erkantnis des gesetzes/ehe er sie in die gangen  
welt auß sendet/das sie/nach dem die gemeynen ir-  
thum der menschen vertreiben/da mit des Herren  
gesatz verfinstert war/die reyn leer des glaubens

Die Fierdt predig Johan. Brentij.

vnd rechten Gorts dienst in den vmkreiß der welle  
brechten. Vnd vor allen dingen verwurfft er den  
yrthum/den man von dem fluch/oder vnfall vnn  
vnglück hat. Den wir haben gesagt/das gemeyn  
cklich die leut dar für halten/das die so mitt leiden  
geplagt werden/die seiē in eynem vnseeligem stand  
vnd wesen/leben in gotlosigkeit/haben eynen zorn  
nigen Gott/vnd werden von Gott veracht vnver  
worffen. Daher man in eynem gemeynen sprich  
wort pflegt zusagē/Leiden ist heylig/der aber sein  
valedt. vil hat ist vnseelig. Darumb so Christus hat wölle  
disen yrthumb ablenen/vnn wolt die armen leut  
erösten/gieng er spricht Marheus/auff eyn berg  
vnd sagte sich vnd seine junger tratten zu im/

Vnn er hub seine augen auff  
vber seine junger/vnd sprach/selig seit  
ir armen/den das reich Gottes ist ewer.

Die ar  
men im  
geyst.

Was ist wunderbarer dann dise leer? was ist  
in im selbs widerwertigers? dan das man die ar  
men selig spricht was ist anders/dan bezeugē vn  
sagen/die vnseelige seien selig? Vnd es wirt eyn ur  
sach dar zu gesetzt dienach wunderbarer ist.  
Den das reich Gottes/spricht er/ist ewer/was ist  
das anders/weder so eyner spreche/die armen sind  
selig/darum dz sie König sind? wer sieht aber doch  
nur eyn brocklin d seligkeit od cynes Königreichs  
an den armen? Warlich es scheint nit vnseeligers/  
vnd nichts verworfners dann die armen.

In das Sechst Cap. des Luan. Luce: xl.

Aber es ist in keynen weg zu zu lassen/ das du dise leer antweders gar new/oder eytel vnd falsch woltest achten/denn ob sie wol new vnnnd vnerhört ist/ in der phariseer vnd des gemeynen pöfels oren/ so ist sie doch der heyligen vnnnd Göttlichen geschriffte mit new. Vnd Christus/ der sieleret/ ist vom himel auff das erdich kōmen/ vnd ist mit dem heyligen geyst vberschutt/Darumb ist zuhalten/das es eyn himlische leer/vnd die meynung des heyligen geyst sei. Der halben wöllen wir nun besehen/ was Christus dar mit wölle / so er sagt/ selig seir ihr armen/ denn das reich Gottes ist erwer. Erstlich/ dieweil Mathens hin zu setzet/die da geystlich arm sindt/ meynen etlich Christus rede von denen armen/die ire hab vnd güter hin werffen/vñ fliehen dise welle den also rede sie in die wüste/ oder in eyn kloster vñ geloben da selbst die armut. Vnd zwar/hab vnd güt verlassen auß Gottes beruff/ist eyn notwendige gehorsame/Aber die reichthumb vnd güter verlassen/vnd sich der armut vnnnd bettel ergeben on Gottes/beruff/vnnnd das in der meinung das du wöllest mit disem werck genug für die sünd thun/Gott versönē vñ dz ewig lebē verdienē/dz vele also weit/dzes Gott eyn angenehme armut/vñ warhafte Gottes gehorsame sei/dz du mit mher ergers vñ gottlosers wid Gott vñ wid seinē Christū welcher allein d genadē stül vñ genugt huüg ist für die sünd/vñ dz d dienste des ewigē lebēs/dich ründigen kōndest/darüb redt Christus nit vō den armē/die on Gottes beruff ire güter verlassen.



## Die Fierdt Predig Johan. Brentij.

W: geyst  
heyst.

Geystlich  
arm.

Di: reich  
Gottes.

Aber darumb/ das geyst/ nach der hebreischen sprach art/ vnd weilen genomē wirt/ für empfindlichkeit des hertzen/ oder bewegung der gemüter/ so werde die da geystlich arm sind/ dischie verstandē die da sind eyns betrübten bekümmerten hertzens vnd eyns betrübten gewissens/ erstlich vmb mencherley arbeyt seligkeyt willen/ dar noch von wegen des vrteyls vber die sündt/ das sie auff inen empfinden ligen/ dise armut (es drieg mich dann) nennet Salomon am j. Cap. des predigers Rāion rüch das ist/ mühe/ Esaias aber am lxxvj. nennet den armen also Anij vnnede rüch das ist/ ellend vnd zerbrochens geysts/ David aber in l. psalmen heysst/ eyn geknigsten geyst/ eyn geengstes vnd zerschlagen hertz. Darnach das reich Gottes/ od wie Matheus spricht/ das himlreich wirt hie an diesem ort nicht verstanden eygentlich für die ewigen seligkeyt in der zukünfftigen welt/ sonder für die predig des Euangelions von der verzeihung der sünden vmb Christus willen. Denn Christus braucht offte auff solche weiß/ dz wort: Reich Gottes/ oder himelreich Trachtet am ersten (spricht: er Mat. vj.) nach dem reich Gottes vñ nach seiner gerechtigkeit so wirdt euch soliches alles zu fallen Die heyst das reich Gottes/ die predig des Euangelions/ von dem reich Gottes/ welches ampt den Aposteln beuolhen was. Darumb beuillet er inen sie sollen sich vor allen dingen beflissen/ dz sie

in das Sechst Cap. des Euan. Luce. 26.

sie frem beruff nachkommen / vnd das Euangelion  
des reichs Gottes predigen / Vnd aber cyn mal  
spricht er Math. xij. ist gleich dz himel einem netze  
das insmer geworffen ist / da mit man allerley gar  
tung fohet / Andern ort ist worlich / das himel reich  
nichts anderst dan die predig des Euangelions.  
Also auch hie an disem ort / das Christus sagt / das  
himelreich sei denen die geyslich arm sind / redt er  
nicht / von der seligkeyt / die man in der zukufftigē  
welt hat / sonder von dem Euangelio / das man hie  
in diser welt höret . Der halben ist dz die meynung  
Die so geyslich arm sind / sind die ire sünd entpsin-  
den / vnd habē cyn geenstes vnd betrübs gewissen  
von der sünden wegen / vnd forchten den tod vñnd  
die helle / achten nicht alleyn sich selbs / sonder wer-  
den auch von ander leuten / weit die aller ärmesten  
geacht / dz sie in dem vnseeligsten vñ aller verdamp-  
tisten wesen seien. Ich aber sprich die selbigen / als  
vil zu dem stand ired wesen gehört / selig. Denn  
das sie die sünd erkennen / vñ empfinden das vrteyl  
der sünden / sind nicht in cynem solichen standt / dz  
sie vñ des selbigen willē / cyn grewel vor dem Her-  
zen / vñnd von Gott verworffen / seien / Sonder vil  
mer in cynem solchen stand in welchem / so sie an-  
ders wöllen / si mögē Gott zum aller angenehmstē  
sein / vnd die höchsten seligkeyt erlangen dan yemāt  
ist geschickt cyn zu geen in das himelreich / das ist  
zu empfaben vnd an zunemen / durch den glaube

L die

# Die drit predig Johan. Brentij.

die predig des Euangelions von der verzeyhung  
der sünden vñ Christus willen/den welcher zu vor  
seine sünd erkennet vñnd empfindet das schwerest  
verteil der sünden. Dan die erkantnuß der sünden  
ist die erst staffel/die verzeyhung der sündē vñ die  
seligkēyt zu erlangē. Die armē aber im geist stan  
denierzund auff diser staffel/darumb das sie ihre  
missethat erkennen/vñd ire sünd imer vor jnen ist.  
Darumb es ganz ferr von jnen sein sol/das sie mei  
nen wölten/das sie vmb der armut/vñd bekümer  
nūs jres geists/willen von dem Herren verworffen  
seien. Sonder sollen vil mer gewisslich wissen dß sie  
in einem solchen stand seien/in welchem sie geschick  
t seien/das sie hören das Euangelion von d ver  
zeyhung der sünden vmb Christus willen/vñ glau  
ben an Christum vñd werden also durch den glau  
ben gerathfertiger/vñd erlangen das recht war  
hafftig heil vñd ewig seligkēyt/dan das Gott dise  
armen ansehe/vñd sei jnen günstig/vñd dß sie vmb  
des willen gesagt werden das sie in einem seligen  
stand seien das bezeüget auch Christus an eynem  
andren ort bei dem propheten Esaia/vñd spricht  
also/Er hat mich gesandt zu verkündigen das Eu  
angelion den armē. Vñd aber eyn mal Esaie.  
lvvj. Ich sehe aber an/den elenden vñd der zu bro  
dens geists ist/vñ d sich förchret vor meinem wort  
vñ Im. l. psalmē die opffer die Gott gefallē/sünd  
eingengster geist ein geengstes vñzer schlagen herz  
wilt gott nicht vachten. vñ im. xxvj. psalm. der

Gott sieht  
die armen  
an.

Luce. 4

Esaie. 61

In das Sechst Cap. des Euan. Luce: vlt.  
 Herz ist nahe bei denen die zu brochens hertzē sind/  
 vnd hilfft denen die zur schlagen gemüt habē/ den  
 besich mir den David wzer in einem seligern stand/  
 da er sicher on sorg vñ frölich regieret/ vñ begieng  
 einbruch mit d Bathsabea/ oder da er darnach  
 eins zur schlagenē gemüts ward durch des prophe  
 tē Nachās predig vñ sprach mit geengstem hertzē <sup>2 Reg 15</sup>  
 Ich hab gesündiger wid den Herzē: Warlich er ist  
 so vil seliger gewesen im zerschlagne gemüt/ wie vil  
 es seliger ist die sünd erkēne/ wed die sünd volbrin  
 ge. Wz solich von d sündin sage/ von d meldung  
 geschicht Luce. vii: Dis weib was geistlich die aller  
 ärmest dan sie wz also seer in irem gewissen vmb d  
 sünden willē bekimert/dz sie auch vor schmerzen/  
 forcht des todts vñ d vdamnuß fre zehern vergoß/  
 vñ macht sich selb/in d malzeit d ehrlichstē mener/  
 zu schanden. Die phariseer aber zechten vñ dem  
 on alle sorg/vñ achtetē sich selbs from vñ gerecht.  
 Welcher wollē wir aber sage dz sie in einem seligern  
 stand seien geweest/dz weib die eyns bekimertē vñ  
 betrübtē hertzē ist gewesen/oder die phariseer die  
 eyns rüwigen vñ sichern gemüts waren/vnd ver  
 heissen jnen selbs vmb der gerechtigkeit willen irer  
 werck/nicht nur cyn himmel/sonder wol drei oder  
 vier: Warlich die sündin ist so vil seliger dann  
 die Phariseer wie vil mer sie geschickter ist das E  
 uangelion zühören vñ Christo zu glauben/vmb  
 der er kantenuß willen ihrer sünd.

Die Fierde Predig Johan. Brentij.

daher die phariseer von disem mal gnad vil erger  
dan sie vor hin warē/vñ vil verworffner von Gott  
das weib aber gehet from gerecht vñ selig dar von  
nach dem sie gehört hette/die sind deine sünd verge  
ben/dein glaub hat dir geholffē/gehe hin im freidē.

Cain

Judas

Was ist nun zusagen von Cain vnd von dem ver  
redter Juda/vmnd vilen andren/die geistlich arm  
sind gewesen von wegen der erkantniß der sünden  
vnd haben verzweiflet: Sollen wir nit auch haltē  
das sie in eynem seligen stand seien gewesen/das sie  
ire sünd erkant habē vñ sind geistlich arm gewese  
Warlich die erkantniß der sünden ist nicht ir vnse  
ligkeyt gewesen. Dan sie sind nie seliger gewesen/  
dan da sie die sünd erkant haben/aber das ist ihr  
vn seligkeyt gewesen/das sie ire seligkeyt/nemlich  
die erkantniß der sünd/nicht ordenlich vñ vnrecht  
gebraucht haben/dem Euangelio zu glaubē sond  
haben sie vnordenlich vnd vnrecht zu der verzwei  
flung mißbraucht kein ding ist so güt/kein stand  
ist so Gott selig/8 nicht durch den mißbrauch böß  
werde/oder/dz ich es noch deutlicher sage/8 durch  
den mißbrauch nicht übel geradte. Was ist besser  
den Gott vnser Herre: noch dennoch/spricht der  
vñ. psalm Bei den verkereten bist du verkeret.

Was ist heiligers dan der ordenlich Ehlich stand?

Aber was ist dir schendlicher/dan eben 8 selbig

Wang 8 er  
kentniß  
8 sünden.

wan du in mißbrauchest: Weiter aber/ist die emp  
findeniß der sünd vñ geistlich armüt eyn heilig  
werck

in das Sechst Cap. des Euang. Luce xliij

werck des Herren/welches er durch das gesatz wirck  
 er dan Paulus spricht Rom. iij. durch das gesatz  
 kompt nur erkentnuß der sünde/Vnnd am vii die  
 sünde erkanreich nicht/ on durchs gesatz zu disem  
 end vnd brauch/nicht das wir verzweiflen/sonder  
 dz wir gerüßf werden zu hören vñ zu glauben dem  
 Euangelion von der vergebung der sünden vmb  
 Christus willen/den der Herr tödtet auff das er le-  
 bendig mache/füret in die helle/dz er wider herauß 1 Reg. 2  
 füre/Er machet arm/auff das er reich mache/erni-  
 driget/das er erhöhe. Darum/wan die erkantniß  
 der sünd/vñ geistlich armut den Gottlosen zu der  
 verderbnuß gerat/so geschicht es nicht auß vrsach  
 der geistlichen armut/Sonder auß der vrsach irer  
 eygner gottlosigkeit/dardurch sie die geistlich ar-  
 mut mißbrauchen. Den Gottseligen aber vñnd  
 fromen geradt die geistlich armut zu irem grösten  
 heil vñnd seligkeit. Denn sie wissen jren rechten or-  
 denlichen brauch/vñnd erkennen dz sie zu dem vom  
 Gott verordnet ist/das sie eyn zurüstung sei dz E-  
 uangelion anzunemen/des halben die da sind eins  
 geengsten gemüts vmb der sünd willen thun das  
 nicht/das sie verzweiflen/sonder das sie dz Euang-  
 gelion des reichs Gottes/vom der vergebung der  
 sünden/hören mögen/vñnd dz sie den glauben emp-  
 fahen/vñnd zu dem ewigen reich Gottes in der zu-  
 künfftigen welt komen. Darum wan du mit dem  
 vrtail der sünden/vñnd mit der geistlichen armut be-

L iij greiffest



Die Vierdt predig Ihan. Brentij.

begreifen wirst/warumb schreiest du/du seihst  
arm: waruñ vrteylest du dich/nach dem verstād  
des gemeynē volcks in eynem vnseligen stand sein:  
warumb schreiest du/and leut seien selig die solich  
angst nicht haben: du aber seiest verdampt: Ja  
vil mer sind die arm vñnd vn selig/welche on sorg  
frei da hin lebē/vñ jr sünd nit erkeñen/den die sind  
so weit von dem himelreich/als tieff sie in jren sün  
den ligen/Du aber bist mit der geystlichen armut/  
in eynere so grossen seligkēyt/das/wann die andren  
wollen/das himelreich vberkōmen/müssen sie vor  
hin dir gleich werden/vnd eben zu der selbigen geys  
tlichen armut kōmen. Aber Christus fert fort/vñ  
spricht: Selig sind jr/die jr hie hungert/den jr solt  
satt werden/Matheus setzt vilerlei seligen hin zu/  
vnd spricht: Selig sind/die da leydetragen/den sie  
sollen getröst werden/Selig sind die senfft mütigē  
den sie werden das erdtrich besitzen. Aber dise wer  
den leichtlich zu verstecken sein/wann wir wol verne  
men was Lucas sagt. Darumb auff das wir es  
nicht zu lang machen/so wollen wir alleyn auflegē  
dise/so Lucas hie erzelt/ Das aber Lucas spricht  
Selig sind jr/die jr hie hungert/den jr solt sat wer  
den dz stehet in matheo also/selig sind die da hun  
gert/vñ durstet nach der gerechtigkeit/den sie sol  
len satt werden. Von was gerechtigkeit redet nun  
hie Christus: Wir haben zu vor gesagt/das Chri  
stus mit disen sprüchen straffe den irthumb/dar  
innen die leut/auff diser welt/fley schlich von dem

In das Sechß Cap. des Eugen. Luce. xliiij.

widerwertigen glück vrteylen. Des halben erschei-  
net es/das Christus von der burgerlichen vnd welt  
gerechtigkeyt rede/vnd von der vnseeligkeyt oder  
vnglück/welche fromen leuten so der burgerlichen  
gerechtigkeyt von ganzen hertzen volgen/pflegte  
zu widerfaren. Den es sind leut/dienacht vnd tag  
alleyn daruff dencken/das begeren vñ handeln/dz  
sie ire gescheyt vñ handel/billich vñ recht vben vñ  
ausrichten/vnd dz sie in iren burgerliche kauffen  
vnd handel billigkeyt halten/vñ sind/wie Christus  
sagt/hungerig vnd durstignach der gerechtigkeyt  
dz sie auch nit mit solcher begird/speiß vnd tranck  
in hunger vnd durst/begeren/mit was begird/sie  
gerechtigkeyt vñ billigkeit in alle ire handelē volge  
Wañ du aber dz end vñ auß gang irer sache beden-  
ckest so sihest du dz inen alle widwertigkeyt/vnbil-  
ligkeyt vñ vngerechtigkeyt wid fñrt/vñ so sie ge-  
gen iederman alle die gerechtigkeyt haltē/so müssen  
sie doch widerum/vñ yedman alle vngerechtigkeyt  
leide: werde sie in burgerliche zentē fur gericht ge-  
stellt/vñ habē eyn gerechte sache/so verlieren sie den  
handel. Wañ sie ire güte war recht vñ billiglich ver-  
kauffen/So widerfart inen eyn solich vnglück/dz  
du mochtest achte/sicherten nit/war mit billicher  
rechte arbeyt vberkommen/sond diebstal vñ raub  
vñ kauffet. Endlich wie mer sie sich d gerechtigkeyt  
befleissen/so vil grössere schade pflegen ihne zu wid-  
faren: dise achte die leut gar für vnseelig vñ vdampt  
vñ so sie sehen/das sie in allen ihren handelē

Burger-  
liche ge-  
rechtig-  
keyt.

Die Sirecht predig Johan. Brenth.

vnglück haben/so vrtreylen sie/ sie sündigen in frey  
handlen wider Gott/haben eyn bösen handel/vnd  
seien von Gott verworffen. Aber Christus vrtrey  
let weit anderst von jnen/vnnd spricht Selig sind  
die/so zu vor an die gerechtigt eyt begeren/folgen  
jr/vnd sind gerecht/vnd leiden aber nichts dan vn  
gerechtigeyt/vnd vnbilligt eyt. Das wesen wirt  
vonden menschen vn selig vnnd verdampft geacht  
Aber ich sprich/das es eyn seliger vnnd gesegnetes  
stand sei. Sind aber alle die dar innen sind/selig?  
Was wollen wir aber von denen sagen/die/so sie  
vor gericht/ire güten sache verlieren/oder in hendle  
vnd keuffen das vnglück empfinden/erzürnen vñ  
vnwüsch werde/verfluchen Gott vñ die mensche  
vnd trachten alleyn nach der rache deren so jnen ü  
bels th anhaben: heyst nicht Christus dise auch se  
lig/ In keynen weg nicht/dann Christus sihet vil  
mer/in den sprüchen darinnen er die geschlecht der  
seligen erkleret/auff den stand der handel/dann  
auff die personen der menschen/daher/so er an die  
sem ort spricht/Selig sind die da hungert vnd dur  
stet nach der gerechtigt eyt/wiler das es also ver  
standen werde/welche der gerechtigt eyt folgen/  
vnd leiden widerumb dargegen vngerechtigeyt/  
vnnd vnglück/die werden von den menschen diser  
welt geurt eylt/sie seien in eynem verdampften vnd  
vn seligen stand. Ich aber spriche/disen stand(alß  
vil in betrifft) gebenediet vnd selig: So aber ey  
ner

in das Sechst Cap. des Euan. Luce. xlv

ner darinnen vermalediet vnnnd vnseelig wirt/das  
 geschiicht nit auß vrsach des gütens stands/sonder  
 von wegen des bösen menschen/der bößlich in dem  
 stand ist/vnd sich des gute stands vbel gebraucht  
 Dann der standt ist also durch sich selbs/ auß Göt  
 licher ordnung/ gesegnet vnd selig/dz wer in recht  
 brauchet/vnnnd sich ordenlich dar einschickt/möge  
 dar durch er lange erfertigung aller gerechtigkeit  
 vnd vberfluß aller güter. Darumb gehört dar zu/  
 das wir vnß des stands recht gebruchen/vnd vnß  
 ordenlich dar zu schicken /denn also wirt vnß das  
 widerfaren dz Christus hinzu setzt/dan jr sollt sat  
 werden/Welches ist aber (sprichst du) der ordens  
 lich vnd recht brauch dises stands: Warlich es ist  
 der nicht/ so du den richter/der eyn vnrecht vrteyll  
 wider dich gefelt hat/verfluchest/vnd richtest eyn  
 auffrur an/oder so du Gott vnnnd den Creaturen  
 vmb des vnglücks willen rach wunschest/vnd sel  
 lest ab von dem beruff Gottes/8 vngerechtigkeyt  
 vnd gotlosen wesen zu folgen/Wit disen dingen/  
 wirstu vil che mit dem fluch vnd grösten verderbe  
 nis erfüllet werden/dann mit dem segnen oder sät  
 tung der güter im hunger vnd durst. Aber das ist  
 der recht brauch/ wann du glaubst/das dir Gott  
 vnser Herr vmb Christus willen gnädig sei/vnnnd  
 schicke dir widerwertigkeyt vnnnd vnglück zu/auß  
 seinem fürsichtigen rade vnd dir zu nutz vnd gut  
 ten. Vber das/so du im Gottes beruff verharrest

Der recht  
 brauch 8  
 burger  
 lichen ge  
 rechtig  
 keyt.

W vnd

Die Fierdt predig Jhan. Brentii.

vnd weicheſt nicht darvon vmb der widerwertig-  
 keyt willen. Dann/ſo du auff ſoliche weiſe dich in  
 die widerwertigkeyt ſchicken wirſt/ ſo dir/weil du  
 in Gottes beruff wandleſt/ wiſſeret/ vñ 8 maſſen  
 in deinem ſtand wandleſt/ ſo kan es nicht ſein/ das  
 du nicht erlangeſt die ſättigūg aller gerechtigkeit  
 Daher ſpricht Dauid am. xxxvj. psalm. hanc vff  
 den Herren vnd halt ſeinen weg/ ſo wirt er dich er-  
 höhen/ das du das land erbeſt/ du wirſt ſehen/ das  
 die gottloſen außgeraden werden/ Vnd bald her  
 nacher/ Bleibe from/ vñ halt dich recht/ den ſolchen  
 wirts zu lezt woll gehen/ Vnd der prediger Salo-  
 mon. viij. Ob eyn ſünder hundert mal böſes thut/  
 vñnd doch lange lebt/ So weiß ich doch/ das es wol  
 gehen wirt denen die Gott fürchten / die ſein ange-  
 ſicht ſchewen denes wirt dem gottloſen nicht wol  
 gehen/ vñ wie eyn ſcharre/ nicht lang leben/ die ſich  
 vor Gott nicht fürchten/ Mit welchen Worten w3  
 will die geſchriſt erlöſt/ dan dz Chriſtus hie ſagt/  
 das da ſelig ſeyen die ſo hungert vnd dürſt nach 8  
 gerechtigkeit/ ſo ſie in der gerechtigkeit wandlen  
 vnd beharren darinen/ vnd haben doch böß glück/  
 dan denen wirts wol gehen vñnd werden mit allen  
 gütern geſettiget. Vñnd was mit Worten geſagt  
 wirt mit exemplen der geſchriſt beweret. Jacob  
 was hungerig vnd dürſtig nach der gerechtigkeit  
 gegen ſeinen ſchweher Laban/ Er dienet ſeinem  
 ſchweher zwentzig jar lang ganz woll vñ gerecht  
 Er verſchmachtet nacht vnd tag von hiez vñ kelte

Jacob  
 dürſt  
 nach der  
 gerechtig-  
 keyt.

In das Sechst Cap. des Euan. Luce. 13.

vnd thursten nicht schlaffen / die wider seine schwe-  
hers herde hat er nicht geessen / vnnnd erstattet vnd Gen. 3  
bezalet allen schaden so im widerfüre / Vnnnd ließ  
keynwerck / arbeit noch kosten vnder wegē / alleyn  
das er möchte seinem schweher wol dienen. Aber w3  
geschicht: wie baß Jacob seinem schweher dienet /  
so vil vnbillicher hinder gieng er in / vñ verordnet  
im seinen lohn (wie die geschrifft sag) zehen mal Si  
heft du nun dz Jacob in dem stand ist / in welchem  
die sünd / die der gerechtigkeit volgen vnnnd leiden  
doch vngerechtigkeit vñ den andn Wölle wir das  
darin sage dz Jacob vn selig seie: gar nicht / denn  
Jacob vtrawet dem Herre / vñ brauchet sich / des  
zufals ordelich / vñ wie mer er vñ seinem schweher  
betrogē ward / so vil trewerē dieß bewiser im des  
halbē hats d' Herr dahyn bracht / dz Jacob mit al-  
ler gerechtigkeit sat vnd mit seines schwehers güte  
seer reich ward. Es ist auch Josephin deren zal ge-  
wesen / die hūgert vnd durst nach der gerechtigkeit  
dan als er dz hauß potipharis in Egypto vff das  
allerbest vwaltet / vñ w3 eins ganz keüschē vñ rei- Joseph.  
nē lebēns / danoch ward er des ebruchs beschuldi-  
get / vñ ward vnschuldighē in ein thurn gewor-  
fen als ein offentlicher Ehbruch. W3: ist nit diser  
stand des Josephs vn selig gewesen: dz siefer dan  
da sich Joseph recht darein schickte glaubt Gottes  
verheißung / sagt Gott den rath heim vnnnd bleib  
in Gottes bernuff hat der Herr zuwegen bracht / dz  
Joseph / aller gerechtigkeit sat worden das ist / dz



Die Siredt predig Johan. Brentij.

psal. 27.

Dauid.

die bosshēydt der Lebrecherin ist geoffenbaret / die fromtēydt vnd Keuschheyt Josephs kündt wardt / vnd ward auß dem thurn ins Fürstenthumb des ganzen Egypti gefüret / Sihe also wirt gesegnet der man / der den Herren fürchtet. Was soll ich vō Dauid sagen? Diser verwalctet sein ampt auff dz aller best an dem hoff des König Sauls Aber sich wie grosse vngerechtigkeyt jm die weil begegnet. Saul gedendct in zu tödten / vertreibt in auß dem reich als eyn auffrührischen / vnd besleißt sich alleyn des / das er in erwurget / was sollt Dauid thun? Er stund in deren register / die hungert vnnnd durstet nach der gerechtigkeit / vnd werden vor der welckenturteilt das sie irer sache eynen vn seligē außgang haben werden. Sollt nicht Dauid widerumb dem Saul nach gestellt / vnd sich gegen jm gerochen haben? mit nichten nit / dan solichs wer genzlich miß brauchen den stand der hungerigen nach der gerechtigkeit / Sonder er vertrauwt auff die zusagungen Gottes / er setzet Gott den rath heim: Vñ ob er wol den Saul in seiner handt hatte / vnd mochte in erwurgen / dannacht wolt er nicht gewaltige hend legen an den gesalbten des Herren. Von dannen her / er mit solcher gerechtigkeit gesettiget worden ist / das er nicht alleyn sicher vnd vnnersehet zu dem reich Israel kam / Sonder er selbs auch wardt zu eynem König er welet vnnnd besettiget. Vnder denen aber / die da hungert vnnnd durstet nach

in das Sechst Cap. des Euan. Luce xlvij.

nach der gerechtigkeit/halt die obrist statten vn-  
ser Her Christus/diser/als er alleding nach dem  
Göttlichen beuelich hert auß gericht/wirt er dem  
nocht hingerissen für den richter stül der Bischöff/  
vnd des land pflegers in Judea Pontij pilati/vñ  
wirt alda verdampt als eyn Ketzer vñnd auffreui-  
scher/vnd wirt mit dem schmelichesten vnd schent-  
lichisten tod vmb bracht/was ist vn seligers vñnd  
vnglücklichers dan diser fall/wañ du in wilt nach  
eusselichen ansehen richten? Aber was ist seligers  
dan er/wann du das ende dises fals bedenckest?  
Dann wie wol er keyn gerechtigkeit vor menschl-  
ichem vrreyl erlangē mocht/doch die weil er sich zu <sup>1 pet. 2.</sup>  
disem vnglück recht geschickt hat/vnd nicht wider  
schalt/da er gescholten wardt/nicht dreyet/da er philip. 2  
leid/er stellet es aber dem heym der da recht rich-  
tet/vñ ward gehorsam seinem vatter biß zum tod  
des Creützes. Darumb ist er mit so grosser gerech-  
tigkeit ersettiget/das nicht allein seine vnschuld  
auff dem ganzen vñkreiß der erden eröffnert ist/  
Sonder ist auch erhöcht/vñ ist begabt mit eynem  
namen der vber alle namen ist/das in dem namen  
Jesu sich biegen sollen/alle Eñye/die im himel vnd  
auff erden vnd vnder der erden sind. Du hast nur  
das die so selig sind/die hungert vñnd durst nach  
der gerechtigkeit/seitenmal sie sich recht zu freu-  
hung vñndurst schicken/so werden sie vberflüssig  
genüg mit gerechtigkeit ersettiget. Wañ du auch

W iij ier

Die Siret predig Johan. Brentij.

Die hun-  
gerigen  
bettler  
werden  
gesettig-  
et.

Wie die  
hungeri-  
gen satt  
werden.

ietz diß wort Christi/wiees Lucas auß spricht ein  
feltig versehen woltest/nicht von denen die hun-  
gert nach der gerechtigkeit/sonder von denen die  
nach brot hungert/vñ von denen die so arm sind/  
das sie vor armut müssen entweders hunger leiden  
oder das broterbettlen/so wirts nicht eyn unge-  
schickte meinung sein/Daß dise werde auch vñ den  
mensche auff diser welt gereyelt/dz sie ganz in ey-  
nem vnglücklichen stand/vñ vor Gott vñ der welt  
eyn gewel sein: Dann man sagt in eynem sprich  
wort/wer hie bettlet/8 muß dort nach brot gehen/  
mit welchem sprichwort man anzeygt/das der ar-  
men stand/also eyn arms wesen sei dz es vor Gott  
vñ 8 welt gescheucht werde/Christus aber vrteylet  
vnd leret weit anders. Selig sind spricht er/die ihr  
hie hungert/warumb: Daß ihr solt sat werden/wie  
wirt aber die settigung den hungerigen/oder den  
armen vberflüssige reichthum/zustehen: wirts nit  
geschehen/waß sie in hunger vñ in der armut zür-  
nen vñ vñ wider Gottes vrteyll werden/  
waß sie Gottes verheysungen durch den vnglau-  
ben verachten/verlassen Gottes beruff/legen sich  
auff triegereisteelen vñ drauben: In keynen weg  
nit/mit solchem gottlosen wesen holet vñ bringet  
man vil mer den hunger vñ armut weder dz man  
sie dar mit vertreibe/wann sie sich Gott seliglich  
schicken vñ richten zu dem hunger vñ armut so  
durch Gottes wort geheyliget sind/den Gott vñ  
set

In das Sechst Cap. des Euan. Luce: xlviii.  
Der Herr hat mit seinem wort den hunger vñ die ar-  
mut geweiht/vñ spricht am cxxvi. psalm/ich wil  
ir speiß segnē/vñ iren armē brodes gnüg gebē vñ  
im xxxvi. sie werde nit zuschandē werde in der bē-  
sen zeit/vñ in d teuring werde sie gnüg haben/itē  
cxlv. der die hungerigen speiset. vñd aber eyn mal  
die hungerigē füllet er mit gütē / mit disem vñ vil  
andren verheyssungē hatt Gott die armut vñ den  
hunger geheyliget / das sie eyn heyliger werck zeng  
seien / reich vñ sat zu werden / vor allē dingen aber  
hat er sie geheyliget / da er seitheneyngebornē Son  
vnsern Herren Jesum Christū / dar ein geworffen  
hat / diser ist also arm gewesen / dz er nit hatte da er  
sein haupt hin legte / er w3 also hungerig dz er auff  
eynem wildē feigbaum speiß sūchte. Aber die weil  
er on sünd w3 / darüb hat er die armut vñd hunger  
also geweiht / dz sie nit mer d fluch vñ d derpētüs /  
sond d segen vñ dz heyl seien. Darüb wer da wil / dz  
sie im auch zū segen geradē / dem ist vñ nōten dz er  
sich Gotselig vñ heylig dar ein schicke. Dāñ w3 ist  
so heylig / dz dem / ders mißbrucht vñ sich vnrecht  
dar zu schickt / möge zu gütē kōmen : w3 ist heyliger  
dāñ dz sacrament des Herrē nachtmals : w3 ist hei-  
liger dāñ des Herrē wort selbs : wāñ du aber des  
Herrē nachtmal mißbrauchest / so wirstu schuldig  
an dem leib vñd blüt des Herren / wāñ du Gottes  
wort nit auffnimpst mit heiligern vñ festem glau-  
ben / so wirt es mer eyn verblendung / dann eyn er-  
leuchtung.

Also / es

Die Tierdt predig Johan. Brentij.

seid an das du dich recht in die armut vnd hunger  
schickest/so werde sie dir mer fluchs dan segē bringē  
Was solich aber thun/möchtest du sagen/das ich  
mich recht in die armut schicke? Ich wil dir mit ey  
nem oder zweien worten sagen/thu büß/vnd wan  
dle in Gottes beruff/wan du das thust so wirst du  
grosse reichthumb in d armut haben/vñ in hunger  
den grōsten überfluß. Den wirst du aber büß thun  
wan du deine sünd erkenneest/vnd glaubst das sie  
dir vmb Christus willen vergebē seien/vñ vertran  
est das dir der vatter vmb Christus willen versō  
ner sei/werde dich in der angst des hungers nicht  
hassen/Den aber wirst du in Gottes beruff wandlē  
so du recht geschaffne frucht d büß thust/vñ Got  
tes wort gehorsam bist Du wirst aber noch ein mal  
sagen/Soliches verhaßte ich vil baß in der reich  
thumb vñ überfluß zu thun dan in der armut vñnd  
hunger/darumb wan Gott meiner Gott seligkē  
bewaren will so neme er bald die armut von mir/  
vñnd gebe mir reichthumb/den also wil ich bald sei  
nem beruff nach komen/diñ sind gedancē vñ wort  
leicht fertiger leut/dan si meynē sie wōllen sich vil  
ehelicher vnd recht schaffner in den überfluß dan in  
mangel/zu der reichthumb/dan zu d armut schickē  
vnd meinen sie wōlten sich baß befließen zu d got  
seligkēit/wan inen vil reichthumb zu siele/dan wan  
sie mit hunger vñ armut beladen sind/Aber es ist  
nichts citelers/nicht lughafftigers/dan solche  
gedancē

gedanken/Dann wer sich zu der armut vnd man-  
gel nicht recht vnnnd Got seliglich schicken kan/der  
wirt sich warlich noch minder in reichthum vñ vber-  
fluß recht schicken. Diser spruch scheinet kaum der  
warheyt gleich vnd gleublich/vnnnd ist doch ganz  
warhafftig vnd gewiß/ Dann vberfluß der reich-  
thum/vnd wolust haben dise natur/dz wa sie sind  
da erheben sie sich in des menschen hertzen an Got-  
tes stadt/vnnnd reizen den menschen das er all sein  
vertrauwen auff sie setze/wa dein schatz ist (spricht  
Christus Math.vj.) da ist auch dein hertze. Vnnnd  
Paulus heyst den geizigen eynen Gözen diener.  
Armut aber vnd hunger haben nichts an jnen dz  
so lieblich vnd lüftig sei das dz vertrauwen des men-  
schlichen hertzens zu im reytze vnd locke/des halbē  
so wirt vil eyn grössere krafft des geyst erfordert  
das du Gott selig in der reichthumb lebst/dann in d-  
armut. Darumb/wann du Gottes beruff nicht  
kanst in d armut gehorsam sein/warlich so wirst  
du vil minder in den reichthumen im volgen.

Oder/so du von schmäle wegen deiner weisheyt/  
nicht kanst recht verwalten eyn gsinde eyns haus-  
ses/woltest du verhoffen das /du recht verwalten  
wurdest eyn regiment eynr stad oder eyns ganzē  
lands? Oder/so du von schwachheyt wegen des  
leibsnicht kanst auff deinen schulteren eyn pfund  
schwer tragē/woltest du dir vertrauwen dz du zwei  
pfunde tragen wirst? Also/welcher so eyns

Diene-  
tur der  
reichthum

in reich-  
thum vol-  
get man  
Gott  
schwer-  
lich.



Die Sirecht predig Johan. Brentij.

Gfar der  
reichtum

Math. 13

Mar. 4

Lus. 8

schwachen glaubens ist / das er nicht kan sich zur  
Gottseligkeit beflissen in der armüt vnd hunger  
So wirts nymmer mer geschehen / das er in der selbs  
gen schwachheit des glaubens / der Gott seligkheyt  
diene in der reichthum. Christus hayst die reich-  
thum dörm in den Euangelisten / wienun vil siche-  
rer ist auff eynem weg wandlender von dornen ge-  
seüßter ist / weder vnder den dornen. Also ist es vil  
sicherer leben in der armüt dann in der reichthum /  
vnd aber eyn mal Mathei. xix. Es ist leichter das  
eyn Kamel durch ein nodel ehr gehe / den dz eyn reich  
er ins reich Gottes komen / Vnd du vermeinst es  
werd geschehen / das du leichter in der reichthum  
dann in der armüt der Gottseligkheyt nach komen  
mögst. Auch Paulus da er an Timotheon schreibt  
in der ersten am. vi. capitel spricht / Die da reich wer-  
den wollen / die fallen in versuchung vnd stricke /  
vnd vil thörichtes vnd schedlicher luste / welche ver-  
sencken die menschen ins verderben vñ verdammniß  
den geiz ist eyn wurzel alles vñsels / welches hat er-  
liche gelustet / vñ sind vom glauben irre gegangen  
vnd machē jnen selbs vil schmerzē. So also grosse  
gfar an der reichthum hanger / was ist eireler vnd  
vnnützer dan solche meinung / dz du vermeinst du  
wöltest vil baß Gottselig lebē in grosser reichthum  
dan in herter armüt? Darumb so du eyn sorg hast  
auff dein warhaffrige seligkheyt / vnd darzwischen  
mit armüt vnd hunger getruckt wirst / So solt du  
nicht

In das Sechste Cap. des Euan. Luce: 1.  
 nicht das thun/dz du vil reichthumb zusamen sam-  
 lest/der hoffnung das es sich begeben werde/das so  
 du gutz genuggsamlet hast/mögest deffer leichter  
 der Gottseligk gyt anhangen/Sonder dz du dich  
 wol schickest in die armut vnd mangel. Das ist dz  
 das du in der Buß vnd in dem beruff Gottes wand-  
 lest. Den also wirst du vil einen grösseren vberfluß  
 vnd reichthumb in deiner armut findē/dan alle got-  
 losen in irer grössen reichthumben/was ist es dan dz  
 du noch so seer reichthumb vnd güter begereest? Ich  
 bekenne/die reichthumb sind an jnen selb ein gute crea-  
 tur Gottes/vnd welchem sie billich vnd ordenlich  
 von Gott zu kumen/der sol sie behalten vnd nach  
 Gottes beruff brauchen. Aber wan dich Got also  
 in die armut wirfft/das du auff der gangen erden  
 nit sihest/wie dir doch müchten billich vñ ordenlich  
 reichthumb zu stehen/so hastu dennoch nichts des  
 du dich beclagen mögest/dan/so du dich recht zu d  
 armut richtest/warlich/so wirt dein armut keine  
 vñdscheidt habē vor d andrē reichthumb/vñ wirst in  
 d armut ein so grossen vberfluß vñ erfettigūg fin-  
 dē/als groß ein ander sie in den reichstē kōnigreich  
 finder: Vñ solchē armē hör mir paulū also schreibē  
 an die Corinter in der andrē epistel andem .vi. als  
 die armē spricht er aber die doch vil reich machē als  
 dienichts inē habē/vñ doch alles habē: d Ergnat  
 ter jacob flohe seinē brud Esau/vñ war also arm  
 dzer nicht dz brot her dzer esse daher jacob einge-  
 lübdet het vnd sprach:

N ij So

Jacob  
 w3 arm,  
 Gene. 28

Die Siredt predig Johan. Brenckf.

So Gott wirt mit mir sein/ vnd mich behüten vff dem wege/ den ich reise/ vnd brod zu essen geben/ vñ fleyder an zu ziehen/ vñ mich mit freyden wider heym zu meynem vatter bringen/ so soll der Herr mein Gott sein. Aber was ist Jacob in diser armut verdoiben? Ja er wer verdoiben/ wann er mer het wöllen eynem gotlosen wesen volgen/ dan sich gotselig in dise armut schicken. Nun aber die weil er sich wol mit der armut verglichen hat/ so gehört er vnder die exempel deren/ von welchen Christus sagt/ Selig seit jr/ die jr hie hungert/ den jr solt sat werden/ denn er findt in seiner armut eyn solchen überfluß der reichthum/ der doch nichts mer hatte/ dann eyn stab/ da er über den Jordan gieng/ das er auch zwei höre worden ist. Gen. xxvij. Was sol ich vñ Elias sagen? diser verbarg sich in 8 theure an dem bach Carih/ darweder brodt noch Korn war/ Aber darvñ das er sich nach Gottes beruff zu der armut geschickt hatte/ darvñ fand er speiß genug in der wüste: Dan die rappen brochten im brod vnd fleyßch des morgens vnd des abens/ vnd da der bach vertrocknet/ kame er zu der widwen zu Zarpach die iegund hungers sterbē wolt/ Aber des halben das sich beyde Elias vñ die widwe mit rechtgeschaffnem glauben in ire armut richteten/ da haben sie in eynem wenig mel vnd öl überflüssige speiß gegnug funden/ inen selbs vnd irem hauß glind als lang die theurung weret. Vnd Christus spricht

in das Sechst Cap. des Luan. Luce. 11.

spricht zu den Apostlen Luce xxij. So oft ich euch gesand habe on beutel/ on tãschẽ/ vñ on schũch habt jr auch ihemangel gehebt: Sie sprachen/ nie keynen/ Sichestu das die Apostel in grosser armut grossen vberfluß aller ding so inẽ not gewesen sind/ gehabt haben/ Vm̃d wie ist das zu gangen: warlich durch keyn andere weis/ dan das sie sich in jre armut nach dem beruff Christi wol geschickt habẽ vnd sind Gottes beruff gehorsam gewesen. Darvmb so auch wir Christum hören/ vnd glauben seinem Euangelio/ vnd folgen Gottes beruff nach/ vnd wie wol wir hie frost/ hunger vnd durst leiden So sind wir doch selig. Denn wir werden sat werden durch vnsern Herren Jesum Christum/ der zu gleich mit dem vatter vñ dem heyligen geyst/ Got ist über alles/ gelobt in ewigkeyt. Amen.

## Die Fünfft Predig.



Christus Unser Herr  
feret fort/ die irthumb ab zu  
lenen so die menschen in wid  
wertigkeyt habẽ/ So wellẽ  
auch wir fort farẽ/ die sprich  
zu erklären durch welche der  
menschen irthum abgelenet  
vnd hingelegt werden.

¶ iij Selig

weynen  
zeugt vn-  
glück an.

Die fünfft predig Johan. Brenck.

## Selig seid Ir spricht Christus

die jr hie weinet/denn jr werdet lachen.

Die so da heülen klagen vñ weinen/die werden vff  
diser welt vn selig geurtheilet/Den das weinen vnd  
klagen ist eyn anzeygung/das vns widerwertig-  
keyt zu handen gangē sei/dan es ist vnß entweder  
eyn guter freind zu grund gangē/oder vnser hab  
vnd gut ist vnß genomen/oder haben eyn bein ab-  
gefallen oder sind in das ellend vertrieben/oder ist  
vnß eyn anderer schade des leibs oder des gemüts  
widerfaren/Dann es sind so vil vrsachen des wey-  
nens vnd klagens/als mancherley leiden vnd wid-  
wertigkeyt ist/dise aber werden alle für die vn selig-  
sten vñ schedlichste ding/vō den mensche diser welt  
geachtet/darum die da weynen vnd klagen/werde  
für die ärmsten vnd ellendisten leut geschertz/Aber  
Christus prediget weit eyn anders. Den er spricht  
Selig seid jr die jr hie weynere/den jr werdet lachē.  
Was denn: wollen wir den auch sprechen das Es-  
sau selig sei/vō dem geschribē stehet Gen. xxvij. dz  
nach dem er erfure dz Jacob den segē seins vaters  
Isaacs jm vor hinweg genomen hatte/hüb er vff  
seine stim/vnd weynet: Des gleichen stehet geschri-  
ben von dem gottlosen hauffen 8 Israheliter/Num.  
xxij. das die ganz gemeyne auffrur vñ schrei/vñ  
das volck die ganze nacht weynet: darumb dz sie  
forchten sie wurden von dem volck Canaan erwur-  
ger

get/wollen wir nicht diß volck selig heysen/dz es  
 geweynet hat? In Eynen weg nicht/Denn der got  
 losen weynen/die hienit büß thut/ist Eyn anfang  
 des lachens/sond ist Eyn anfang des ewigē weynē  
 Denn sie werden in die finsternüß hinans geworff  
 fen/da nichts ist dann Eyn ewigs heilen vnnnd zeen  
 Klappen. Wie spricht den Christus die selig/die hie  
 weynen? Wir haben darobē anzeigt/dz Christus  
 in disen sprüchen mer sehe auff den stand selbs/vñ  
 das leben/dann auff die personen der arbeyt seligē  
 Des halben so er spricht/selig seid jr/die jr hie wey-  
 net/hat es disen verstand/die hie weynen/die sind  
 nicht in eynem vn seligen stand/od in eynem arbeit  
 seligen leben/wie die welt vrreyllt/sonder/sind in  
 eynem seer seligen guten vnnnd gesegnetem stande  
 durch Gottes wort.

Der got  
 losen wey  
 nen.

Die do  
 weynen  
 sind in ey  
 nē seligen  
 standt.

Dann Gottes wort bezeuget/das Gott sehe auff  
 die arbeyt seligkeyt vnd kümmerus/vmb welch  
 er willen die menschen weynen vnd sich bekümmern/  
 Zu dem/so zeygt es auch/das Gott die seüffzen  
 vnnnd zehren seins volcks zeile/denn im ix. psalmen  
 stehet also geschriben/du sihest ja/den du schawest  
 das ellen vnnnd samer/es stehet in deinen hendē/die  
 armen beuellhens dir/du bist der weisen hellffer/  
 Vnd bald hernach/das verlangen der ellenden hö  
 restu Herr/jhr hertz ist gewiß/das dein ohr dar  
 auff mercket.

Vnnnd Im .lv. Psalmen Zele  
 meine



Die Fünfft Predig Johan. Brentij.

meine flucht/fasse meine trenen in deinem sack/ Du  
zweiffel du zelest sei / Vñ von dem König Hiskia  
wirt gesagt im .iiij. buch 8 König am .xx. cap. Ich  
habedein gebett erhöret / vñ deine trenen gesehen  
Zu dem Kompt auch das Christus selbs zum off-  
tern mal geweinet hat vnd zehren vergossen / Mit  
welchem vergiessen vñ weinen er warlich das wei-  
nen vnd vergiessen der zehren gewicht vnd heilis-  
get hat/ das sie nicht mer seien cyn fluch sonder cyn  
seggen zu dem heil. Was aber durch dz wort Gottes  
gebenedeit vnd geweiht ist/dz sol man mit glau-  
ben vnd dancksagung annemen vnd handeln/ dan  
wo es nicht mit glauben wirt angenommen vnd ge-  
handlet/so geradt es mer zu dem argē/ dan zu dem  
gütem/mer zu der verderpniß dan zu dem heil/ hat  
nit vnser Gott vnser Herre durch die erschaffung  
vnd seyn wort/die speiß zu menschenlichen heil ge-  
heiliger. Noch sagt Paulus von jr / den reinen ist  
alles rein / den vnreinen aber vnd vngleübigen ist  
nit rein/sond vnrein ist beide jr stim vnd gewissen  
Was ist Christus selbs: ist er nicht die weißheit/die  
heyligung/ die gerechtigkeit vnd vnser erlö sung?  
Dannoch ist er den vngleübigen cyn thorheit vnd  
ergerniß/eingeruch des todes zum tode/wie Pau-  
lus sagt. i Cor i. vnd. ij Cor ij. Darumb/so einer wil  
dz sein weinen gebenedeit vñ selig sei / vñ wil durch  
das weinen zu ewigen lachen komen / so kan er das  
selbig nicht durch den vnglauben/ giffte / lesteren  
vnd

vnd verzweifflung/zu wegen bringen/welches die  
 gottlosen in irem weinen zu thun pflegen/Sonder  
 es ist von nödten das er sich in das weinen vnd Fla-  
 gen nach görtlichem beruff schicke. Dz wirt aber ge-  
 schehen/ Erstlich/ So eyner sich eynen sunder er-  
 keñet/vnd das Gott vnser Herz in möchte mit al-  
 ler biligkeyt noch vil grösserer übel vñ seiner sünd  
 willen/zu schicken/dan die sünd/vmb welcher wil-  
 len er ietzt bekümmert ist vnd weinet/darnach/so er  
 glaubt das im die sünd vmb Christus willen ver-  
 geben seien/vnd das er eynen gnädigen versönten  
 Gott im himel habe/der im disse kumernüß die er  
 leidet/nur zu gutem geschickte vnd wölle sie im mit  
 grosser gütigkeyt vergelten. Zum leßte/so er nicht  
 abfelt von Gottes beruff sonder feret dariné fort  
 vnd verharret/wer diß thut/8 wirt warlich ganz  
 selig in seinem weinen sein/vnd wirt weit besser gü-  
 ter durch sein weinen erlangē/dan die andrē durch  
 jr lachen. Ja diß weinen das vor der welt erbarm-  
 lich ist/das wirt nichts anders vor gott sein/dan  
 eyn seer lustiges lachē/welches lachē auch Gott an  
 dem der da weinet/zu seiner zeit/in diser welt vnnd  
 in der zu kunfftigen wirt offenbaren daher auch  
 der. cxxv. psalm spricht/Die mit threnen seen/wer-  
 den mit freuden erndten/Sie gehen hin vnd weinē  
 vnd tragen edlen samen vnd komen mit freuden/  
 vnnd bringen ihre garben/ Da Dauid von seinem  
 Son Absolon auß dem reich vertriebē was gieng

wie man  
 sich in dz  
 weinen  
 schicken  
 sol.

Dauid  
 hat ges  
 weinet.

## Die Sunfft predig Johan. Brentij.

2 Reg. 15. er mit blossen füßen vñnd verhülltem haupt auff den ölberg vñ weynet/ aber er kam durch das weynen zu eyner solchen freud/ das er igt ewig lachet. Dann er erkandt in seinem weynen seine sündt/ vñ er wüßte die verheßung Gottes durch den glaubē rüffet Gott im glauben an/ Mithet keynen rach/ sonð bleibt verharlich in Gottes beruff. Darumb hat es sich durch dz gerecht vrtail Gottes geben/ dz er in seinem weynen glück vñnd heyl funden hatt. Aber sein Son Absolon vñd die mit im waren/ haben in irer freud vñ irem lachen das größt vnglück funden/ Hißtia/ nach dem er gehört hat das er sterben solt/ weynet er seer vor dem Herren. Darumb aber das er sich mit glauben vñd gebett zu disem weynen geschickt hatte/ so hat er darinnen funden dz er noch funff zehen jar leben solte. Christus sage zu den Aposteln Joha. xvj. Warlich/ warlich ich sage euch/ jr werdet weinē vñ heulen/ aber die welle wirt sich freuwe/ jr aber werdet traurig sein/ doch ewer traurigkeite soll zur freude werde. Eyn weib wenn sie gepirt/ so hat sie traurigkēyt/ danñ ire stund ist kōmen/ wenn sie aber das kind geboren hat/ dencket sie nicht mer an die angst/ vmb der freude willen das der mensch zur welt geboren ist/ Vñnd jr habe auch nun traurigkēyt/ Aber ich will euch wider sehen/ vñ ewer hertz soll sich freuwen/ vñ ewer freude sol nieman von euch nemen. Es hat darnach auch Petrus geweynet bitterlich Aber darumb das er

sich

Hißtia  
hargewei  
net.

In das Sechst Cap. des Euan. Luce. liiff.  
Ich in dz weinẽ recht geschickt hat / mit erkantnũs  
der sũnde / mit glauben / vnd verharrung / in Got  
tes beruff / darumb ist im zu gestandẽ / das / so Chri  
stus sagt / Selig seide jr die jr hie weynen / denn ihr  
werden lachẽ / Christus aber setzt hin zu vñ spricht.

**Selig seide Ihr / so euch die**  
menschen hassen / vñnd euch absondern /  
vñd schelten euch / vñd verwerffen ewerẽ  
namẽ / als eynen boßhafftigẽ / vmb des  
menschen Sont willen / frewet euch als  
den vñd hupffet / denn sihe / ewer lohn ist  
groß im himel / des gleichen thetẽ ire vete  
ter den Propheten auch.

Christus ercleret hie in disen worten nicht alleyn/  
was die rechte eygensafft des widerwertigẽ glücks  
sei / wie er dann in den sprüchen daroben than hat  
sonder weißaget auch seinen jüngerẽ / was für sa  
mer vñ trübsal inen auff diser welt begegnen wer  
de / vñd vff dz sie nit in so grösser trübsal verzweif  
fleten / so tröst er sie auch mit seer mercklichen vrsac  
hen vñd verheyssungen. dan Math. am x. spricht  
er Syhe / ich send euch wie schaffe / mitten vnder die  
wölffe / vñd baldt hernach / Sie werden euch vber  
antworten für ire Radtheuser / vñnd werden euch  
geyslen in iren schulen / vñd aber eynmal / vñ müß  
sen gehasset werden vñd yederman / Vñd Johan.  
xvi. Sie werden euch in den Bann thun.

Die Fünfft predig Ihan. Brentij.

Es kumpt aber die zeit/das/wer euch tödter/wirt  
meynen/er thu Gott eynen dienst dran/ Vnd das  
dises den Aposteln also widerfahren sei/das bezeuget  
Paulus/da er an die Corinthen in der ersten  
am iij. also schreibt/wir sind sters als eyn fluch der  
welt vñ eyn seg opffer aller leute. Warüb ist aber  
den Apostlen solichs begegnet? Er spricht vmb  
des menschen Sons/oder/vmb meiner willen.

Warum  
die pre-  
dig/des  
Euange-  
liums also  
durechret  
werde.

Du wirst aber sagen/ Ei wie ist denn Christus eyn  
man/das man in also scheu wet vnd eyn greuel ab  
im hat? oder was ist so schentlich vnd greulich an  
im/Das seine Apostel vnd junger so grossen jamer  
vnd vnglück von seiner wegen leiden müssen? wā  
du bedenckes/was da sei/das Euangelion Christi  
recht predigen vñ bekennen/so wirt es dich nie  
wunder nemen/das die Apostel vñ junger Christi/  
mit so grossem vnglück vnd trübsall vndertrucke  
werden. Das wirt dich aber vil mer wunder nemē/  
das auch eyner oder zwen von inen/etlich (ich will  
nicht sagen) jar/sonder nur eyn tag/vnuerlegt in  
diser welt/bleibet/vnd dz nicht vil mer sie all sand  
auff eynestund erwürgt werden. Dann erstlich/  
welche Christum predigen/die müssen predigen/dz  
er eyn König sei des himels vnd der erden/vnd ein  
Herr vber alle Creaturen. Die gewaltigen aber di-  
ser welt/die können solche predig nit erleiden/dā  
sie forchten/wo Christus erhöcht werde/das sie vñ  
seim gwalt gestürzt werden/Darumb verfolgen  
sie

In das Sechst Cap. des Euang. Luce. lv.

sie die prediger Christi/nicht anderst als auffreuer  
vñ zerstörer des gemeinen fridens vñ aller seligkeit  
vñ rüwe. Darnach/die Christüpredigē/die müssen  
leeren/dz keyn andere weißheyte sei/da durch vnser  
seligkeit geholffen werde/dan die weißheyte Chris-  
sti/ die weisen aber diser welt/so sie diese predig höre  
fürchten sie/sie werden mit irer weißheyte zuschan-  
den/Darum richten sie alle mittel an/auff das die  
predig/von leuten hinweg genommen werde/Da-  
her gehört auch das die so Christum predigen/die  
müssen alle menschen zu sündern machen/vñ müs-  
sen aller mensche werck vngerecht erklären: Aber/  
es mögen weder die Fürsten nach der gemeyn hauff  
leiden/das man sie in iren sünden straffe/vnd ihre  
werck verdamme/darum/so vernolgen sie eynt heli-  
gklich all mit eynander/das Euangelion vnd den  
der es prediget. Ober das/die Christum predi-  
gen/die müssen alle menschliche fromtēte vnd ge-  
rechtigkēte/als vnvolkomen gerecht verdammen  
vñ leren das keyn gerechtigkēte vor dem angesichte  
Gottes gelte/on die gerechtigkēte Christi/vnd  
wer die selbig haben wölle/der muß an Christum  
glauben/das er durch ihn habe verzeihung seiner  
sünden/dan vnser gerechtigkēte oder fromtēte sei  
keyn andere/dan die verzeihung vnd nachlassung  
der vngerechtigkēte/vmb Christus willen durch  
den glauben: Aber diese predig dunckt die erbaren  
vnd geystlichen/oder/die werck heyligen vnd apo-



Die Fünfft predig Johan. Brenck.

Steuffer/ ein außrentung sein aller geistlichkeit vñ  
erbarckeyt. Darumb/ ver volgen sie nicht anderst  
die prediger diß Euangelions/ dan die größte sein  
de der frombckeyt vnd geistlichbeyt/ vnd ein gemeine  
gifftege plag vnnnd ver der pñuß des ganzen mens  
schlichen heils. Zu lest/ die Christum predigen die  
thund mit irer predig ein angriff vnd außlauff in  
die herrschafft des Satans/ der eyn fürst vnd gott  
ist diser welt. Nun kan der Satan vil minder er  
leiden eyn eynbruch seiner feind in seyn reich/ wan  
irgent eyn irdischer fürst erleiden kan das man im  
in die ende seins lands vnd herligckeyt ein falle/ dar  
umb keret er allen fleiß an/ auff das alles übel dem  
zu handen gange/ der Jesum Christum prediget/  
vnd verhofft/ wan der selbig hin sei/ so muß das E  
uangelion auch vnder gehn/ vnnnd er möge on sorg  
vnd sicher in seinem reich herschen. Auß diser ver  
sachenhafft du/ das es ein vil grösser wunder ist/ dz  
auch ein prediger des Euangelions Christi erwan  
lang in diser welt vnuerseret bleibt/ dan dz sie gar  
bei alle sant mit grossen räubsalen beladen sind.  
Weiter aber/ die so in diser welt also geplagt wer  
den/ das sie gehasset werden von iederman/ werden  
in die ächt gerhan verbanet/ in dz elend veriaht/  
vñ als eyn gemeine verderpñuß des menschlichen  
geschlechts erwurget/ Solche werden für war von  
den welt menschen geurteilt für die aller jämlich  
sten vñ arbeit selichste leüt. Aber Christus redet  
vil an

vllanderst darvon/vñ spricht/selig seid jr/so euch  
die menschen hassen/schmehen/vnnd verfolgen/  
vnd reden allerley üfels wider euch/so sie daran lie-  
gen/Christus bestetiget auch hie nit schlecht/das  
sie selig seien in solichen trübsalē/Sond vermanet  
sie auch/das sie darauß sollen die grōsten freud em-  
pfahen. Er wet euch/spricht er/als den vñ hupffer  
Ich bekens/es sind grosse trübsal/die euch/auff di-  
ser welt vmb meins namens willen zu stehen werde  
Sie sind aber nicht also schedlich das jr von deren  
wegen vom Euangelio zu dem gottlosen wesen ab-  
trinig werden sollē. Dan welche abertrinig werde/  
den glauben verleucknen/vñ verlassen den beruff  
Gottes vmb der trübsalen willen/auff die wartet  
nichts dan eynewige klag vñ verderbnuß/so weit  
ists/das jnen freud oder die seligkeyt zu kōmen.  
Aber dietrübsal vnd iamer so euch überfallen/sol-  
len euch vil mer erwecken/das ir dester kecker dem  
Euangelio anhanget/vnd dē jr dester fleissiger dē  
Euangelion nach ewerem beruff predigen/dann  
soliches werdet ir mit ewerem grōsten nutz thun.  
Erstlich/Sihe/spricht Christus/ewer lon ist grōß  
wun:auff diser welt/vnter den menschen: mit nich-  
ten/sonder im himel bei Gott dem vatter/die leut  
werden euch hassen/aber Gott wirt euch auß grōß-  
ser gute vnd miltkeyt lieben. Die leut werden  
euch vertreiben vnd in banthyn/Aber Gott wirt  
euch auffnehmen.

Die be-  
lonung &  
berrübrē  
im himel

Die welt

Die Sunfft predig Johan. Brentij.

Die wellt verflucht/schmehet vnd verdampft euch/  
Aber Gott benediet/lobt vnd rümet euch/die welt  
wirt eweren namen außstrecken auß der zal der irdi-  
schen burger/Aber Gott schreibt ewere namen vff  
in das büch des lebens/vnd erzelet sie vnder die zal  
der himlischen burger/Entlich/die wellt tödtet  
euch/Aber Gott machet euch lebendig/vnnd setz  
euch in die ewigen freud vnd seligkeyt. Was künde  
grossers gesagt oder erfunden werden/dann diser  
lohn vnd vergeltung? Du wirst aber sagen/was?  
Christus spricht/ewer lohn ist groß im himel/ So  
hör ich wol/wir verdienen etwas mit vnserer ar-  
beyt vnd trübsalen? Von diser sacht soll man also  
halten/das/so wir sehen auff die natur vnd krafft  
vnmenschlichen gerechtigkeit/so ist warlich nichts  
das wir vor Gott können verdienen/Dann wir ar-  
beyten vnd leiden entweders/on glauben/dan ist  
es offembar/dz wir nichts/weder mit vnseren wer-  
cken noch mit vnserem leiden vor Gott verdienen.  
Denn was nicht (spricht Paulus Rom. viii. auß  
dem gläubē gehet/dz ist sünde/also weit ist es dar-  
von/das es solt eyn verdienst sein gottlicher wol-  
that/ Odder wir arbeyten vnnd leiden etwas  
im glauben/dan so gfallē zwar Gott vnser werck  
vnd leiden/darum das sie frucht des glaubens sind  
Aber dise sind von jr natur her nicht so volkommen  
vnd ganz/dz sie durch ire würdigkeit die göttliche  
wolt haten verdienen/dan wan jr spricht Christus

Luce

In das Sechst Cap. des Euan. Luce. lviij.

Luce. viij. alles gethan habt/wz euch beuollen ist  
so sprechet/wir sind vnütze knechte. Vnd Job am  
xxv. Sihe/8 mond scheint noch nicht/vñ die stern  
en sind noch nicht rein vor seinen augen/wie vil we-  
niger cyn mensch/die made/vnd cyn mensche find  
der wurm. Vnd Paulus spricht Rom viij Ich sehe  
eyn ander gesetz in meinen glidern/das da wider-  
streitet/dem gesetz in meinem gemüt/vñnd nimpt  
mich gefangen in der sünden gesetz/welches ist in  
meinen glidern/mit welchen Worten leret Paulus  
das die sünd vns von natur also seer/anhanget dz  
ob wir schon den glauben vñ den heyligen geist ha-  
ben/so mögen wir doch mit vnseren wercken das ge-  
satz Gottes nicht volkomenlich erfüllen/vnd dem  
gsatz recht gnug thun/den es hat nie kein mensch/  
auch die aller heiligste/so vil gelauht als vil er sch-  
uldig ist gewesen über dz hat auch nie kein mensch  
Gott vnd den nechsten/als vil geliebt/als vil des  
Herren gesetz erfordert/darumb so du die würdig-  
keyt vnserer gerechtigkeit odder frumbkeyt sie sei  
on glaubē/oder im glauben geschehen/betrachtest  
so kanst du jr kein vdienszt zu schreibē. Alleyn aber  
vnser Herr Jesus Christus hat dise maicstet vñnd  
würdigkeyt/das er dem gesetz/mit seinen wercken  
volkomenlich genug than hatt/vnd hat durch sei-  
ne gerechtigkeit/nicht allein im/sonder auch allen  
denen/die an in glauben alle göttlichen gut haben  
verdienet. Warumb wirt vns dan so oft der lohn

Christus  
hat allen  
dem gesetz  
genug ge-  
than.

P ver

Die Sunfft predig Johan. Brentij.

Math. 10

Gott red  
mitt vnß  
in der ge-  
schrifft  
wie cyn  
vatter  
mit seinẽ  
Kinden.

Verheissen/so wir nichts verdiene? Der Herr spricht  
zu Abraham Gene. xv. Ich bin dein schilt/vnnd  
dein se großer lohn/vnd hie an disem ort/wirt den  
Aposteln gesagt/Erwer lohn ist groß im himel/vñ  
aber cyn mal/ wer eynen gerechten auffnimpt/ in  
eynes gerechten namen/ der wirt eynes gerechten  
lohn empfaben/ vnnd wer diser geringesten eynen  
nur mit eynem bechers kaltes wassers trenckt in ei-  
nes jungern namen/ warlich ich sage euch/ es wirt  
im nicht vnbelonet bleiben. Gehet dan da keyn ver-  
dienst vor/ da der lohn verheissen wirt? Auff dz  
wir das verstanden/müssen wir mercken/das Got  
vnser Herr in der geschrifft mitt vnß redt/wie cyn  
vatter mit seinen kinden pflegt zu reden/dan so got  
sich vnß für setzt/ nicht alleyn als cyn Gott gegen  
seinem volck/sonder auch als cyn vatter gegen sei-  
nen kindren/ vnd nimpt ganz eynen vätterlichen  
an muüt vnd hertz an sich gegen vnß/warumb solt  
er dann nicht auch sich gebrauchen der gewonheyt  
vätterlicher zungen vnd rede? Das ist aber die ge-  
meyn gewonheyt der vätter/das sie iren kindren/  
so sie sie zu der fromtkeyt vnd gehorsamkeyt wollen  
vermanen/grossen lohn verheissen/nit allein speiß  
vnnd kleyder/sonder auch die erbschafft aller irer  
hab vnnd güter/mit welcher verheissung sie nicht  
wollen verstecken das die kinder durch krafft irer ar-  
beyt vnd gehorsame das erb verdienen/dan die ge-  
dinckten knecht arbeyten vil mer dann sie/vñ ver-  
diene doch kaum die kleyder/ich wil geschweigen

In das Sechst Cap. des Luan. Luce. lviij.

die substantz hab vnd güter jres Herren. Aber die vätter zeigen mit disen worten an/wz für güter inē zu gehören/so sie durch die geburt kinder vñ natürliche erben worden sind/vnd was jrem gehorsam gewislich volgen werde. Also vermanet vnß auch d Herz vnser himlischer vatter vnder dem namē des verdiensts zu guten wercken vnfruchten des glaubens/nicht das wir etwas durch die wirde vnserer werck verdienen könden/sonder das er vnß in die gedechtnis bringe die warheit vñ gewisse seiner gnedigē zusagunge vñ dz er anzeige/wz den gute wercke/vnfruchte des glaubens volge sol. Daher/als die Apostel Jesum fragten vñ sprachē. Mat. xix. Siehe wir haben alles verlassen/vnd sinde dir nach genolget/wz wirt vns dar für? Jesus aber sprach zu jnen/warlich ich sage euch/das jr mir seidt nach genolget/in d wider geburt/da des menschen Son wirt sitzen auff dem stül seiner herligkeyt/wer der jr auch sitzen auff zwölff stülen/vnnd richten die zwölff geschlechter Israel: Christus verstehet hie in disen worten keyn verdienst des wercks/sonder/der ding ordnung/so eyns nach dem andern volget Vnd es volget auch bald nacher/vnd wer verlasset heuser/oder brüder od schwestern/oder vatter oder müter/oder weib/oder kinder/oder ecker/vñ meines namens willen/der wirts hundertfältig nemen/in diser zeit/vnnd in der zukunfftigen welle das ewige leben.

Warum  
der lohn  
so oft ver  
heissen  
werde.

P ij Vnd



Die Fünfft predig. Johan. Brenrij.

Vnd Nach. xv. Kompt her / spricht Christus / ihr  
gesegneten meines vatters / erbet das reich das  
euch bereitet ist / von anbegin der welt / denn ich bin  
hungerig gewesen vnd ir habt mich gespeiset / Ich  
bin dürstig gewesen / vnd ihr habt mich getrenckt /  
Was : meynestu es werd hie menschlicher verdienst  
gerümet : in keynen weg nicht : Sonder es wirt ver  
kündiget die gewisse der seligkeyt / die den kindern  
Gottes vñ Christus willen verheysen ist / vnd die  
gewißlich dem glauben vñ werken des glaubens /  
volget : Werden dann nicht ( die weil keyn mensch  
lich verdienst ist ) alle heyligen kinder Gottes eyns  
gleichen glücks vñnd fals sein in der zukünfftigen  
welt : vñ sant Paulus / der so vil leidens vñ Chri  
stus namens willen erlitten hat / wirt er nicht mer  
Gottlicher güthaten haben / dann etwan eyn schle  
chter gemeyner heylig / der in stillem Friden in Chri  
sto entschlaffen ist : Die müssen wir aber eyn mall  
eingedeckrig sein der vätterlichen gewonheyt / Den  
es ist die gewonheyt der vätter hie auff erden / das  
so sie das erbgüt vnder die kinder teylen : So tey  
len sie zwar die habe des erbguts gleich / vnder di  
sem aber geben sie etlich sondere geschenck vnd ga  
ben auß nachlassung vnd freündschafft dem Son  
der mer gehorsam ist gewesen / welche sie denen so  
nicht als gehorsam sind gewesen / nit geben : Also /  
das zu der verzeyhung der sünden / ewigem leben /  
vnd ewiger seligkeyt / welches die substanz vñ hab  
der

Ob alle  
heyligen  
gleicher  
seligkeyt  
seien in d  
künstigē  
welt.

in das Sechst Cap. des Euan. Luce lix.

der erbschafft d' Kinder Gottes ist/ gehört/ da sind  
alle heyligen gleiches fals vnd glücks/ den es ist eyn  
Christus/ eyn auffe/ eyn glaub/ eyn himel/ vnd  
eyn ewigs leben. Aber was zu anderen wolthaten  
Gottes/ in diser oder in der zukunfftigen welt/ ge-  
hört/ warlich so wirt eyner vil mer empfahen/ dan  
der ander. Dann Gott der Herr vnser vatter wirt  
vil wolthaten denen verleihē/ die vil gūts auß dem  
glauben gewircket haben/ vnd haben grössere trüb-  
sal vnd jamer durch den glauben erlitten/ dann de-  
nen/ die eynes geringeren glaubens sind gewesen.  
Vnd gleich wie in der außteylung des lands Cana-  
an/ eyn iglicher Israeliter sein stuck lands/ nach sei-  
nem los einnam/ jedoch ward Caleb dem Son Je-  
phune vber das gemeyn los/ Hebron gegeben zur  
besitzung/ darumb das er in der auffruer der Kinder  
Israel mit grossen glauben in Gottes wort bestē-  
dig war plieben/ wie im fierten buch Mosi im viij  
vnd in Josia auch in dem selbigen Cap. geschriben  
steht/ Vnd wie in dem firmament vnd himel/ alle  
sternen sind ja der himmlischen natur/ nicht dest  
minder so hat eyn stern vor dem anderen eyn vnd  
scheyd in der herligkeyt/ eyn andre herligkeyt hat  
die Son/ eyn andre hat der Mond/ vnd eyn andre  
herligkeyt haben die sternen. Also auch in der auff-  
erstehung d' todten/ Es werden ja alle Kinder Got-  
tes aufferstehen zu dem leben/ vnd der ewigen selig-  
keyt. 1 Cor. 15.

P iij beyt

## Die fünfft Predig Johan. Brentij.

Warum  
wir Got-  
tes gute  
thaten  
empfahe.

beytet hatt/der wirt auch meer guthaten von dem Herren im ewigen leben erlangen: Vnnd wirt die selbigen erlangen/ nicht das die werck der glaubigen durch sich selbs so heylig vnd volkommen seien/ das sie die guthaten Gottes verdienē/ wie wir dar oben bewisen haben/ sonder er erlanget sie darum das Gott also gutig vnd barmhertzig ist/ das er wie wol er nichts schuldig ist/ nicht deßteminder eyn grossen lohn verheysset/ denen so auß dem glauben grosse ding thond vnnnd leiden/ vnd das er also warhafftig ist/ das er das so er verheysset/ ganz erewlich auch ersatten wil.

Daher auch im xvj. psal. geschriben stehet/ vnnnd du Herr bist gnedig/ vnd bezalest eynem ieglichen/ wie ers verdienet. Vnd Paulus da er an die Corinthen schreibt/ spricht: in der Ersten am iij. Capitel Eyn ieglicher wirt seinen lohn empfangen/ nach seiner arbeit/ Vnnnd an die Epheser am vi. Was ein ieglicher gutes thund wirdt/ das wirt er von dem Herren empfangen.

Dis haben wir von der belonung hin zu thun wollen/ auff das sich niemand auß den Worten Christi vberhebe/ vnd vermeyne er sei so würdig/ das er möge etwas von Gottes guthaten/ durch verdienst seiner fromtkeyt oder gerechtigkeit verdienen/ dan alles das wir von Gott empfangen/ das erfahren wir nicht darumb/ das wirs verdienen/ Aber darumb/ das vnß Gott versonet ist worden vñ Christo

In das Sechst Cap. des Euan. Luce. ly.

stus willen/ vnd verheyßet vns seine guthaten auß  
lauterer gnad vnnnd gütigkeyt/ welche er auch dar  
nach reichlichen gibe/ Darnach spricht Christus sei  
ne Apostel selig vmb eyner andren vrsach willen/  
In irem leiden/ des gleichen/ spricht er: theten ihre  
vätter den Propheten auch welches diß meynung  
hat/ Es ist groß trubsal vñ leiden/ die euch die Ju  
den werden anthun vmb meines namens willen/  
aber ir solt euch vil meer freuen in denē/ wann trau  
ren/ Dann so ihr diß dulden vnd leiden/ so sind ihr  
gleich den aller heyligsten Prophetē/ durch welche  
vnsrer Herr Gott vor zeitten geredt hatt/ dan was  
euch die Juden für leiden anthun werden/ die yetz  
und leben/ das haben zu vor ir vätter vnnnd eltern  
den Propheten than/ die des Herren wort verkün  
diget haben. Sie haben Eliam in das ellende ver  
iagt/ vñ biß in tod vernolget: Sie haben Esaiam  
entzwey geseget vnd erwürgt/ Den Propheten A  
mos haben sie mit cynem hebel durch dz haupt ge  
schlagen das er vmb kumen ist/ Sie haben Jeremi  
am in cyn gruben geworffen/ das er dar innen hun  
gers sturbe/ darnach haben sie ihn versteiniget. Vñ  
welchen Propheten haben sie nicht vernolget?  
Darumb so sie euch auch vernolgen werden/ so wer  
det ihr gleich den Propheten/ wie cyn groß gluck/  
wie cyn große seligkeyt/ wie cyn große gab Gottes  
meynestu aber das es sei den Prophetē gleich sein:

Denn

Warum  
die Apo  
stel selig  
in irem  
leidē seitz.

## Die Sunfft predig Johan. Brenth.

Den so eyner gleiche leidē mit den propheten leidet  
warlich so wirt er auch eyn gleichen lohn mit inen  
erpfahen/dise haben eyn versōnerten vnd gnedigen  
Gott gehabt/den selbigen werdet auch jr haben.

Sie sind in aller widerwertigk eyt erhalten vnnnd  
selig worden/So werdet auch jr erhalten vnd se-  
lig werden/Sie haben das leben vnnnd ewige selig-  
kayterlangert/die selbigen werdet auch jr erlangen  
kurz/Es ist keyn guthat Gottes den propheten  
widerfarn welche euch nit auch widerfarn werde.

Darumb wie grōsserer jamer euch überfelt/so vil  
glücklicher vnd seliger solt jr euch achten so weit ist  
es darvon das jr vmb des leidens willen welches jr  
vmb meines namens willen leidē werdē/euch wöl-  
ten vnseelig sprechen. Aber was ist das:wirst du sa-  
gen/so neid/haß/veruolgung vnd der todt/mir zu  
standen/nicht vmb des menschen Sons willen/nit  
vmb Christus namens willen/Sonder vñ meiner  
laster vnd übelthat willen/vmb meins diebstals  
willen/vmb ehbruch/mordercy/vnnnd der gleichen  
laster willen/was sol ich da thun? bin ich auch als

Obt  
vñ laster  
gestrafft  
werden  
selig sein  
en.

dan zu setzen in die zal deren/die da selig gesprochē  
werden. Antwort/dz du gesündiger hast/ist ganz  
vnseelig vnd verdamlich/den wer spricht Christus/  
sündethut/der ist der sünde knecht/wer aber d'sün-  
de knecht ist/der ist des Sathans tyranney vnder  
worffen/vnd ist schuldig der ewigen verdammniß/  
was kan aber vnseeligers sein den dise ding: das du

aber

in das Sechst Cap. des Luan. Luce lvi.

aber vmb der sünden willen straff ledest auff die  
ser welt/ist nicht eyn vnseeligkeyt/sonder eyn glück  
vnd seligkeyt/so du anderst dich recht in die straff  
schickest/denn das ietzt eyn verdiente straff der sün  
den ist/das/so du wilt/kannst du es in eyn selig vnd  
gebenedeites leiden verwandlen/By wie gehet das  
zu? Erstlich/durch die erkantnus der sünde/vnd  
bekantnus der gerechtigkeit Gottes/Nemlich/dz Wie der  
sünden  
straff in  
eyn seligs  
leiden  
verwand  
let werde  
du bekennest das du billig ledest vmb der sünden  
willen/vnd gestrafft werdest: Darnach durch den  
glauben an Christum/nemlich/das du glaubist/  
dir seien deine sünd vergeben vmb Christus willen  
vnd das dir Gott gnedig sei vmb Christus willen.  
Zuletzt/mit den fruchten des glaubens/vnd gehor  
same Gottes beruffs/nemlich/das du die sünden  
fliehst/der gerechtigkeit nach jagest/ledest wider  
wertigkeit williglich/scheltist nicht/zürnest nie  
vber Gott der dich straffet/das du nicht verzweis  
lest/das du auch nichts/so etwas anders vorhan  
den ist/wider Gottes wort handlest. So du diese  
stück thun wirst/so wirst du warlich denen wol zu  
gezelet/von welchen Christus sagt Math.v. Selig  
seind die da geystlich arm sindr/den das himelreich  
ist jr: Also da Manasse vñ seiner sünd willen ge  
fenglich hinweg gefüret/vnd in eyn gefengnis ge  
worffen ward/hat er durch büß die gefengnis zu  
eynem heyligen seggen verwandelt/vñ ist erlediget  
worden/Also der schächer am Creütz neben Chri  
sto



Die Sunfft predig Johan. Brentij.

sto hieng/hat durch die büß sein leiden in eyn heyligemarter verwandelt/vnd ist da durch in das Paradies komen/Darumb/du leidest/vnbiliglich vñ Christus namens willen/oder leidest billich vmb deiner laster willen/so wirt es eyn heyliges leiden/so du dich darein schickest/das du es im glauben leidest. Du hast nun auß disen sprüchen Christi/das man weit andrest von dem widerwertigen glück vrteylen muß/dañ die weltmenschen vrteylen/vñ dise sprüch sind seer wol zu mercken vnd zu hertzen zu fassen. Erstlich vñ der vrsachen willen/auff dz so das gsatz spricht/das leiden sei eyn fluch das es recht verstanden werde/nemlich/das die gotlosen wol vmb der sünden willen verflucht werden/das leiden aber wirt nicht allwegen von Gott vmb der sünden willen zugesandt/vnd so es vmb der sündē willen wirt zu gesant/so werde es doch in den segern vnd seligkeyt vmb verzeihung willen der sünden/verwädlet/welche man hat in Christo Jesu durch den glauben. Darnach sind dise sprüch Christi zu mercken/auff das wir eyn trost haben in aller widerwertigkeyt: Vnd darumb das Christus prediget das die im leiden sind/selig seien/dz wir eyn gewiß zu versicht empfangen/das wir durch das leiden zu der rechten waren seligkeyt komen werden in Christo Jesu vnserem Herre/der da ist Gott vber alles mit dem vatter vnd dem heyligen geyst/gelobet in ewigkeyt. Amen.

Das

In das Sechst Cap. des Euan. Luce. lxiij.

## Die Sechst Predig.



Im anfang der

predig/ die Christus auff dem berg zu seine jüngeren than hat/ vñ die Lucas in disem Capitel beschreibet/ habē wir gesagt/ das diß der einhalte der selbigen predig sei/ Das Christus vornēlich vmstast

Der ins  
halt der  
predig  
Christi  
auff dem  
berg.

drei jethumb/ darinnen die iuden stacken im verstand vñ auflegung des gesages. Vnder disen ist der erst/ von dem widerwertigen gluck/ den sie haltenden für vnseelig & widerwertig keyt leidet. Der ander ist von dem gütigen gluck/ daß sie meynen der sei selig dem es in seinen sachen wol geher. Der drit/ von der haltung des gesages/ dann sie meynē der halte das gesag vollkommenlich/ vñnd sei vor Gott gerecht der außwendig mit den wercken dem gesag volget. Vnd wir haben zwar in den vorigen predigen/ nach vnserem vermögen/ erkläret/ den teyl der predig Christi/ darinnen er umbstoßet den jethumb von dem widerwertigen gluck.

So laßt vnß nun auch hören die ablegung des andren jethumbs/ welcher ist von dem segnen oder guten gluck auff diser welt.

Denn welcher von disem gluck nach menschlicher vernunft on

Or ij den

## Die Fünfft predig Johan. Brentij.

Die gluck  
lich vnd  
selig sind  
nach dem  
vreyel  
menschl  
cher ver  
nunft.

den heyligen geyst vreylen/die halten dise für glü  
cklich vñ selig/denen alle ding auff diser welt nach  
irem willen gant/vnnd die reich sind hie auff diser  
welt/beyde mit gaben (wie mans nennet) des ge  
müts/des leibs vnnd des glücks/Das vnser Sone  
spricht der cylij. psalm. auff wachsen in irer jugēt/  
wie die pflanzen/vnnd vnserer tochter/wie die auß  
gehaueene ercker/gleich wie die palast/vnd vnser  
kammern voll seien/die her auß geben können ey  
nen vorradt nach dem andern/das vnser schaff tra  
gentausent/vnnd hundert tausent/auff vnseren  
doffern/Dz vnser Ochsen vil erarbeyten/da keyn  
schade/keyn verlust/nach klag auff vnseren gassen  
sei/wol dem volck/dem es also gehet: Wir pflegen  
zwar auch in der gemeyn also zu antworten denen  
so vnß von dem glück vnseres freunds fragen/Es  
gehet im glücklich vnd recht/er lebt wol/warumb  
Er hat eyn reichs weib genomen/Er ist zu hohen  
eeren komen in der Oberkeyt/Es ist ihm eyn groß  
erbgut zu gestanden/Er hat eyn mechtig gelt mit  
seinem gewerb erobert/vnd der gleichen vil stuck/  
welche dise welt für die seligkeyt achtet/vnd sie ach  
ten dise stuck nicht alleyn für eyn irdische seligkeyt  
sonder auch für eyn himlische/Den sie haltenden  
der mit solchem glück begabet ist/das er eyn gnedi  
gen Gott habe/standt im bernff Gottes vnnd sei  
gang heylig vnd selig vor Gott.

Aber Christus strafft solche vnnütze meynung  
vnd

In das Sechst Cap. des Euan. Luce. lyiii  
vnd won der mensche/vnd leret das man weit an-  
derst von d seligkeyt diser welt halten müsse Denn  
er spricht.

### Alber Dar gegen weh euch reich en/dan jr habt eweren trost dahin.

Diser spruch wirt auß eynem gegensatz/wider dz  
gesetzt das da oben gesagt ist. Selig seit jr armen/  
den dz reich Gottes ist ewer/wie wol es aber sich an-  
sehen laßt das Christus in disen sprüchen/smersten  
ansehen/redet von den armen vnd reichen jrdischer  
reichthumb/doch dieweil das wörtlin/die geistlich  
arm sind hinzu wirt gesetzt/Den Matheus spricht  
Selig sind die da geistlich arm sind/So haben wir  
die arm sind/für alle die betrübt sind/vnnd leiden  
haben/aufgelegt/Erstlich vñ vilerley anderer sa-  
mer vñ trübsal willen/darnach mich zu vor an vñ  
der sünden willen/ auß welcher erkennuß dz hertz  
vnd gemüt geengster wirt/vnd furcht den tod vnd  
die hell. So wollen wir auch an disem ort/die reich  
en/auflegē/nicht eygentlich/für reichē mit gütern  
vnd reichthumb(den von den selbigen wollen wir her  
nacher sagen)sonder für die so geistlich reich sind/  
das die geistlich reich seien/die haben eyn sicher frö-  
lichs/od wie man in eynem sprichwort sagt/ein so  
weit gewissen habē/dz man mit eynem füder heus  
dardurch faren möchte/die ire sünd nicht erkennen

Welche  
geistlich  
reich sei-  
en.

## Die Fünfft Predig Johan. Brentij.

die weder tod/Teüfel/nach hellen fürchten/die eyn  
 ganz frölichs leben weit von aller forcht aller ge-  
 ferligkeyt/füren die auß sicherheyt ihres gewissens  
 die schwere des vrtail Gottes über die sünd verlach-  
 en vnd sagē öffentlich/der Teüfel sei nit als grau-  
 sam/als man in malet/vnd das helich feuer sei nit  
 also heiß/als man mit vil worten pflegt davon zu  
 reden/dise werden hie an disem ort geistlich reich ge-  
 nant/vnd werden also selig geachtet/dz vil/dieden  
 tod vnd die hell fürchten/inen dise eynige seligkeyt  
 wünschen/das sie so sicher vnd still weren/als dise  
 geistlich reichē geacht werde/Christus aber schreit  
 über sie das grausam weh/dardurch er anzeigt dz  
 sie weit weit die aller vnseeligsten seyen/vnd setzt vor-  
 sach darzu dann spricht er/ir habt eweren trost da-  
 hin/dz ist/ir habt eweren himel hie auff erden vnd  
 ewere sälligkeyt in diser welt/darumb dörfte ir in d  
 zukünfftigē welt nichts anders wertig sein/den d  
 hell vñ ewigē vdamnis/dan es ist von gott also v-  
 ordnet/dz/wer in diser welt den himel hat/d sol in d  
 künfftigē welt die höll haben vñ wer in diser welt  
 die hell hat/d sol in d zukünfftigē den himel habē.  
 Welchenun yezüd geistlich reich sind/vñ habē ein  
 sicher gemüt dz wed tod noch hell fürchte/die habē  
 ein teil d himlischē freudē so nund die geistlich reichē  
 irē himel hie auff erdē habē/so volgt es/dz die hell  
 in d künfftigē welt auff sie warte. Wz hör ich möch  
 test du sagen:werde den die in sener welt keinē trost  
 haben

Die geist-  
 lich reich-  
 en sind  
 die vnse-  
 ligeesten.

In das Sechst Cap. des Euan. Luce. lxiij

haben/die in diser welt getröst sind: werdē den die  
vdampt werden in jener welt / die in diser welt cyn  
sicher gewissen haben: was sagt den Paulus da er  
an die Römer schreibt/ vnd spricht/ Nun wir den  
sind gerecht worden durch den glauben/ so haben  
wir friede mit Gott / durch vnseren Herren Jesu  
Christ: Paulus leret in disen worten dz sei cyn fru  
chte des glaubens cyn rewig frölig vnd cyn frid  
samlich gewissen haben vor Gott durch Christum  
vnd die ganz predig des Euangelions von Jesu  
Christo sieht zu vorauf dahin/das wir ein ruhigs  
gewissen vor Gott haben/ vnd weder tod noch hell  
fürchten/ sonder dz wir ein gewisse zuversicht emp  
fahen/das wir / so vns die sünd durch Christum v  
zigen sünd/in den himel vnd ewige sälligkēyt komē  
werden.

Warumb werden den hic an disen ort  
verworffen die / so cyn frölich vnd sicher gewissen  
haben: Nie mercken mir / dz zweierlei sicherheyt  
ist des gewissens/die cyn ist die / welche empfangen  
wird durch den glauben auß dem Euangelio von  
Jesu Christo/nach dem die sünde erkant / vnd das  
gewissen erschreckt ist mit der forcht des tods vñ d  
hellē. Diß ist ein heilige sicherheyt/vñ ein vñsüchig  
dhimlischē freude / aber sie hat darvñ dz geding  
vñ eygent schafft dz sie sorgfelig wandlet vor got  
auff dz sie nit wid got sündige/dz sie nicht wider in  
die sünd valle / vñnd von der sünden willen in den  
tod vñd

Rom. 5

Der in  
halt d  
pze  
dig des  
Euangeli  
ons.

Zweier  
ley sicher  
heit des  
gewissens.

Sei 7ge  
sicher  
heit der  
fromen.



Die Sunfft predig Johan. Brenth.

Gotlose  
sicher-  
heyt.

Esate. 28

rod vnd helle/sonder das sie fleissig Gottes bernuff  
volge/von diser sicherheyt redet hie Christus nicht  
Dann welch auß dem Euangelio durch den glau-  
ben eyn sicher vnd rüwigs gewissen habē/die besitz-  
en eyn grossen teil der waren vnd ewigen sältigkeyt  
auch hie auff diser welt. Die ander sicherheit ist die  
so nicht auß dem Euangelion durch den glauben  
gefaßt wirt/Sonder/die da entspringt auß dem  
vnglauben/vnd fleischlicher vermessenheyt/vnnd  
auß Gottes worts verachtungen. Aber dise sicher-  
heyt hat jr eygenthschafft vnd geding Sie erkennen  
jre sind nicht/sie glaubt nicht die schwere der vrteil  
Gottes/sie verlachtet alles das von dem zorn Got-  
tes gesagt wirt/sie veracht die trewung Gottes sie  
spricht dz hellisch feüer sei nicht also heiß/als man  
da von sagt/so sey der teüffel nicht so heßlich vnnd  
grausam als man in malet/Sie laßt nicht ab von  
den sünden/Sonder mitten in den sünden verheißt  
sie jr selbs(ich weiß nicht was) glück vnd seligkeyt  
Dergleichen sind so im Esaia sagen wir haben mit  
dem tod eyn bund/vnnd mit der hellen eyne ver-  
stand gemacht/weñ eyne flüt daher gehet/wirt sie  
vns nicht treffen. Vnd aber eyn mal spricht er im  
xxij. cap Darumb wirt der Herr Herr zebaoth zu  
der zeit rüffen lassen/das man weine vnd klage vñ  
sich beschere vnd seck anzihe/wie wol yetzt/sihe/ist  
eitel freude vñ wone/ochsen würgen/schaff schlach-  
ten/fleisch essen/wein trinckē(vnd spricht)laßt vñ  
essen

In das Sechst Cap. des Euan. Luce. lxx.

essen vnd trincken/wir sterben doch morgen. Vnd  
Jeremie am v. Sie verläucknen den Herren/vnnd  
sprechen das ist er nicht/vñ so übel wirt es vnß nie  
gehen/schwert vnd hunger werden nicht vber vnß  
kommen. Das ist die aller gottlosste sicherheyt/vnd  
wie wol sie vordem menschen geachtet wirt für die  
größt seligkeyt/ so sollen wir doch das wort Christi  
mercken/der da sagt/weh euch reichen/rewigen vñ  
geystlich sichern/darumb so ihr yetzt habt eweren  
trost/so werdet jr mit schneller vnd ewiger verderb  
nuß vnder gehen. Also waren auch die leut rewig  
vnd sicher vor dem sinckfluß/Sie assen/spricht Chri  
stus/sie truncken/sie freieten/sie ließen sich freien/  
biß auff den tag/da Noe in die archa gieng/hörte  
aber/was hat balld nach sollcher sicherheyt gefol  
get: vnd kam die sindflut/vnd brachte sie all vñ.  
Also warē auch die leut sicher vor dem brandt So  
doma/Sie assen/sie truncken/sie kauftren/sie ver  
kauften/sie pflantzten/sie bauweten/Die stuck wie  
wol sie an jnen selb nicht böß sind/so zeygen sie den  
nocht in den bößhaffteigen eyñ gottlose sicherheyt  
an. Was volget nun solchen: An dem tag aber  
da Loth auß Sodoma gieng/da regnet es feur vñ  
schwefel vom himel/vnd brachte sie all vmb: Also  
werden auch die leut sein in der zukunfft des men  
schen Sons/Denn ihr selbs wisset gewiß (spricht  
Paulus Tessalon. in der ersten im v. Cap. Das 8  
tag des Herren wirt kommen/wie eyñ dieb in der

Luce. 17.

X nacht

Die Sechste predig Johan. Brenzli.

nacht / Denn wenn sie werden sagen es ist fride / es hat keynfahr / so wirt sie das verderben schnell über fallen / gleich wie der schmerz eynes schwangeren weibes / vnd werden nicht entfliehen.

Darumb welche die rechten sältigkeyt begeren / die sollen dise gottlosen geystlich reichthumb slichē vñd sollen vil mer der geystlichen armüt nach sagen ihre sünd erkennen / vñd rüg des gewisses vñ geystlich reichthum in Christo durch den glauben suchen / Denn also werden sie auch auff diser welt trost / vñd in der zu künfftigen ewig seligkeyt haben.

Der ander Spruch ist.

Wesh euch / die ihr voll seid

denn euch wirt hungere.

Christus setzt disen spruch entgegen / dem so er oben gesagt hat / Selig seid ihr / die ihr hie hungere / denn ihr solt sat werden. Vnd die weil wir / zu vor disen spruch haben außgelegt / erstlich von denē die hungerig sind nach der gerechtigkeit / das ist / von denen / die so wol billiche sache habē / so künden sie doch kein billiche sentenz vñ vrteyl Richter erlangen / Darnach haben wir den spruch außgelegt / vñ den hungerigen nach der speiß / vñ von denen so mangel haben an reichthumb zeitlicher gütter.

So wollen wir nun auch seinen gegensatz versehen

In das Sechst. Cap. des Luan. Luce. lyv  
hen/erfflich vō denen so der gerechtigkeit voll sind  
nemlich von denen/die in allen ihren burgerlichen  
zenden eynen günstigen richter/vnnd der ihre sa-  
chen vnd handel für gerecht vnd billig auß spriche  
vberkommen. Darnach von denen so voll oder satt  
sind mit eufferlicher reichthum/vnnd von denen <sup>Sat von</sup>  
so grossen überfluß zeitlicher güter habē/Dise wer <sup>reichthum</sup>  
den von den welt kinderen/vmb ires überfluß wil-  
len/in zeitlichen gütern/glück selig/vnnd vor Gott  
selig geachtet.

Aber Christus sagt das widerspil vnnd spricht:  
Weheuch/die jr voll seid/denn euch wirt hungere  
werden/dann sprichstu/alle die/hungerigen vñ  
verdammpt werden/die voll oder satt sind/vnnd  
überfluß der reichthum habē: Abraham/Job vñ  
Dauid/sind seer reich gewesen/vnnd haben grosse  
güter besessen/wollen wir dar vmb sagen/das sie  
yegund hungere?: Das sei weit von vnß/Dann <sup>Christus</sup>  
Christus verdammet die reichthum nicht an di- <sup>verdaint</sup>  
sem ort/dann sie sind eyn gabe Gottes/So ver- <sup>die reiche</sup>  
dampt er auch nicht allereichen: Denn vil reicher <sup>thum nit.</sup>  
leut brauchen ihre reichthum recht im glauben/  
Sonder er ver wirfft vnd verdampft den gemeynē  
won vnd meynung/der reichthum/so der gemeyn  
hauff von der reichthum hat/dann si meynen die  
reichthum sei/die höchst sältigkeit/vnd meynen  
gleich der sei in eynem seligen standt der grossen ü-  
berfluß der reichthum setzt/vnd achten den für hei-  
liger/der reicher ist.

Die Sechst predig Johan. Brentij.

Reichtū  
ist den fro  
men cyn  
schwere  
bürde.

Wir wollen aber die rechten art der reichthumb er  
kieren/auff dz wir sehen/ob irgent eyn stück der sel  
ligkeyt darauff zu setzen sei. Dan/wan eynem fro  
men got seligen man/reichthumb zu standen/was  
sind sie anderst dan eyn sehr schwere bürde. Dann  
erstlich ist eynem fromen man von nödden/dz er nit  
vertrawe auff seiner reichthumb/ veller eüch/spriche  
der. iys. psalm/reichthumb ziheso henckt das hertz  
nicht daran. Vnd Paulus spricht Timorh. in der  
ersten am Sechsten Cap. Den reiche von diser welt  
gebeut/das sie nicht stolz seien/auch nit hoffen vff  
den vngewissen Reichthumb/sonder auff den le  
bendigen Gott Wie es aber sehr schwere ist/eynem  
der mit grossen durst gerpeiniger ist/sich enthalte  
von dem lüstigen wasser/eyns bronnen s d vor im  
flüsse vñ lüstig rauschet Also ist es auch seer schwer  
der menschlichen natur/jr hertz nit hengen an den  
lieblichen lust der reichthumb.

Darumb wie eyn brunn vor augen/eynem durstige  
en der nicht trincken darff/überlüstiger ist/dan eyn  
ner der weit dar von ist. Also ein fromer mensch/  
darum Gottes gebotts willen nit darff vff die rei  
chthumb vertrauen/wirt mit eynere grösseren bürde  
beschweret/wan er reichthumb hat/weder/so er der  
mangler. Darnach muß sich eyn fromer fürsehen/  
dz er nicht vmb der reichthumb willen in vñsuchung  
vall(wie Paulus spricht Timor. in der erste am vj.  
cap)vñ stricke vñ vil thorochter vñ schedlicher luste  
welche

In das Sechst Cap. des Euan. Luce 13<sup>viij</sup>

welche versencken die menschen ins verderbnuß vñ  
verdamnuß/ Vñnd Christus nener die reichrumb  
dorn/Warhei. xijij. Als verdrüsslich es nun/vñnd  
schwerlich/es eynem were/ßda müßt mitten durch  
stricke vñ dörn gehē/ also schwerlich ist es auch für  
war/eynem der mit grossem gut über schüret wirt  
Darum ist es vil mehr eyn vn seligkeit/grosse reich  
rumb haben/dan eyn sältigkeit. Zum lezsten ist  
einem fromen got seligen menschen von nöden/dz  
er seine reichrumb nach Gottes beruff verwalte vñ  
versorge/vñ mit seinem überfluß der andren man  
gel diene/Wa dz einer nit thut/so wirt er zu einem  
diebe vñ rauber in seinen eygenē gütern/den alles  
dz du von dem überfluß deiner güter/dē recht dirf  
tigē versagest/das selbig stilest du vñ raubest im  
wol nicht vor der welt/aber vor Gott. Es ist aber  
nichts schwerers dan reichrumb nach Gottes beruff  
verwalten/vñ vor Gott keynen diebstal begeren  
Darumb so sind die reichrumb/einem fromen men  
schen vil mer eyn schwere bürde vñ diser welt/dan  
eyn seligkeit. Vñnd die weil eyn fromer Got seliger  
mensch in seiner reichrumb nit stolz ist/vñd hoffet  
auch nit auff den vngewissen reichrumb vñ achtet  
sich nichts anders dan eynen schaffner fremder gü  
ter/vñd kaufft nit anderst/dan als er es nit besesse  
vñ braucht sich diser welt nicht anderst den on miß  
brauch/wie Paulus sagt darum hat er keynen vn  
derscheid vor eynem armen/vor Gott.

X iij Darumb



Die Sechst predig Johan. Brenij.

Frome  
reichen.

Darumb wie die Gott seligen armen vnd hungert-  
gen/werden selig gesprochen/also auch die gott seli-  
gen reichen(wie dan gewesen sind Abraham/Job  
vnd Dauid/vnd wie auch sind/alle die so verhoffe  
auff den lebendigen Gott/vnd beflissen sich/dz sie  
güts thuen/vnd seien reich in güten werken) selig  
sind/vnd werden nimmer mer hungertig sein.

Reichtu  
sind den  
bösen ein  
vrsach  
verdam-  
nüss.

Widerumb/wa reichthumb eynem bösen gottlosen  
menschen zu standen/lieber ich bit dich/wz sind sie  
anderst/dan eyn vrsach der grösste verderpnüss vn-  
ewigen verdamnüss? Denn erstlich so vertroöst sich  
der gottlos auff seine reichthumb/vn die weil er vil  
meer von dem waren Gott vnd seinem wort abtri-  
nig wirt/dandz er die reichthumb verlasset/warlich  
so bettet er seine reichthumb an für Gott/daher Pau-  
lus den geiz eynen göge dienst nennet/die Abgöt-  
terey aber füret niergent hin/dan zu ewigē ver-  
derben. Darnach mißbraucht sich der gottlos seiner  
reichthumb/vnd gibt sie außent weder durch gutig-  
keyt vnd vnutzen kosten/da er solt an sich halten/  
oder er behelte sie durch fargheyt an sich/da er sie  
solt aufgeben. Aber die Christenlichen gutigkeyt  
vnd freygebigkeyt/welche der mittel wege ist/kan  
er weder haben noch jr volgen. Ein solicher reicher  
was Nabal/der seinem güthater Dauid nicht eyn  
bitle geben wolt/so er doch dar zwischē mit seynen  
fründten truncken vnnnd vol was wie im ersten teil  
Samuels geschriben steht im xxx Ein solicher wz  
auch

In das Sechst Cap. des Luan. Luce. lxxviii

auch 8/von dem meldung geschicht Luce. xvj. der  
 sich kleidet mit purper vnd köstlichem leinwand vñ  
 lebet alle tag herlich vñ in freiden. Den Lazarum  
 aber der vor seiner thür lag/vollen geschwere/spet  
 sete er nicht mit den brösumlin die von seinem tisch  
 vielen. Eyn solcher reicher man/was auch der des  
 felde wol getragen hat/der da saget zu seiner sele/  
 Liebe seele/du hast eynen grossen voradt auff vil  
 jar haben nuntug/yß/trinck/vnd habe guten mne.  
 Was höret er aber? Dunar/dise nacht wirt man  
 deine seele von dir fordern/vñ wz wirts sein/dz du  
 bereitet hast? von solchē reichen redet nun hie Chri  
 stus/so er spricht/weh euch die jr vol seid/den euch  
 wirt hungere. Mit disem Kompt auch über eyn/  
 das Hanna die muter Samuels in irem psalmen  
 singt/die das ar waren/sind vmb brot verkauft  
 worden/vnd die hunger leiden/hungert nich meer  
 vnd David spricht im xxxviij psalm. die reichē müs  
 sen darben vnd hungere/aber die den Herze süchē  
 haben Eynen mangel an irgent eynem güt. Also  
 singt auch Maria die muter Jesu/die hungerigen  
 pricht sie/fület er mit güt/vnnd leß die reichen  
 leer. Darumb ist's nicht/das wir halten das die  
 vol vnd sat sind/darumb glücklich vnnd selig seien.  
 dz sie den überfluß 8 reichthum besitzē vñ genießen  
 Reichthum/sond sollens vil mer für vn selig halten  
 darumb dz/so sie sich irer volle/gotlosiglich miß  
 brauchē/werde sie dē ewigē hunger vnder worffen.  
 Der

Die Sechst predig Johan. Brenck.  
Der drit sprich ist.

Weh euch die ihr hie lach-  
et/denn ihr werdet weynen  
vnnnd heulen.

Dieser spruch wirt dem zu vor gsagt entgegē gesetzt  
nemlich Selig seide jr/die jr hie weinet/den̄ ihr wer-  
det lachen. Was? ist denn das weynen cyn solche  
gerechtigkeyt/das sie das lachen verdienet: vnnnd  
ist das lacheneyn so grosse sünd/das es weynen vn̄  
heulen verdient: Abraham als er höret/da er hun-  
dert jar alt war/die verheyßung von Isaac/dala-  
chet er/wirt er dann yetz weynen: Vnnnd der predi-  
ger Salomon spricht am ij. Istes nun nicht besser  
dem menschen essen vnd trincken vnd seine seel gu-  
ter ding sein in seiner arbeyt: Das ist cyn gab got-  
tes. Es ist aber kaum cyn freud vnd lust on lachē  
warumb wirt den̄ das lachen verworffen/so doch  
die freud nicht verworffen oder verdampft wirt?  
Es sind zwar heuchler vnnnd gleißner/welche so sie  
cyn vnnmilt/bedeckts vnd sauer sehends angesicht/  
vrteyle cyn from̄keyt vn̄ gerechtigkeyt vor Gott  
sein. So schezen sie auch das lachen vn̄ frölick̄eyt  
für cyn sünde/Christus aber verdammet hie an di-  
sem ort nicht alles lachen/auch nicht die solachen:  
Sonder er verwirfft allein den vnnungen won vnd  
meynung den man gemeyniglich von dem lachen  
hat.

Christus  
verdamt  
das lachē  
nit.

In das Sechst Cap. des Luan. Luce lxxx.  
hat. Denn gemeyn hauff der menschen achtet den  
für gesegnet/ glücklich vnd selig der solchen glück-  
seligen für gang hatt in seinen dingen/ das er alle  
zeit vrsach hat frölich zu sein vnd zu lachen/ Vnd  
welche diser meynung voll sind/ die sellbigen setzen  
den wollust vnter die freude/ für ire höchsten selig-  
keyt/ welche man Epicurer nennet/ Daher sei man  
cherley wege brauchen/ diese seligkeyt zu erlangen.  
Eyn er ist traurig vmb der leiplichen krankheit  
willen/ sucht im gesundheyt/ welchen so er nie kan  
von Gott durch rechte vnd ordenliche artznei vber  
kommen/ beflisset er sich des cynigen/ dz er sie vber ko-  
men/ entweder von dem teufel selbs/ od durch war-  
sager in vnd zenberin/ Denn er meyndt die gesund-  
heyt sei der rechte weg/ zu wollust vnd freuden/ wel-  
che er das oberest gut vertheilet. Eyn anderer ist mit  
armut beladen vnd süchet das cynig/ das er im rei-  
chthumb zu wegen bringe/ ist nicht mit rechter bil-  
licher arbeyt/ so seies mit liegen vnd eriegen/ denn  
er vermeyt er wölle durch die reichthumb/ dz höchst  
gut/ als er es achtet/ nemlich freude vnd wonne er-  
langen: Eyn anderer kumpt zu hoch ehren durch  
eergeitrigkeyt/ den er hofft/ er wölle durch ehre zu  
seiner größten seligkeyt welche ist diser welt freude  
kommen/ kurglich/ welche inen die lust vnter freuden  
diser welt für das hochst gut für setzen. Dise werffen  
entweder/ die fromkeyt oder Gott seligkeyt hin/  
auff das sie sich ihres güten gebrauchten/ oder volge

## Die Sechst Predig Johan. Brentij.

Freud vñ  
lachen &  
frommen

so vil alleyn der Gottseligkeyt nach / als lang sie  
darauf ceynen wolust vnd freude empfahen / Dar  
vñ so verdämet hie Christus diser meynung vñ für  
nemē vñ spricht / weh euch die ihr hielacher / den ihr  
werder weynē vñ heulen / Es hat zwar 8 frommen  
sch sein freude vñ lachen auch welche er empfahet  
aus dem glaubē an Jesum Christū / dzer vñb des  
Christus willen hat ceynen gnädigen Gott / es stan  
de im glück oder vnglück zu / von welchem der Pro  
phet Esaias sagt / Esa. lxx. Sihe ich wil ceyn new  
en himel vnd newe erden schaffen / das man der vor  
igen nicht mer gedencken wird / nach zu herzenne  
men / Sonder sie werden sich ewigklich freuen / vñ  
frölich sein vber den / das ich schaffe / den sihe ich wil  
Jerusalem schaffen zur wonne / vñd ihr volck zu  
freude / vñ ich wil frölich sein über Jerusalem / vñ  
mich freuen vber mein volck vñ sol nicht meer drin  
nen gehört werden / die stim des weynens noch die  
stim des klagens / Da her berufft auch Paulus / da  
er an die Philipper schreibt am iij. Freuet euch in  
dem Herren allwegen / vñd aber mal sage ich freu  
et euch / Da hin rufft vñs auch der prediger Sa  
lomon als oft er vñs heyst frölich sein in vnserer  
arbeyt: Welche aber gottlos findt / vnd Christum  
verachten vnd werffen sein Euangelion hin / dise /  
di weil sie keyne freyd auß dem glauben schöpfen  
so iagen sie dem wolust diser welt nach / auff das sie  
auß denen ire freud vnd ihr lachen erlangen. Von  
disen

Freud vñ  
lachen &  
gottlosen.

In das Sechst Cap. des Euan. Luce. lxx.

disen redet nur Christus / vnd bezeuget öffentlich/  
das / wie wol inen ihr wunsch vnd begird widerse-  
ret / vnd gantz seer vor allen sich freuen vnd lachē  
so werde doch jr lachen in grosse klag vnd weynen  
vñ wandlet / Da her auch Esaias am v. sager: Sie  
harffen / psalter / baucken / pfeiffen vnd wein in jrē  
wolleben / vnd sehen nicht auff das werck des Herra  
ren vnd schawen nicht auff das geschafft seiner hen-  
de. Du hörest freud vñ lachen / So höre yetzt auch  
das klagen vnd weynē. Darumb / spricht der Pro-  
phet weiter / wirtt mein volck müssen weg geführt  
werden vñ uer sehens / vñnd werden seine herlichen  
hunger leiden / vnd sein pöbel durst leiden / vnd der  
prophet Amos am vi. Ihr esser spricht er: das bes-  
ste auß der herde / vnd die gemestere kälber / vnd spi-  
let auff dem psalter / vñnd erticht er euch lieder / wie  
Dauid vnd trincket wein auß den schalen vnd sal-  
bet euch mit balsam / vñ bekümmert euch nichts vñ  
den schaden Joseph / du hast hie die freude vnd des  
yetzt sihe das klagen vnd weynen. Darumb / spricht  
der Prophet: sollen sie nun foran gehen vñter de-  
nen / die gefangen weg geführt werden / vnd sol das  
schlemmen der branger auff hören.

Die weil nun die sache also stehet / warlich so ist das  
nicht zu thun / dz wir vns wolten freud vnd lachen  
disei wellt überkommen / durch gottlos wesen vñnd  
verachtung Gottes worts / dan diß ist nit anders  
dan des klagens vñ weynēs vorlauff vñ eingang:

Wie  
freudt vñ  
lachen zu  
vber kom-  
men seien

S ij Das



### Die Sechst predig Johan. Brentij.

Das aber ist vil mer zuthun/dz wir auß dem glauben an Christum eyn frölichs gewissen vor Gott/haben da mit wir vns hernacher in alle zu fälle/sie seien glücklich oder widerwertig richten vnnnd schicken können /den also werden wir nicht lachen das wir darnach klagen/so werden wir auch nicht klagen das wir in der klage beharren oder bleiben/sonder werde ewiglich in dem Herren frölich sein.

Der lest spruch ist.

### Whe euch /weñ euch Jederman

wol redet /des gleich thetē jre vetter den falschen propheten auch.

Diß wirt entgegen gesetzt dem das broben gesagt ist/Selig seid jr/so euch die menschen hassen/ vnnnd euch absonderen/vnd scheltē euch/vnd verwerffen eweren namen/als einen boßhafftigen vñ des menschen Söns willen. Aber Christus verdamet nit mit disem spruch/dz güt gericht der menschen dar eyn gut gericht ist eyn gabe Gottes /vnd die ganz heilig geschriffte vermanet vns/das wir vns befließen mit tugeren vnd guten wercken/eyn guten namen vnder den leuten zu überkomen. Darum spricht Paulus Rom. vii. fleisset euch der erberkeyt gegen jederman/vnd an die Philipper am iij. was warhafftig ist/was erber/was gerecht/was keusch/wz lieblich

Das gut  
lob wirt  
nicht ver  
worfen.

In das Sechß Cap. des Euan. Luce lxxx

lieblich/was wol lauret/ist erwa eyn tugent/ist er  
 wa eyn lob/dem dencket nach. Daher auch paulus  
 wil das man keinen Bischoff erwölen sol/er sei den  
 vnstrefflich/vñ habe ein gute zeüknüß von den die  
 draussen sind. Es habē auch die Apostel on zweif  
 fel vnder den iren allen ein groß lob gehabt/Vnd  
 Paulus schreibt als ich meine von vnserem Euan  
 gelisten Luca.ij Cor. viij. Wir haben aber/spricht  
 er:eynen bruder mit gesandt/der dz lob hat am E  
 uangelio/durch alle gemeinen. Darum verdamet  
 Christus hienicht/das güt lob vnd gericht/Sond  
 er verwirfft vñ verdamet die vnnützen vñ eytelen  
 mynung d menschen in dem guten gericht vnd lob  
 haben den der gemeyn hauff/vrteilet nicht von ge  
 schefften vnd händlen nach der warheyt irer natur  
 vnd eygent schafft/sonder nach dem gemeynen ges  
 schrey/So eyner von jederman gelobt wirt/so hal  
 ten sie/er habe eyn gerechte sache/vñ sei in eynem  
 göttlichen handel. So aber eyner sicher von jeder  
 man verworffen vnd veracht wirt/den achtet d ge  
 meyn hauff er habe ein vnbillichē vñ vngöttlichē  
 handel. Daher sicht der gemeyn pöfel nicht dz/dz  
 eyner habe eyn billiche sache/vnd wandle in eynem  
 billichen göttlichē handel/Sonder alleyn dz er von  
 vilen gelobt werde/vnd habe eyn guts geschrey vñ  
 lob vñnd verimeynt er thū des halben recht daran  
 darumb das der dem grösseren hauffen gefalle.  
 Aber Christus verwirfft vnd verdampft dise meyn

Das das  
 vrtail  
 des ge  
 meinen  
 böfels  
 falsch sei.

S iij nung

Die Sechste predig Johan. Brenzj.

Das best  
gefelt nit  
allweg ye  
derman.

meynung vnd fürnemen/ vnnnd spricht: wehe euch  
wenn euch yederman wolgedet. Es mag sich wol  
begeben/ das auch der recht handel/ welchen vil lo-  
ben/ Aber das man achten wölte/dz die gerechtige-  
keit des handels/ oder die warheyt der lere hange  
an der menschen gunst vnnnd lobe/ vnd sich auch als  
leyen des befeissen/nicht dz du recht thuest/ oder die  
warheyt lereist/ sonder das du der leut gunst vnnnd  
gnad habest/ das ist endtlich eyn grosse vnseeligkeit  
Denn/ Erstlich ist es nie also wol gehandelt worden  
in menschlichen sachen. Das die besten ding vilent  
gefallen haben/ vnd es pflegt sich gemeynlich als  
so zu begeben/ das der grösser teil den besseren über-  
windet. Es ist auch keyn wonder/ dann der teuffel  
ist eyn fürst diser welt/ vnd wie Paulus sagt zu de  
Corin. in ij. im iij. Cap. Weyn Gott diser welt/ der  
versuchet alle wege/ auff das er die menschen/ so in  
vnter worffen sind/ in der blindheyt/ irthumb vnd  
eitelkeit erhalten möge. Darumb das so yeder  
man gefelt solle vns aber darvnter verdecktlich sein  
das es der vile vnnnd dem hauffen/ gefelle/ dann  
es ist entweder gar fallsch/ oder ist falsch von der  
menge verstanden werden. Darnach ist auch solch  
es bekant vnd offenbar/ durch die vorbild vnd ex-  
empel deren ding so geschehe sind/ nemlich das/ dz  
vrteyl der menge ganz eitel vnd falsch sei/ Denn d  
gröste teyl der elteren vnd vätter der Juden/ haben  
vil meer die falschen Propheten gelobet/ denn die  
rechten

In das Sechst Cap. des Luan. Luce: lyxix.  
 rechten waren propheten/dise rechten propheten  
 haben sie vernolget/die falchen prophetē aber ha-  
 ben sie in grōsten eeren gehalten/vnd mit den grōs-  
 sten reichthumen begabet. Die propheten Baal vn-  
 der dem kōnig Ahab/hatten das best leben in der  
 gemeynentēkung/vnd wurden von iederman er-  
 würdig vnd geystlich vätter/gegrüßet/Die weil a-  
 ber müß des Herren prophet Elias vñ ziehen vñ  
 keyn gewisse bleibliche stat haben/vñ in allen din-  
 gen mangel welchen auch der Kōnig sucht zu er-  
 wurgen als eyn auffruer vnd glucks vnd heyls  
 im ganzen volck Israel/ Etlich andere prophetē  
 des Herren müßten sich in die hōler verstecken vnd  
 verbergen/vnd mit wasser vnd brot gespeiset wer-  
 den/Vander demselbigen Kōnig Ahab was eyn  
 prophet des Herren/mit namen Micha/der selbig  
 darumb das er Gottes wort vnerschrocken ver-  
 kündiget/wardt er wider gerümpet noch geehret  
 vnder den Israelitern/ Der Kōnig sprach ich bin  
 im gram/denn er weissaget mir keyn gūts/sonder  
 eitel böses/vnd darnach heyst er ihn in eyn kercker  
 setzen/vnd ihn mit wasser vnd brodt des trūbsals  
 speissen/vnd der dem/die falchen propheten/die zu  
 gleich dem Kōnig gūts weissageten/die wardenn  
 auch zugleich cynhelliglich gelober/vñ mit grosser  
 zucht vñnd ehr verehret. Vnder dem Kōnig  
 Zideckia weissageten etlich falsche Prophetenn  
 Phassur/Hannaias vnd vil andere/die selbigen  
 ehret

Die rech-  
 ten pro-  
 pheten  
 sind ver-  
 acht/die  
 falschen  
 in eeren  
 gehabt  
 werden  
 von den  
 juden.

Die Sechst predig Johan. Brenck.

ehret alles volck/ Jeremias aber der war Propheet  
des Herzen/was also verschmehet/dz er in eyngren  
ben da nicht wasser sonder schlam inmen war/ge  
worffen war de. Jeremie xxxviii. Was wollen wir  
dazu sagen? Sollen wir darumb halten das die  
falschen Propheeten haben die warheit gesagt/dz  
sie dem grossen hauffen gefallen haben? vñnd das  
man sie also geheret hat? wollen wir sie darumb  
glücklich vñnd selig heysen/das sie vor den leuten  
groß geacht sind gewesen? warlich gar nicht/dañ  
wie mer sieder vile der menschen gefallen haben/so  
vil mer haben sie Gott mißfallen/Vñd wie vil hö  
her sie vñder den leuten geeret sind worden vñd ey  
ner hohen achtung gewesen: So vil schentlicher  
vñd grewlicher sind sie vor dem an gesicht Gottes  
gewesen. Daher inen auch eben das zu handen gan  
gen ist/das inen der Propheet Jeremias weißgesa  
get hat/vñ spricht: solich Propheetē sollen sterben  
durch das schwert vñd hunger/vñd das volck dem  
sie weissagen/sollen vom schwert vñd hunger auff  
den gassen zu Jerusalem hin vñd her ligen/das sie  
niemand begraben wird/also auch ihre weiber/sö  
ne vñd töchter/vñd wil ihre bosshēyt über sie schüt  
ten. Sonun dise sache also stehet/so müssen wir  
im nicht also thun/dz wir vñs wölten richtē nach  
dem vrteyl der vile/vñ des volcks gunst nach stellē  
vñd die rechte leer/oder die rechte ordnung vñd vñ  
der weysung des lebens verachten/Sonder das ist

Man soll  
des vol  
cks gunst  
nit suchē  
mit nach  
lassung d  
rechten  
leer.

In das Sechst Cap. des Euan. Luce lxxij.  
zu thun/das wir dem beruff Gottes nach kommen/  
predigen die warheyt Gottes worts/vnnd wand-  
len in gerechtigkeit des lebens/die leut loben vns  
oder scheltē vns/Der hat guts lobes gnüg/der vō  
den besten/wie wol ihr gantz wenig sindt/ gelobet  
wirdt. Vnnd wie wol du keynes menschen gunst  
hast/was möcht aber dir doch grössers zustehen/  
weder das du Gottes gnad hast? Es ehren die kin-  
der Adam auff erden deinen namen vnd lob nicht/  
aber die kinder Gottes im himel achten dich so vil  
bester eerlicher. Darumb wie vil grösser die herrlig-  
keit ist die man vor Gott /dann die man vor den  
menschen hat/ So vil grösseren fleiß sollen wir an-  
keren/das wir den dingen nach iagen/die Gott vn-  
serem Herren gefallen. Du hast nu die kurtzen  
sprüch/vnnd sentenz in welchen Christus den ir-  
thumb/von glücklichem zufall in hendlen/ abgele-  
net hat/vnd beweisset/das die so güt glück auff di-  
ser welt haben/mer vnseelig/dann glücklich vnnd  
selig seien. Nun gehört ierst noch dz dar zu dz wir  
dise sprüch vnd sentenz in frischer gedechtnis be-  
halten/Erstlich/auff das so das gesetzspricht: dz  
die glückseligkeit dieser welt seien benedeiung vñ  
segens/das wir halten das wol den fromen sei glück  
seligkeit verheissen/vnnd inen vnderweilen auch  
auff diser welt zu kommen/doch sollen wir die ge-  
rechtigkeit oð gotseligkeit der sache/nit vrteylen  
auff dem gluck diser welt/Sonder vil meer nach  
T dem



## Die Sybend predig Johan. Brentij.

dem gemeynen sprichwort ye böser yemer glück vñ  
vmb des willen deßer vnglückseliger. Darnach  
das wir in glücklichen dingen nicht stolzieren in vn  
serem hertze Sonder das wir in der forcht wandlen  
vnseres Herrn Jesu Christi Der zu gleich mit dem  
Vatter vñnd dem heiligen geist Gott ist gelobt in  
ewigkheyt. Amen.

## Die Sybendt Predig.



is her hat vnser Herr

Jesus Christus verworffen  
zwehn irthumb/ in welche nit  
alleyn der Juden phariseer  
Sonder auch alle menschen/  
vñd alle völkern/ so den hey  
ligen geist nicht haben/ von  
dem glücklichen vñd widerer

wertigem glück gantz vngeschickt vñteylen. Nun  
trit er yetz/ zu der ablenning des dritten irthumbs  
(welches in diser predig das fürnemst ist) welcher  
ist von der außlegung des gesetzes oder der gebott  
Gottes. Dan die außleger irren auff mancherley  
weise in d' außlegung des görtlichen/ gesetzes d' ein  
lerer dz gesetz erfordert nur die eusserlichen werck  
vñ es wurde also durch die eusserlich gerechtigkeit  
erfüllet

Irthumb  
in d' auß  
legung  
des ge  
setzes.

In das Sechst Cap. des Luan. Luce. lxxviii  
erfüllet / das wer es thete der büffet seine sünd vnd  
verdienete die gnad Gottes vnd das ewig leben.  
Eyn anderer leite / die gesetz so für das ampt der  
oberkeyt gegeben sind / dem gemeinen volck vnd ge  
meynen man zu / vnd die dem gemeinē hauffen vñ  
gemeynen man geben sind / die selbigen legteer der  
oberkeyt zu / dise irthumb aber sind die aller schäd  
lichsten. Denn erstlich welcher der meinung ist / dz  
das gesetz mit ensserlichen wercken erfüllet werde /  
vñnd das die selbigen werck seien gnüghung für  
die sünde / vnd verdienst der genaden Gottes / vñnd  
des ewigē lebens / der selbig vertrawet auff sein eig  
ne gerechtigkeit vnd verachtet Christum / was ist  
aber das anders / den frembde götter anbeten / vñ  
seyn eigne sältigkeit hin werfen? Darnach wan die  
gesetz also vnder cynander vermischer werden / dz  
die so der oberkeyt zu gehören / dem gemeyns man  
werden zu gelegt / vnd widerum die dem gemeynē  
man zu gehören / dz mans dem maiestrat vnd ober  
keyt zu legt / was wirt ineyner solichen policey an  
ders draus dan ein gehader / auffruer / todschleg vñ  
morderey? Darumb so verwirfft Christus dise ir  
thūb yezund / auff dz er beide vnserem burgerliche  
vñ geistliche heil pflege vñ leret einē warhafftigen  
istad des görtliche gesetzes welche predig wir so flei  
siger mercken sollē als vil lieber vnß sein sol erstlich  
vnser gmein darnach eines iegliche heil in sondheit  
Vnd auff das aller erst / vermane ich eu. / das ihr  
T ij nicht

Die Sybend predig Johan. Brenth.

nicht alleyn wertig wöllet sein der auflegung des  
ren gebort vnnnd stuck die Lucas an disem ort be-  
schreibt/Denn wir wölle auch hin zu setzen die/so  
Matheus am v. Cap. vō der auflegung des gsatz  
es erzeler. Denn Lucas durch laufft dise sacht/wol  
klarlich genüg/aber doch kurz/Matheus aber er  
klāret sie vberflüssiglich. Es ist aber von nöten/dz  
der recht verstand des gesatz/vns wol vnd mit vi-  
len Worten werde geefert vnd eingeblewet/Darum  
hatt vns nit für vngeschicklichen an gesehen/das  
wir die stuck/so vō diser sacht in Matheo sind/auch  
an disem ort/als vil den zu vnserem fürnemen ge-  
nüg ist/erkleren. Darnache he dann wir die aufles-  
gung des gesatzes handeln/müssen wir fleißig mer-  
cken/das wie grosse irthum des gesatz bei den vner-  
fahren bracht hat/so grosse hat auch dise predig da-  
rinnen Christus das gesatz auflegt/bey den grobē  
vnd vngeleren in Götlichen sachen bracht. Denn  
es sind etliche/die weil Christus so offte in der pre-  
dig efret/sie hat gehört das den allten gesagt ist/  
vnd was volget. Ich aber sage euch. die vermay-  
nen das Christus sei zu vor an vmb der vsach we-  
gen in die welt kōmen/das er das alle gesatz in ey-  
nen kurzen inhalt verfasere/so etwas manglet/dz  
er es hin zu he setze/so etwas irthum darinne were/  
das es verwandelt/vnd richtet also cyn neues ge-  
satz auff das vil herter vnd ernstlicher were dan dz  
alt/welches er auch zum ersten also volkōmentlich  
er

In das Sechst Cap. des Euan. Luce 10. v.

erfülte das es allen andern eyn volkōmen vorbild  
wererecht zu leben. Vndes ist zwar die warheyt/  
das Christus die gebort des gesetzes geleret/vnnd  
das gesatz volkōmen erfüllet habe/vnd das er eyn  
volkōmmen vorbild der gerechtigkeit sei/Aber dz  
ist in keynen weg zu halten/das er in dise welt ko-  
men sei/alleyn als eyn gesatz geber/vnnd vor bilde  
des lebens: Denn alles das zu dem gesatz/vnnd er-  
kantnus der erbarkeit vnd vnerbarkeit/der bil-  
ligkeit/vñ vnbilligkeit gehōret/dz sellbig ist gāz  
volkōmen ind welt gwese/ee dan Christus mensch  
wordē ist. Den erstlich/hat Gott vnser Herr die er-  
kantnus des rechte/natürlich in die menschlich ver-  
nunfft geschrieben: Den dz man weißt/spricht Pau-  
lus dz Gott sei/ist den Heyden offembar/den Got  
hattes ihnen offembaret. Vnd aber eyn mal/den  
so die heyden/spricht er: die dz gsatz nicht haben/  
vnd doch von natur thun des gesetzes werck/dz ist/  
sie haben von natur erkennen was recht odder vn-  
recht ist/vnd haben eyn gewissen guts vnnd böses  
gehabt/die selbige die weil sie dz gsatz nicht haben/  
sind sie ihnen selb eyn gesatz/damit/das sie bewei-  
sen/des gesetzes werck/dz ist/die erkantnus des re-  
chten vnd vnrechten/vnd das gewissen guts vnd  
böses/sei geschrieben in ire hertzen/seitenmal jr ge-  
wissen sie bezeuget/da zu auch die gedancē/die sich  
vnder eynander verklagen oder entschuldigen.  
Darnach ist dise natürlich erkantnus des rechten

Christus  
ist nicht  
kommen  
als eyn  
gesetz ge-  
ber.

Die erkā-  
nus des  
rechten/  
ist natür-  
lich der  
vernunft  
eingesla-  
nget.

T ij durch

Die Sybend Predig Johan. Brentij.

Das ges  
satz ist  
durch mo  
sen geben

Dz gesatz  
Mosi ist  
gantz vol  
kommen.

Die Philo  
sophi  
haben dz  
gesatz ge  
leeret.

durch die erbsünd seer verdunckelt worden/darum  
hat Gott Mosi dz gesatz auff dem berg Sinai ge  
ben/auff das/das so natuerlich dem menschlichen  
gemüt war eingepflanzt/auch in schrifft verfas  
set were/vnd were mit himlischer zeugnus bestet  
get. Dis gesatz/ als vil an jm ist/ ist es das aller vol  
komest/vnd es ist nichts guts/das nicht darinnen  
gebortē/so ist auch keyn arges/dz darinnen nit ver  
boten werde/welches auch die Propheten auff dz  
aller volkomest haben auß gelegt/vnd haben es  
durch ihre außlegung auff das hellest erleuchtet.  
Daher Mosi sein gesatz auff das aller ernsthafti  
gest beuillet/vnd spricht: Deu. am v. weicher nicht  
weder zur rechten noch zur linken/sonder wandele  
in allen wegen/die euch der Herr ewer Gott gebotē  
hat/vnd im xij. Cap. Alles was ich euch gebiere/dz  
solt jr halten/das ihr dar nach thut/ihr solt nicht  
dar zu thun/noch dar vō thun/Vnd im xxx. Ich  
neme himel vnd erden heute vber euch zu zeügen/  
Ich habe euch lebē vñ tod/segē vñ fluch fürgelegt.  
Dise wort bezeugen warlich alle sampt/dz dz gesatz  
Mosi/als vil die leer des rechtē berriß/gantz key  
nen mangel habe. Zu lest/haben auch die Philo  
sophi/das ist/die weisen vnder den Heyden/das ge  
satz das ist/die erkantnis des rechtē vnd vnrechtē  
tugend vnd laster/geleeret/dann was t an Götli  
chers geleeret werden/dann das man Gott mit rei  
nem gemüt solleren/vnd/auff das du dem nächstē  
nützlich seiest/solt du auch deines eygenē blüts nit

In das Sechst Cap. des Euan. Luce: τοῦτο  
 verschonen: Dise leer aber/ vñ d gleichē vil werdē  
 inden geschriffren d philosophen der heidē geleret.  
 Dañ wie woldie philosophi/ gewist haben dz eyn  
 Gott ist/ wie Paulus sagt/ so habē sie indoch nicht  
 geprisen als eynē Gott/ noch gedancket/ sond sindt  
 in irem dichten eitel wordē/ vñ ihr vnuerstendiges  
 hertz ist versinsteret/ noch so habē sie dennocht/ wie  
 auch Paulus sagt/ Gott erkant/ vñ eyn naturli-  
 che erkantnus des Gottlichē gesetzes gehabt. Dar  
 vñ so wer Christus vñ sunst vff dise welt kōmen/  
 wañ er alleyn zu dem ampt kōmen were/ dz er eyn  
 volkōmen gesatz verordnet. Er ist auch nit darūb  
 kōmen/ dz er alleyn sei eyn beispil des lebēs/ den in  
 dem stuck/ hette er vnß wenig nutz bracht auß dem  
 himel/ auff die erden/ den wir sind von natur kind  
 des zorns/ vñ manglē der krafft des heyligē geists  
 dar durch dz gesatz möcht erfüllet werdē/ den fley-  
 schlich gesinnet sein/ spricht paulus Ro. viij. ist ey-  
 ne feindschafft wid gott/ vñ ist dem gesatz Gottes  
 nit vnderhan/ den es vermages auch nit/ was nutz  
 et es aber/ eynē menschē vmanen mit wortē od bei-  
 spilen/ dz er sich vff dē wege mache zu gehn/ d schwe-  
 cher ist/ dañ dz er/ ich wil nit sagē gen sond auch nit  
 eynē trit vff seine füß thun kōne: darūb wen Chi-  
 stus sunst nirgēd zu kōmē were/ den dz er eyn vol-  
 kōmē vorbilde des lebēs were/ so wurde es fast vñ  
 sunst vñ rgebēs geacht werden. Er ist aber zu vor  
 auß vñ d iser vrsach willē/ vñ zu dē ampt kōmen/  
 vff dz die weil wir des heiligē geists mägk vñ habē

Christus  
 ist nit al-  
 leyn kōm-  
 men das  
 er sei eyn  
 beispil  
 des lebēs

Warum  
 Christus  
 auff dise  
 welt kōm-  
 men sei.



Die Sybend predig Johan. Brentij.

das gesatz/ das zu vor volkommen gegeben w3 über  
treten/ haben Gott vnseren Herren zum zorn ge-  
reiget/ vnd haben die ewige verdammniß verdienet/  
er vnser sünd büßte/ vñsonete vns Gott dem vatter  
vnd verdienete vns durch seinen gehorsam/ dz wir  
vñ seiner willen vor Gott durch den glaubē frōm  
vnd gerecht wurden gerechnet/ vñnd hetten nichts  
minders an jm/ den so wir das gesetz hetten volkom-  
menlicher erfüllet/ vñnd auff das wir auffgenommen  
wurden vmb seiner willen zu kindern Gottes/ vnd  
wurde mit dem heiligē geyst begabet/ durch welch  
es krafft/ wir dem beruff Gottes nachkomen/ ob  
schon nicht ganz vñ gar volkommen/ doch so vil als  
genug were den glauben zu bezeugen/ vnd das wir  
also vmb seiner willen die ewigen seligkeyt erlang-  
ten. Das ist das ampt/ zu welchem Christus auff  
dise welt gesandt ist worden. Das ist die Maister  
welche vor allen dingē in dem Messia zu suchen ist  
den das ist ye/ spricht Paulus Timot. in der ersten  
jmersten Cap. Gewislich war/ vnd cyntheur wer  
des wort/ das Christus Jesus kommen ist in die welt  
vñ was vrsach willen: das er cynnewes gesatz ge-  
bet/ gar nicht/ sonder/ die sündler selig zu machen/ vñ  
an die Römer am. viij. Das dem gesetz vñmüglich  
war (seitmal es durch das fleisch geschwechete  
ward) das that Gott/ vnd sandte seinen Son/ In  
der gestalt des sündelichen fleischs/ vnd verdamp-  
te die sünd im fleisch durch die sünd/ auff dz die ge-  
rechtigkeyt

In das Sechst Cap. des Luan. Luce lyxvii  
 erchtigkēyt vom gesatz erfordert / ihn vns erfüllet  
 wurde / das ist / auff das wir die gerechtigkēyt vnd  
 das heyl / welche wir nicht mochten haben / durch dz  
 gesatz / darumb das wir es nie voltkōmen gehalten  
 hatten / durch Christum Jesum hettē durch den  
 glaubē / vñ würden nicht anderst vor Gott gereche  
 gerechnet / dan als hettē wir dz ganz gesatz ganz  
 voltkōmenlich gehalten. Was wil nun Christus  
 darmit / so er also offt in der predig esret / Ir habet  
 gehōret das den altē gesagt ist / Ich aber sage euch /  
 Warlich dise wort / laß sich ansehē / als wort eyns  
 newē gesatz gebers / Antwort / Christus gibt keyn  
 newe gesatz / so thut er auch nichts zu den altē / als  
 ob es vnvoltkōmen sey. Aber das alt gesatz / das  
 zwar Mose voltkōmen geben hat / vñnd das durch  
 die propheten voltkōmenlich außgelegt war / Aber  
 bißher mit menschlichen vñ pharisaischē auffsat-  
 zungen / wunderbarerlicher weiß verdunklet / dz legt  
 er klarlich auß / thut es heiter antag / vñnd bringt es  
 wider zu dem rechten natürlichen verstand Mose  
 vñnd der Prophetē. Er thut aber das / mit dem an-  
 schlag / auff das er durch die außlegung des alten  
 gesatzes / vns vnserē sünd anzeyge / vñnd weise vns /  
 wie notwendig vns Christus sei / vñnd welches wil-  
 len wir haben verzeyhung der sünden / vñnd die ge-  
 rechtigkēyt durch den glauben / wie den hernacher  
 mit vil Worten wir angezeigt werden. Es sind  
 andere dieteilen die gesatz / in diser predig in zwey

Christus  
 legt das  
 gesatz  
 Mose klar-  
 lich vñ.

Die Sybeind predig. Johan. Brentij.

teyl/vñ heysen/etliche soliche gebort/die iederman  
geboten seien/die anderen aber nennen sie rade/  
welche so man sie auffneme sei es wol heylig/es sei a  
ber doch mit nodt zu der seligkeyt: Also nennen sie  
rade/als den feind liben/Item den andern backen  
dem auch dar biere/der vns eynen streich gibet/vff  
den rechten backen/Item segnen die/die vns flüche  
vnd der gleichen vil/die nennen sie rade/als die on  
schaden der seligkeyt mögen vnderlassen werden.

Die gesatz  
von Chri  
sto außge  
legt sind  
Reguräd

Christus aber zeigt in diser predig offentlich an/  
mit seinen eygen worten/dz die stuck so hie geleert  
werden/in Eynen wegrade seien die in eynes yeden  
willen standen: Sonder seien Gottes gebort/auff  
das aller ernstlichest gebotten/vnnd mit höchstem  
ernst/zu halten/erfordret/den Christus (wie wir  
gesagt haben) gibt hie Eynnew gesatz/sonder lege  
das alle gesatz auß. Nun ist aber gesagt von dem  
gesatz vnnd seinem rechten verstand/In v. büch  
Mosi im xvij. verflucht sei wer nit alle wort dises  
gesetzes erfüllet/das er dar nach thut/vnnd al  
les volck soll sagen Amen. Vnd hie in diser predig  
sagt Christus/denn ich sage euch warlich/bis das  
himel vnd erden zerger/wirt nicht zergehen der Eley  
nist büchstab/noch cyn titel vom gesetz/bis das es  
alles geschehe/das ist/Gott erfordret mit so gros  
sem ernst/die haltung seines gesetzes/das er eheladte  
das himel vnd erden zergienge/dan das er den Eley  
nisten büchstaben oder titel in seinem gesatz nicht  
auff

In das Sechß Cap. des Euan. Luce lxxvii.  
auff das aller ernsthaftigest erfordere/vnd bald  
hernacher sagt er: Wer aber sagt zu seinem brüder  
du nar/der ist des helischen feiers schuldig. War  
lich Christus drewet nicht die ewige straff des helle  
schen feners den vbertretern/wann es nicht eyn ge  
bott were/sonder nur eyn rade nach eynes yeden  
willen/zu dem so begreiffet er in diser predig alle ge  
setz/die er leeret/in disem kurzen begriff/Alles/dz  
ir wöllet/dz ench die leut thun sollen/das thut ihr  
inen. Diser begriff aber vnd inhalt ist keyn rade  
nach eynes yeden willen vnd macht/sonder ist das  
natürlich gesetz/welches man auß nott hallten  
muß/ Vnd am ende diser predig spricht er: wer hö  
ret disemeinrede/vnd thut sie nicht/der ist eynem  
torechten man gleich/der sein hauß auff den sande  
bawet: Da nu eyn platz regen siele/vnd kem eyn ge  
wesser/vnd webere die winde/vnnd stissen an das  
hauß/da fiel es/vnnd thet eynen grossen fall.  
Wan der/der die anfleung des gesetzes/in diser  
predig/nicht hellt/auff eynen sande bawet/vnnd  
verlürt seinen baw in dem vngewitter der winde/  
vnnd des gewessers/wie können dann dise ding so  
hie geleeret werden ander sältigk eyt schaden/vnder  
lassen oder versaumpt werden: Darum so müssen  
wir auff dz aller gewissest halten/das alle die stück  
so in diser predig Christi geleret werden/nicht räd  
nach eynes yeden willen/sonder die aller ernstlich  
esten gebott Gottes seien.

Matth. 7.

Vñ Darü

Die Sybend predig Johan. Brenck.

Darumb wollen wir nun/mit Gottes hilff vnnb  
gnad / zu der auflegung des gesetzes treten/ In  
Matheo sagt Christus also.

Ihr habt gehört / das zu den  
alten gesagt ist / Du solenicht tödten /  
wer aber tödtet / der soll des gericht  
schuldig sein. Ich aber sage euch / wer  
mit seinem brüder zürnet / Disß des geri  
chts schuldig / wer aber zu seinem brüd  
sagt Racha / der ist des rats schuldig /  
wer aber sagt du nar / der ist des helisch  
en feurwers schuldig.

Christus richtet Eyn new gesatz auff in disen wor  
ten / wie wir an zeugt haben / sonder er legt das alte  
auf. Ir habt / spricht er : gehört dz den alte gesagt  
ist / Du solt nicht tödten / wer aber tödtet / der soll  
des gericht schuldig sein / das ist es ist eyn alt gesatz  
du solenicht tödtē / Disß gesatz legt d gemeyn hauff  
der phariseer / alleyn auß von dem eusserlichen tod  
schlag so mit der handt geschicht / vñ haltet / dz der  
allein d straff des tods würdig sei / d eyn todschlag  
mit d handt begehet. Aber zorn oder neid vñ haß  
im hertzen. Item lesterung / schmach / spot vnd ver  
achtung / weren nieregend so grosse sünde / Ich aber  
sagt Christus / wil euch das gesatz / du solt nicht  
tödten

In das Sechst Cap. des Euan. Luce lxxxix

töden/rechter auflegen vnd wil Klarlichen an- <sup>Wäre</sup>  
 zeugen erstlich was Gott vnser Herr darinnen ver- <sup>auflegig</sup>  
 botten/darnach was er vns drinen gebotten habe <sup>des gebot</sup>  
 Vnd anseuelich hate er zwar auch in diesem gesatz <sup>tes du solt</sup>  
 den todtschlag so mit dhandt geschicht/verbotten <sup>niet tödt.</sup>  
 vnd spricht er sei schuldig des vtheils/das ist/des  
 todes würdig daher stehet im gesatz geschriben.  
 Gene ix. wer mensche blut vergeüßt/des blut sol  
 auch durch menschen vergossen werden/vnd aber  
 einmal im driten buch Mosi am. xxiij. wer irgent  
 eynen menschen erschleht/der sol des todes sterben  
 Aber diß gesatz ist nicht allein zu versten/von dem  
 todtschlag so mit der handt geschicht/sonder auch  
 vñ dem todtschlag des hertzes/welches ist neidhaff  
 vnd zorn im hertzen wider den nechsten/dan der ist  
 nicht allein schuldig des gerichtes od des todes/so  
 nicht vor den leuten so ist es aber vor Gott vnserem  
 Herren der eynen mit der handt od schwert erwir- <sup>todtschlag</sup>  
 get/sonder auch der/der dem andren in seinem her- <sup>des hertzen.</sup>  
 zen gram vnd neydig ist/vnd über in erzürnet in  
 seynem hertze/daher/wie wol Cain/den todtschlag  
 mit der handt noch nicht begangē hatte/doch so er  
 über seynen bruder ergrimet/vnd seyne geberden  
 verstellten sich/da wirt er eyn todtschleger vor Got-  
 tes angeficht geurtheilet/wie ihm ersten buch Mosi  
 am. iij. cap. geschriben stehet/in der ersten epistel  
 Johannis am. iij. stehet/wer seynen bruder hasset/  
 der ist eyn todtschleger/vnd se wisset/da seyn todes



Die Sybend Predig Johan. Brentii.

schleger hat nicht das ewigleben bey jm bleybend.  
Darnach sol das gesatz auch verstanden werden/  
**Raha.** von dem todschlag des munde/vñ diser todschlag  
wirt begangen mit übelreden / oder lesterung vnd  
spott/vom vbelredē sagt Christus / wer zu seinem  
bruder sagt raha / der ist des rats schuldig / raha  
ist eyn hebreisch wörtlin vnd heyst / böß / vbel oder  
leiden / So ist nun das der verstand der ist nicht als  
ley n eyn todschleger / der eynen mit der hand zu tod  
schlecht / Sonder auch der / der eynem andrē / böses  
vnglück vnd eyn leyden wünschet / der ist des rats  
schuldig / Er hat zu vor gesagt des gericht / yetzt  
**Vrteil.** sagt er / des rats / darnach wirt er sagen des hel  
lischen feners. Welche disen vnder scheyd / als sich  
ansehen laßt / haben. Das das vrtail verstanden  
werde für die straff des todes / welche in gemeinē ge  
richten / denenn anthon werde / die eußerliche vñ  
**Rath.** öffentlichelaster begangen haben / als da sind die  
mörder / todschleger brenner / dieb ehbrecher / vñ  
der gleichē andre mer. Radt aber wirt für soliche  
straff genomen / welche in den höchsten vñ vornes  
mesten vrteylen / denen wirt auffgelegt / die vber  
zeüget werden mit Ezerrey / lesterung wider Gott/  
oder eynes andren seer schwehren vñ grausam la  
sters.

Nach dem radt volget das hellisch fener / welches  
gehanna wirt genant den es warē Höhen Tapher  
jhm thal der Kinder Hynnom / an welchem ort / die  
Israe

In das Sechst Cap. des Luan. Luce. lxxx  
Israeliter/ire Søn vñ töchter dem molech durchs  
feuer lieffen gehen/wie dan geschriben steht im iij  
buch der könig im. xxiij. cap von welchem auch 8  
nam Gehenne her kömpt. Den gecheyst cyn tal/  
vnd Dymon ist ein eigener nam cynes mans welch  
er sampt seinen nachkömen das selbig ort hat in ge  
habt/So nun in dem selbigē tal die kind verbrent  
wardē/dem abgott Molech/nicht dem rechten war  
ren Gott/als die gotlosen vnteilten/sond vil mer  
eynem gedichten Gott/vnd dem Teüffel selb/hatt  
es sich begeben/das/das hellisch feuer/das dem teif  
fel vnd seynen englen bereit ist/genant ist worden  
das feuer gehenne vnd welcher würdig war ewig  
lich sampt dem teüffel gepeiniget zu leidē/da sage  
man das der selbig werd were des feuers gehenne  
das ist des hellischen feuers. Darvñ auff dz Chris  
tus das gesatz von dem todschlag erkläret/vñ  
zeygt an/das der todschlag des herzc vnd munds  
nicht weniger grausame sünde seien/den die eusser  
lichen todschlag so mit der handt geschehen.  
Wie er vñterscheidet die teil des gesetzes/also vñd  
scheidet er auch vñder eyinander die gestalten vñd  
form der straffe vñd steiget auff gleich durch erlich  
staffen biß zu der höchsten form der straffe/wer/  
spricht er/cyn mensch tödtet mit dem schwerdt oder  
mit eynem anderen instrument oder gewer der ist  
des gericht schuldig/das ist/er ist der straff schul  
dig/die man einem todtschleger an thut.

Aber

Die Sybende predig Johan. Brentij.

Aber es ist nicht das du meinest / das der allein ein  
todschleger sei vnd schuldig der straff des gesetzes  
Es sind auch andere todschleger vor dem angesich  
Gottes die vil böser sind. Den erstlich / wer seinen  
bruder hasser in seynem hertze / der ist als eyn gro-  
ßer sündler vor dem vrteyl Gottes / das er nicht eyn  
Eleyner straff verdienet / denn eyner der eusserlich  
eyn todt schleger ist. Darnach / sagt er / wer zu seine  
brüder sagt Racha / das ist / etwas böses / oder eyn  
Franchheyt oder leiden wunschet / der begeet so eyn  
schwere sünd / dz er nit eyne vil grösseren straff wür-  
dig ist / dan eyner der eynen eusserlichen tod schlag  
begange hat / nemlich d straff / damit man die ketz-  
er vnd gotslesterer straffet. Christus leret nichts  
newes / sonder er erkläret nur vñ erneweret den ver-  
stand des alten gesetzes / den im drittē buch Mose  
am xviii stehet geschriben das der man der durch  
den namen Gottes dem Israeliter geflücht hatt /  
wirt hinauf gefüret für das leger vnd wirt verstein-  
iget als eyn fluch der welt vnd eyn fegopfer von  
aler menge des volcks / vñ Paulus spricht i Cor v.  
die lesterer werden das reich Gottes nicht ererben.  
Vber dz sagt Christus / wer zu seinem bruder sage  
du narr / das ist / wer seinen nechsten mit lesterwor-  
ten vnd spott lesteret vnd schilt der begehet eyn so  
grossen tod schlag vor Gott / das er des hellischen  
feuers vnd ewigen straffe ganz wert geurteilt sol  
werden. Es ist auch nicht ein newe außlegung diß  
gesetzes

In das Sechst Cap des Luan. Luce. lxxxj.

gesages/sonder ist die/deren verstand Gott vnser  
Herz der menschliche vernunfft natuerlich einpfla  
nget hat: Denn die natur beweiset das/das ver  
achtung vnd schmach cynem biderman wirst thue  
vñ in mer tödten/dan cyn wunde mit dem schwer  
gehawen/vnd die geschriffte gibt zeugnüß disem na  
türlichen synn vnd verstand/Dauid sagt im. lvi.  
psalmen/die menschen kinder sind flammen/ire zeem  
sind speiß vñ pfeile/vñ ire zungē schar pffe schwer  
ter. Vnd vnder den beiden die aller chrlichstē ha  
benlicher gewolt/ent weder sich selbs mit dem schw  
ert erwurgen/oder von andren erwürget werden  
den spott vnd schmach leidē/wie wol es aber cynes  
onmchtigē vnd gottlosen gemüts ist/sich selber  
würgen vmb frembdes schmachs vnd verachtung  
willen/so ist es democht cyn grosse anzeigung/dz  
dienatürlich vernunfft mer schenhet schmach vnd  
spott dan den eusserlichē tod. Zu dem so zeigt auch  
die geschriffte durch vil exempel vñ vor bild an/dz  
spot vñ schmach vnder dem todschlag begriffen  
werde vnd seien schuldig der schwersten straffe des  
todschlags/Cham verspottet seynē vatter Noah  
vnd hielt in für cynen alten narren/darumb das er  
ongeserde auß trunckenheit vnbedeckt lage was ge  
schicht aber: d̄ Cham wirt mit einem solchen fluch  
von seinem vatter verflucht in Gottes geyst/vmb  
des spottes willen/das cyn anderer kan cyn vate  
ter morder also gestrafft hette/vñ flucht sei/spriche

Spot vñ  
schmach  
sind tod  
schlag vñ  
haben die  
straff des  
todsch  
lags.

Gene. 9

¶ Noah

Die Sybend predig Johan. Brentij.

Judic. 16

Noah/Canaau/vnnd sey cyn knecht aller knecht  
vnder seinen brudern/Er laßt im auch nicht ge-  
nügen das er den verspotter allein verfluchet/son-  
der er verflucht auch alle seynen nachkömmlingen/vnd  
seyn ganz geschlecht. Der Samson wirt für cyn  
narrē gehalten von den philistern/aber er wil  
lieber sterben/Denn das er den spot vñ schmach vn-  
gerochen lasse/meyn seele/sprach er/strebe mit den  
philisteen/Michal die tochter Sauls verachtet  
David da er vor der laden des Herten sprang vnd  
tanzt/vnd achtet in als eynen loter buben/aber  
sie wirt mit der vnfruchtbarkeit verflucht/das sie  
ir leb enlang kein kind überkame. 1. Reg. vi. Dieser  
fluch aber ist zugesagt für die schwereste straff ge-  
acht worden vnd die den ernstlichsten zorn Gottes  
anzeige. Wz sol ich sage von d. schmach/die d. Am-  
moniter köni- g dē knechtē David gethan hat: Denn  
als David seine v. legatē gesandt hatte zu Hanon  
dem köni- g der Ammoniter das sie in trösteren über  
dem tod seines vatters/da hat der köni- g die lega-  
ten auff das aller schmelichest gehalten/er ließe in-  
nen den bart halb abscheren vnd schneide inen die  
kleider halb ab biß an den gürtel/vñ als er sie also  
geschmet hat er reibe er sie auß seinē reich: Welches  
was ist anders gewesen dan zu de. mnechsten sagen  
du toht/du nar/du vnfiniger? Aber David hat  
disem sport vnnd schmach mit so großem ernst  
ahn dem Ammonitern gerochen/das er vil tan-  
zett

In das Sechst Cap. des Luan. Luce. lxxxij  
sent von inen erwürget hatt / vñ hat jr ganzland  
im vnderthan gemacht wie im andrē buch der kō  
nigim. v. Capitel geschriben stehet / Wirt welcher  
schwere der rath / öffentlich anzeiget wirt / das 8  
spott vñnd die schmach gehören vñnder die art der  
aller grausamesten mordt vñnd todtschlege. Im  
vierden buch der kōnig am andrē Capitel versopt  
ten die kleinen knaben den Propheten Eliza vñd  
heissen ihn eyn alten kalkopff / das ist eynen alten  
schalck / thoren vñnd narren / Aber auff dz der Herr  
anzeigte / das verspottung nicht weniger sünd sei /  
dan eyn todtschlag / schickt er zwen beeren auß dem  
walde / vñnd zerrissen der kinder zwey vñd vñrtzig.  
In disen vñ vilen anderen vorbildern der heilige  
geschrifft / wirt öffentlich angezeigt vñnd erweisen  
das lesteren / verschmehen vñnd verspotten / vñnd  
dergleichen / in die zal gehören der todtschlag.  
Vñd das Christus kēyn new gesatz mache / sonder  
das alt alleyn auflege. Was sol man aber halten  
sprichst du / von der oberkeyt / die auß ihrem ampt  
die mörder vñd andre übeltheter tödtet? Was soll  
man halten von eynem haußvatter / der offrt über  
sein haußgesin erzürnet vñm laster vñ bösheyt wil  
lē des gesindes? Wz sol man von Stephano haltē  
der die Juden Actor. vij. verredtet vñnd mörder  
heist? Item was von Paulo der seyne Galater /  
öffentlich narren heist. Sind dise auch zu zelen ihn die zal der todtschleger  
F ij vñd



Die Sybende priedig Johan. Brentij.

vñ sind in irer emptern für sünders zu vrtailē. Von  
diser sacht wöllen wir hernacher mit vilen worten  
sagen/So wir das teil des gesages erkleren werde  
nemlich zan vmb zan/ang vmb ang/vñnd du solt  
dem übel nicht wider streben. Jetzt aber ist mit  
wenig worten zu mercken das cyn anders ist/die  
beruff so sondere personē betreffen/vñ cyn anders  
die gemeynen beruffe/Denn das sind personliche  
beruff odder die sondere personen betreffen/welche  
zu keynemeyempel vñd vorbild gezogen werden/  
vñd gnad nicht weiter dan auff die person. Die  
gemeynen beruff aber sind/welche iederman zu ge  
hören/vñd begreiffen iederman/Darumb so ist dz  
gesatz von dem tod schlag/mit seyner auslegung/  
eyn gemeyner beruff/der aller menschen in der ge  
meyn zu gehört. Es sind aber vnder de manchvil  
sonderer beruff die sonderen personen zu gehört  
welche von dem gemeynen beruff her auffer zoge  
werden vñd werden von Gott zu cynem andren  
ampt berufft. Also wirt cyn ordenliche oberkeyt  
berufft die bösen menschen vñd übelter zu straffen  
Darumb wie wol die oberkeyt/als cyn menschen  
sünden empfangen vñd goborren/thut keyn werck  
ganz volk omelich gut dz vor dem vrtail Gotes reche  
fertige doch dz da zu ire sondliche beruff gehört so  
sie ein schuldige ordelich tödter/so sündet sie nit wid  
dis gebot du solt nit tödte sond sie diener vil mer dē  
gotlichen beruff also ist cyn hauff vatter von Gott  
verordnet

persölich  
vñ gemei  
ne beruff.

Die ober  
keyt das  
erdenlich  
töden.

In das Sechst Cap des Euau. Luce. lxxxviii.

verordnet / das er nach der weise seynes beruffs die  
sünd seines haußgesinds straffe also auch ein apo  
stel / Euangelist / vnd prædiger sind von Gott ver  
ordnet / das sie nach der gestalt ires beruffs den zu  
höreren vnd der gemeynd vnd kyrchen die sünd an  
zeygen vnd straffen sollen / welches / warlich nit on  
ernst / erstlich des gemüts / darnach der wort / ge  
schehen kan / darumb / ob sie wol ires ampt halben  
zünnen wider die sünd / vnd straffen die laster mit  
scharpfen Worten / so sind sie dennoch weder schen  
der noch tod schleger / sonder Gottes diener rächer  
zur straff über dem der böses thut / Daher es offein  
bar ist das weder Stephanus / nach Paulus wiß  
das gesetz / von dem todschlag / gesündiger haben /  
das Stephanus die Juden verredter vnd todschle  
ger / Paulus die Galater narren geheissen haben /  
Denn was sie chan haben / das habē sie auß eynem  
besonderen beruff chan / vnnnd haben Gott ihrem  
Herren gedienet Aber das gesetz / du solt nicht töd  
ten / ist noch nit genug erkläret / Denn wir habē bis  
her alleyn gehört was vnß darinnen verbottē ist  
Darumb so wollen wir yetzt hören die stück so vnß  
darinē gebottē vnd beuolhen werdē den es volgel.

Die apo  
stel vnd  
prediger  
sollen zü  
nnen vnd  
die sünd  
straffen.

**Darum** wen du deine gabe vff

de altar opferst vñ wirfst alda eingedē

en dz dein brud erwz wiß dich hab so laß

alda vor de altar deine gabe vñ gehe zu

¶ in vor

vor hin/vnnd versönedich mit deinem  
brüder/vnnd als den kün vnnd opffer  
deine gaben

Das selb  
nfft ge  
bot ge  
beut ein  
Feyt vnd  
gutwilig  
Feyt geg  
aderman.

Güte ge-  
gen dem  
nächsten  
ist Gott  
angenem  
er den op-  
fer.

In das Sechst Cap. des Euang. Luce lxxviii.  
schon erwehende außbreytet / verberge ich doch  
meyne augen von euch vñnd ob ihr schon vil bet  
et / höreich euch doch nit / den erwehende sind voll  
blüts / waschet / reyniget euch / thut ewer böses we  
sen vñ meinc augē / laßt ab vom bösen / lerent güt  
thun. Trachtet nach recht / helffen dē verdrukten /  
schaffet dē weisen recht / vñ helffet d witrwen sachen  
so kumpt den vñ laßet vns miteinander rechten / spr  
icht d Herr: Was ist das anders / den dz / das Chri  
stus bezeuget / dz die opffer gar nit gott gefallē / es  
sei dan dz du zu vor wilfertig seibest mit deinē nāch  
sten / vñ thuest im gutes? Es stimet auch mit Esa.  
d prophet Micha. am vi. meynstu / spricht er: der  
Herr hab gefallē an vilt außend widern / o d am ole  
wes gleich on zeli ch ströme vol werē? Es ist dir ge  
sagt / mensch / w z gut ist / vñ w z d Herr von dir for  
dert / nemlich / gottes wort haltē / vñ liebe üben / vñ  
d mätig sein vor deinē gott. Dg her stimt auch dz  
Hosea sagt / am vi. ich habe lust an d liebe / vñ nicht  
am opfer vñnd am erkentnis gottes / vñd nit am  
brand opffer. Wz kan offentlicher gesagt werden  
Es gefallen gott die opffer nit / es sei dan dz du dē  
nächsten liebest / vñ habist die erkantnis / dz ist / dē  
glauben an gott? Dz hat auch die natürlich ver  
nunfft in den Heydē geschehen / die gesagt haben /  
das Gott mer gefallen die opffer / die mit reynen /  
dann die mit vollen henden geopffert werden.  
Dar vmb machet hie Christus keyn new gesaz /  
sonder

Die Sybende predig Johan. Brentij.

sonder legt das alte auß/welches mit menschschlichen auff sagen/vnd gorlosigem wesen verfinstert war. Zum letzten/diſſ geſetz/du ſolt nicht tödten gebeüt nicht alleyn eynheligkeit in den schlechten vnd leichten gezencken diſſ da nicht für das öffentlich vrtail der oberkeit kōmen/sonder auch in den schweren hendlen/die da kōmen für das vrtail der oberkeit/Deñ Chriſtus ſetzt hinzu.

**S**ey Wilfertig deynem widerſeher bald/die weil du noch bei ihm auff dem weg biſt/auff das dich der wiſſeher nicht der mal eins überantwort dem richter/vnd Richter überantwort dich dem diener vnd werdest in den Kercker geworffen/ Ich ſage dir warlich du wirſt nicht von dannen craußkōmen/biſſ du auch den letzten heller bezaheſt

Chriſtus  
verwirft  
nit die off  
lichen vn  
ordenlich  
z gericht.

Anſencklich ſollē wir hie mercken dz Chriſtus hie mit diſen Worten nicht verdamet die öffentlichen vnd ordenlichen gericht/oder gerichts hendel/wie wir hernacher anzeygen wōllen. Darnach iſts ſerlicherlich/das erlich diſſ ort gebogen haben/dz ſegſſe ſewer der ſeelen/darmit zubewerenden man redet hie nichts vō dem feinde dem teufel/vñ dem Kercker der ſelen/sonder mann redet von dem widerſeher ſo

In das Sechst Cap des Euan. Luce. lxxxv.

so im rechten wider vns ist/vnd von dem leipliche  
kercker/welchen wir den thurn heysen/dareyn die  
burgerlich oberkeyt/die vngehorsamen vnd übel  
theter gefenglich legt vnd setzt/den Christus leret  
das diß gesatz du solt nit tödten/heisse auch eynem  
ieden gutwiliglich geben/was er schuldig ist/auff  
das/so eyner seine schulde zu bezalen verzeucht/er  
nicht von seyner oberkeyt gestrafft werde/diser zu  
satz ist nit vngeschickt oder vergebens/sonder nöd  
wendig/den die propheten schreiben/das/wen der  
Massias regierenn werde so werde alles sein volck  
from vnd gerecht sein/vnd das erderich ererben/  
zu dem so werden keyne gefangnen seyn/Er hatt  
mich spricht Esaias gesand den ellenden zu predi  
digen/die zerbrochenn zu verbynden/zu predigen  
den gefangnen eyne erledigung den gebundnen ey  
ne öffnung/vnnd das sie ja alle sandt priester des  
Herren/vnd diener vnseres Gottes werden wie ge  
schriben stehet in dem Propheten Esaiä im. lxxvñ  
lxxj Cap. Auß disen weisagungen der Pppheten  
von dem reich Christi/vermeynten vil vnerfarne  
leute/das wer Christum erkennen würde/der were  
frey von schulden das ers nicht bezalen dö:ffte/vñ  
die oberkeyt hete keyn recht in anzugreiffen/vnnd  
in gefenckniß zulegen/wan es sich aber begeben dz  
er eingelegt wurde/so wurde er von stund an ledig  
darumb das er Christum/das ist/den Messianer  
kante. Es sind auch yetzt zu vnserer zeyt soliche

Schulde  
sol man  
einem ie  
den wil  
liglich  
bezalen.

y

leut



Die Sybend Predig Joha n. Brenrij.

leut/die da meynen sie sollen niemant nichts geben/  
das sie Euangelisch sind/Sie meynen auch es zime  
sich niemant et was von ihnen zu fordern. Dar  
vmb so verwurfft Christus dise meynung von sei  
nem reich/vermanet/ auß disem gesatz/du solt nit  
tödtten/das cyn ieder dem andren gutwilliglich ge  
be/was er im schuldig sei/vnd das er sich freunds  
lich mit seinem wider secher vertrage/ehe den er fur  
das öffentlich gericht erfordert werde / auff das  
spricht er: dich der wider secher nicht der mal cyns  
vberantwortedem richter/vnnd der richter vber  
antworte dich dem diener/vñ werdest in den Kercker  
geworffen. Ich sage dir warlich /du wirst nit von  
dannen erauß komen bis du auch den letzten heller  
bezalest. Das ist/gibe cynem jeden wz du im schul  
dig bist: wa du aber vmb der vsach willen/das  
du den Messiam erkennet/vñ in seinem reich lebest  
dich zu bezalen widerest/warlich so sage ich dir der  
Messias wirt deine burgerliche schuldt nicht für  
dich zalen vñ wirt dich auch nit mit eusserlichen ge  
walt auß dem Kercker oder thurn erledigē/darinn  
du vmb deiner schuld willen geworffen wirst/son  
der wirt dich so lang in dem vnflat des thurns li  
gen lassen/bis du deinen wider secher gleich wol ge  
nüge thust. Den das reich Messie ist nicht von di  
ser welt/vnd stehet auch nit in eusserlichem gewalt  
in irdlicher krefft oder maiestet/sonder stehet  
alleyn im ampt des Euangelions vnnd glauben/  
bis

Das reich  
Messie ist  
nit von  
dieser  
welt.

In das Sechst Cap. des Euang. Luce. lxxxvi.  
 biß da kompt der leßte tag der welt / Den wie wol  
 der Messias / welcher ist Jesus Christus komen ist  
 vnd ist durch seine aufferstehung eingangen in dz  
 reich seines vatters / vnd regiret in himel vnd auff <sup>Die kheit</sup>  
 erden / Doch auff diser eusserlichen welt / hatt er <sup>sungen</sup>  
 keyn andere maieſtet des reichs / dan das man mit <sup>von dem</sup>  
 dem wort des Euangelions von seinem reich / vnd <sup>reich Chri</sup>  
 vonnden eygenschaſſten seines reichs öffentlich <sup>ſt werde</sup>  
 prediget / vnnnd wirt von den fromen Gott seligen <sup>in der zu</sup>  
 geglaubet / aber nicht mit der hand gegriffen odder <sup>künſtigen</sup>  
 durch eusserliche sinnligkeit empfunden. Vnnnd <sup>welt geoff</sup>  
 was die Propheten von dem glück vnnnd seligkete <sup>ſembart</sup>  
 des Messie weiß gesagt haben / das ist ganz war <sup>werden.</sup>  
 vnd gewiß / aber also zu verstehen / das wir wissen  
 das es hie auff diser welt alleyn geprediget mit  
 dem wort / vnd durch den glauben empfangen wer  
 den müſſe / Denn die eusserlich maieſtet seiner her  
 ligkeit / wirt nicht geoffembaret werden / es kome  
 denn zu vor wie Petrus sagt Act. iij. die zeit da er  
 wider bracht werde / alles was Gott geredt hatt /  
 durch den munde aller seiner heyligen Propheten  
 von der welt an / vnd auch von dem reich des Mes  
 sie mit Worten geprediget / vnd mit glauben gegla  
 ubt ſind / werde mit öffentlicher empfundenus dar  
 gegeben werden / vnd ewiglichen bleiben. Dar  
 umb so der tag noch nicht kommen ist / so müſt du  
 vnder der zeyt / entweder allen deinen schuldnes  
 ren mit barem gelt oder gleichen werd rechte vnnnd  
 Y ij gut

Die Sybende predig Johan. Brentij.

gutwillig genug thun / odder an deinem leib / nach  
den burgerlichen gesagen / zalen / das du nit wilt  
oß nit kanst mit gelt bezalē. Du hast yetz eyn fleiß  
sige vnd volkōmene auflegung / dises gebots. Du  
solt nit tödten / Den erstlich wirt darinnen verbot  
ten der todschlag so mit der handt geschicht. Dar  
nach neid / haß / vñ zorn des hertzen / zu dem / lester  
rung / schmach / spot / vñnd der gleichen mer : Ober  
das / wirt auch darinnen gebotten alle volkōmene  
wilfertigkeit / vn betrüglicheyt / liebe / freundlig  
keit / senfft mütigkeit vñnd gutwilligkeit gegen  
dem nächsten / er sei freund oder feind. Zu lest wirt  
auch darinnen gebottē alle versōnung mit vnsern  
widersechern / sie seien schlecht gering oder groß vor  
gericht / vñnd wirt ja darinnen gebotten / das du dei  
nen nechsten libest nicht anderst den dich selb / er ha  
be dir gutes oder böses gethon : Vñnd die weil we  
der das Göttlich gesatz nach die ding so darinnen  
begriffen sindt / nicht rädte sindt nach eynes yeden  
willen / sonder die aller ernsthaftigste gebot got  
tes / wie wir dan droben anzeyg haben. Dar  
vmb erfordert Gott von allen menschen / das sie di  
se alle sand / auff das aller volkōmest vñnd entlich  
erfüllen. Vñnd so sie die nicht erfüllen / so verdampft  
er sie mit dem ewigen fluch / tod vñnd der hellen / den  
es stehet geschriben den. xxvñ. Verflucht sei / wer  
nicht alle wort dises gesatzes erfüllet / das er dar  
nach thut. Was wollen dann wir darzu sagen ?  
wenn

In das Sechst Cap des Euan. Luce. lxxxvij.

wenn die sach also steht/wer wüdt selig werden?  
denn keyn mensch/auch vnder den aller heyligste/  
hat ye so volkommen vnd ganz das gesatz gemerckt  
vnd gehalten/wie es erfordert wirt. Dan wie wol  
es vil gewesen sindt/die keynen menschen mit der  
hand getödet haben/so ist doch nie keiner erfunde  
worden/der mit solcher liebe vnd freiwilligkeyt sei  
nem widersacher güts gethon habe/als groß vnd  
volkommen sie Gottes gesatz erfordert/Sind dann  
alle menschen verflucht vnnnd verdampft. Du  
haltest recht darvon/so du die menschlich natur  
vnd gerechtigkeyt betrachtest. Vnnnd das gesatz  
vnd seine auflegung/werden vns zu vorausz von  
diser vrsach wegen für gesetzt. Nemlich/das wir  
darauf lernen die sünd erkennen/vnsere verfluch  
ung vnnnd verdammis/denn wir sind also in vnser  
natur verblendt/das wir die schwere vnserer böß  
heyt/vnnnd den ernst Gottes zorns wider die sünd/  
nicht sehen/Ja wir vrteylen vil mer/der teuffel sei  
nicht so grausam/als man in maler/vnd das hel  
lich feür sei nicht so heiß als man sagt. Des hal  
ben wirt vns das Göttlich gesatz für gesetzt/wie  
eyn spigel/auff das wir darinnen beschawen vn  
sere stinkenden vnflorigkeyt/vnd das darausz er  
kent werde/wie groß der zorn Gotes vber vns sei  
vnd wie eyn grosser fluch vns vmb 8 sünden willc  
werde/den Paulus spricht Ro. iij. den durch das  
gesatz kompt nur erkantnis der sünde: Vnd am

Nieman  
hat iedz  
gesatz er  
füllt wie  
er solte.

Alle men  
schen sind  
verdampt  
vnd ver  
flucht.

8 brauch  
des gesatz  
es.

Die Sybend predig Johan. Brentij.

Warum  
das gesetz  
vns in er  
kennnis  
der sündē  
fñre.

Die vol  
kommen ge  
rechtikeit  
ist allein  
Christo

Was es  
sey/das  
ewig le  
ben habe

iiiij. das gesetz richt nur zorn an/vnd an eynem an  
dren ort/Aber die sünde/spricht er/erkante ich nit  
on durchs gesetz/wo wöllen wir vns dan wenden?  
werden wir darumb durch das gesetz zur erkant  
nis der sünden vnd verdamnis geführt/dz wir in  
den sünden vnd verdamnis verderben sollen? gar  
nicht/Sonder das wir getriben werden ein fremb  
de vnd entlehete gerechtikeit zu suchen/seytemal  
wir keyn eigne haben/wir könden aber keyn volko  
mene gerechtikeit findē/den allein in Christo Je  
su vnserem Herrē/den er hat keyn sünd nie gethan  
so ist auch keyn betrug in seynem munde erfunden  
worden/vnd es ist also weit dar von/das er irgent  
eyne sünde wider Gott begangen hatte/das er vil  
mer vnser sünd mitt seynem blut vor Gott versö  
net hat/vnd hat das gesetz Gottes mit so ganzer  
vnd vollkomener gehorsame erfüllet/das er nit al  
leyn den zorn Gottes vaters versönet hat/sonder  
hat auch verdienet/dz alle die so an in glauben wer  
den vmb seiner willē vor Got für from vñ gerecht  
gerechnet/vnd werden nicht anders vor dem ange  
sicht Gottes geurteilt/den als hettē sie selbs mit  
iren eignem wercken Gottes gesetz auff dz volkome  
ne erfüllet. Daher sagt Christus Johannis am iij  
Also hat Gott die welt geliebet/dz er seinen eignen  
Sohn gab/auff das alle die an in glauben/nit ver  
loren werden/sonder das ewig leben habē/dz ewig  
leben aber haben durch den glauben an Christum/  
ist das

In das Sechste Cap des Euau. Luce. lxxxviii  
ist das nicht auch einen gnedigen Got / die gerecht-  
tigkeyt vnd des gesetzes erfüllung haben: welcher  
auch seines eigen Söns / spricht Paulus / nit hatt  
verschonet / Sonder hat in für vns alle da hinge-  
geben / wie solt er vns mit im nicht alles schencken?  
Vnd aber eyn mal spricht er / den das dem gesatz vn-  
möglich war / seitem alles durch dz fleisch geschwech-  
et ward / das hat Got / vnd sandt seynen Son /  
in der gestalt des sündlichen fleischs / vnd verdamte  
die sünde im fleisch durch sünde / auff das die gerecht-  
igkeyt vom gesetz erfordret in vns erfüllet wurde  
das ist / das wir nit anderst gerechnet werden / dann  
als hetten wir selbs das gesatz erfüllet vnd hetten  
alle seine gerechtigkeit volbracht / vnd noch eyn  
mal spricht er Romanis. v. Denn Christus ist des  
gesetzes ende / wer ihn denn glaubt der ist gerecht /  
das ist so vil gesagt / wir haben dise wolthat durch  
den glauben / das wir vmb Christus willen also ge-  
recht vnd heylig geurtheilet werden / gleich als ob  
wir selbs vff das aller vollkommenlichst / dem gesetz  
genugthan hetten. Weiter aber / wirt vns nit  
allein dise guthat vmb Christus willen verleyhen  
das wir gerecht vnderfüller des gesetzes durch den  
glauben gerechnet werden / Sonder es wirt vns  
auch der heylig geyst gegeben durch den glauben /  
durch welches krafft wir auch mit der that anhe-  
ben dem gesatz Gottes zu folgen / wol nicht vollkom-  
men (den soliches ist in disem lebē dem fleisch vnmög-  
lich) sond als vil genug ist den glauben zu bezeigen.



Die Sybendt predig Johan. Brentij.

wie das  
ewig lebē  
zu überko-  
men sei.

Darumb so wir wollen das recht heil vnd ewig selig-  
keyt erlangē / so sollen wir vnserstlich für die au-  
gen setzen / das gebott / du solt nit tödten / von wel-  
chem wir bißher geredt haben / vnd sollen darauß  
lernen vnser sünde / vnd den zorn Gottes wider die  
sünde / Darnach sollen wir vns zu Christo bekeren  
vñ glaubē dzer für vnser sünd genug than habe /  
vnd den zorn Gottes versönet / vnd habe vns ver-  
dienet / d z wir vmb seiner willen gerecht heilig vnd  
volkommen erfüller des gesetzes geurteilt werden  
Zum lestern / die weil denn der glaub an Christum  
nicht müßig vñd faul ist / sonder bringt mit ihm  
den heyligen geist / so sollen wir den heyligen geist  
in vns nicht lassen treg vnd vnfrühtig seyn Sonder  
sollen das gesetz Gottes für die hand nemen / vnd  
den tugenden so vns darynen für gesetzt werden /  
das wir den selbigen / vnseren glauben zu bezeugen  
vñd Gott danck zu sagen vmb seynes gutt haten  
nach jagen.

Denn also wirt es geschehen / das wir in Got-  
tes beruff wandlen / vnd zu ewiger selig-  
keyt kommen durch Jesum Chri-  
stum vnseren Herren der zu  
gleich mit dem vatter vnd  
dem heiligen geist Gott  
ist gelobt in ewig-  
keit. Amen.

Die

In das Sechst Cap. des Euan. Lucae lxxviij.

## Die acht Predig.

Wir haben dz gesatz von dem todt schlag auß  
gelegt / Nun wollen wir das gebot von  
dem Ehebruch für hand ne  
men.

Ihr habt gehört das den al  
ten gesagt ist / Du solt nicht Ehebreche  
Ich aber sage euch / wer eyn weib ansie  
het ihr zu begeren / der hatt schon mit jr  
die Ehe gebrochen in seinem hertzen.



Als wir zu vor offte gesagt  
haben / das müssen wir auch yetze  
wider esren. Das Christus in die  
sem spruch / weder das alle gesatz  
auff hebbt / noch eyn neues mach  
et / Sonder er besteriget das alle /  
vnd legt es nach seinem rechten  
verstand auß. Denn bei den Juden verstunden sie  
in der gemeyn / das gesatz vom ehebruch also / als ob wie die  
der alleyn eyn ehebrecher vñ wir dig mit dem todt <sup>juden dz</sup>  
zu vrteylen were / der eyn eusserlichen ehebruch in d <sup>gebott vñ</sup>  
that / mit eynem fremden weib begieng / vnd es <sup>verstant</sup>  
ist zwar auch ware / dz eyn solcher ehebräcker auff <sup>den habē</sup>  
das schwereſt sündiget / vnd nicht alleyn des leib  
lichen

Die Acht predig Johan. Brentij.

lichen/sonder auch des ewigen todts würdig ist.  
Den es ist nie keynerlicher policey vnd regiment  
auch vnder den Heyden gewesen/die nit auch ire  
eygenn straff durch gesetz vber den ehebruch ver-  
ordnet habe. Mose aber spricht: im fünfften büch  
im xyij. Cap. Wenniemand erfunden wirt/der bei  
eynem weib schlefft/die eynen ehemann hat/so sol-  
len sie bydesten/der man vnd das weib/bei dem  
er geschlaffen hat/vnnd sol das böse von Israel  
thun/Von der straffe aber des ewigen todts redet  
Paulus i. Cor. vi. vnd spricht: Das weder die wei-  
chlingen/nach die ehebrecher werden das reich Got-  
tes ererben. Es ist aber der eusserlich ehebruch nit  
alleyn eyn ehebruch/vnnd ist auch nicht alleyn im  
gebot du solt nicht ehebrechen verbotten/Sonder  
das ist auch eyn ehebruch vor dem angesicht Got-  
tes. So eyn er eyns andren weib oder eyn weib die  
nicht sein ist von hertzen begert/wer eyn weib/sagt  
Christus/ansihet ihr zubegere/n/der hat schon mit  
ihr die ehe gebrochen in seinem hertzen. Dise auf-  
legung ist nicht new/auch nit newlich von Christo  
zu dem gebot gesetzt/sond lang zu vor in zehen ge-  
bottē/vō Mose gegeben/Den also sagt Mose in dē  
zehē gebottē: Du solt nit begere/n deines nächsten  
weibs. Man müssen wir auch dz im gesetz mercken  
das dz wort leyns fremdē weibs/gāz in d gemein  
sol verstanden werden/nit alleyn für eyn eheweib  
eynes andren/sond für eyn iedes weib/dz frembd  
vnd

Eyn  
frembd  
weib be-  
geren ist  
eyn ehe-  
bruch vor  
Gott.

In das Sechst Cap. des Luan. Luce. lxxxv.  
 vnnnd nicht sein eigentlich weib ist / als für eyne  
 jungfrawen/witwen vnd gemeyne dirne/Wol/im  
 burgerlichen vñ gericht's gesetzen/darinnen man  
 handler von der eusserlichen straff so man den ehe- <sup>Was cyn</sup>  
 brecheren auff legt/da wirt dz wortle cyns fremde <sup>fremb</sup>  
 weibs/eygentlichen verstanden für die/die cynem <sup>weib he</sup>  
 andren ehelich vermahelt ist. Den das burgerlich <sup>ist.</sup>  
 gesatz in eyner policey/straffer den alleyn mit der  
 straff des ehebruchs/der cyn ehebruch begehert/nit  
 mit eyner gemeynen dirnen/sonder mit seines nā-  
 chsten weib. Aber in sittlichen gesagen da mann  
 handler von der sünde vor Gott/vnd von der ewi-  
 gen straffe/da streckt sich das wort/cyns fremden  
 weibs/auff das weitest auß: Denn das heyst cyn  
 frembdes weibe/eyn iedes weib dz nit seinteweib  
 ist sie sei frei oder cynes andren weib. Darumb <sup>Ehebruch</sup>  
 so ist in disem gebot/ Du solt nit ehbrechen/nit al-  
 leyn verbotten der burgerlichebruch/sond auch  
 der sittlich ehebruch/das ist/vnzimliche vnkeusch  
 heyt mit eyner jungfrawen oder witwen/oder hur- <sup>Hurrei</sup>  
 rerei mit eyner gemeynē dirnē/Da her auch Pau- <sup>ist dem ge</sup>  
 lus/als er an die Corinthen schreibt/vergleicht er <sup>bruch</sup>  
 vnder eynander die hurren vnnnd ehbrecher/vund <sup>gleich.</sup>  
 spricht in der ersten am vi. Wedder Hurren noch  
 Ehebrecher werden dz reich Gottes ererben/vnd  
 bald hernacher/flicher die hurrerei.

Alle sünd die der mensch thut/sindt außser  
 seinem leibe/wer aber Hurret / der sündiget an  
 3 ii sein

Die Acht predig Johan. Brenth.

seinem eygenen leibe. Vnd zum Ephesern am v. spricht er: Denn das solt ihr wissen/das keyn hurer vnd vnreiner oder geiziger (wecher ist cyn götzendiener) erbe hat an dem reich Christi vnd gottes/laßt euch niemant verfüren mit vergeblichen Worten/denn vñ diser willen kompt der zorn Gottes vber die kinder des vnglaubens.

Es wirt auch in den eusserlichen straffen beweret das vnzimlich vnkeuschheyt vnd hurerei/mit dem ehebruch vbereynkommen. Der Sichem wardt zu gleich mit seinen burgeren erwürgt/dz er Dinamietochter Jacobs geschwehet hat/wie geschrieben stehet im erstē büch Mofi xxxviii. Die witfraw Thamar ward zum tod gefordert von Juda/dar vmb dz sie dar für gehalten ward als hette sie mit eynem frembden mann hurerei trieben/als im erstē büch Mofi im xxxvii. die schriefft beweiset.

Simri der Israelisch mann/wirt auch zu gleich mit Casbi seiner Midianitischen hurer vñ Pinchas erwürgt/vñ der zorn gottes wirt versönet wie das iii. büch Mofi im xxx. saget/Mit disen straffen wirt offentlich erweisen/dz vnzimliche vnkeuschheyt vñ hurerei/in die ordnung des ehebruchs/als vil die schwere der sünde betrifft/gehören vñnd zu zelen sind. Vñnd der sündet nicht alleyn mit dem ehebruch/der cyn fremdes weib/sonder auch/der cyn jungfrawen/wittwen/oder auch cyn gemeyne dirne ansicht/sie vnneelich zu begeren.

Aber

In das Sechst Cap des Luan. Luce. lxxxvi

Aber / Hörestu / es ist noch Keyn ende diser sünden  
die in dem gebot / du solt nicht ehebrechen / verboten  
sind / Dann so die begirdt der augen wirt für  
eynen ehebruch gerechnet / warlich / so wirt auch  
für eyne ehebruch gerechnet die begird des munds  
vnd der wort / dar zu auch die begird der hende / ü-  
ber das auch der Kleydung / vnd Kurz aller geber-  
den des leibs. Du hast hie eynen ganzen schwarm  
ehebruch / denn vor Gott sind ehebruch / vnflätig /  
wüste / schandliche / schampare / vnd alles was vn-  
züchtiger wort sind / ja auch das greiffen der hend /  
eyn frembd weib zu begeren / ist eyn ehebruch / Kan  
auch iemand / spricht Salomon : eyn feür im büßen  
behaltē / das seine Kleyder nicht brennen : wie solt  
iemandt auff Eolen gehen / das seine füß nicht ver-  
brandt wurden : Also gehts / wer zu seines nächstē  
weib geheet. Es bleibt Keyner vngestraft der sie  
berüret. Dar zu auch zierlichere Kleydung / eyn vn-  
züchtiger gang / vnd vnzüchtige geberde des leibs  
welche auß der begird des hertzen entspringen / vnd  
zu begeren geschehen / die gehöret vnder die art des  
ehebruchs : Weiter / so sindt nicht al-  
leyn die bösen stück vnnd vbel des  
ehebruchs verboten / In di-  
sem gesatz / sonder auch  
die gestalt vnd anlei-  
tung des argen  
vnd vbel. Denn also volget weiter.

Alle  
schamper  
Keyt ist  
vor Gott  
eyn ehe-  
bruch



Die Acht predig Johan. Brentij.  
**Ergert dich aber deyn rechtes**  
auge/so reiß es auß/vnd wirffs von dir  
Es ist dir besser das eyns deiner gelider  
verderbe/vnd nicht der gangleib in die  
helle geworffen werde/Ergere dich dein  
recht hand/so haue sie abe/vnd wirff sie  
von dir/Es ist dir besser/das eyns dey  
ner gelid verderbe/vnd nicht der ganze  
leib in die helle geworffen werde.

Vrsach v  
vnzucht  
sol man  
meiden.

Mit disen Worten zeigt Christus an/das/das ge  
setz/du solt nit ebrechen/heisse nicht allen sich vor  
allen geschlechtern des ebrechens hüten/sond auch  
alle gestalt vnd anleitung zum ebrechen vnd der  
vnzuchtigkeyt vermeyde/Wz ist lieber vntheurer  
dandie augen/vnd zu vor das recht auge: Aber so  
es vns eyn vrsach gibt vnzucht/so sol mans auß  
reissen/was ist vns nützer vnd brüchlicher dan die  
rechte hand: So sie aber vns verursachet dz übel  
der vnzucht zu begehnen/so sol mans abhawen.  
Wz ist vns nütlicher vnd nödter/dan die füß/dan  
die zung/dan die kele: Aber so die füß durch den  
gang/die zung durchs reden/die kele oder gurgel  
durch schlemen vnd füllerey/vns ein vrsach geben  
zu sündygen/so sol mans abschneiden vnd hyn  
werffen.

Das heyst das gesetz thun/so es sager/Du solt nit  
ebbrechen

In das Sechst Cap des Euan. Luce. lxxxviii  
 ehbrechen/ Den es achter/es sei vnser seligkeyt bes  
 ser vnd geradner/das eyns von vnseren gelidern  
 verderbe/dan das wir ganz in die hell geworffen  
 werden. Was wollen wir dar zu sagen? Heyst  
 den das gesetz wir sollen vnserm leib gewalt vnd  
 vnbilligkeyt anlegen/vnd vns selbs ertöden: A  
 ber wie es sünde ist/den nechsten tödten/also ist es  
 auch sünd sich selb erwürgen. Darumb so das  
 gesetz/wie auch Christus das auslegt/heist die ge  
 lider des leibs abhawē vñ hinwerffen/den ehbruch  
 vnd was vnder dem namē des ehbruchs begriffē  
 wirt/zu vermeiden/So verstehet er zwar die leib  
 lichen gelider/aber das abhawen vnd hinwerffen  
 verstehet er nicht leiplich. Den ob du schon die an  
 gen auß reissest/vnd die hend leiblich abhawest/so  
 hast du dennoch noch die böse begird des hertzens  
 nicht außgerissen/nach abgehawen/auß welcher  
 als auß eynem bronnen alles übel der augen vnd  
 der hende fließen/Auß dem hertzen/sagt Christus  
 komen arge gedanken/mordt/ehbruch/hürerey/  
 dieberey/falsche gezeugnis/lesterung das sind die  
 stück/die den menschen verunreinigen. Darumb  
 welcher diesem gesetz wil gehorsam seyn/vñ die an  
 gen auß reißen/vñ die hende abhawē den ehbruch  
 zu vermeidenn/Dem ist von nöden das er die be  
 gyrd des hertzens außreisse vñ hinwerffe/So  
 di sehin geworffen ist/so wirt weder das aug/cyn

Was das  
 sey die ge  
 lider des  
 leibs ab  
 hawen  
 vñ hin  
 werffen

weib

Die Achte predig Johan. Brenth.

Wie das  
herge be-  
gird sol  
hingwor-  
ffen  
werden.

weib ansehen sie zubegerē/nach die handt eyn weib  
vnzüchtig angreiffen/ die begird aber des hertzen  
wirt herauß gerissen/vnd hin geworffen/nicht mit  
dem letzlichen schwert sonder mit dem schwert/mit  
der krafft vnd macht des heyligen geists / Dan so  
das gesatz geistlich ist/wie Paulus sagt / so erfor-  
dret es auch das der heilig geist also das hertz auf-  
sege /das es weiter keyn vnflätige vnd vnreyn ge-  
danken habe/ja auch nicht empfinde/ Sonder al-  
les das es empfahet vnd gedenckt/dz sol gang vnd  
volkommen reyn/sauber/keusch/züchtig/heilig vnd  
hymelisch seyn/ vnd sol die selbig keuschheyt vnd  
heyligkeyt in alle glieder des leibs außgessen/in die  
augen/oren/zungen/hende vnd füsse/auff das /al-  
les das die augen sehen reyn seie / alles das die oren  
hören lauter sei/alles das die zung redet keusch seie  
alles das die hand angreiffen züchtig sey/Vnd ent-  
lich alles was die kleidung anzeygt / vnd alles dz  
die bewegung vnd geberde des gantzen leibs cräg-  
en/das sol alles heilig vnd himlisch seyn.

Der recht  
verstand  
des sechst-  
ten gebor-  
tes.

Du hast was für laster/das gebot/du solt nicht eh-  
brechen verbeüt dar gegen auch was es für tugent  
vns gebeüt zu haben/Den es verbeüt nicht alleyn  
den eusserlichen ehbruch /sonder auch die vnzüm-  
lichen vnkeuschheyt/vnnd hurerey / die begird des  
hertze/schampere schantliche vn vnzüchtige wort/  
das vnzüchtig gesicht vnzüchtig greiffen/vnzüch-  
tige kleidung/vnzüchtig bewegung des leibs/jtem  
schwel

In das fünft Cap. des Euan. Math. lxxxviii.  
schwelgerei / trunckenheyt / vñ alles das / das disen  
bösen stücken cyn vrsach oder anleytung gebē ma-  
ge. Es gebeut aber nicht allyen cyn heylige Ehe/  
sonder au. heyn heyligen standt vfferhalb der ehe  
cyn reynen wiewen standt cyn zuchtige jungfraw-  
schafft / vber das auch cyn keus. heyt aller gelider /  
nichterkeyt / vnd alles was der gleichen tugenden  
ist : Vnd dise ding werden mit solichem ernst  
von vnß erforderet / das wer auß denen cynen buch-  
staben odder titel vbertritt / das der selbig schuldig  
sei des ewigen ferws / verflucht sei / spricht das ge-  
sagte / wernicht alle wort dises gesagtes erfüller / das  
er darnach thue. Wo völlē wir vnß nun hin kerē so  
cyn so grosser ernst des Götlichen gesages ist / wer  
wird selig werden : wer wird die seligkeyt erlangē  
Denn weise mir cynen menschen / der auch den hey-  
ligen geyst hat / der wirt dennoch dem gsatz nur zū  
teyl gehorsam sein / vnd vor schwacheyt des fleisch  
es / welches dem geyst widerstrebt / Kane er dz gsatz  
nicht volkōmen mit seinen eygnen tugeten er fül-  
len. So finde ich mir nun cyn gesetz / spricht Paul-  
lus / der ich will das gütē thun / das mir dz böse an-  
hanger / Denn ich habe lust an Gottes gesetz nach  
dem inwendigen menschen : Ich sehe aber cyn an-  
der gesetz in meynen gelidern das da widerstrittet  
dem gesetze in meinem gemüte / vnd nimpt m. ch ge-  
fangen in 8 sünden gesetz / welches ist in meinen gli-  
dern. Vñ aber cyn mal spricht er : Rom. viij. Den  
A A fley ich

# Die Achte predig Johan. Brentii.

fleischlich gesinnet sein/ ist cyn sinschaft wid Got  
 seitenmal es dem gesatz Gottes nit vnderthan ist/  
 denn es vermag es auch nicht. So es aber nit mag  
 dem Gotlichen gesatz vnderthan sein. Was ist u-  
 berenzig/ denn das/ das auch 8 frey in menschliche  
 kan das heyl vnnnd die ewigen seligkeyt erlangen?  
 was wöllen wir denn thun? wöllen wir in den sün-  
 den vnd verdamnis bleiben? das seier von vns  
 Sonder wir sollen vns bekeren büß zu wirckē/ dar-  
 durch wir 8 verdamnis entfliehen werdē/ wir wer-  
 den aber büß thun. Erstlich/ so wir auß disem ge-  
 satz/ vnser sünde erkennen/ vnd empfinden dz wir  
 vmb der sünden willen/ den zorn Gottes/ vnd die e-  
 wigen straff verdienet haben/ Denn das gesatz ist  
 vns dar zu gegeben/ nicht das es anzeige das die  
 erfüllung des gesatz in vnseren krefftē stande/ son-  
 der das wir cyn spigel haben/ darinnen wir vnse-  
 re schnödigkeyt vnnnd vnflut besehen/ vnnnd durch  
 welchen vns der zorn Gottes/ vñ der verdienst vn-  
 serer verdamnis/ angezeigt werden. Darnach/ so  
 wir durch den glaubē er greiffen vnseren Herr Je-  
 sum Christū/ vnd glauben/ das er vnser sünd ge-  
 büß habe/ vñ habe vns dem himlischen vatter ver-  
 sönet/ vnd dz ewig lebē verdienet. Was werdē wir  
 dann auß disem glauben erlangen? wie wol auch  
 die krafft des glaubens für sich selbs vnnvolkome-  
 ner ist/ dann das sie möge dem ernst Gottes genug  
 thun. Doch ist die gütē Gottes vatters/ so groß ge-  
 gen

Wie man  
 büß thun  
 soll.

Die krafft  
 des glau-  
 bens.

In das fünfft Cap. des Luan. math. lxxxviii  
 gen vnß/das die weil wir glauben an seinen Gott  
 Jesum Christum/er vns alle vnser sünd vñ Chri-  
 stus willen nach laßt vñd verzeichst / vñd rechnet  
 vns vor jm also from vñd heylig/als herten wir dz  
 gang gesatz auff das aller fleissigest/vñd nach al-  
 lem seinem willen gehalten. Denn der eynig Jesus  
 Christus ist der/der des Herren gesatz/vollkome-  
 lich on alle sünde erfüllet hatt. Wer aber an Je-  
 sum Christum glaubt/dem wirt Christus von got  
 seinem vatter geschenckt. Welchem aber Christus  
 geschenckt ist/wie möcht es sein/das jm nicht auch  
 mit jm alles geschencket were? Nun aber/vnder  
 anderen vnzeglichen gütern/die Christus besitzt/  
 ist das nicht das geringest/das er ganz heylig vñ  
 gerecht ist/vñd das er dem Göttlichen gesatz auff  
 aller vollkomest genug than hatte. Darumb wer  
 an Christum glaubet/der empfacht die gut hat an  
 Christo/dz er vmb seiner willen vor Gott gerecht  
 vñd heylig geurteylet wurde/eben der massen als  
 so er das ganze gesatz auff das vollkomest erfül-  
 let hette. Es ist aber noch kein end d güter/die vns  
 durch den glauben an Christum verleihen werden  
 Dañ es wirt auch der heylig geyst durch den glau-  
 ben gegeben. Welcher/ob er wol nit gantzlich auff  
 disem leben außsetzet/dz vberig in vnserm fleisch  
 dennoch richtet er auß durch den werck zeüg Got-  
 tes worts/das die sünden it in vnß her sche/das wir  
 nit nach dem fleisch sünd nach dem geyst wandlen.

Der hey-  
 lig geyst  
 wirt  
 durch gla-  
 uben gege-  
 ben.

AA ij Vñd



Die Acht Predig Johan. Brenck.

Vnd das zu diesem gebott gehört / das wir yetzt  
handlen So wirket der heylig geyst in vns / als so  
wir haben an vns die gabe der keuschheyt das wir  
züchtig nach vnserer gabe leben / So wir aber die  
gabe der keuschheyt nicht habenn / so vermanet er  
vns / das wir in die che kōmen / vnd halten cynheili  
ges vnd vnbeslegts gebett / Ober das leret er erba  
re vnd züchtige wort / erhelt züchtige augen / füret  
vns zur niechterkeyt / vnd nach zu volgen allen de  
nen tugeten / die im geset gebotten sind / welchen /  
ob wol noch grosser mangel vnd sünde anhangen /  
vnd kame auch durch dise das gesatz nicht volkom  
men erfüllet werden / Democht die weil wir ahn  
Christo die gerechtigkeit vnd erfüllung des ges  
satz durch denn glauben habenn / so erkennet Gott  
vnser Herr solche tugeten mit so günstigem hertze  
en / des er ihmer dar auß mehr vnd mehr wil guts  
thune. Darumb so laßt vns fleiß ankeren / Das  
wir vnser sünd / durch das gesatz erkennen die sely  
keyt zu erlangen / Vnd glauben auß dem Euang  
gelio / das Jesus Christus / vnser sünde habe ge  
büßt / auff das wir durch den glauben / mit dem  
heyligen geyst begabet / den tugeten der keuschheit

so vns von Got geboten sind / nach vol  
gen mögen. Es ist auch noch cyn  
geschlecht des Ehebruchs / wel  
ches doch von den Juden ein  
billich vnd ordenlich werck geachtet ward.

Darumb

In das fünff Cap. des Euang. Mat. lxxxv

Darumb setzt Christus hinzu.

**Es ist auch gesagt / wer sich von**  
seinem weib scheidet / der sol jr geben ein  
scheid brieff / **Ich** aber sage euch wer sich  
von seynem weib scheidet (es sei dan vñ  
ehbruch) der macht / das sie die ehe bricht  
vñnd wer cyn abgescheidete freyhet / der  
bricht die Ehe.

Das gesatz von Ehe scheidung stehet im v büch  
Mosi im. xviii. Cap. vñnd wirt von Christo auß-  
gelegt nicht alleyn hie an disem ort in Matheo am  
fünfften / Sondern auch am. xix. Mose / spricht Chri-  
stus / hat euch erlaubt zu scheiden von eweren wei- Das gesatz von scheidung d Ehe.  
beren / von ewers hertzen hartigk eyt wegen / vñnn  
anbegin aber ist es nicht also gewesen / Darumb / so  
ist in disem gebott / du solt nit Ehbrechen / die Ehe  
zu scheiden auch verbotten / es geschehe dann vñmb  
der hurerei willen / welches ehe scheiden doch in dem  
burgerliche gesatz Mosi on straff geschach / Aber  
die weil meldüg geschicht dises gesatz im Luca am  
xvi. Cap. vñnd wir aber iezund Lucam auflegen /  
vñnd nicht Matheum / So wollen wir auch mit 8  
überflüssigen auflegung dises gesatzes / verzyehen  
biß an den selbigen ort im Luca / jetzt aber wollen  
wir Gott vnseren Herren anruffen / das er vnser  
hertzen durch den heiligen geist rein / keüsch vñnd heü  
A A iij lig

Die Achte predig Johan Brentij.  
lig mache/auff das wir in Gottes beruff / züchtig  
vñ vnbesleckt wandlen mögen / durch Jesum Chri  
stum vnseren Herren der zu gleich mit dem vatter  
vñnd dem heyligen geyst Gott ist gelobt in ewig  
keit Amen.

## Sie Neund Predig.

Nach dem gesatz von dem Ehe  
bruch/volget das gesatz von  
dem falschen eyde.

Ihr habt weiter gehöret/sprichet  
Christus/das zu den alten gesagt ist du  
solt keynen falschen eid thun/vñnd solt  
Gott deynen eid halten. Ich aber sage  
euch/dz jr aller ding nicht schweren solt  
weder bey dem himel/den er ist Gottes  
stul/nach bei der erden denn sie ist seiner  
füsse schemel/nach bei Jerusalem/den sie  
ist cynes grossen Königes stadt / Auch  
solt du nicht bey deynem haubt schwerē  
den du vermagst nicht cyn cyniges har  
weiß oder schwarz zu machen Wer re  
de aber sei ja ja nein nein. Was drüber  
ist/das ist vom übel.

Wie Christus das gesatz/also wollen wir die wort  
Christ

In das fünfft Cap. des Euan. Math lxxxvi  
Christi / als vil vns nach vnserer maß möglichen  
ist / klärlich auflegen. Ansecklich ist zu mercken  
das der erst teil dieses gesetzes / das Christus hie auf  
legt geschriben stehet im iij buch Mofi am xij Cap  
Ir solt nicht falsch schweren bey meynem namen /  
vnd entheyligen den namē deines Gottes / Der an  
der teil ist genomē / wie es sich anschē laßt auß dem  
xxx. Cap. des .iiij. buchs Mofi / Wenigemand ey  
nen eid schweret / dz er seyne seele verbindet / der sol  
sein wort nicht schwächen / sonder alles thun / wie es  
zu seinem munde ist auß gegangen. Darnach müs  
sen wir wider umb in die gedechtnüß bringen / das  
Christus in disen Worten weder das alt gesetz auff  
hebt / noch ein neues auffrichtet / sonder leret vnd  
erklaret den waren vnd natürli. chen verstand des  
alten gesetzes. Vnd das müssen wir so vil fleys  
ziger merckē / wie vil schēlicher zu diser zeit vil g: o  
ber mensche / in disen wortē Christi / ir solt aler ding  
nicht schwere / von d warheit ir gānd / Den es sind et  
liche die halten / dz Christus in disen Worten seinen  
Christen ein new gesetz geben habe / vnd vrteilen  
das es gottlos sei mit alleyn sonderlich für sich selb  
vnd vñordenlich sonder auch öffentlich vor der o  
berkeyt / ordenlich schweren. Aber wir haben zu  
vor angezeygt mit vilen Worten / das Christus in  
diser predig kein new gesetz gebe. Den er ist nicht auff  
dise welt kōme als ein gesetz geber / Sonder das er  
dz alt gesetz nach seinem rechtē verstand auflege.

Die Klein predig Johan. Brenz.

So wollen wir nun sehen / erstlich welches der verstandt sei dieses gesatzes von dem falschen eyd.

Darnach was Christus wölle / so er sagt / Ir solle aller ding nicht schweren / In Mose sind erliche gesetze / die nicht alleyn zu lassen / sonder auch gebietē bei dem namen des Herren zu schweren.

Denn das gesatz in dem v. büch Mosi im vi. vnd v. Cap. spricht also : Du solte den Herren deine Got fürchten vnd dienen / vnd bei seinem namen schweren. Diesen gesatz werden auch / her nacher andre hin ziehen than / die den falschen eyd / vnd das schweren welches bei dem namen frembder Gotter geschieht / verbieten / Im dritten büch Mosi am xix. steht geschrieben / Ihr solt nicht falsch schweren bei meinem namen / vnd entheiligen den namen deines Gottes. Im Josua steht im xviii. Capitel vnd nicht gedencet noch schweret bei dem namen ihrer Gotter. Dese gesatz verstunden die Juden also / gleich als ob sie zu lissen eynem ieden / nit alleyn in ordenlichem vnd gemeynem beruff / sonder auch eym ieden besunder nach seinem willen / zu schwerē Alleyn das sie sich hütten / dz sie nicht falsch / oder im namen frembder Gotter schweren. Es waren auch andere die zwar ein wenig eerlicher den namē Gottes handleten / dann das sie in stehes / zu allen iren gemeynen Worten / sie zu bestetigen / braucherē waren aber doch nicht weniger vnerfahren Göttlicher sachen / welche in irem gemeynē schwerē sich

von

**I**n das fünff Cap. des Luan. Mat. lxxxvij  
 von dem namen Gottes enthielten / sie schwüren a  
 ber bei dem himel / odder bei dem ertdrich / oder bei  
 dem tempel ( wie eyn ding bei vnß ist / das man  
 sweert. Bei meiner seel / oder bei allen Gottes he  
 ligen / oder bei den sacramenten ) vnd meynten sie  
 theten keyne sündt mit sollichem sweeren / wann  
 nur der nam Gottes nicht gebraucht wurde. Des  
 halben so verdammte / vnd verwürfft Christus di  
 selose meynung / vnd irrthumb von dem eyde / vnd  
 leert das man die gesatz von dem eyde müsse klar  
 lich mit außgeruckten Worten verstehen. Dennes  
 ist eyn anders / so eyner für sich selb ist / vñ noch nit  
 ordendenlich verordnet das er eynen eyd thue / So  
 ist es eyn anders / so eyner eyn gemeyn person ist /  
 durch Götlichen / vnd ordenlichen beruffe eyn eyde  
 zu thun / berufft. Dise sind also seer weit vnder eyn  
 ander vnderscheiden / das / dz in dem eynen eyn got  
 selig werck / vnnd geburlich ampt ist / dz ist in dem  
 andern eyn gotloß laster. Darumb welliche ges  
 satz heysen bei dem namen Gottes sweeren / die  
 selbigen gehören dem nicht zu der eyn sunder per  
 son ist / deren nichts beuolhe / vñ noch nit zu swe  
 ren ordenlich berufft ist: Sonder sie gehören dem zu  
 der durch Götliche ordnung ordentlich berufft  
 ist / dzer den namē Gottes füre / vnd bei dem namen  
 Gottes schwer. Den / wie oft in dem gesatz / gesage  
 würt / dein augen sollen sein nit verschonen / vñ solt  
 das vnschuldige blut auß Irael thun.

Die gesatz  
 die beide  
 namē go  
 tes swe  
 ren heys  
 sen / wenn  
 sie zu ge  
 hören.

Deut. 19.

BB

Irem



Die Neünd predig Johan. Brentij.

Item. So sollen sie beyde sterben/der man vnd dz  
weibe/bei dem er geschlaffen hat/vnd solle das bö  
se von Israel thün/Item/eyn dirne die in iro vater  
ters hauß gehuret hat/die sol sterben/vnd solt das  
böse von dir thün. Item/Du sollt die hende abha  
wen/dem weibe das ire handt hāt außgestreckt/vñ  
im zanke den bei der schamer greiffen der ire man  
schlug/vnd dein aug sol jr nicht verschonen. War  
lich dise vnd der gleichen ort des gesetzes/gehören  
dem gar nicht zu der Keynen sonderen befelch hat  
vnd eyn gemeyns man ist/welchem gebotten ist.  
Du sollt nit tödten/sonder sie gehören eynem men  
schen zu der in der ordenlichen policei durch Gölti  
che ordnung dar zu berüfft/das er die übelthäter  
mit offenklicher straff/straffe. Denn was were das  
für eyn gehäder/ja was für eyn mord/wann es ey  
nem jeden in sonderheyt zu gelassen were/eynem ü  
bel thäter/ober schon eyn ehebrecher/oder todtschle  
ger were/zñ tödten? Also auch so man im gesaz  
sagt. Du solt bei dem namen Gottes schwören/so  
redet man nicht zu eynem menschen der Keynem be  
rüfft oder befelch hat/vnd für sich selber ist. Sond  
man redet zu dem/8 Göltlich/vñ ordentlich dar zu be  
rüfft ist/dz er den namē Gottes im eyd führe. Vnd  
welcher also berüfft bei dem namē Gotes schweret  
Diser veruneret den namen des Herren gar nit/so  
er anderst nicht falsch schweret/sonder er eeret vill  
mehr

In das Fünff Cap. des Luan. Mar. lxxxviii  
mehr den namen Gottes/vnd richtet eyn Götlich  
ampt auß. Daher auch Abraham dem König  
von Sodom schweret/ Ich hebe /spricht er/me yne  
hende auff zu dem Herren /dem höchsten Gott der  
himmel/vnnd erden besitzet/das ich von allem das  
deyn ist/nit eynen faden noch eynen schüchriemen  
nemen will/2c. im ersten büch Mosi am viiiij.  
Bey Got  
tes name  
recht sch  
weren ist  
eyn gots  
dienst.

Er schwür auch dem König Abimelech zu Ber  
sabe/da sie eyne öffentlich verbundnüss mitt eyn  
ander machten. am. xvi. cap. Ober das/hatt  
er auch/den eyd bey dem namen des Gottes des hi  
mels/vnd der erden/von seynem knecht erfordert/  
den er außschicken wolt /seynem Sone Isaac eyn  
weybe zunemen/wie es geschribē steht im erste büch  
Mosi am. viiiij. Capitel.

In dem so hatt auch Isaac dem Abimelech der  
philister König geschworen. Es hat auch Jacob  
seynem sweher Laban geschworen.

Es hat auch der David Jonathe bey des Her  
ren namen geschworen/wie im ersten büch der Kö  
nig im. xv. Cap. geschriben ist.

Du würst aber sagen / Es habe disen darumb  
gezimpt zuschweren/das sie vnder dem alten/vnd  
nicht vnder dem neuen gesaz/sind gewesen. Es  
ist aber yetzt offte angezeygt worden/das Christus  
vnß keynnew gesaz geben habe/sonder habe das

BB ij alle

Die Nümd predig Johan. Brentii.

alt außgelegt / vnnnd habe darauß geleert / was die menschen thün sollen / odder / so sie nicht thün / was sie für sünd / vnd verdammüß inn jnen tragen.

Es ist  
den patri-  
archen e-  
ben dz ge-  
botten ge-  
wesen / dz  
den Chri-  
ste gebot-  
ten ist.

Darumb / was den Christen gebotten ist (ich rede aber von den sittlichen gesetzen) eben das selbig ist auch den Patriarchen / vnnnd den andren die in der policey des alten gesatzes gelebt haben / mit gleich em ernst gebotten gewesen. Zudem so haben die patriarchen / vnnnd die andren frommen menschen vnder dem gesatz / geglaubt an den samen der dem Abraham verheyßen was / welcher ist Jesus Christus vnser Herr. Wer aber an Christum glaubt der ist warlich für eynen Christen zuurteilen / er habe vnder dem gesatz gelebt / ehe dann Christus geboren ware / oder leb nach dem Christus geboren ist vnder dem Euangelio so geoffenbaret ist.

Darumb auch die patriarchen / vnd die andren gotsfürchtigen vor Christus geburt / für Christen sollen gehalten werden. So nun den Christen / in Eeynerley wege / auch ordenlich darzu berüfft / bey dem namen Gottes / gezimpt zuschwerenn / wie die widerteüffer / vnderlich andere / auß disen worten Christi vnrecht verstandē / halten / Warlich / so hat es auch den patriarchen nicht gezummen zuschweren. Aber die geschrifftrümbt ire eyd / vnd schweren / darumb das sie nicht auß eygnem / sonderlich em willen / vnd freuel / sonder durch götlichen / vnd öffentlichen berüß / geschworen haben. Darumb  
so

In das Fünff Cap. des Euan. Mar. lxxxviii  
 so ist es nicht vnrecht/vnnd gotloß/auß ordenlich  
 berüß/bey dem namen Gottes schweren. Den  
 Paulus schwert auch/Ich sage dir warheyt/sprich  
 er/vnd liegenicht/des mir zeugnüß gibe meyn  
 gewissen/in dem heyligen Geyst. Das ist warlich  
 bey dem namen Gottes schwerē. Es schwert auch  
 Christus. Warlich warlich/spricht er/sage ich  
 euch/welches/was ist es anderst/dann bey der war  
 heyt/welche Gottes ist/schweren? Vber das auch  
 schweret Gott selbs/vnd spricht/Als war ich lebe/  
 Item/Ich hab bey mir selbs geschworen. So nun  
 schwerennicht sünde ist in Gott vnserem HERR  
 R/Vwarlich so wirt es auch keyn sünde seyn in  
 dem menschen welchen Gott ordenlich zuschweren  
 berüßt. Was ist es dann das Christus hie an disem  
 ort sagt/ir sollt allerding nicht schweren? Chri  
 stus redet hie nicht von denen/die ordenlich berüßt  
 werden/eyneyd bei dem namen Gottes zuschwe  
 ren. Dem er schickt dise zudenem gesagen/diewir  
 droben erzeltt habenn/nämlich/das/seyt emal sie  
 müssen auß Gottes ordenlichem berüß schweren/  
 so sollen sie bey Gottes namen/vnd nicht bey dem  
 namen fremder Götter/schweren/vnd sollen auch  
 nicht falsch schweren. Christus aber prediget den  
 gemeynen leuten/die nicht ordenlich zu schweren/  
 vnd dem namen Gottes zufüren/berüßt werden.  
 Vnd legt das gebot auß/du solt keyn falschen eyd  
 schweren/für welches der Hebreysch also list/ir

# Die Aelnd predig Johan. Brenck:

solt nicht falsch oder vnnützlich schweren bei meynem nammen / vnd entheyligen den namen deyns Gottes. Disz gesatz verstund der gemeyn hauff also / allß ob es sich gezimpt / nicht alleyn in offentlichem / vnnnd ordenlichem berüß / sonder auch inn freundelichen / vnnnd sonderlichen gesprechen / bey dem nammen Gottes schweren / alleyn das man sich des verhüte / das man nicht lügenhafftig schwere. Vnnnd es ist zwar die warheyt / das in dem ordenlichem berüß bei dem nammen Gottes lügenhafftig schweren / ist eyn falschen eyd schweren / vñ den nammen des HERRN entheyligen. Aber so eyner in sonderlichem gesprech / vñ vnordenlich vnberüßt bei dem nammen Gottes schweret / der schweret nit alleyn / eynen falschen eyd / vñ entheyliget den namē des HERRN / so er falsch vñ lügenhafftig schweret / sond auch / so er warhafftiglich schweret. Der eyd sprich ich / od dz schwerē / dz on ordenlichen / vñ on götliche berüß gebrauchet wirt / dz ist eyn falscher eyd vor Got / vñ eyn entheiligung / vñ schmach des namē Gottes / wie wol es die warheyt ist / das du bei dem schweren besterigst. Dañ gleich wie eyn sonderlicher mensch dem nichts beuolhen ist / eynē todschlag begehret der wir dig ist der straffe / so er on ordenlichen berüß / vñ so im die gesatz dz schwer nit gebē / so er einē andren menschē / ob er schon ein dieb / morder / todschleger / ehbrecher / zc. ist / der mit scyner übelthat / den tod gantz.

Die warheyt mit schweren vnberüßt besterigt ist Gottes namē entheyligen.

In das fünfft Cap. des Luan. Math. C  
 ganz wol verdient hat/erwürgt/welchs doch in d  
 ordenlicher oberkeyt kein sündt ist/siet ödte dan ey  
 nen vnschuldige menschē. Also thut auch cyn son  
 derer mensch cynē falsche eyd der on ordenliche be  
 rüff schweret/so er den namen Gottes füret/ob dz  
 schon die warheyt ist/vnd keine lüge/darumb er  
 schweret. Dan so dz gesetz sagt/du solt den namen  
 des HERRN deines Gottes nit mißbrauchē  
 vn̄ aber cynmal/ Ir solt nit falsch schwerē bei mey  
 nen namen. So zeyget es genugsamlich/vn̄ klär  
 lich an/bey dem wörte mißbrauchen/vnnützlich  
 oder falsch/das nicht alleyn das lügenhaftig/vn̄  
 falsch schwerenn/sonder auch das vnzeitlich/vn  
 nützlich/vnordenlich/vnd das on götlichen berüff  
 bey dem namen/Gottes geschicht/wie wol es sunst  
 die warheyt ist/verbotten werde. Den was ist hei  
 ligers dan Gott vnser HERR? Was ist heyl  
 liger den Gottes name? Man dancke. spricht der  
 lxxxviij. psalm/deynem grossen/vnd wunder  
 barlichen namen/der da heylig ist/vnnd bald her  
 nacher. Erhebt den HERR vnseren Gott  
 bettet an zu seynem füß schemel/den er ist heylig.

Es ist  
 nichts heyl  
 ligers dē  
 Gottes  
 name.

Wie heyliger aber cyn ding ist/so vil cyn grössere  
 sünd begangē wirt/so es zu gemeynē brauch zogē/  
 vn̄ vnordēlich gebraucht/vn̄ entheiliget wirt/Ist  
 nit das/das heiligest werck im gatz gewesen/reuch  
 ern/vnd rauchwerck anzünden?

Heilige  
 ding wer  
 den mit  
 grossen  
 sünden  
 entheylig  
 get.

Aber allß vil es heyliger gewesen ist/so

vil



Die Nünd predig Johan Brenth.

wil schwerer haben gesündigtet die König Jerobe-  
am/vnd Usa/die das werck vnberufft freuenlich/  
vnd vnordenlich brauchten. Darumb ist von stun-  
den an der Jerobeam mit der dirren hand/vnnd  
der Usa mit dem auffatz gestrafft worden. Was  
ist im gesatz heyliger gehalten worden dann die la-  
de des HERRN: Aber da Usa die selbig vn-  
berufft freuenlich anrürt/da ergrimet des HERRN  
Zorn über Usa/vnd Gott schlug in/das er  
daselbs starb bey der laden Gottes/wie im andrē  
büch der König am .vj. cap. geschriben steht. Es  
waren auch die geschirr/vnd gefeß/des tempels ge-  
weicht/vnd geheyliget zum brawch des Leuitisch  
engots dienst/Darumb so Balthasar der König  
zu Babel die selbigen entheyliget/vnd veruonere  
mit seyner füllerey/vnd setzet sie offentlich herfür  
indem herrlichen malh/Alsbald hat er das ernst-  
lichste verheil Gottes/wider in an die wand sehen  
schreiben/durch die finger die herfür giengen/allß  
eins menschen handt/wie der Prophet Daniel am  
v. sagt. Darumb so Gott mit so großem ernst die  
entheyligung deren herligen ding/die nur eyn her-  
likeyt anzeygen/gestrafft hat/Wirt was großem  
ernst meynst du das er straffen werde/die entheyl-  
igung seyns namens/welcher weyt der aller heylig-  
gest ist: Den aber wirt er entheyliget/wan er auß  
keynem ordenlichem berufft/sonder auß lauterem  
freuel/mit willen/vnd leichtfertigkeit zuschwerē  
gebraucht

Wie der  
nam Got-  
tes enthei-  
liget wer-  
de.

In das fünfft Cap. des Euan. Mat. Es-  
gebraucht würt. Darumb so ist nicht alleyn ver-  
botten eyn falscher eyd/sonder auch eyn warer eyd  
der bei Gottes namen geschicht/on Gottes beruff  
vnd wie wol der/der bei Gottes namen schweert/  
die warheyt schweert/doch die weil er freuennlich/  
vnd vnerfordert den namen Gottes füret/so besle-  
cket er nicht minder Gottes namen/den so er falsch  
schwüre. Was aber von dem schwür der bei Got-  
tes namē geschicht/gesagt würt/dz selbig ist auch  
zuuerstehn vndem schwür/der da geschicht bei  
dem himel/bei der erden/bei Jerusalem/bei deinē  
haupt vnnnd leben/bei dem tempel/bei deiner seel/  
bei allen heiligen/bei den sacramenten/vnnnd der  
gleichen andere mehr. Denn welcher bei dem hy-  
mnel schweeret/der schweert bei dem stül Gottes  
vnd bei dem der darauff sitzet/wie hie an disem ort  
Christus leeret/vnnnd Warheit am xxiij. Cap. wer  
da schweeret bei dem tempel/der schweert bei dem tem-  
pel/vnd bei dem der darinnen wonet. Also wer bei  
seiner seel schwert/der schweert auch bei dem erschaf-  
fer der seelen/bei Gott vnserm HERRN. Al-  
so welcher bei den heiligen schweeret/odder bei den  
sacramenten/der selbig schweeret auch bei dem der  
die heiligen machet/vnnnd die sacrament hat auff  
gesetzt. Darumb du schwereest/bei Gott selbs/  
oder bei dem namen Gottes/oder bei anderen stü-  
cken die Gottes sindt/vnordenlich on vrsach/vnnnd  
außeygenem freuel/so entheyligest du den namen

CC

Gottes

Die Neünd predig Johan. Brentij.

Wie wir  
vnser  
wort sol  
len bestet  
igen.

Gottes/vnd chüsteyn falschen eyd. Was sol man  
denn sagen? Wie soll man reden/wenn man vnse  
ren Worten nicht gleich wil glauben/vnd werden al  
so durch das widersechten vnd reden/gedrungen/  
vnser wort zubestätigen? Wir müssen mercken/  
das der gemeyn zuhörder der Keynen berüff hatt/ist  
weder vnser Gott noch vnser oberkeyt. Darumb  
so hatt er Keynen gewalt/vnß zuberüffen/eynnen  
eyd oder anders was Gott zugehört/bey Gottes  
namen zu thun/So aber er disen gewalt nicht hat  
so gezimmet es sich vnß auch nit zu schweren/son  
der wir müssen Christo volgem der spricht/erw  
red soll ja/ja/seyn/vnd neyn/nein.

So eynen/eyner fraget das war ist/so soll man  
schlecht antworten/vnd bestetigen ja es ist allso.

So er aber fraget das nicht war ist/so soll man  
es mit schlechten Worten leugnen/vnd sagen es ist  
nicht allso. Was aber über das weither hinzuge  
setzt wirt/das ist von den übel spricht Christus.

Denn so du auch über das schlecht bezeügen  
odder leügnen/vnd abschlahen/eynen schwür hin  
zu chüst/bey dem namen Gottes/odder bei deyn  
er seel/so kompt deine rede yetzt nicht vonne ynem  
herzen das Gott fürchtet/vnd das ob Gottes na  
men erzittert/sonder auß eynem vnheyligen hert  
zen/vnd das die Missethet/vnnd herligkeyt Gottes  
namen verachtet. Wer wirt dann/sprichst du/

In das fünffte Cap. des Luan. Mat. Cij  
 von entheyligung/vnd schmach des namens Got:  
 tes/vnd meyneidigkēyt frey seyn: Vnd so es also  
 stehet/wer kan leucknen/das vnser leben nicht vol:  
 ler meyneidigkēyt/vor Gott sei: Vnd so die men:  
 schen müssen rechenschafft geben am Jüngsten ge:  
 richt/von cynem yeglichen vnnutzen wort / das sie  
 geredt habē. Was wirt dan für cyn rechenschafft  
 für so vil grosser falscher eyd/vnnd so vil schmach  
 des namen Gottes/vonn vnß erfordert werden?  
 Wer will vnß geben/das wir von disen sünden/vñ  
 von der rechenschafft zugeben/erlöset werden?  
 Warlich es ist keyn anderer wege/der lösung/dan  
 der/auff welchē wir erstlich durch das gesatz/dar:  
 nach durch dz Euangelion von Jesu Christo/ge:  
 führt werden. Den/wie die andren gesatz/also wirt  
 vnß auch diß gesatz von den falschen eyden/odder  
 schweren/fürgesetzt /auff das /seitmal wir vnser  
 übel nicht erkennen / wir cynen spiegel haben/da:  
 rinn wir die gotlosigkeit vnser s hertzen/vnnd die  
 vnreinigkēyt/vnd vnflat vnserer rede beschweren  
 mögen/vnnd das wir auß disen sünden vnser ver:  
 damnuß erkennen/nicht verzweyflen / Sonder dz  
 wir getriben werden / die erledigung von vnseren  
 sünden/vnd verdamnüß zusuchen.

Vnser les  
 bē ist vol  
 ler meyn  
 eidigkēyt  
 vor Got.

Warum  
 das gesatz  
 vom fal  
 schen eyd  
 vns werd  
 für ge  
 setzt.

Wir kōnden aber nicht erlediget werden / von  
 sünden/vnd verdamnüß. Denn durch den I H X  
 X I I I Jesum Christum / vnnd durch den glaw  
 ben an ihn.

CC ij Darumb

## Die Neünd predig Johan. Brentij.

Wie wer  
den vom  
sündē vil  
verdam  
niß er  
löst durch  
den glau  
ben abh  
Christum

Darum welcher begeret von dem falschen schwe  
ren vñd eyden / auch von der straff so von der we  
gen verdient ist / entledigt werden / der soll glaubē  
an Jesum Christum / das der für seynesünd genug  
than habe / vñd habe imeynen gnädigen Gott / vñd  
vatter im himel gemacht. Auß disem glauben  
wirfst du seer grosse guthaten erlangen.

Denn erstlich wirfst du gerecht vor Gott gerech  
net werden / durch den glauben vñb Christus wil  
len / darnach wirfst du auch mit dem heyligen Geist  
begabet werden / der machen wirt / das / das hertz  
mit grosser eere mbietung den namen Gottes fürch  
ten / vñd ehren wirt / So denn das hertz den namen  
Gottes heilig wirt behalten / so wirt es nimmer zu  
lassen / das die rede so auß dem herten kompt / den  
namen Gottes entheilige / vñd vnordenlich brau  
che. Sonder es wirt machen / das du die warheyt  
redest schlecht / on trug / vñd on allen schmach des  
namen Gottes / auff das du in dem breiuff Gottes  
wandlest / vñd zu der ewigen sältigkeyt kom  
mest. Durch Jesum Christum vnseren

HEXAXTI / der zu gleych mit

dem vatter / vñdem Heylige

Geyst / Gott ist gelobt

in ewigtheyt.

Amen.

## Die Zehent Predig.

Lhe

In das fünfft Cap. des Euan. Mat. Cij.



He dann wir wider-  
keren die wort des Euangeli-  
sten Luce aufzulegen/so wol-  
len wir noch cyn gesatz/vnnd  
seyne außlegung/erzelen/auf  
dem Euangelisten Matheo/  
vnd wöllens nach vermögen  
vnserer maß handeln. Des  
halben sagt nun Christus.

Ihr habt gehört das gesagt  
ist/auge vmb auge/zan vmb zan/Ich a-  
ber sage euch/ das jr nicht widerstreben  
solt dem übel. Sondern so dir yemande  
eynen streich gibt auff deinem rechten  
backen/dem biere den andren auch dar/  
vnd so yemandt mit dir rechten will/vñ  
deynenn rock nemenn/dem laß auch den  
mantel/vnd so dich yemandt nödriget  
eyne meile/so gehe mit jm zwo. Gib dem  
der dich bittert/vñ wende dich nicht von  
dem/der dir abborren will.

Das ist der ort/welchen so die vnersarnen leu-  
te lesen odder hören/haben sie mancherley anmüt/  
vnd zafal/vnnd zeygen darinnen an/zum teil ihre  
gottlosikeyt/vnnd bossheyt/zum teyl auch ihre

CC iiij r



Die Zehend predig Johan. Brenckf.

vnwissenheyt/vnd vnuerstand. Denckerlich neme  
dise wort mit eynem grossen geleyt auff/vñ mei  
netes mögenichs eitelers noch nerischer gebotten  
werden/denn das an disem ort geschriben wirt.

Die andren nemen daher eyn vrsach/der frommen  
vnd Christenlichen menschen die dise wort als für  
warhafft erkennen/übelß zu zufügen/vnd args zu  
thun/nemlich sie an die backe zuschlagen/den rock  
samt dem mantel zunemen/vñ sie zu den aller  
schwersten burden zu zwingen. Welches den die

Julianus  
der abtri  
nig eynn  
Römisch  
er Keyser

Historien der ersten Kyrchen/von dem Keyser Ju  
liano bezeugen. Der selbig Julianus ist eyn Rō  
mischer Keyser gewesen. Nach dem Constantio  
dem Son des grossen Constantini. Vnd ehedenn  
er zum Rōmischen Keyser erwolt warde/da hatt  
er in seyner juger offentlich das Christenlich wesen  
bekant vnd geleyt/vnd ist eyn offentlicher leser/vñ

Gregori  
us Nazia  
zenus.

lerer der heyligenn geschriffte zu Nicomedia gewe  
sen. Nach dem er aber zum Keyser erwolt ward/  
da ist er abtrinnig worden von dem Christenthum  
zu dem gotlosen wesen/vñ Abgötterey der heiden  
vnd hat die Christenheyt veruolget/wol nicht mit  
dem schwert/aber mit schriffen/liften/vnd allerlei  
arglistigkeyt. Vnd über andere stück/da richtet er

Tripart.  
Hist. Li.  
6. Ca. 39.

zu das man den Christen ire güter nemen solt/vnd  
auff das aller vnbilligest von den Abgöttern ge  
halten wurden. Darumb/als die Christen sich der  
jniurt

In das Fünfft Cap. des Luan. Mat. Cijf.  
iniurien/vnnd vnbilligkeyt ihnen angethon/vor  
dem Keyser Juliano/beklagten/treyber sie vom  
jm/vñ antwortet/es künde jnen nichts vnbillichs  
geschē/seitemal jr gesag/sie heysse/dem übel nit  
widerstreben/sonder/so eyner eynen auff den rech-  
ten backen schlahe/so solle er jm den andren auch  
dar bieten/vnd dem der eynem den rock neme/auch  
den mantel lassen. Daher si hefft du/das der got  
loß aber innig Christ eyn vrsach auß disen worten  
Christi genommen hat/den gūten/vnd fromen leu-  
ten alles übel zu zufügen.

Die andren/wann sie dise wort lesen/die vrtei-  
len sie nicht für gebott/sonder rādt/vnd halten/dz  
wol recht sei sollichs halten/es sei aber nicht nodd  
zu der sālīgkeyt. Die andren/hangen disen wor-  
ten mit so grossem aberglaubenn an/das sie auch  
den wurmen/leüsen/flohen/wanzē/vnd dergleich-  
en/so sie beyssen/nicht widerstanden noch jnen wes-  
ren/vnd sprechen/es sei gebotten/du solt dem übel  
nicht widerstreben.

Es sagen die Legend/allß mans nennet/der  
Lynsidel/von eynem eynsidel mit namen/Sime-  
on/das/als er auff der hufft eyn wunden here/vnd  
voller maden was/er nicht alleyn die madenn nit  
wollen heraußer werffen/sonder habe auch die so  
selber heraußer gefallen waren widerumb in die  
wunden gesetzt/vñ sprechen darzu/Esset an was  
euch Gott beschert hatt.

Nemlich

Die Zehend predig Johan Brenck.

Nemlich das er auß dem gebot des **HERRN** hielte er solte dem übel nicht widerstreben. Aber dise alles andt/verteilen auff dz aller übelst/vnd vngereimpreß von des **HERRN** Worten.

Die ver-  
spöter  
Gottes  
worts sü-  
ndigen  
schwer-  
lich wic  
Gott.

Denn welche die mit eynem geleytzer auffnemen die verachten/vnd verspotten/nicht die buchstabē nicht die silben/sonder Got selbs/vnseren erschaffner/vnd den eyngebornen Son Gottes/vnserem seligmacher. Dann dise wort/sind die wort des Sons Gottes/vnser **HERRN** Jesu Christi/mit welchen er außlegt/nicht eynen menschlichen traum/sonder dz aller heyligest gesatz Gottes.

Darumb so sündigen die verspöter so vil schwerlicher/so vil grösser Christus ist/vnnd so vil das gesatz Gottes heyliger ist.

Was sol ich aber von denen sagen/die auß disen worteneyn vrsach/vnd müßwillen nemen alles übel/vnd arges iren nachsten zu zufügen? Warlich das ich sag wie denn ist/es sind weit die aller grösssten schelck. Dann so es verbotten wirt/man solle nicht übels vmb übel vergelten/wie vil mehr wirt den verbotten eynem übels/vnd arges zu thun? Vnd so der **HERR** verbeyt übels vergelten/vñ beuñht man solle ihm die rach lassen. Darmit zeiget er an/das er darumb wöle ihm den rach zu vor behalten/das die vnbilligkeyt so eynem geschicht eyn so grosse sünde sei/das der mensch dem vnbillich/vnnd übels widerfarenn ist/könne das nicht genug

In das Fünfft Cap. des Luan. Mat. Ev.  
gnügsam/straffen/sonder es sei von nöten die göt  
lich straff/eyn so schwere sünd zu straffen. Da her  
so der HERRA spricht/gib mir den rach/ setzet er  
auch hinzu/vnd ich wils vergelten. Darumb wel  
cher alleyn eynen gemeynen naturlichen verstand  
hat/der sieht offentlich/das dise wort Christi vill  
mehr abschrecken von vnbilligkeyt eynem andern  
zu thun/wan das sie im eyn vrsach gebē/eynem vn  
billigkeyt zu zufügen. Welche aber dise wort Chri  
sti vrteylen darfür/das sie nit gebot seien notwens  
dig zu halten/sonder seien rādt nach eynes yeden  
willen zu halten oder nicht. Dise verstanden nicht  
was Christus hie in seyner predig handelt. Darn  
er gibt keyn neues gesatz/sonder legt das alt auß/  
vnd erkläret was in dem alten gebotten sey. Dar  
umb was von dem gesatz geschriben ist. Deutero.  
xxvij. verflucht sei/wer nicht alle wort dises gesetzes  
erfüllet/das er darnach thut. Eben das selbig soll  
auch von disen Worten Christi/die das gesatz recht  
vnd klarlich außlegen/verstanden werden/vom  
welcher sach wir auch darobenn/den zuhörer ver  
manet haben. Wie vil weither aber die/so auß  
disen Worten Christi rādt machen/auff die rechten  
hand abweichen/So vil weither weichen ab auff  
die lincken/die so auch den leusen schnacken/vñ der  
gleichen/so sie beyssen/nicht weren.

Denn die wort Christi all so verstehn/heiß nit  
Gor selicklich/sonder aber glaubig/darvon halten

DD

vñnd

Die Lebend predig Johan. Brentij.

vñ also thun/heißt nit dz gesatz Gottes/sondeinem ganz eytelen vñ vnützigen traum/vñ phantasei/des hertzens volgen. Darumb/auff das wir/so wir haben hingelegt diſe irthum/den rechten waren verstand der wort Christi vernemen mögen.

So iſt zu mercken/das diſſe gesatz/das Christus hie an diſem ort außlegt/geſchrieben ſthet im andern buch Moſi am xvi. vñ im drittc buch am xviii. Cap. wer ſeinen nechſte verlegt/dem ſol man thun wie er gethan hat/Schade vmb ſchade/auge vmb auge/zan vmb zan/wie er hat eynen menſchen verlegt ſo ſol man jm wider thun. Vñ im fünfften buch Moſi am xix. Cap. So die richter eyn falſch en zeugen ſinden/der eyn lügen wider ſeinen brüder geredt hat/ſo ſollen ſie jm thun/wie er gedacht ſey nem brüder zu thun/das du den böſen von dir weg thüſt/auff das die andern hören/sich fürchten/vñ nicht mer ſolche böſe ſtück fürnemen zu thun vnder dir/dein auge ſoll ſeyn nit ſchonen. Seel vmb ſeel auge vmb auge/zan vmb zan/hand vmb hand/fuß vmb fuß.

Weither aber/verſtanden die Juden. diſſe geſatz allſo/gleich allß ob die geſatz eynem yedem menſchenn für ſich ſellbs/vñ vñ vñ berüffte/vergünneten/vñ zu lieſſen/böſes mit böſem vergeltet vñ darumb das das geſetz ſagt/zan vmb zan/auge vmb auge/wie er verlegt hat/alſo ſol er verlegt werden. So meynten ſie es zimpte yederman

In das fünfft Cap. des Luan. Mat. Eys.  
 on vndercheid/die vnbilligkeyt so im widersaren  
 were/mit gleicher mass vergelten/vnnd were kein  
 sünd/sonder billich vnd ordenlich/gleich mit gleich  
 em in vnbilligkeytē/vergeltē / vnd sich nach sey-  
 nem willen rechen. Darumb so strafft Christus  
 disen irthumb durch seyne auflegung/vnd spricht  
 zum ersten/ir habt gehört das gesagt ist. Auge  
 vmb auge/zan vmb zan/vnd setzt hinzu. Ich a-  
 ber sage euch/ir solt dem übel nicht widerstreben.  
 Da ist nicht zuhalten das Christus das alt gesetze  
 auffhebe/Sonder er macht cyn klaren vndercheid  
 mit außgetructen Worten /zwischen den gesagen/  
 vnnd den empteren/die öffentlich der weltlichen o-  
 berkeyt zugehören/vnd die den sonderen leüten so  
 in keynen offentlichen beruff sind/zugehören.  
 Denn das das gsatz sagt/auge vmb auge/zan vñ  
 zan/wie er verletz hat/also soll er verletz wer den  
 das gehört sonderen leüten die keynen beuelh ha-  
 ben/nicht zu.

Das ges-  
 sag vn-  
 bil-  
 ligkeyt zu  
 rechen ge-  
 hört der  
 oberkeyt  
 311.

Sonder es redet zu der oberkeyt/vnnd das  
 gesatz ist nicht gebenn den sonderenn leüten die  
 nicht in der oberkeyt sindt /übel vnnd vnbillig-  
 keyt nach ihrem eygenen willen zu vergelten.

Sonder es ist der weltlichen oberkeyt für ge-  
 schriben/das sie cyn regel habe/nach welcher sie  
 das übel/vnnd vnbilligkeyt so eynem widerferet/  
 ordenlich straffe.

DDü Christus



Die Tzehend predig Johan. Brenth.

Christus  
ist kommen  
dz gesatz  
zu erfülle.

Christus aber hebt die oberkeyt/vñ ire burgerlich  
engesatz nicht auff/Sonder er zeuget offte/mit kla  
ren Worten an das er wölle/das der gewalt der o  
berkeyt/vñ ire weltlichen gesatz sollen für ganz  
heylig gehalten werden. Ir solt nicht meynen/  
spricht er/das ich kommen bin/das gesatz oder die  
Propheten auff zu lösen. Ich bin nicht kommen  
auff zu lösen/sondern zu erfüllen. Im gesatz abe  
er werden nicht alleyn sittliche/vñ götliche ding  
sonder auch weltliche/vñ die dem gericht zugehö  
ren/vñ die herligkeyt/vñ gewalt der oberkeyt/  
wirt in dem gesatz auff das aller ernsthaftigste ge  
rumbt/vñ benolhen. Darumb so ist Christus nit  
kommen die oberkeyt auff zu heben/sonder vil mer  
das er ire herrligkeyt erhalte. Vñ an eynem an  
dren ort beuilht Christus. Dem Keyser geben das  
dem Keiser zugehöret. An eynem andren ort allß  
Wath. xvij. Laet er selbs den zoll/auff das er da  
mit anzeygere/das er den gewalt seyner oberkeyt  
erkenne. Er spricht auch zu Petro der das hohē  
priesters knecht schlug/stecke dein schwert an seyn  
ort/den wer das schwert nimpt/der sol durchs sch  
wert vmbkommen. Was ist das anderst/wenn  
du es recht besihst/denneben dz/so das gesatz sagt  
auge vmb auge/zan vmb zan/seel vmb seel?

Paulus schreibt auch also auß dem Geyst Chri  
sti von der oberkeyt/zu den Römern. xij. Capit. l.  
Es ist keyn oberkeyt/on von Got. Vñ bald her  
nacher

In das fünfft Cap. des Luan. Mat. Cviij.  
 nacher. Sie ist Gottes dienerin/cyn racherin/zur  
 straffe über den/der böses thut. Darumb so ist  
 nicht zuhalten das Christus an disem ort hie/die o  
 berkeyt/vnd das gesatz auffhebe/welches der ober  
 keyt gegeben ist die vnbilligkeyt ordenlich zu straf  
 fen. Sonder die weyl er sunst also offte/den gewalt  
 der oberkeyt bestetiget/so müssen wir halten/das  
 er so gar das gesatz/das der oberkeyt geben/hie nit  
 auffhebet/dz er es vil mer vertediget vor dem fre  
 fenlichen brauch/der gemeynen leüt denen nichts  
 beuolhen ist/vnd geben es wider in den gewalt der  
 oberkeyt/auff das/das er redet dise meynung ha  
 be. Ir habt gehört das gesagt ist/Auge vmb  
 auge/zan vmb zan/vnd das ist wol/vnd recht ge  
 sagt. Dann das gesatz schreibet der oberkeyt cyn  
 regel für/nach welchen sie solledie vnbilligkeyt so  
 cynem andren geschehen ist/ordenlich straffen.

Christus  
 hebt das  
 gesatz vñ  
 die ober  
 keyt nit  
 auff.

Es ist aber nicht recht verstanden worden von  
 denen/welche durch diß gesatz verursacht worden  
 sind/sich selb/auf eygenem freuel/vnd müßwillen  
 zurechen in der vnbilligkeyt so inen widerfahren ist  
 Denn es ist cyn ander ampt der oberkeyt/so ist es  
 cyn ander ampt eynes schlechten gemeynen men  
 sches. Die oberkeyt müß auß irem beruff/vnnd  
 ampt. Auge vmb auge/vnd zan vmb zan/erforde  
 ren. Denn sie ist cyn diener cyn Gottes/zum zorn  
 dem der böses thut.

Ich sag aber spricht Christus/euch gemeynen

DD in leütten

Die Zehend predig Johan. Brenth.

Dz ampt  
der ober-  
keyt.

Dz ampt  
der schle-  
chten ge-  
meynen  
leuten.

leuten die jr in keyner oberkeyt sind/das jr dem ü-  
bel nicht widerstreben solt/ Das in der oberkeyt  
cyn pflichtig ampt ist/das ist in euch sonderen leu-  
ten die jr keyn berüff habt/cyn sünd vnd laster.  
Darumb so lasset der oberkeyt ihren berüff/vnnd  
ampt. Aber jr die weil jr keynen berüff habet/  
volget denen dingen/die zu ewerem berüff gehö-  
ren. Was sind aber/sprichst du/die selbigen? Die sind  
es. Jr solt dem übel nicht widerstreben/wer dich  
auff den rechten backen schlecht/dem biere auch den  
andren dar/vnd so yemandt mit dir rechten will/  
vnd deynen rock nemen/dem laß auch den mantel/  
vnd so dich yemand nötiger eine meyle/so geh zu  
mit jm. Das sind die gesatz/die dir sonderlichem  
menschen/der du keynen besondern berüff hast/  
gegeben sind/das ist deyn berüff. Was ist denn  
das/würstu sagen? Forderet den Got dz ich/mich  
mit feusten vnd halßstreich schlagen lasse/das ich  
mit füßen getreten werde/das ich rock/vnd man-  
tel beraubt werde/vnd dörfte dennoch/das man  
dargegen nicht auff thun? Wan sich dise sache der  
massen helt/wer wirt von der vnbilligkeyt der bö-  
sen sicher seyn? wer wirt nicht/mit sollichem reiß-  
en/blündern vnnd rauben and den bettelstab/ge-  
bracht werden? Ja auch gar nackter außgezogen  
werden? Oder wer wirt doch nur cyn zeytlang in  
disem leben beharren könden? Vnd das ich ein an-  
ders hinzuhe setzen/wan man dem übel gar nit soll  
wider-

In das Fünfft Cap. des Luan. Mat. Critij  
 widerstreben / so wirt auch eyn vatter seyn kinde  
 das da sündiget nicht dörfen mit der ruten straf-  
 fen / So dörfen wir vnß auch nit weren vor eynem  
 wütenden hünd / oder vor eynem grausamē wolff /  
 vnd also das übel abwenden. So wöllen wir nun  
 die kinder frey dahin in hauffen sünden lassen / vn  
 wollen vnß selbs den hunden vnd wolffen für werf-  
 fen das sie vnß zerreißen. Solliche wort / wirt vi-  
 leicht eyner sagen welcher dise wort Christi / noch  
 nicht wol versteht. Darum so wöllen wir merck-  
 en / das Christus mit disen Worten / wie wir dann  
 zum offter mal anzeygt haben / nichts news leret /  
 sonder er legt alleyn auß / was vnß in des **N. T.**  
**R. E. T.** gesatz gebotten wirt. Es ist aber kündt /  
 vnd offenbar / das Gottes gesatz nichts verbeut  
 das recht / vnd billich ist / Sonder es verbeut allein  
 das / das vnrecht vnd vnbillich ist. Denn das ge-  
 sätz / spricht Paulus Rom .vij. ist ye heylig / vnnd  
 das gebott heylig recht / vnnd güt. Darumb ist in  
 keynen wege nicht zu halten / das diß teile des ge-  
 gesetzes jr solt demübel nit widstreben. Vnd / wer  
 dir eynen streich gibet auff den rechten backen dem  
 biete den andren auch dar / solte verbieten das / das  
 recht / billich vnd heylig ist.

Dz gesatz  
 verbeut  
 nicht wz  
 recht vnd  
 billich ist.

Darumb so wöllen wir etlich geschlecht der  
 gütten wercke durchlauffen auff das wir klarlich  
 sehen mögen / wo das teil dises gesetzes / hin sehe / o-  
 der was es verbiete / oder nicht verbiete

Das

## Die Zehend predig Johan Brenckf.

Die ober  
Feyt thut  
eyn güth  
werck so  
sie die übel  
eltheter  
strafft.

Das erst recht billich vnd gut werck ist/das die oberkeyt sol die übelthäter straffen/So es aber eyn recht/billich werck ist/wer wolt denn sagenn/das es in dem teyl des gesetzes. Ir solt dem übel nicht widerstreben/verbotten seye/wie wir auch da obē anzeygt haben? Darnach ist es eyn billich/vnd ordenlich ampt an eynem prediger/vnd an eynem haufvatter/das sie nach der gelegenheyt ires be ruffs dem argen irer kyrchen/vnd ires haufgesin des widerstreben/vnd dem selbigen weren sollen.

Ein pre  
diger vñ  
haufvater  
sollen  
dem übel  
wider  
streben.

Gott sagt zu dem prediger durch den Propheten Heseciel am .iij. Wenn ich dem gottlosen sage/du müßt des todes sterben/vnd du warnest ihn nicht/vnd sagest es ihm nicht/da mit sich der gottlose vor seynem gottlosen wesen hütet/auff das er lebendig bleibe. So wirt der gottlose vmb seyner sünden willen sterben. Aber seyn blüt wil ich von deyner hand fordern. Vnd der Apostel Paul. ij Timiij. predige das wort/halt an/es sei zu rechter zeyt od zur vnzeyt/straffe/drene/ermane/mit aller gedult vnd lere. Vnd in der ersten zu Timotheo an dem fünfften/die da sündigen/die straffe für allen auff das sich auch die andren fürchten.

Zu eynem haufvatter wirt gesagt in der geschrift/im büch der sprüche Salomons am .xiiij. Wer seyner rüten schonet/der hasset seynen Son wer in aber lieb hat/der züchtiger ihn bald. Vnd Paulus spricht/vnd jr vetter ziehet ewere kinder auff

In das fünfft Cap. des Euang. Mat. Cij:  
auff in der zucht vnd vermanung zu dem HERRN.  
Sonun Gott eynen prediger vnd eynen  
hausvatter da her berufft / das eyn vatter dem ü-  
bel seynes haußgesinds / der prediger dem übel sey-  
ner kyrchen / mit seiner straffer widerstreben sollen.  
Warlich so ist mit nichten zu wachen / das dise rech-  
ten / vnd götliche beruffe / in dem geset / Ihr sollt  
dem übel nicht widerstreben / verbotten seyn.

Zu dem / so hat auch Gott allen menschen gebot-  
ten / das sie in anruffen sollen in trübsal vnd leiden  
vnd sollen dem übel vnd widerwertigkeyt mit je-  
em gebott widerstreben / vnd ruff mich an / spricht  
er : im .xliij. psalmen / in der not / So will ich dich  
erretten / So sollt du mich preisen / vnd Christus  
heysst vnß also betten / Erlöse vnß von dem übel.  
Vnd Got vnser Herr erzürnet ja über vnß / so wir  
vnserem übel vn leiden mit vnserem gebet nit wi-  
derstreben. Sie treten nicht / spricht er : Ezechiel  
xiiij. für die lücken / vnd machen sich nicht zur hur-  
ten vñ das hauß Israel / vnd sehen nicht im Streit /  
am tage des HERRN. Vnd im .xxij. Capitel  
Ich suchte vñ der jnen ob yemandt weren wolt / vñ  
dem zorn steuren wolt vor mir / das ich das lande  
nicht verderbte / Aber ich finde keynen.

So es nun eyn gebot des HERRN ist / das  
wir dem übel mit dem gebet widerstreben sollen /  
so ist es klar vñ offenbar / das dise wort / ihr sollt  
dem übel nicht widerstreben / das gebet gar nicht

¶ verhin-

Alle men-  
schen sol-  
len dem ü-  
bel wider-  
streben  
mitt dem  
gebet.



Die Lebend predig Johan. Brentij.

verhinderen. Dann wie könden die gebott Gottes  
 jnen selbs widerwertig seyn? Ober das/das wir  
 sollen den wolffen/vnnd anderen thieren die vnß  
 schaden vnd überlast zu fügen/widerstreben/das  
 haben wir auß dem gewalt der herligkeyt/darinn  
 Gott den menschen geschaffen hat/Hersehert/  
 spricht Gott/über die vñsch im mör/vnnd über vñs  
 gel vnter dem himmel/vnd über alles thier dz auff  
 erden krecht. Darumb ist seer lecherlich/das er-  
 liche Eñsidel/dise wort/jr sollt demübel nicht wi-  
 derstrebe/also abergläubig/außgelegt habē/das  
 sie auch den mücken flöhen/vnd leusen nicht wider-  
 strebet/vnd von jrem leyb nicht hinweg geiagt/ha-  
 ben. In disen erweysungen/kompt auch das/dz  
 es sich geburt auß göttlicher ordnung den kranck-  
 heyten mit natürlicher argney widerstreben/vnd  
 ihnen zu weren. Dann/wie Gott speise vnd trank  
 dem hunger vnd durst zu weren/geschaffen hat/al-  
 so hat er auch geschaffen vnd verordnet die argney  
 die kranckheyten zu heilen/vnd den krancken jre ge-  
 sundt heyt wider zuerholen. Ehre den arzt/  
 spricht der weyß man/mir geburlicher vereerung/  
 das du ihn habest zur not/denn der H<sup>ER</sup>X hat  
 in geschaffen/vnnd die argney kompt vonn dem  
 höchsten/vnd Könige eeren in/vnd bald hernach-  
 er. Der H<sup>ER</sup>X laßt die argney auß der er-  
 den wachsen/vnd eyn vernünfftiger verachtet sie  
 nicht

man mag  
 mit natu-  
 rlicher ar-  
 gney den  
 kranck-  
 heyten wi-  
 derstrebe

In das fünfft Cap. des Luan. Mat. Cy  
nicht. Ist nit das wasser das zu Maria bitter  
war sieß worden von dem baum/den Mose darein  
thet/im andren buch Mose am .xv.?

Es ist auch cyn groß lob vnd ehre der argney/  
dz der Prophet Esaias hieß cyn stück seygen brin-  
gen vnnnd cyn pflaster machen über die drüse odder  
wundt des Königs Hiskia/das er gesundt wurde  
So nun Gott die argney verordnet hat/das man  
durch sie den krankheyten widerstrebe/so ist's an  
im selbs offembar/das auch der ordenlich brauch  
der argney/in disen worten/ir solt dem übel nicht  
widerstreben/nicht verbotten ist.

Was gesagt ist von den krankheyten/sie durch  
die argney zu vermayden oder zu vertreyben/das  
selbig ist auch zu verstten/von dem/wie man durch  
burgerliche ordnung/dem übel/vnd vnbilligkeyt/  
so vnß vonn vnserem nechsten geschicht/zu weren/  
vnd abzustellen sei. Den Gott vnser HERR hat  
die oberkeyt vnd ire gesag darumb verordnet vnd  
auffgesetzt/auff das cyn er durch deren hilff vonn  
dem andren sicher sei. Sie ist/spricht Paulus  
Rom. xij. die oberkeyt/Gottes dienerinn/cynne  
racherinn/zur straffe über den/der böses thut/vñ  
Petrus. i. Pet. ij. Seit vnderthan aller menschlich  
er ordnung vmb des HERRN willen. Es sei  
dem König als dem obersten/oder den Hauptleu-  
ten als den gesandten von ihm/zur rache über die ü-  
beltheter/vnd zu loben den frommen.

Die vnbe-  
ligkeyt so  
vnß ge-  
schicht  
mögen  
wirdurch  
die ober-  
keyt ab-  
wenden.

Die Zehend predig Johan. Brentij.

Was aber Gott zum gütten vnd lobeder from-  
me verordnet hat /des selbigen mögen sich auch die  
fromen mit gütten gewissen brauchē. Daher auch  
Christus selbs sich für das gemeyn recht berufft/  
da er vonn des hohen priesters knecht mitt eynem  
backenstreich geschlagen ward. Johan viij. Nab  
ich /spricht er: übell gered /so beweise es /dz vnrecht  
sei /habeich aber recht gered /wz schlechst du mich?  
Vnd Paulus da er ins gefencknüs /vñ rod gerissen  
warde /da berufft er sich yetzt /auff die freiheytt der  
Römischen burger / yetzunt schreiet er die hilff des  
Hauptmans an /ietzt appeliert er für den Keiser/  
wie es dann der Apostel geschicht aufweisen.

Darumb so eynem vnbilligs geschicht von sey-  
nem nechsten menschen /der mag mit guten gewis-  
sen sich der hilff der gesatz brauchen / vnd hilff von  
der oberkeytt /nach den gesagen vnd weltlichen or-  
dnungen (alleyn das da keyn neyde falschheytt/  
schmach / gifftekeytt / lügen / falsch schwören vñ der  
gleichen vorhanden sei) begerē / auff dz er /als viles  
müglich ist / von frembder vnbilligkeytt sicher sei/  
vñ rewig vnder seinem feigen baum vñ weinstock  
wone. So aber dz mit guttem gewissen sein mage /  
wie wir dann auch sunst zum offtern mal anzeygt  
haben / warlich so volgt es / dz in disen worten (ir  
solt dem übel nit widerstreben / sonder so yemande  
mitt dir rechten wil / vñnd deynen rock nemen / dem  
laß auch den mantell) nichtt verbotten wirt der  
brauch

In das fünffte Cap. des Luan. Mar. Cxi.  
brauch des gemeynen rechtens vnd der weltlichen  
ordnungen/durch welche man ordenlich mag der  
frembden vnbilligkeyt/so einem widerferet/wider  
streben. Wir habē yetz etliche geschlechter der werck  
erzelet/in welchen auß Gottes beruff vñ ordnung/  
es sich gezimpt dem übel widerstreben/was ist denn  
das/das hie an disem ort verbotten wirt? Wie ge  
het es zu/das man auff so vil weys dem übel wider  
streben mag/so doch hie gesagt wirt. Ir solt dem  
übel nicht widerstreben? Wir haben zuvor gesagt  
das/so das gesatz Gottes alleyn vngerechte/vnnd  
vnbilliche ding verbiete/vñ dise wort sind eyn auß  
legung des göttlichen gesatzes/das es von nödren  
ist das in disen Worten nichts verboten werde/dan  
was vnrecht vnd vnbillich ist. Was ist dann das  
selbig vnrecht vnnd vnbillig /das hie an disem ort  
verbotten wirt? Es ist für war nicht das/dz man  
dem übel ordenlich vnd auß göttlichen beruff wi  
derstreben soll. Denn wir haben da oben anzeiget  
das solichs recht vnd billich sei.

Sonder es ist/dem übell/ wider Gottes gesatz/  
vnordenlich vnd auß keynem beruff vnd ordnung  
widerstreben.

Denn es ist nicht vnrecht dem übel mit gü  
tem widerstreben/vnnd das böse mit gütem ü  
berwinden.

Sonder das ist entlich vnrecht/dem übel mit  
L L iij bösem

Die Tzehend predig Johan. Brentij.

Den nechsten has- bösem widerstreben / vnd böses mit bösem vergel-  
ten. Erstlich aber / ist das übel / vnd böse auß  
Gottes gesatz verbotten / den nechsten has- / den  
das gesatz sagt. Du solt deinen nechsten lieben als  
dich selbs. Sonun in der auflegung des gesatzes  
gesagt wirt. Ir solt dem übel nicht widerstreben /  
so werdenn wir in disen worten gelert / das wir die  
vnbilligkeyt / so vnß vnser nechster mensch zu ge-  
fügt hat / nichtt sollen mit haß des nechsten vergel-  
ten / auff das / diß wort. Ir solt dem übel nichtt wi-  
derstreben / eben als vil seye / als so man spreche.  
Ir solt den nechsten nichtt has- / vmb des vnrech-  
ten willen das er euch zugefügt hatte. Darnach /  
ist auch das böß vnd übel in des **HEXXII** ge-  
satz verbotten / eygnen vnd vnordenlichen rach be-  
geren / denn der **HEXX** spricht / im. v. büch **Mosi**  
am. xxxij. Die rache ist meyn / Ich will vergelten  
vnd im dritten büch **Mosi** am. xij. Capitel. Du  
solt nichtt rachgirik seyn / noch zorn halten / gegen  
den kindern deines volcks.

Eygener  
rach ist  
im gesatz  
verboten.  
ten.

Darumb so gesagt wirt. Ihr solt dem übel  
nichtt widerstreben / so ist es so vil geredt / als ob  
mann sagte.

Du solt nichtt sonderen odder eigenen rach be-  
geren wider die vnbilligkeyt die dir deyn nechster  
zugefügt hatte.

Zumletzten / so auch dise übel in des **HEXX**  
**XXII** gesatz verbotten / nemlich / die eusserlichen  
werck

In das Fünfft Cap. des Luan. Mat. Cyij  
werck des eygenen vnd vnordenlichen raches / wel-  
cherley sind / so du von dem nechsten eynen fluch hö-  
rest / den er dir gibt / vnd du fluchest jm widerumb.  
Wann du von jm hörest / das er dich eynen schalcke  
oder bößwicht heist / vnd du heyssest in widerumb  
eynen bößwicht. Wenn dir dein nechster eynen  
rock nimpt / vnd du nimmst im dargegen den man-  
tel / Item. so er dich auff den rechte backen schlecht /  
vnd du schlechtest in widerumb / dich zurechen / mitt  
der faust in das antlit. So er dir mit dem schwere  
eyn fuß abhawet / vnd du hauest / jm dargegen / so  
du anderst kanst / mit deinem schwert beyde fuß ab-  
be / auff das du die vnbilligkeyt so dir geschhehn /  
rechtest. Dise vnd deren gleichē / des eygenen rachs  
wercke / sind böse vnd übel / vnd sind in das **12<sup>e</sup> A-  
RT<sup>e</sup>** gesetz verbotten / dann das gesetz spricht.  
Du solt deinen nechsten lieben als dich selbs. Du  
hast aber dich selbs also lieb. Das du nicht wilt /  
von eynem andren eyn schalck / bübe / verredter vñ  
der gleychen gescholten werden / So wilt du auch  
von keynem andren weder an deynem güte oder an  
deynem angesicht / odder an den andren gelidern  
deins leybs verlegt werden.

Darumb heyst dich das gesetz / das in deynem  
herzen / vnd gemüt geschriben ist / das du nicht solt  
widerfluchen / denen so dir fluchen / vnd dz du auch  
nicht böses mit bösem vergelttest.

Du



## Die Zehend predig Johan Brenck.

Du siehest yegund klarlich / das Christus hie andi-  
sem ort keyn new gesatz gibt / sonder legt nur das  
auff / das das allt gesatz inen helt / vnnnd es duncke  
vnß wol die weise zu reden in wortē cyn wenig new  
sein / aber der verstand der wort ist genzlich alt / nit  
so gar in geschriebenen gesatz begriffen / als gar es  
von Gott / der naturalichen vernunft / ist eingebil-  
det vnd eingeflangt. Vnd Gott vnser **WELCH**  
erfordert nicht alleyn die haltung dises gesatz von  
den Christen / sonder er hats auch erfordert von al-  
len menschen / vom anfang der wellt here / dann so  
man sagt / wer dir eynen streich gibt auff deinen re-  
chten backen / dem biete dem andern auch dar / So  
sagt man zwar recht / Aber man muß sich befließ-  
sen das mans auch recht verstande. Dann wie  
wol eyner also geschlagen bald on allen z zug auch  
den andern backen eusserlich / dem der in geschlagē  
hat / dar beut / so mage es dennoch sein / das er vn-  
der dem / den der ihn schlecht / hasse / gedencke wie er  
sich nach dem anderen streich rechen wölle / vnnnd al-  
so thut er gar nicht / was ihn das gesatz heyst.

Den an-  
deren ba-  
cken dar-  
reychen.

Darumb / den anderen backen dar reychen dem /  
in schlecht / ist hie andi sem ort nichts anders / dann  
so gar nicht böß mit bösem vergelten / das du auch  
vil mehr / ehe den anderen backen dar reichē soltest /  
dem der dich schlecht / vnd vil backen streich leident  
weder das du wider vmb schlagen wöltest. Vnnnd  
also ist / den anderen backen dar reychen / nichts an-  
derst

In das fünfft Cap. des Euang. Mat. Cxiij.  
 derst/dann/weder den schlaher hassen/noch rach  
 süchen/noch widerschlagen. Dann wer das thut/  
 der beut warhafftiger dar den andern backenn zu  
 schlagen/dann welcher in eusserlich dar reicht/vñ  
 gedencet daundrer eynen haß/vnd sich zu rechen.  
 Auffdise weise/ist auch zu verstehn/das/dz nacher  
 volget/Vnd so yemandt mit der rechten will/vnd  
 deinen rock nemen/dem laß auch den mantel: Sol<sup>Den man</sup>  
 ich denn nicht vor dem richter antwort geben/vnd<sup>tell dem</sup>  
 nacktent gehn: Das gesatz will das nicht/sonder/<sup>lassen der</sup>  
 den mantel lassen/ist so gar dem der dir den rock<sup>rock nist</sup>  
 nimpt/nicht übel vergeltenn/das du vill ehe<sup>impr.</sup>  
 sollest im auch den mantel lassen/vnd eyn grössere  
 vnbilligkeyt leidē/weder böses mit bösem vergelt  
 en. Darumb/so sagt man den/dulassest den mantel  
 farenn/wañ du den nit haffest/der dir den rock  
 nimpt/vnd gedencet dich selb nicht wider in zu re  
 chen durch eygnen rach/vnd nimpst im nicht wi  
 derumb/seinen rock auch. Denn das sind übel/vnd  
 im gesatz des **NEW TEST** verbotten. Vnder di  
 sem aber magst du deinen rock/der von dir genomē  
 ist/wol vor gericht vnd recht/widerfordern/vñnd  
 der weltlichen ordnung/da zu auffgesetz/dich ge  
 brauchen/denn das sind nicht übel oder böses/son  
 der es sind görtliche ordnungen zu vnserem nutz  
 für gesetz/wiedann da oben anzeygt ist. Also<sup>zwo mey</sup>  
 sollen wir auch halten von dem/so dich yemandt/<sup>len gehen</sup>  
 eyne meile nörtiget/so gehe mit im zwo. Niemandt<sup>mitt den</sup>  
 soll dich nörtigen.<sup>er ger.</sup>

Die Zehend predig Johan. Brant.

wir sehen/was es seye/zwo meylen mit dem gehen  
der dich eynenötiger. Denn es ist nichts anderst/  
denn also gar nicht böses vergelten demder dich  
eyn meyllenötiger/das du vil ehe wöllest hin gehn  
mit im zwo meylen/vnnd wöllest eyn grössere ty-  
ranney vnd zwanck leiden/wen das du wöllest bö-  
ses mit bösem bezalen/kurtz/dise wort Christi alle  
samptt wollen nichts anderst/denn das Paulus  
spricht zu den Römern am. vii. da er also schreibet  
Rechet euch selbst nicht (meyneliebsten) sonder ge-  
bet raum dem zorn denn es stet geschriben/die rach  
ist meyn/ich wil vergelten/spricht der HERR/  
So nun deynē feind hungeret/so speise in/durster  
in/so trencke in/wenn du das thust/so wirst du feü-  
rige kolen auff seyn haupt samlen. Laß dich nicht  
das böse überwinden/Sondern überwinnde das  
böse mit gutem.

Du wirst mir aber hie wider sprechen/vnd sa-  
gen/ich hör zwar wol das in disen worten die gött-  
lichen beruff/vnd rechtliche ordnungen/so für ge-  
setzt sind/dem übel zu widerstreben/nicht verbot-  
ten werden/Doch nicht deßerminder sehe ich/dar-  
innen so grosse ding erfordert/dz die keyn mensch  
volbringen mage.

Dann es wirt erfordert das du den nechsten  
nicht hasset/der dir vnbillichs gerhan hat/das du  
keynen rach wider ihn begereß/vnd so vil nicht ü-  
bels vergeltest seiner vnbilligkeyt/das du vil mer  
wöllest

In das Fünfft Cap. des Luan. Mat. Cyviff  
wöllest grössere vnbilligkeyt leyden / dann vnbil-  
lichs mit vnbilligkeyt bezalen. Wer kan aber sol-  
liches von hertzen thun / so er mit vnbilligkeyt be-  
weget vnd gereizet ist? In wem gehet nit auff die  
begird sich zu rechnen / so er verlegt wirt? Wer ist  
der nicht habedoch cyn lust vnbilligkeyt / vñ übel  
zu vergelten? Auch vnder denen die den heyligen  
Geyst haben / das hertz / vnd gemüt ist nit gar frey  
von disem laster. Wollen wir den sagen das alle  
menschen sie seyen from oder vnfrom verflucht sei-  
en / darumb das Keyner vnder inē das reyl des ge-  
satzes volkommenlich erfüllen kan? Warlich / So  
du wilt **HERR** sünde zu rechnen / **HERR** wer  
wirt bestehn? Denn alle menschen sind lügner.

Alle men-  
schen sind  
verflucht.

Der mensch wirt nit gerecht durch die werck des ge-  
setzes / vñ vor dir ist Keyn lebendiger gerecht. Aber  
es ist cyn grosse vnd überflüssige versönung bei dir  
**HERR**. Durch Jesum Christum vnseren  
**HERRN**. Dann diser / wie er die andren ge-  
satz / also hat er auch disē gesetz vnd gebott auff dz  
aller volkommenest vnd überflüssigest an allen man-  
gel vnd sünde erfüllet / vnd hat sich selbs so vil nit  
gerochen / das er nit allein nit hat wider gescholten  
da er gescholten ward / vnd hat auch nit gedreuet /  
so er leide. Sonder dz er auch seinem vatter gehor-  
sam ist gewesen bis in den tod des kreuzes / vñ hat  
vnser sünd selbs geopffert / an seynem leibe / auff  
dem holz / auff dz wir d sünde löß seien vñ d gerecht-  
igkeyt leben.

§ § ij      Wirt

Die Zehend predig Johan. Brentij.

Wirt welcher vnderthenigkēyt Christus vom  
Gott dem vatter also verdient hat/das alle die so  
anjn glauben/werden erstlich vor Gott also heilig  
vnd gerecht/durch den glauben gerechnet/alß het  
ten sie mit der that das gesatz erfüllet. Darnach  
werden sie mit dem heyligen Geyst begabet/durch  
welches krafft auch sie kōnden/woll mit eben dises  
gesatz mit seynen wercken/in dem fleisch/volkōm  
menlich erfüllen. Aber doch kōnden sie den glau  
ben/vnnd iren gehorsam vor Gott/vnnd vor den  
menschen bezeugen/vnd die vnbilligkēyt also nach  
lassen/auff das sie auch guthaten vmb die übeltha  
ten beweisen. Dann wie möcht es geschehen/das/  
welches sünd gekreuzigt/vnnd gestorben ist mit  
Christo/durch den glauben/das in dem selbigenn  
nicht auch/die begird vñ anmüt der rach/gekreuz  
igt/vnd darnach jmer/vnd mer getōdet wurde?  
So Christus in vnß lebt vnd regiert/wie solten nit  
auch in vnß leben vñ regieren die tugeten vnser  
HERRN Jesu Christi. Alß freundelichheyt/  
gütigkēyt/senffmütigkēyt/miltēkēyt/nachlassung  
des raches/gedult/vnd alles was dann der gleich  
en tugeten ist? Daher berufft vnß auch das vor  
bild Christi/welcher/wie Petrus sagt .j. Petri .ij.  
gelitten hat für vnß/vnd vnß eyn forbilde gelassen  
das wir sollen nachvolgen seynen füßstapffen/wel  
cher keyne sünde gethan hat/ist auch keyn betrüge  
in seynem munde er fundē/welcher nit widerschale  
da

Die be  
gird der  
rach wirt  
in vnß ge  
tōdet  
durch den  
glauben  
an Chri  
stum.

In das fünfft Cap. des Luan. Mat. Cxxi.  
da er geschalten wurde/nicht dreuer da er leid. Er  
stellet es aber dem heym/der da recht richtet.

Sind denn wir vnschuldiger dann Christus?  
Kan vnß den grössere vnbilligkeyt geschehen/dan  
Christo? Warlich wir sind in so grossem übel schul  
dig/das/so wir vnser sünden mercken/vnß nichts  
widerwertigs vnd vnbilligs widerfaren kan.  
Warumb trachten wir denn vnß zurechen/gleich  
allß ob wir vnschuldiger weren? Warumb bezahlen  
wir vnbillichs mit vnbilligkeyt?

Es ist eyne seer grosser freuel/so sich eyner vnder  
stehet Gott vnserem **HERRN** seyne götlich  
en maiestet zunemen/vnd sie im selbs zu eygnen.

Nach sa  
chem ist  
Gott sey  
ne Maie  
stet im zu  
eygnen.

Die alten habens eyne Risen Krieg genennet wir  
heysßens eyne gotteslesterlichen Kirchen diebstal/  
welcher aber sich zu rechen gedenckt/8thut nichts  
anders/dann das er/eynen eynefall thut in den stül  
der götlichen Maieestet/vnd brauchet vnd eignet  
im selbs zu dem scepter des obristen gewalts. Die  
rache/spricht er: im fünfften büch Mose am. xxxij.  
ist meyn/Ich wil vergelten. Vnd im. lxxxvij.  
psalmen/spricht er: **HERR** Got des die rache ist/  
Gott/des die rache ist. Wer wolt aber eynen sol  
lichen freunlichen Kirchen raub leiden? Gott hat  
nit mögen leyden/das Achan etwas von dem ver  
banten zu Jericho hin neme/So hatt er auch nicht  
leiden können das Balthasar der König von Ba  
bel die gefess des tempels entweihet/vn du meinst

SS iij Gott



Die Zehend predig Johan. Brentii.

Gott werd leiden/das du im das steelest das seyner  
höchsten Maieſtet zu gehört / vndes durch deynen  
gottlosen brauch entweieſt? Ober das/wiedörf-  
fen wir yetzt verzeyhung vnſerer ſünden von Gott  
begeren/ ſo wir vnſerem nechſten das übel das er  
vnſ zuggefügt hat/nicht verzeihen?

Wol an jr aller liebſten/ſo laßt vnſ nun Got-  
tes berüff gehorſam ſeyn/vnd yeyner den andren  
vertragen in der liebe / vnnnd vnſ vnder eyinander  
Eph. 4. vergeben vnnnd verzeihen/ſo yemandes Klage hatt  
Col. 3.

wider den andren/ Laßt vnſ den leüten  
jre ſäl vergeben/auff das auch vn-  
ſer himliſcher vater/ vnſ ver-  
gebe vnſere ſäle vnd ſün-  
de/durch Jeſum  
Chriſtum vn-  
ſeren HERRN  
8 zugleich mit dem vater  
vnnnd dem heyligen Geiſt  
Gott iſt/gelobt in ewig  
Eeyt.

Amen.

Die Eylfft Predig.

Biß

In das Sechst Cap. des Euan. Luc. Cyvf



Aber/habenn wir  
aus dem Euangelisten Ma-  
theo erfüllet/vnd nach vnser  
rer masse erkläret/was im  
Euangelisten Luca/nur zu  
wissen/zu der auflegung des  
gesatz/mangel ist gewesen.  
Nun aber/die weil die stücke  
so im Euangelistē Matheo

nach dem gesatz vnd gebott/von der vnbilligkeyt  
nicht zurechen/volgen/auch von dem Euangelistē  
en Luca selbst beschriben werdenn/so wollen wir  
widerlegen den Lucam auß zu legen/bey welchem  
Christus in seiner predig also fort feret/vñ spricht.

Aber ich sage euch/die ihr zu  
höret/liebet ewere feynde/thut denem  
wol die euch hassen/Segnet die/so euch  
verfluchen/bittet für die/so euch beleidigē.

Vil verstandē dise wort also/gleich als ob Chris-  
tus cynnewes gesatz gebe/daher klagen sie sehr  
vonn der schwere des neuen gesetzes/vnd meynen  
das alt gesatz sei vil lichterlicher. Nämlich das im  
alten gesatz/nach irer meynung/sich gezumen has-  
beden feynd zuhassen/vnd vnbilliges vergelten/  
dem der vnß vnbilliges than hatte.

Aber

Die Zehend predig Johan Brentij.

Aber was da oben so oft geöffret ist/das ist auch  
yegundt von nöden wider zu effren/nämlich/das  
Christus mitt disen worten keyn new gesatz gebe/  
sonder leget nur das alte gesatz auß/denn das alte  
gesatz ist im dritten buch Mosi am. xix. beschribē  
du solt deinen nechsten lieben als dich selbs. In  
welchem gesatz/die weyl das wörtlin/deinen neche-  
sten/steher/Leggens die Juden auß/alleyne für ey-  
nen freunde/vnd woltheter/vnd hielten/das woll  
indem gesatz gebotten were/das du den freund vñ  
woltheter lieben solt. Es were aber nicht von nö-  
den/das du den feynd liebest/vñ dem der dir arg-  
there/güts beweise/sonder du möchtest den feynd  
hassen/vnd dem der dir arg beweise/args vergel-  
ten. Sie namen aber eyn vrsach diser meynung  
auß dem gebot/das gegeben was von den feynden  
vnd Cananitern. Wenn sie/spricht er:nämlich/  
die völker Cananiter. Hetiter/2c. der HERR  
dein Gott für dir gibt/das du sie schlecht/So solt  
du sie verbannen/das du keynen bundt mitt ihnen  
machest/noch ihnen gonst erzeygest/vñ solt dich  
mit ihnen nicht befreunden/Erwer töchter solt du  
nicht geben iren Söhnen/vnd jr töchter solt jr nicht  
nemen eweren Söhnen. Vnd auß dem gebot das  
im. v. buch Mosi am. xvij. von den Meabitern/  
vnd Amonitern geschriben ist. Die Amoniter/  
spricht es/vnd Meabiter sollen nit in die gemeyne  
des HERRN kommen/auch nach dem zehende  
gelych

Die Ju-  
den legte  
das wort  
nechstenn  
für eynen  
freunde  
auß.

In das Sechst Cap. des Euā. Luc. Cyvff.  
gelied/sonder sie sollen nimer mehr hinein kommen  
Vnd bald hernacher. Du solt keynen frieden mit  
inen machen/du solt inen weder gūts noch ehre be-  
weyssen/dein leben lang ewigklich. Auß disen vñ  
vilen andren gesagen namen sie/das es zimlich we-  
re/den feynde hassen/vnnd dem widerumb übelß  
thūn/der übelß eynem gethan hatte. Diser irum  
ist nicht alleyn den Juden/sonder auch bey vnß ge-  
meyne. Dann so wir sehen/das der offentlich rath  
der oberkeyt gelobt vnnd verwilliget wirt/dar-  
durch die oberkeyt den offentlichen/vnd abgesag-  
ten feynd/mit schwerten/spiessen/büchsen/vñ mit  
was geweren sie kan/veruolget. So meynen wir  
es zimme vnß auch/vnseren sonderlichen feynd zu  
hassen/vnd ime args thūn. Aber wir haben da o-  
bē zum offtern mal angezeygt/das es eyn anders  
ist/auß gemeynem/ordenlichem/vnnd göttlichem  
beruff/dem feynd widerstreben/wie die oberkeyt/  
oder den widerseher verflüchen/wie Nocha seinen  
Son Cham verflücht. Vnnd der Prophet Eliza  
die kinder die in verspotteten/verflücht hat. Do-  
derdem der args zugefügt hat/wider args bewey-  
sen/wie den Israelitern gebotten war das sie den  
Cananitern übelß thūn solten/vnnd weder gūts  
noch ehre beweyssen den Arabitern/vñ dem Sam-  
son was auch gebotten das er den Philistinern sol-  
te args thūn/vnd der gleichen. Eyn anders a-  
ber ist es/sich selbs rechen auß eygнем freuel/vnnd  
GG böß

Die Lylffe predig Johan. Brentii.

böß vñ böses vergeltē. Da her irret 8 seer weit/  
der das halt/das darumb einem sondlich vñd für  
sich selbs gezimme eben das/das eynemgebürlich  
ist 8 ordenlichen dar zu berüfft ist. Darumb auff  
das Christus disen irthum straffe /so nimpt er für  
sich zu handeln das gebott von 8 liebe des nächsten  
welches gebott er so vil fleysfiger anlegt/so vil es  
notwendiger ist zu mercken. Denn das gebott ist  
eins auß dennē/die in sich begreiffē die sum vñd in  
halt deß ganzen gesetzes. Vñd es ist auch eyn ein  
halt vñd kurtzer begriff aller deren gesetz/die von  
der liebe gegen dem nächstē/vñd von den werken  
der liebe/gebieten. Dann Christus sagt Warheit  
am xxij Du solt lieben Got deinen HERRN  
von ganzem hertzen von ganzer seelen/von ganz  
em gemüte/das ist das fürnemste vñd dz grösste ge  
bottē. Das ander aber ist dem glich/Du solt deinē  
nächstē liebē/allß dich selbs/ In disen zweyen ge  
bottē hanget dz ganze gesetz vñd die propheten.  
Vñd Paulus. Da er zu den Römern schreibt am  
xiiij. Den wer/spricht er: den anderen lieber 8 hat  
das gesetz erfuller. Den das da gesagt ist/Du solt  
nicht ehebrechē/Du solt nicht rödtē/Du solt nicht  
stelen/Du solt nicht falsch gezeugnis geben/dich  
soll nichts gelusten/vñd so ein anders gebott mer  
ist/das wurt in dissem wort verfasst/Du solt dei  
nen nächstē lieben/als dich selbs.

So nun Christus/hie an disem ort/das ein  
auß

Inhalt  
der gebot  
Gottes.

In das Sechst Cap. des Euang. Luc. Christi auß den fürnemsten gebotten / erkläret / So bitte ich / lasset vnß fleysig auffmercken auff seyne außlegung. Anfencklich legt Christus auß / das wort den nechsten / vnd leret wer vnser nechster sei. Dañ wir meynnen der sei alleyn vnser nechster mensch / der vnß gûts thût / vnd der werd nicht vnder dem namen des nechsten begriffen / der vnß args thût / Aber Christus legt das wort / Nechsten / vil anderst auß. Nemlich nicht alleyn für eynen freund / vnd gûthäter / sonder auch für den feynd / vnd der vnß args thût / vnd spricht / liebet ewere feynd. Allß wolt er sagen / es sind auch die feynd ewere nechste. Darumb so das gesatz heysst den nechsten lieben / so heysst es auch den feynd lieben. Auff die weyse / legt auch Christus / das wort / nechsten auß / in der parabel / von dem Jude der vnder die mörder viel vnd den Samariter der im seynewunden verbande Luce. x. Dann die Juden vnd die Samariter waren tödeliche feynd vnder eynander. Aber doch / allß der Samariter seynen feynd sahe allso verwundet das er yezund den todt nach ware / hat er ihm nicht mer wunden geben / Sonder er erbarmet sich seyn / vnd het ihm gûts auff was weyse er mochte.

wer der  
nest war  
hassig  
seye.

Denn wie wol der Samariter hats nicht erkannt noch geleret auß der ler seynes priesters / das nicht alleyn der freund / sonder auch der feynd / der nechste were.



Die Lylffe predig Johan. Brentij.

Doch der naturlich sinn vnnnd verstand der ver-  
münfft/der nicht mit amur des zorns oder feynde-  
schafft überfallen ist /hatt in dahin berüfft/das er  
auch den feyndt /vrtheilt /das er seyner hilff no-  
türfftig/vnnnd seyn nechster seye/daher auch Chris-  
tus am end der selbigen gleichniß / hin zu he setz.  
So gehe hin/ vnd thū des gleichen. Das ist / yebe  
barmhertzigk eyt gegen dem der deiner hilff dar-  
ffe/ob er schon dein feind ist/ vnd achte nicht alleyn  
den freund/sonder auch dem feind für deinen nech-  
sten. Weiter aber/das dise außlegung nicht  
new sei/sonder vorlangest im gesagz bedeutet/das  
beweysen die wort selbs klarlich in dem gebot.

Dz wort  
der nechst  
begreiff  
auch den  
feynd.

Den im dritten buch Mosi am. xix. stehet also ge-  
schriben. Du solt nit rach girig sein/vnd zorn hal-  
ten/gegen die kinder deines volcks. Du solt deynē  
nechsten lieben/wie dich selbs. Das gesagz gebent  
hie öffentlich/den feind lieben/der vnß übelß than  
hat/vnd heist den nechsten/nit alleyn den freund/  
sonder auch den der wider vnß gehandelt hat/das  
er werdt were der rache/dz ist den feynd/vnd wider  
sacher. Ober dz auch der zusatz/so hinzu gesezt  
wirt/wie dich selbs/zeyget klarlich an /dz auch der  
feynd begriffen werd vnter dem namen /des nechs-  
ten/Dan wir pflegen vnß selbs naturlich also zu  
lieben/dz ob wir wol etwan vn billich gegen eynem  
gewesen sind/nach dannocht so wir seiner hilff no-  
türfftig sind /so wollen vn begeren wir das er vnß  
güts

In das Sechst Cap. des Luan. Luc. Cxiij.  
 gûts thûe/vnnd kômē vnß in vnserer not zu hilffē/  
 Darumb volget es/auch auß zengniß vnserer eyg  
 nen vernunft/ das vnter dem wort nechsten auch  
 der feynd begriffen wirt. Es wirt auch sunst im  
 gesatz das wort nechster/für den feynd auß gelegt/  
 im andern büch Mose im .xxiij. Capitel. Wenn  
 du/spricht Mose/deines feynnds ochsen oder esel be  
 gegnest/das er irret/So solt du jm den selb̄ ewider  
 vmb zu führen. Wenn du das/der dich hasset/esell  
 sihest/vnder seynem last ligen/solt du jn nicht las  
 sen/sondern sol jm auff helffen. Wie gebent das  
 gesatz offentlich das wir dem feynd gûts thûn sol  
 len/Darumb bezeüget auch das gesatz selbs das  
 vnter dem wort/nechsten/auch der feynd begriffen  
 wirt. Salomon spricht in den sprüchen am .xxv.  
 Hungert deynen feynd/so speise jn mit brot/dür  
 stet jn/so trencke jn mit wasser /denn du wirst kolē  
 auff seyn haubt heuffen/vñ der HERR wirts  
 dirs vergelten. Was kōnd offlichers vonn dem  
 feynd zu lieben/vnnd jm gûts zut hon gesagt wer  
 den: Darumb so das gesatz heist den nechsten lie  
 ben/so heist es nicht alleyn den freund/vnd gûr he  
 ter/sonder auch den feynd vnnd der dir übel thûet/  
 vnd also eynen yeden der deynen hilff bedarff/lie  
 ben vnd jm helffen.

Denn wie man irret in dem wort/nechsten/all so  
 irret man auch in dem wort/liebe/denn es sind vil <sup>vi</sup> lieb  
 leut/wann sie hören/das man die feynd lieben sol/sey.

Die Wylfft predig Johan. Brenck.

so meynen sie/sie thun disem gebott genüg/waß sie  
in Worten vñnd mit der zungen lieben/oder/waß  
sie jnen nicht böses von außen zufügen/vñnd lassen  
sie ihre sachen außrichten. Aber mit solcher weyse  
geschicht dem gesatz noch nit genüg. Darumb so  
legt auch Christus/das wort/liebe/auß/vñnd leret/  
das die liebe in jr begreiffe/erstlich/den anmüt/vñ  
begird des herze/darnach die wort des munds vor  
Gott vñnd den menschen. Zum letzten/die werck vñ  
eussertlichen gütt haten. Ir sollt/spricht er: ewere  
feynde lieben/das ist/das gesatz erforderet/nicht  
alleyn eyn schlecht en/vñnd verächtlichen anmüt &  
liebe gegen den feynden/sonder eynen volligen/vol  
kommen vñnd hüzigen anmüt/wie den der ist da mit  
eyn yeder sich selbs liebet/es erforderet auch nicht  
alleyn eyn vollkommen/vñnd vnerschalcken an  
müt/sonder es erfordert auch eyn reynes vñnd hey  
liges gebet für die feynde vor Got/vñnd die freunde  
lichsten wort von den feynden/vor vnserem nech  
sten. Bittet/spricht Christus/für die/so euch beleys  
digen/vñnd segnet die/so euch verfluchen. Vber  
dise stück erfordert er auch eussertliche gütt haten in  
den wercken gegen den feynden. Thut denen wol/  
spricht er: die euch hassen.

Welchen verstandeder liebe/das wort des ge  
sazes/wie dich selbs/ganz öffentlich anzeyget.

Es erkleren auch sunst/Christus vñnd seyne  
Apostel

In das Sechst Cap. des Luan. Luc. Cxx.  
 Apostel klarlich/was vnder dem namē/liebe/von  
 vnß erfordert werde/vnd was die recht art der lie-  
 be sei. Johannes in seyner ersten Epistel am .iij. <sup>Die recht</sup>  
 Cap. spricht/Weyne kindlin/laß vnß nicht lieben <sup>art der lie</sup>  
 mit worten/nach mit der zungen/sondern mit der <sup>be.</sup>  
 that vnd mit der warheyt/vn Paulus. j. Cor xij.  
 Die liebe/spricht er/süchet nicht das ire/sie last sich  
 nicht erbittern/sie gedencket nichts arges/sie frew  
 et sich nicht der vngerechtigkeyt. Vnnd aber cym  
 mal. j. Timo. j. Dann die haupt sum des gebottes  
 ist/liebe von reinem hertzen/vnd von gutem gewis-  
 sen/vnd von vngeserchten glauben/Sihe/wie cym  
 grossen reinigkeyt der liebe das gesatz von vnß er-  
 fordert. Es ist keyn volkommeneliebe gegen dem <sup>Die vol-</sup>  
 nechste/sie komme dan auß eynem hertzen das rein <sup>kommen lie</sup>  
 sei von allen sünden/auß eynem gewissen/das ihm <sup>be.</sup>  
 selbs genzlich nichts böses wissend sey/vnnd auß  
 eynem glaubenn der gar mit keynem zweyfel/ge-  
 felschet sei/das ist.

Auff das die liebe vollkommen sei/vnd ganz  
 so wirt ein ganze vnverserte heiligkeyt des ganz  
 en menschen erfordert.

Laß vnß auch Christum selbs hören vonn  
 der liebe so wir vnder eynander haben sollenn/re-  
 den/das ist meyn gebott / spricht er. Johannis  
 xv. Das ist euch vntereynander liebet/Wie:  
 Gleich wie ich euch liebe.

Christe

Die Lylfft predig Johan Brentij.

Christe / wie hast du denn vnß geliebet? er setzt hin  
zu/niemand hat grössere liebe dan die/dz er sein le-  
ben lasset/für seine freunde/für welche mit für die  
so in zu vor geliebet haben. Denn wir haben Gott  
nicht geliebet/sonnder er hatt vns zu vor geliebet/  
vnd gesandt seinen Son zur versönung für vnse-  
re sünde. Für welche freund setzt er dan sein leben?  
Antwort / für die / die er für freund erkennet / wie  
wol sie/allß vil an inen ist / feinde sindt / Christus/  
spricht Paulus Rom. v. da wir noch schwach wa-  
ren nach der zeit / ist für vnß gotlosen gestorben nun  
stirbet kaüme jemandt vñ des rechten willen / vñ  
etwas güttes willen / thurste vileich yemand ster-  
ben. Darumb preiset Gott sein lieb gegen vnß / das  
Christus für vnß gestorben ist / da wir nach sünd-  
er waren / so werden wir ye vil mehr durch in behaltē  
werden für dem zorn nach dem wir durch sein blüt  
gerecht worden sind / Denn so wir Gott versönert  
sind durch den tod seines Sons / da wir nach feind  
waren / vil mer werden wir selig werden durch sein  
leben. So nun Christus gebeut / das wir vnß vñ  
ther cynander lieben sollē / wie er vnß geliebet hat /  
warlich so gebeut er vnß / nicht alleyn den freund /  
sonder auch den feind / mit so grosser liebe / das wir  
auch vnser blüt für sein heyl vñnd leben vergiessen  
wolten. Du wirst aber sagen / was ist das? wer ist  
der / der cyn so schwer gebott ye erfüllet hat / odder  
er füllen kan? Dann wie wol wir vñder weilen vñ  
herzen

In das Sechst Cap. des Euan. Luc. Cxxj.  
 herzen den freunden günstig sind / so sind wir inen  
 dennoch so freundlich vnnnd günstig nit / das wir  
 alle vnserere habe für sie dar strecken / vnnnd es möcht  
 sich vileicht zutragen das wir für die freünde vn-  
 sere hab / vnd güter geben / aber doch wir lieben sie  
 nicht mit so hitziger liebe / dz wir zu irem heyl / auch  
 vnser blüt vergiessen. Ober das / so nym dir für  
 das auch das geschehen möchte / was wöllen wir a-  
 ber von den feynnden sagen? Kan auch yemande di-  
 se mit so hefftiger liebe / lieben / das er on alles wide-  
 ren des herzen seyn blüt für sie zu vergiessen nicht  
 zweiflet? Warlich / so ein mensch / er sei gleich sunst  
 wie heylig er wölle / sich ersüchett / so wirt er finden  
 das / das seyne naturliche art ist / die er von dem A-  
 dam ererbt hat / das er in grosser gefar / vil mer be-  
 gerett / des feyndes blüt / auch mit seynen eygenen  
 hand vergiessen / dann seyn blüt für den feynd dar  
 geben. Was wöllen wir denn sagen? Solche liebe  
 des gesetzes erfüllung ist / vnd niemand so vil seynē  
 nechsten liebet / als vil von ihm erfordret wirt / so  
 wirt auch niemand selig werden? Denn verflücht  
 sei / wer nicht alle wort dises gesetzes erfüllet / das er  
 darnach thue. Vnd Christus spricht / Math. xij.  
 Wilt du zum leben eyngen / so halt die gebot Goro-  
 res. Es kan sie aber nieman volkommenlich haltē.  
 Darumb so kan niemant in das leben eyngchen.  
 Wa wöllen wir vnß hin wenēd / auff dz wir nit so  
 jämerlich verderben? Wir sollen güts müts seyn.

Den  
 feind lie-  
 ben ist we-  
 der die na-  
 tur.



Die Wylfft predig Johan. Bren t f.

Es ist noch ein weg vorhanden/dar innen vnserm heyl mag geratten werden. Vnd es ist zwar die warheit/ Das wir weder das gesatz des HERRN vollkumen gehalten habē/nach durch vnserre fromkeit/die sāltheit erlangen/vnd zūm leben einghen mögen. Zū dem so geht es recht zū in dem gewissen/das es vor allen dingen durch das gesatz vñ seinen zorn erschreckt wirt/vnd verzweiflet an seinen krefftē vnd seiner fromkeit/Aber in diesem schrecken vnd verzweiflung ist nicht zū verharren auff das wir nicht also an vnserer fromkeit verzweiflen/das wir auch wölte an vnser sāltheit verzweiflen: Dann wie wol wir Gottes gesatz nicht erfuller haben/vnd kōnden auch nicht durch vnser frombteyt die seligkeyt erlangen. So ist doch Christus Jesus vnser HERR vñß für gesetzt/di ser hatt durch seyne liebe diesem gebott ganz/vnd auff dz aller volkōmenlichest/genūg gethan. Den er hat seyne feynd also seer geliebt/das er sich vmb iren willen/in den menschen vnslat/vnd in den aller schentlichsten tod/geworffen hat/vnd hatt ire sūde mit seynem eygnen blūt gebüset/durch welches er vñß von Gott seynem vatter grosse vnd die aller theuersten wolthaten erworben hat.

Christus  
hat seyne  
feynd vol  
kōmen ge  
liebet.

Wz vñß  
Christus  
erworbe  
habe.

Demmerstlich hatt er vñß erworben/das alle die so an ihn glauben/sollenn nicht alleyn verzeyhung der sūden haben/sonder sollen auch von sei  
ner

In das Sechst Cap. des Euan. Luc. Cyvj.  
net wegen als fromm/vnnd heylig gerechnet wer-  
den/gleich als ob sie durch ire eygnen werck diß ge-  
bott von der liebe vollkommenlich erfüllet heren.

Denn das dem gesetz / spricht Paulus Rom.  
viij. vnmüglich war (seytemal es durch dz fleysch  
geschwechet ward) das that Gott/vnd sandte sei-  
nen Son/in der gestalt des sündlichen fleysches/  
vnnd verdampft die sünde im fleysch durch sünde/  
Auff das die gerechtigkeit vom gesetz erfordere/  
in vnß erfüllet wurde/vnnd aber eyn mal/welcher  
auch seyns eygnen Sons/nit hatt verschonet/son-  
dern hat ihn für vnß alle dahin gegeben/wie sollte  
er vnß mit ihm nicht alles schencken? Darnach hat  
er vnß erworben den heyligen Geyst/auff das so  
wir mit dem selbigen begabt/mögen den haß des  
feynds auß dem hertzen heraußer fegen / vnd dem  
eympel Christi nach volgen/ zwar nicht on allen  
brechen/denn das gesetz/das in vnseren gelidern /  
wie Paulus sagt Rom. viij. widerstreitet/dem ge-  
setz in vnserem gemüte/laßt nicht zu/das wir in di-  
sem fleysch dz güte vollkommenlich hñc / Sonder dz  
wir nur eyns teils/erstlich durch vnseren anmüt/  
darnach durch die werck/die danckbarkeit vnser  
hertzen gegen Got erzeygen / vnd wandlen in dem  
beruff Gottes/ Also wolt Mose vñ seynes volcks  
willen auß dem buch des lebens außgerilgt werde.

Denn / wie wol das volck Israel offit grosse  
h h ij vñ

Die Fylfft predig Johan. Brentij.

Die liebe Mose gen dem voldt Israh. vnбилigteyt Mose bewisen hat / vnd vnter weylen ihm den tod anzuhin gesüchet hatte / So hatt er sie doch so lieb / das er zu Gott bittet / vnd spricht / im andren büch Mose am. xxxij. Ach das voldt hat eyne grosse sünd gethan / vnd haben inen guldene Götter gemacht. Nun vergib inen ire sünde. Wo nicht / so tilge mich auch auß deynem büch / dz du geschriben hast.

Also wunscher auch Paulus verbannt zu seyn von Christo vmb der Israheliter willen / Dañ / Die liebe Pauli gen den Israhelitern wie wol die Juden oder Israheliter Paulum todts lichen vernolgeren / vnd stelten ihm tag vnd nacht nach seynem leben dennocht spricht er / Roma. ix.

Ich habe gewünschet verbannt zu seyn von Christo / für meyne brüder / die meyne gefreundte sind nach dem fleysch / die da sind von Israhel.

Du wirst nun sagen / was denn : Haben den diese / nemlich Mose / vñ Paulus / auch das gesag von der liebe des nechsten volkōnenlich erfüllet : So Die liebe Mose vñ Pauli ist vn volkōmen gewesen. wirt Christus nichtt alleyn der volkōnen erfüllet des gesetzes seyn : Antwort / Es haben zwar Mose vnd Paulus eyn seer grosseliebe gegē irem nechsten / durch krafft des heyligen Geystes gehabt.

Doch / so du dieseliebe fleysig gegen dem ernst des HERRN gesetzes anzeuchest / so wirst du finden das sie noch vil mangel / vnd schwachheyt hat / vnd das gesag Gottes in keynen wege erfüllet.

Dem des HERRN gesag ist geystlich / vnd

In das Sechst Cap. des Euan. Luc. Cxxiij  
vnnnd erfordert das aller annüt/vnnnd begirde des  
menschen ganz vnd gar /durch vnnnd durch/reyn/  
lauter from/gerecht vnd heylig seyen. Was ist a-  
ber das an Mose/das er zu Gott sagt im. iij. büch  
Mosi am. vi. Capitel. Warumb bekümmerst du  
deynen knecht? Vnd warumb finde ich nicht gena-  
de für deinen augen. Das du die last dieses ganzen  
volcks auff mich legest? Hab ich nun alles volck  
empfangen oder geboren/dz du zu mir sagen magst  
Trage es in deynen armen (wie eyne amēeyn kinde  
regt) in das land/das du jren vatern geschworen  
hast? Item was ist das/das Paulus sagt? Rom  
viij. Denn ich weyß das in mir/das ist/in meynem  
fleysch wonet nichts güttes/wöllē / habe ich wol/a-  
ber volbringen das güte find ich nicht/denn das  
güte das ich wil/das thū ich nicht/sondern das bö-  
se/das ich nicht will/das thū ich.

Dise stück beweyßen offentlich/das wie wol Mo-  
se vnd Paulus haben die grōsten liebe gehabt ge-  
gen jren nechsten/wann sie gegen den andren leütē  
verglichen werden. Doch haben sie die volckōmen  
liebe nicht gehabt/so sie gegen dem gesatz Gottes  
werden gehalten.

Alleyn vnser HERR Jesus Christus hat  
eyn volckōmene vnd liberal eyngange frombteyt  
vnd liebe/welche er also reilich vnd volckōmen be-  
sitzet/das/so wir an jn glauben/wille er sie vnß be-  
reyt vnd frōlich mit teylen.

h h iij Auff

Die Zwölfft predig Johan. Brentii.

Auff das wir nit alleyn an jm haben durch den  
glauben die gerechtigkeit vnd frommkeyt / Son-  
der das wir auch in vnß empfinden die krafft des  
heyligen Geysts / durch welche wir sollen angezün-  
det werde / den süßstapfen Christi in der lieben ach-  
zu volgen / vnd in Gottes beruffs wandlẽ / das wir  
zu ewiger seligkeyt komen mögen / Durch Jesum

Christum vnseren HERRN / der

zu gleich mit dem vatter vnd dem

heyligen Geyst / Gott ist / ge-

lobt in ewigkeyt.

Amen.

Die Zwölfft Predig.

Wir wollen mit hilff ewers gebers / nun

handlen die stück so in der predig

vnser HERRN Jesu

Christi / im Euangelisten

Luca volgen.

Vnd wer dich / spricht Lucas

weyt her / schlecht auffcynen

backen / dembiere den

andren auch dar.



**D**ise wort/wie wol wir  
sie da oben erkläret habē/doch  
die weyl sie steets vnß im mund  
vñ gānd/so meldung geschicht  
von der schwere der gesetze/so  
ist es nicht vergeblich angese-  
hen/ob wir schon auch yetzūn-  
den eyn wenig darvon reden. Darumb was wir  
da oben allß oft gesagt haben/das es möcht ver-  
drüsslich seyn/das kumpt auch yetzunde widerum  
zu offeren/Nemlich/das Christus in disen wortē  
keyn new gesatz auffrichtet/sonder das er das alt  
anßleget/vnd erkläret das stuck weyl/was im al-  
ten gesatz in der gemeyn wirt fürtragē/Dan das  
gesatz sager also im .iiij. büch Mosi am. xix. Cap.  
Du solt nicht rachgütig sein/noch zorn halten/ge-  
gen die kinder deines volcks/Sonder du solt deinen  
nechsten lieben/wie dich selbß/vnd im .v. büch am  
xxv. die rache ist meyn/Ich wil vergelten spricht  
der HERR. Vñ Salomon im spruch büchle am  
xx. Sprich nicht/ich wil böses vergelten harē des  
HERRN/der wirt dir helfen/vñ am. xxiiij.  
Cap. Spricht nicht/wie man mir thut/so will ich  
wider thun/vnd eym yeglichen seyn werck vergelt-  
ten. Dise wort verbieten in der gemeyn allen  
sonderlichen vnd eygnen rache/vñd erfordren in  
in der gemeyn/leydenhafftigkeit vnd gedult in al-  
ler vnbilligkeit so cynem widerfaren magē.

So



Die Zwölffte predig Johan Brenetti.

Eygener  
rath ist in  
der ges  
meyne  
verboten

Wir mö  
genn wol  
ordenlich  
die vnbil  
ligkett  
meyden]

So aber das gesatz den rath verbeut / vnd gedult  
kett erfordert / warlich / so ist es offembar / das es  
auch erfordre / das wir / welches Chr istus hie sagt /  
den anderen backē dar bieten dem / 8 vnß schlecht  
Vnd dise wort / wer dich schlecht auff einem backen /  
dem biere den anderē auch dar / synd nichts anders  
dañ eyn stuck oð teil / oder so du es lieber wilt also  
nenne / ein exempel vnd vorbilde / diffes gesetzes / vō  
dem das man sich selbs nicht rechnen sol / vnd von 8  
vnbillikeit zū leiden / Denn / den andren backen  
dar bierten dem 8 vnß schlecht / ist hie an disem ort /  
nicht eigentlich heissen / den der schlecht / bald nach  
dem ersten streich / auch den anderen streich geben /  
Dann es ist einem iedem von Gott zū gelasse / das /  
er / so er es anderst recht vnd ordenlich thun kane /  
auch dem ersten streich entfliehe / wie kōnne dann dz  
gesatz erfordern / das ich nach dem ersten streich /  
mir auch den andern geben heysse : Dañ Christus  
sagt an eynem andern ort zu seinen Jūngerē / wen  
sie euch aber in eyner stat veruolge / so fliehet in eyn  
andere. Warumb sollt Christus vergunnen zu flie  
hen / wann er genzlich erfordere / das ich heyssem  
solt / mir eynen streich noch dem andren geben :  
Vnd aber eyn mal sagt Christus Math. xviii. sūn  
diger aber dein brüder an dir / so gehe hin / vñ straf  
fe in zwischen jm vnd dir alleyne / So der brüder 8  
an vnß sündiger zu straffen ist / wie kōnde dañ ge  
botten werden / das wir heysen solten den / der vns  
schlecht

In das Sechst Cap. des Euan. Luc. Cxxv.  
 schlecht/weiter an vns sündigen? Ober das/auch  
 Christus selbs/da er auff den backen von des hohē  
 Priesters knecht/geschlagen wurde/da hat er den  
 knecht nicht geheissenn/den anderen backen auch  
 schlagen/sonder er appelliert für dz recht/Habe ich  
 vbel geredt/spricht er: so beweyses/das vnrecht  
 sei habe ich aber recht geredt/was schlechstu mich?  
 Vnd Paulus im büch 8 geschichte der Apostel am  
 xxij. da in der Hauptman hieß in das läger führen  
 Vnd sager das man in steupen vnd erfragē solte/  
 vnd da man in mit ryemen bande/ Da sprach er  
 nicht zū dem hauptman/schlahemich beide an die  
 rechten vnd an die linken seiten/Sonder er sprach  
 Ists auch recht bey euch/einen Römischen mēschē  
 on vrtheil vnd recht geißen? Des halben so an di  
 sem ort gebortē wirt das wir dem der vns schlecht/  
 den anderen backen dar reichen sollen/ So wil das  
 gesatz nicht/das wir von dem der vns schlecht denn  
 anderen streich auch fordren sollen/Sonder dē an  
 deren backen dar bieten/ist/Das wir den der vns  
 schlecht/nicht hassen sollen/vnd sollen keinen eignē  
 rach gegen im furnemē/vnd nicht widerumb schla  
 hen/Vnd vil lieber wöllen den strich auff den an  
 dern backen auch leiden/dann mit vnordenlichem  
 rach das gesatz des HERREN übertretten

Den an  
 dre backen  
 dar bie  
 ten.

Weiter aber/was gebent das alt gesatz dapffer  
 rer vnd ernstli. her/dann dz wir vnseren mitbrud  
 nit hassen in vnserem hertzen/das wir nicht rach

lassen/

Die Zwölffte predig Johan. Brenck:

Schmach  
wort zu  
leiden.

suchē/Son d̄z wir den rach dem Herrē lassen/vñ  
den nechste wie vn̄ selbs liebē. Darum̄ di se wort/  
wer dich an eynē backē schlecht/dem biere auch den  
andere/sind nichts anders dan̄ eyn außlegung des  
altē gesages/O d̄ wilt du lieber/cyn exempel/wel  
chem nit alleyn wir/die wir vñ dem Christenliche  
namē beschlossen werde/sond̄ auch alle die all̄vil  
mēschē in̄er gewesen sint/od̄ noch werde/gehorsam  
schuldig sind/wz aber vñ dem streich an dē backē ge  
sagt wirt/dz selbig mag auch gesagt werde von dē  
schmach wortē/so eyner dich eynen büben heist/so  
wirfft du auch eyn schalck genant. Denes sind man  
cherley vnbilligk̄eyt vñ schmach/damit eyner den  
and̄n pflegt zū beleidigē. Dan̄ entwed̄ vnser leib  
wirt mit streichen/vñ strengē/beleidiget od̄ dz gūt  
Gerücht vñ chre vnser s namens wirt mit wortē o  
d̄ lesterung verlegt/od̄ vnser hab vñ gūt wirt von  
vn̄ genomē. Darum̄ wie wir vn̄ haltē solē/so vn  
ser leib mit streichē verlegt wirt/das ist erk̄laret/in  
dem spruch/wer dich an eynē backē schlecht/so bü  
re in̄ auch den and̄re dar. In welchem wir auch vn  
d̄wissen werde wie wir vns haltē sollen so man vn̄  
schmehet/yezt aber leret Christus auß dem gesage  
wie wir vns haltē sollē/in dem so man/vn̄ vnser  
hab vñ gūt nimpt. Den vnser hab vñ güter pfe  
gē von vns genomē werden eyns teils auß sonder  
vñ eigner vnbilligk̄eit/welches geschicht durch raub  
diebstal/oder berrug. Des and̄ren teils mit offent  
licher vnbilligk̄eyt/welches geschicht durch vn̄re

In das Sechst Cap. des Luan. Luc. Cxxvi  
denliche Krieg/od durch vnrecht vrtel eyner ober- Diegister  
keyt/vnd mit gewalt/Item eyns teils auch durch werden  
geizen vnd bitt der armen vnd dürfftigē. Darum vns geno-  
leret vns Christus wie wir vns halten sollē / so vns men auff  
vnserē gūter werden hin genommen durch sonderē dreierley  
vnbilligkeyt/vnd spricht. weyse.

## Vnd wer dir das dein nimpt

da fordere es nicht wider.

Das ist/so eyner dir das deiner anbet /od stilt/  
oder mit trug ab nimpt/so solt du es nit wider for-  
deren. Was : meynst du dz gebott sei cyn new ge-  
bor : gar nit/dan/wie dz/dz droben gesagt ist/von  
dem streich an den backē/all so auch dz/dz yetzt von  
dem hinemē d gūter gesagt wirt/ist zu halten dz es  
begriffen werde in disen wortē des gesetzes/du sollt  
nit rachgirik sein. Vnd der rach ist mein/Ich will  
vergeltē/spriecht d Herr. Wag man den nit durch  
freuntliche bit/od durch dz offerlich vrtel vn recht  
wid forderē/wz vns genomē od gestolē ist : Ja wol  
den dz gesatz erfordert nit von vns/dz wir thun sol- Wie weit  
lē/dz eyn eynsidel mit namen Macarius (wie man manleidē  
schreibt) gethan sol habē/dan diser als er einē dieb soldz vns  
in seiner hüttē erwust/d jm seinē hausrat stal/wes die gūter  
ret er jm so gar nit/dz er jm auch halff auffraumē genommen  
vn zu samen binden/gleich all s ober auch cyn dieb durch son-  
vnd frembd were/vn auff das der dieb dester siche derliche  
rer were/gabe er jm etwa weit das geleydt. vnbillig  
keyt.

III ij Das

Die Zwölfft predig Johan Brentij.

Das gesagerforderet zwar/das wir vil mer d<sup>z</sup> thun sollen/das Macarius thanhatt/weder das wir dem dieb sollen arge thun/es erfodret aber d<sup>z</sup> nicht wann wir vnß von dem argen zu zufügen enthalten. Den es verbeut die bösen/vnd vnordenlichen stück/vnd verbeut nicht was güt vnd ordenlich ist. Weyt her aber/das wir widerumb fordern das vnser freuntlich/oder mit offentlichem recht/das ist ordenlich vnd billich. Dann die oberkeyt ist vonn Gott dar zu verordnet/das sie die gütten beschirmen sol/vnd helffe vnd hand habe die gerechtigkeit des fromen vnd gerechten/Aber den rauber vnd dieb hassen/denn rauber vnd diebe verfluchen/den rauber widerumb berauben/dem dieb widerumb das seyn stelen/vnnd des gleichen/diñ sind entlichen argestücke. Darumb/so an disem ortte gesagt wirt/wer dir das deynenimpr/da fordere es nicht wider. So ist nicht zu verstehn/das es sich nicht gebüre/freundtlich oder mit recht wider fordern/was vnß genomen oder gestolen ist worden/Sonder das es nicht gebürlich seye/dem rauber oder diebe/args wider vergelten/vnd sich selbs mit sonderem vnd eygenen rach zu rechen. Darnach leret vnser H<sup>XX</sup> Christus auß dem gesatz/wie wir vnß halten sollen/wann vnß vnser gütter entwendet vnd genommen werden/durch offene vnbilligkeit/oder durch cynen vnordenlichen krieg/oder durch eyn vngerecht vrtel vn̄ gewalt der oberkeyt vnd

Man mag  
ged<sup>z</sup> seyn  
ordenlich  
wider for  
deren.

In das Sechst Cap. des Luan. Luc. Cxxvij.  
Vnd spricht.

Vnd wer dir den mantel nimpt

dem were nicht auch den rock/xc.

Das diser spruch zu verstehn seie/von dem/so  
vnß vnser hab vnd güter/durch offentliche vnbil  
ligkeyt entfremdet vnd genomen werden/dz wirt  
klarlich Warheit am .v. vermerckt/da Christus al  
so sagt/vnd so yemandt mit dir rechten wil/vnnd  
deynen rock nemen/dem laß auch den mantel. So  
höre ich wol/ich dörfte nicht vor gericht vmb me  
ne güter rechten? Was wir cyn wenig zu vor ge  
sagt haben/das ist auch yetzt zu mercken/nemlich/  
das/das gsatz nicht ordenlich/sonder vnordenliche  
nicht billiche/sonder vnbilliche ding verbeut. Wel  
ches sind denn die vnordenlichen vnnd vnbillichen  
ding? sind es die/so man ein zúflucht hat/zú schutz  
vn schirm des weltlichen rechtes/vnnd vor gericht  
rechten? In keynen wege/Dañ so die weltliche/vñ  
öffentlichen gericht/götlliche ordnung sind/den gü  
ten zum güten ver ordnet/so mögē auch die fromen  
mit gutem gewissen/sich der hilff solicher ordnung  
gebrauchē/wie Paulus/der außserwelt werckzeug  
Gottes/sich deren zum offtern mal gebraucht hat  
wie das die geschicht der Apostel bezeugen. Aber  
das ist vnordenlich vnd vnbillich den wider secher

Es ist nit  
verbottē  
zu rechtē  
vor ge  
richt vñ  
güt.

II ij ver



Die Zwölfft predig Johan. Brentij.

verleumbden vnd schmehe/wie vnß der widersecher  
er schmehet/den richter mit gelt vnd gaben bestech  
en/wie vileicht vnser widersecher than hat /eynen  
falschen eyd schwerē/wie vileicht vnser widersecher  
er falsch geschworen hat. Die oberkeyt mit gewalt  
vndertrucken/wie sie vnß vnderweyle mit gewalt  
vndertrucket.

Disestück vnnnd der gleichen vil / sind in Gottes  
gesatz verboten/du solt (spricht das gesatz im drit  
ten büch Mosi am. xix) deynem nechsten nicht vn  
recht thün/noch berauben/vnd aber eyn mal / Ihr  
solt nicht falsch schweren bey meynem namen/vnd  
entheyligender namen deynes Gottes. Vnd Pau  
lus zu den Röm am. xij. Wer sich wider die ober  
keyt setzet/der widerstrebet Gottes ordnung.

Darumb/so das gesatz heist/dem den rock nitt  
weren/der dir den mantel nimpt/so forderet es nit  
das wir die göttlichen ordnungenn der gemeinen  
rechten nicht brauchē sollen/Sonder es erfordert  
das wir im brauch diser ordnungen nicht sündigen  
dem widersecher nicht böses vmb böses wider vmb  
vergeltē/das wir nit vnbilligkeyt dem vnbillichē  
en vnser widersechers bezalen/Sonder das wir  
vil ehe die vnbilligkeyt so vnß geschicht gedultig  
leiden wöllen/dann das wir arge mit argem rechē  
vnd vergelten wolten.

Zum leetsten / vnderstanden sich vnder weylen  
vnser nechsten vnser hab vnnnd güter/von vnß zu  
bringen

In das Sechst Cap. des Euan. Luc. Cxxviii  
bringen durch bitt vnd flehen. Wie sollen wir vnß  
in diser sach halten? Hört Christum der also sagt.

**Wer dich bittet/odder etwas**  
von dir begeret/dem gib.

Was höre ich hieneues? So ich allen denen  
so es begeren meyne güter geben muß/was behalte  
dann ich? Was kan mir gewissers zu kommen/dan  
armüt/der bettel/vnd hunger? Das wir aber den  
spruch Christi recht verstanden/So ist anfanglich  
zu mercken/das so die andren spruch Christi in di-  
ser predig nicht new gesatz sind/sonder alleyn eyn  
auslegung des alten gesetzes/vnd eyn erklärung  
derending/die schuldig sind/nicht alleyn die Chris-  
sten/sonder auch allemenschenn/die yetzund sind/  
odder die gewesen sind/odder die auch nacher seyn  
werden. So sieht man klarlich/dz auch der spruch  
wer dich bittet/dem gib/nicht eyn newes gesatz ist/  
sonder eyn auslegung des alten gesetzes. Dann so  
du das allt gesatz auflegest/nämlich/du sollt dey-  
nen nechsten lieben/wie dich selbs. So wirst du fin-  
den das darinnen gebottē ist/dz du dem gebest der  
dich bittet.

Dañ ein ieder lieber sich selbs also/dz so er ein man  
gel oder ein not leidet/vnd rüfft in dem selbigen die  
hilff seines nechsten an/warlich so wirt er auch be-  
geren dz im von seynem nechsten geholffen werde.

Darumb

Man soll  
denen ge-  
ben so es  
begeren.

Die Zwölffte predig Johan. Brentij.

Die gemein-  
inschafft  
der güter  
wirt hie  
nicht ge-  
legt.

Darumb so hatt eyn yeder das gesatz bey ihm selber/das im gebeut/der not vnd dem mangel eynes yeden der es begeret/zu helffen. Darnach ist in Keynen weg zu halten/das an disem ort die gemein schafft der güter bestetiget werde/wie es die wider teuffer erdichtē/sonder man muß mit außgetruckten Worten klarlich von dem spruch reden/das nit etwa eyn vnerfarner meyne/dz hie alles wesen vñ ordnung aller ding/verwirret werde.

Vnbillich  
e ding sin-  
nit zu be-  
geren.

Dañ erstlich so man sagte gibe ieglichem der dich bitter/da wirt nicht/gebotten/das wir vngerichte vnbilliche/vnd vngöttliche ding geben sollenn. Der heyden schrifftten zeygē an/das Hordēsius vñ dem Cathone/sein Ehe weib begert habe/auf das er dester ein grössere freunt schafft mit im machet/Vnd der Catho habe es im nicht allein nicht abgeschlagen/Sonder er sey auch auff der hochzeit gewesen/Was ist vnerlicher dan ein sollichs begerē? Was ist auch schantlicher/dann solchem begere volg zū thun? Dann nicht allein das heylig gesatz Gottes/Sonder auch gemein naturlich verstand der menschen/spricht/Das solichs ein schēliche frauen wirt schafft sei/so einer den andrē sein eigen weyb zūr hürerey vergunn vnd zū last.

Vnmig-  
lich ding  
sol mann  
nicht be-  
geren.

Darnach/so gebieten dise wort nicht die ding/die vnmiglich zū thun sind/Allß so eyner Tausent gulden begeret von einem der kaum zähenn hetre/Oder/so einer von einem andern begert ein stück des

In das Sechst Cap. des Luan. Luc. Cyrix  
des hymlischen firmamēts im zu geben/ Wie das  
begeren solcher ding vnuer schampft vñ nārrisch ist  
also ist auch vnmüglich/ das gegeben werde/ das  
man begeret: Zu dem so gebieten auch dise wort  
nicht/ das du frembde gūter die nicht dein sind/ ge  
best/ Als so einer hundert gulden hat/ vnd ist doch  
dar vnter seinē schuldnern zweyhundert schuldig  
Oder so einer weyb vnd kind hat/ denen er narung  
vnd kleider schuldig ist/ Disem wirt nicht gebortē  
das er reilich im fremden gūt sei/ sonder das er za  
le/ was er schuldig ist. Ober das/ so gebieten di  
se wort nicht/ das du dem der dich bitter/ schedliche  
verderbliche/ vñ tödeliche ding gebest: Als so eyn  
vnfiniger eyn schwert begert/ dar mit er sich erwir  
ge/ Oder so eyn kranker giffet forderet/ da mit er  
im selbs bald vnder marter helffe. Zum letstē/  
so gebieten auch dise wort nit/ das du dem der dich  
bitter/ gebest/ nicht zu der nothdurfft/ sonnder zum  
wol lust/ dem müßiggang zu volgen/ zu zechen/ vñ  
zu spilen/ Dann Paulus spricht. ij. Cor. viij. Auff  
dē gleich wie da ist eyn geneyger gemūt zu wöllen/  
so sei auch do eyn geneyger gemüte zu thun/ vom  
dem das jr habt: Denn so eyner willig ist/ so ist er  
angenehme/ nach dem er hat/ nit nach dem er nicht  
hat. Nicht geschicht das der meynung/ das die an  
dren rüge haben/ vñnd ihr trübsal/ sondern das es  
gleich sei/ so diene ewer überfluß frem mangel.

Man sol  
nicht den  
frembdē  
gūt gebē.

Man sol  
nichts  
schedt  
lichē ge  
ben/ dem  
der dich  
bitter.

De müßi  
gengern  
vñnd die  
im wol  
lust ligen  
sol mann  
nicht ges  
ben.

Du hast yetz vil geschlecht des bittens/ welchen

KK

nicht

Die Zwölffte predig Johan. Brentii

Freugebi  
Feyt gegē  
dem nech  
sten.

nicht zu geben/nach irer bitte zu volgen ist. Was  
wollen aber dise wort/wer dich bittet dem gibe : vñ  
was wirt in disen worten gebotten : Auff das ich  
auff das kürzest antworte in disen worten wirt ge  
strafft die meynung/vnd der irthumb des gemey  
nen volcks/vnd zu vor an der gleyßner/vnd heuch  
ler/vñ wirt eyn vngesellte vnd reyne liebe des nech  
sten gebotten/auff dz wir vnserem dürfftigen nech  
sten auff das reichlichest helffen sollen. Denn das  
gemeyn volck/vñnd gleißner meynen sie thuen der  
liebe des nechste/der dürfftig ist/genüg/so sie dem  
armen eyn stück brot oder erliche/oder eyn wenig er  
lich heller zum almüßen aufreylen. Vnd so das  
gesatz gebeut wenn man erndte so solle man es nit  
an den enden vmbher abschneiden/auch nicht alles  
genaw auff sammeln/vnd so man eyner garben ver  
gessen hat auff dem acker/so solle man nicht vmb  
keren/die selben zuholen/Item so man die ölbeum  
hat geschürtlet/so solte man nicht nach schürtlen/I  
tem man sol nicht nachlesen/so man eyn weynberg  
gelesen hat. Es soll des frembdingen/des weyßen  
vnd der wirwen seyn. Da meyneten sie/sie hetten  
den armen/vnd dürfftigen genüg gethan/vnd alle  
schuldt bezalt/wann sie eyn wenig auff den ackern  
in gärten vnd weynbergen zum brauch der armen  
dahinden lieffen.

Darumb Christus/auff dz er disen eytelen vnd vn  
nügen won/auff den herzen des menschen reysen  
möchte

In das Sechst Cap. des Euan. Luc. Cxxx.  
möchte/so leret er in disem gesatz/du sollt deynnen  
nechsten lieben/wie dich selbs/das es dem göttlich  
willen noch nicht seigenig geschehen/so du etwas  
gering dem dürfftigen nechsten aufsteilest zu ey-  
nem almüsen. Sonder das erfordert werde/das  
du deynes nechsten nodt allwegen/auff was weys  
vnd wege du magst/zu hilff kömest/vnd dem dürf-  
tigen allwegen reichlich helffest.

Das gesatz Gottes zwar erfordert nicht/das du Wir solle  
vnser gü-  
ter nicht  
einem ye-  
den gebe.  
alle deynne güter eynem yeden vor dir/aufgebest.  
Trinck/spricht Salomon in sprüchen am .v. Cap.  
wasser deyner grüben/vnd flüsse auß deynen brun-  
nen Laß deyne brunnen erausser fließen/vnd die  
wasserbeche auff die gassen/Habe du aber sie alley-  
ne/vnd keyn frembder mit dir/das ist/du solt deyn  
eygen hab vnd güt also verwalten/das du das ge-  
wunnen behaltest/vnd dennocht vnder dem/auch  
den andren mitteilest/vnd Paulus .ij. Cor. viij.  
Nicht geschicht das der meynung/das die andern  
ruge haben/vnd se trübsal/vnnd bald hernacher  
im .ij. Cap. Eyn yeglicher nach seynen willkôr/  
nicht mit vnwillen oder auß zwang. Sonder das  
gesatz erforderet/das du der nodt des dürfftigen  
auff das reichlichst vnd überflüssigst hilff chüest.

Du wirst aber sagen/welches ist die selbige  
nodt/deren ich zu hilff kommen sol/vnnd welchen  
soll ich darfür vrteylen das er meyner hillff nodt-  
tufftig seye?

KK ij Mann



Die Zwölfft predig Johan Brentij.

wir gebe  
den arme  
mitt vn-  
willen.

Wann mag leichtlich mercken/waher dise frag  
entspringt/onzweifel auß dem hertzen das nit seer  
willig ist den dürfftigen zu helffen/Dann Gottes  
wort heisse vnß den dürfftigen reychlich geben/odder  
es verheisse grosse wolthat denen so geben/odder es  
erwe grosse straff denen so dem dürfftigen hilff ver-  
sagen/Jedoch so kane es nicht vonn vnß erlangen  
das wir freundlich vnd eynfeltig dem armen helf-  
fen. Vnd wie woles vnder weilen das eusserlich  
werck heraußer bringe/so ist doch das hertz allwe-  
gen traurig vnd vnwillig darzu/vnnd fürchtet es  
werde in armütt geworffen/so es nach Gottes be-  
ruff den armen gebe. Das gesatz aber des 12<sup>ten</sup> 13<sup>ten</sup>  
14<sup>ten</sup> erfordert nicht alleyn das eusserlich werck  
sonder es erfordert auch eyn hertz das mit volkom-  
menem glauben an Gott begabet sei/vnd mit gan-  
zer volkommener liebe gegen dem nechste/die haupt-  
sum (spricht Paulus .j. Timo.j.) des gebortes ist/  
Liebe von reynem hertzen/vnd von gutem gewis-  
sen/vnd von vngeferbtem glauben/vnd .j. Cor. 13  
spricht er: Vnd wenn ich alle meyne habe den ar-  
men gebe/vnnd hette der lieben nicht/so were mirs  
nichts nütze. Was wollen wir denn sagen: Sei-  
temal wir nimer volkommen/das teil des gesetzes/  
wer dich bittet/dem gibe/erfüllen. Was ist anders  
vorhanden/dan das wir schuldig sind der ewigen  
verdammuß: Warlich eben das selbig ist vorhan-  
den/wann wir vnser gerechtigkeit vnd fromkeit  
gegen

In das Sechst Cap. des Euan. Luc. Cxxvi.  
gegen dem gesatz heben vnd erfordern.

Aber Gott vnserem **LXXXVII** sei in ewig-  
keytlob vnd danck gesagt/der vns seynen eynges-  
borenen Son Jesum Christum geschenckt hat/mit  
welchem er vns vnmässige grosse guthaten geben  
hat. Denn erstlich/die weyl Christus Jesus gelit-  
ten hat für vnser sünd so verzeycht vns Gott alle  
vnser sünde/vmb Christus willen/so wir an ihn  
glauben. Darnach/die weyl Christus das gebott/  
auff dz aller volkommenest erfüllet hat/So hat vns  
Gott in Christo geschenckt die erfüllung dises ge-  
botts oder gesetzes/das/so wir an Christum glau-  
ben/wir durch den glauben vor Gott also gerecht  
vnd from gerechnet werdē/gleich als ob wir selbs  
das gesatz erfüllet hetten. Zum letzten/schenckt er  
vnns auch/seynen heyligen Geyst/durch welches  
Krafft wir mögen die erfüllung des gesetzes/wel-  
che wir durch den glauben habenn/auch mitt den  
wercken anheben. Der heylig Geyst aber leret vns  
Erstlich/das es gar nit gebürlich ist/dz wir femb  
denor mitt gröster sorge oder fürwiz aufrechnen  
sollen/vnd wölten alleyn dz für not vnd dürfftig-  
keyt vrteilen/so dem armen gleich die seel will auß-  
faren/wie man pflegt zusagen/vnd auff der zung-  
en sitzt/odder so die keltre des nacketen vnnnd blossen  
leib zusamen zeucht/vnderfröret. Dis ist die erste  
not/in welcher auch die Gotlosen wa sie kōndē/zu  
hilff kōmen. Sonder man sol/die not stätlicher  
**XX iii** weys

Wz vns  
Christus  
brachtha  
be.

Wir solle  
des nach-  
sten node  
nit zu ge-  
neyg auß-  
rechnē.

Die Zwölfft predig Johan. Brentij.

weyß/freundtlich/vnd alles weytleuffig man kan  
vrteylen. Dañ so wir zugar spizig vnd sorglich er  
suchen vñ auß eckē dienot des nechsten/was thund  
wir anders/dann das wir Gott cyn gesatz wöllen  
geben/das er auch vnß nicht zu hilff kōmē/dañ al  
leyn/so wir die letst nodt leyden: Wer seyne ohren  
(spricht Salomon in sprüchen am .xxj. Capitel.)  
verstopfft vor dem schreie des armē/der wirt auch  
ruffen vnd nicht erhört werden. Darnach hillfft  
vnß der heylig geyst/dz wir die gottlosen sorge auß  
vnserem hertzen außreiben mögen/darinnen wir  
fürchten/das wir in armüt/vnd an bettel stab ge  
richt werden/wo wir der nodt vnserer nechsten rei  
lich zu hilff kōmen. Es wirt aber die gottlos sorg  
außgeschlagen/durch die zusagungē Gottes/so sie  
mit glauben werden auff genommen/dē es sind die  
grösten zusagungen/in welchen Gott vnser HERR  
verheyssen hatt/das er die so freigebig gegen dem  
armen sindt/auff dz aller überflüssigest benedeyen  
vnd segnen wölle/im gesatz stehet geschriben im .v.  
Mosi am .xxiij. Wenn du auff deynem acker ge  
erndtet hast/vnd eyner garben vergessen hast/vff  
dem acker/so sollt du nit umbkeren die selbigen zu  
holen/sonder sie sol des frembdingen/des weyßen/  
vñ der widwen seyn/was wirt dar auß folgē:wirt  
dz dar auß kōmen/das dir etwas von deynem güte  
vndergang: in keinen weg nicht/sonder dz dich der  
Herr dein Got umb eyner oder zweyen garben wil  
segene

Die gots  
loß sorge  
vñ forcht  
s armüt  
sol außge  
schlagen  
werden.

In das Sechst Cap. des Euan. Luc. Cxxxij.  
segene in allen wercken deynes hende.

Vnd im. xxxvj. psalmen spricht David. Ich bin  
jung gewesen vnd alt worden/vnd hab noch nie ge-  
sehen den gerechten verlassen/odder seynen samen  
nach brot gehen/Er ist alle zeit barmherzig vnd  
leyhet gerne/vnd seyn same wirt gesegnet seyn.

Vnd aber eyn mal im. xl. psalmen. wol dem der sich  
des dürfftigen annimpt/den wirt der HERR er-  
redten zur bösen zeit/vnd im. Cxi. psalmen. wol  
dem der barmherzig ist/vnd gern leyhet/vn rich-  
tet seyne sachen auß das er niemandt vnrecht thue  
denn er wirt ewigklich bleibē/vnd hernacher. Er  
strewet auß/vnd gibt den Armen seyne gerechtigkeit  
bleybet ewigklich/vnd Salomon in sprüchen  
am. xi. die seele/spricht er/die da reichlich segener/  
wirt fet/vn wer trunckē macht/der wirt auch trunckē  
en werden/vn im. xix. cap. wer sich des armen er-  
barmer/der leihet dem Herren/der wirt im wid gūts  
vergeltē/vn der heylig Apostel Paulus sagt auch  
ij Cor ix. wer da steet im segē/der wirt auch erndtē  
im segē.

Dise vn der gleichē verheysungē Gottes setzt vnß  
der heylig geist für die augen/dz er den glauben in  
vnß mere/vnd reisse vnß die gottloß forcht der ar-  
müt vnd des hungers auß dem hertzen. Darumb  
ir aller liebste/so laßt vnnß gehorsam seyn dem be-  
ruff des heiligen geists/vn so wir die verheysungē  
Gottes durch den glaubē empfangē haben/dz wir  
den

Die Dreyzehend predig Johan. Brentz.  
den armen reichlich helfen/auff das/wenn wir dar  
ben vnd mangel haben/sie vns auffnemen in diee  
wigen hütten. Durch Jesum Christum vnseren  
HEXEN/der zugleich mit Gott dem vatter  
vnd dem heyligen Geyst Gott ist gelobt in ewig  
Eyr. Amen.

## Die XIII Predig.



**D**ies her hatt vnserer  
HEX Jesus Christus et  
liche gesatz erklaret/In wel  
chen wir vnderwisen wer  
den/wie vil vnd was wir vn  
serem nechsten schuldig seiē/  
vnd wirt sie bald überflüssi  
ger außlegen. Aber ehedañ  
er fort ferett/so sezzet er cyn  
kurz sprüchlin darzwischen/in welchem er die sum  
me vnd den cynhalt aller gesatz/ auch ihrer an fle  
gungen/begreiffet. Dann er gehet genzlich auff  
dem vmb/beyde mit vil vnd wenig worten/das er  
vns dahin bringe/das wir die krafft des gesatz es  
erkennen/vnd werden auß der erkantnüss des ge  
setzes/in die erkantnüss vnserer sünden/geführt/  
auff das wir mit besser grossere begirde nach der  
gnade des Euangelions streben. Darumb sindt  
vns

In das Sechst Cap. des Luan. Luc. Cxxxij  
vnnß dise wortte Christi so vill bester fleysßiger zu  
mercken/wie vil eigbrünstiger wie vnnsererechte  
warhafftige seligkcyt vnd heil zu wissen begeren.

Vnd wie ihr wölt/spricht Chri  
stus/das euch die leut thün sollen/allso  
thüt jnen gleich auch jr.

Diß sprüchle/wiewoles ganz kurz ist/so be  
greiffet es dennocht in ihm Alles das yedas geset  
z Moßi/oder die Propheten/oder Christus selbs/o  
der die Apostelen/odder die recht kündiger/odder  
auch die philosophi vnd weysen der heyden/vonn  
zugehörigen empteren oder wercken vnder eynan  
der/vnter den leuten/geleret vnd geschriben habē. Die sum  
aller ge  
Diß sprüchlin aber wirt andere mal/auff eyn an  
dere weyß/aufgesprochen/Mose spricht also auß  
im dritten büch am. xix. Habedeynen nechste lieb/gehör  
ge werck  
wie dich sellbs/welches warlich nichts anderst ist/ander.  
dann das hie gesagt wirt/vnd wie jr wolt/dz euch  
die leut thün sollen/also thüt jnen gleich auch jhr.  
in Matheo spricht Christus am. vij. Cap. also.  
Alles nun das jr wöllet/das euch die leute thün sol  
len/das thüt jr jnen/das ist dz gesatz vnd die Pro  
pheten. Paulus aber so er an die Römer schreibt  
spricht am. xij. Cap. Wer den andren lieber/der  
hat das gesetz erfüllet/vnd hernacher/So ist nun  
LL die



Die Dreyzehent predig Johan Brentij.

die liebe des gesetzes erfüllung. Dise stück alle  
samt zeügen an/vnd leren auff das kurzest/alle  
die zu gehörigen empter vnd wercke so wir vnserem  
nächsten zu thun schuldig seiend.

Aber diser spruch/vnd wie jr wölt das euch die  
leitet hun sollen/also thut jnen gleich auch ihr/ist  
vnnß mit grosser/vnnd herglicher danckbarkeyt/  
auffzunehmen vnd zu behalten. Denn erstlich/sind  
etliche/die so schwacher gedechtniß sind/das sie in  
des **12. 13. 14.** gesatz nit vil zielen oder spruch  
behalten können.

Die andren sind mit so vil geschafften beladen/  
das sie nicht weyl vnd müß haben vil bücher zu le-  
sen. Darumb so wirt dem nutz diser aller hie in  
disem ort geholffen/das ihnen eyn sollicher kurzer  
einhalte wirt für gesetzt/in welchem sie/allß an ey-  
nem kleynen büschlin/mit kurzesten/vnnd ganz  
mercklichen Worten/die sum/vnd den einhalt aller  
gesatz/die von zugehörigen empteren vnd wercken  
die liebe vnder eynander leren/begriffen wirt.

Darnach sind andere/die gar keyn geschriffte  
könden/weder schreiben noch lesen/vnder denentz  
sind etlich entweder also mit gewissen geschafften  
beladen/das sie nicht können in frembde land rei-  
sen/lerer der gesatz vnd der tugeten zu suchen/vnd  
wie Mose sagt im .v. büch am .xxx. Darumb ü-  
ber das meer faren.

Oder sind also an ihren krefftten verlassen vnd  
schwach

In das Sechst Cap. des Luan. Luc. Cxxviii  
 schwach/das sie/ob sie schon gern wolten/frembdē  
 meystern vnnnd lereren der gesetz nachvolgen nicht  
 kōnten/welches vil außser den heydnischen Philo-  
 sophen vnd weysen gethan haben. Darumb so  
 wirt den selbigen mit disem kurzen spruch wol ge-  
 pflegt vnd geradten seyn/Darumb das vnß dar-  
 innen zulereren/vnd meysteren der tugeten gesetz  
 werden/Nicht die grossen bücher der rechten/vnd  
 gesetzen/nicht etlich Philosophi vnd weysen/oder  
 Rabiniß über meer her geholet/sonder der wirt vnß  
 zu eynem lerer vnd prediger gesetzt der bei vnß alle  
 zeit im hauß ist/der vnß allwegen eyn steeter mit  
 geferteist/Nämlich/vnser gemüt/herz vnnnd will/  
 wie jr wolt/spricht er: das euch die leütē thū sol-  
 lē Vnd/alles das jr wöllt/das euch die leütē thū sol-  
 len. Hörst du/das vnß nicht eyn eusserlicher lerer  
 oder gesetz kündiger/sonder eyn innerlicher/vnnnd  
 hauß prediger wirt für gesetzt/nämlich/vnser will  
 welcher vnß ein lerer vñ vorbild ist/auß welcher wir  
 alle geschlecht der zugehörigē emptern vñ werckē/  
 die wir demnächstē schuldig sind/learnē mögē. Dar-  
 vñ sollē wir disen kurzē spruch mit grosser danck-  
 barkeytt auffnemē/vñ in höchster gedächtniß be-  
 halten. Was den: werden vnß dann keyne andren  
 werck empter/vñ tugeten in dem gesetz Gottes vñ  
 inden Propheten gebortē/denn/das alles das wir  
 wöllē dz vnß die leütē thū dz wir auch inē also thū  
 en: wa bleibt dan dz/dz in der erstē taffel Mose vom

vnser wil  
 ist vnß  
 eyn lerer  
 d tugēt.

L L ij glauben

Die Dreyzehend predig Johan. Brentij.

glauben an eynen Gott/von eerenbietung des na-  
men Gottes/vnd von der gleichen empteren/vnd  
wercken die wir Gott zu thun schuldig sind/gebots-  
ten wir: Wa bleibt das Euangelion vonn Jesu  
Christo/das wir glauben sollen/dz wir alleyn vñ  
vnseres HERRN Jesu Christi willen habenn  
verzeyhung der sünden durch den glauben: Auff  
das ich eyn antwort gebe/so müssen wir mercken/  
das zweyerley predig ist/die eyne des gesetzes/die  
ander des Euangelions vonn Jesu Christo/deren  
eyne yedeliche iren kurtzen begriff vnd anzeygung  
hat. Vnd zwar der einhalt des Euangelions ist/  
Sihe/das ist Gottes lamb/welches der welt sünde  
tregt. Die predig aber des gesetzes wir in den zwei-  
en taffen Mosi begriffen/als in eynem kurtzen be-  
griff vnd einhalt. Die erst vnder denen gebeut vnß  
von den zugehörigen empteren/die wir Gott schul-  
dig sind/vnd sind dise/du solt keyn andere Götter  
neben mir haben/du solt den namen des HERRN  
nicht mißbrauchen/vnd/du solt den sabbath  
heyligen/Es hat auch dise tafel iren eygnen kurtz-  
en begriff/Nemlich/du sollt lieben Gott deynnen  
HERRN/von ganzem hertzen/von ganzer  
seelen/von ganzem gemüte. Die ander tafel ge-  
beut vonn den zugehörigen empteren/welche wir  
dem nechsten schuldig sind/vnd sind dise/welche in  
zehen gebotten nach dem gebot von der heyligung  
des Sabbaths volgen. Darumb diser spruch/wie  
jr

Einhalt  
des euan-  
gelions.

Einhalt  
des geset-  
zes.

In das Sechst Cap. des Luan. Luc. Cxxxv  
 jr wolt das euch die leutethun sollen/also thut jnen  
 gleich auch jr/ist nicht der kurtz begriff des Luan  
 gelions von Jesu Christo/odder der ersten casten <sup>eynhalt 3</sup>  
 Mosi/sonder alleyn der letste die von der liebe des <sup>andere taf</sup>  
 nechsten gebeut/vnd so Christus sagt/das diser <sup>le Mosi.</sup>  
 spruch sei das gesatz vnd die Propheten/so meynet  
 er nicht dz darinnen begriffen werden alle die stücke  
 so in dem gesatz vnd in den propheten schlecht ge  
 leret werden/Sonder alleyn die/welche darinnen  
 von der liebe des nechsten/vnd von gebürliche emp  
 teren vnd wercken vnter eynander/vnder den leu  
 ten geleret werden/Also auch Paulus so er sager/  
 die liebe sei des gesatzes erfüllung/verstehet er das  
 gesatz/das von der liebe des nechsten gebent/in wel  
 chem argument vnd meynung allein/Christus hie  
 an disem ort seyner predig/vnd der Apostel Pau  
 lus im. viij. Cap. der Epistel an die Römer han  
 dlen. Dann das diser spruch alleyn eyn eynhalte  
 vnd begriff sei deren gesatz/die vonn der liebe des  
 nechsten gebieten/das bezeuget Paulus vnd legt  
 auß/vnd spricht also/wer den andren liebet/der hat  
 das gesatz erfüllet/denn das da gesagt ist/du solle  
 nicht ehebrechen/du solt nicht tödten/du solt nicht  
 jzelen/du solle nicht falsch gezeignuß geben/dich  
 sol nichts gelusten/vnd so eyn anders gebott mer ist  
 das wirt in disem wort verfasst/du solt deynenn  
 nechsten lieben/als dich selbs. Ober das/so zey  
 gen die wort dises spruchs klarlich vnd genugsam

Die Dreyzehen predig Johan. Brentij.

Ger will  
vñ begird  
aller men  
schen.

an/das hie alleyn meldung geschicht von denen zu  
gehörigen empteren vnd wercken/nichtt welche die  
leüte Gott vnseren **HERRN**/sonnder welche  
die leüte den leüten/iren nechsten schuldig sind/Er  
spricht er: thut den leüten/wie jr wölt das euch die  
leüt thun sollen. Was wöllen aber die leüt/das in  
nen geschehen solle: Erstlich/so eyner nodt in der  
armüt leidet/mit hunger/durst vnd frost geplagt  
wirt/Warlich so wil er vnd wünschett auß natur-  
licher anleytung/dz man im/so er s begeret/zu hilff  
kome/es gschehe von dem freund od feynd/darum  
so ist der will vnd wunsch/cyn gesatz vnd regel/wel-  
che da vermanet/dz er seynem nechste/er sei freund  
oder feynd/so er in armüt nodt oder hunger ligt/  
freundtlich vnd willigklich zu hilff kome/vnd alle  
bitterkeyt seyns herzen von jm lege. Darnach  
ist niemand/der da wölt/das jm von eynem andre  
vnbilligkeyt widerfure/oder so eyner dem andren  
vnbillichs thut/Warlich so will er nichtt/so be-  
get er auch nichtt/das jm von dem andren auch vns-  
billichs vergolten wurde.

Darumb so hat eyn yeder bey jm eynen predig-  
er/der in leret/das er weder eynem andren vnbil-  
ligkeyt zufügen/noch jm gethene vnbilligkeyt wi-  
dergelten/solle.

Auß disem kommen zwey stücke die vns seer  
billig zu mercken sind.

Das Eyne/das in disen wenig wortenn/wie jhr  
wolt

In das Sechst Cap. des Luan. Luc. Cxxvi  
wolt das euch die leüre thun sollen/also thüt ihnen  
gleich auch ihr/werden alle die stück begriffen /die  
Christus in diser predig/ von zu gehörigen empte-  
ren vnd wercken der lieben vnder eyinander/ vonn  
den feynden zu lieben /von der vnbilligkeyt nicht  
zu rechnen/noch zu widergelten/vnd der gleichen an-  
dren stücken/geleret hatt/vmnd wirs balde auch  
noch überflüssiger leren. Dann das da gesagt  
wirt/Lieber ewere feynde/thüt denen wol die euch  
hassen/vnd wer dich schlecht auffeynen backē/dem  
biere dehandren auch dar/wer dich bittert dem gib  
vnd wer dir das deynen nimpt/da fordere es nicht  
wider/vnd so etwa eyn gebott disen gleich ist/so du  
es recht verstehest/wie wir sie zu vor haben aufge-  
legt/so ist es nichts anderst/dan das mit disen we-  
nig worten geredt wirt /wie ihr wolt das euch die  
leüre thun sollen/also thüt inen gleich auch ihr.

Das ander stück das wir dig zu mercken ist/das/  
so differ spruch/nicht eyn new gesatz odder lere ist/  
welche zu der zeyt Christi erst erdacht seie /sonder  
es ist das natürlich gesatz/vnd der natürlichen ver-  
nunft yert von anfang her des menschlichen we-  
sens/von Gott eingeflanget.

So ist es auch offembar/das diß auch keyn new ge-  
satz ist /das Christus bißher vonnden gebürlichen  
empteren der liebe/geleret hat.

Vnd



Die Dreyzehen predig Johan Brentij.

Vnnd in disem spruch/werden mitt kurtzem be-  
griffen/nemlich/das man den seynd liebē sol/dem  
wol thun der vnns beleydiger/das mann dem der  
vnß bitter gebē sol/dem der vnß den mantel nimpt  
auch den rock lassen/vnd vil andre des gleychen.

Christus  
ist eyn vñ  
leger des  
alten ge-  
setzes.

Darumb ist also zu halten/das Christus in diser  
predig keyn newer gesatz geber seie/wie sich hie vil  
jren/sonder er ist eyn aufleger des alten gesetzes/  
auff das er vnß anzeyge die größe vnserer schulde  
auff das/so wir nicht bezalen künden/das wir von  
im nachlassung der schulden begeren. Aber auff  
das ich wider zu vnserem spruch/den wir yetzt han-  
dlen/köme/es möchte mir hie eyner wider sprechen  
vnnd sagen/Was? So das gesatz erfordere/das  
wir eynem andren thuen/das wir wölle/dz es vnß  
geschehe/was wirt für eyn verwirrung vñ gezenck  
in menschlichen dingen/wann wir dem gesetz sollen  
gehorzam sein? Es wirt keyn richter/widder die  
dieb/mörder oder andere übeltheter vrteyl spreche  
denner wirt bey im selbs gedencken/wann ich des-  
ren sünd schuldig were/vnnd sünde vor gericht/so  
wünschet ich vnd begeret/das mich der richter le-  
dig ließe/deshalben so wil ich eynen anderen auch  
ledig lassen. Vber das so wirt auch keyn Fürst in  
seyneß beruff vñ regiment seynes fürstenthums  
bleiben/keyn burger wirt seyn hauß vñ seyne ack-  
er behalten/dann eyn yeder/so er disem gesatz will  
gehorzam seyn/wirt bey ihm selbs gedencken/ich  
wolt/

In das Sechst Cap. des Luan. Luc. Cxxxviii  
 wölle/das mir eyn annderer auß seynem fürstenthumb/oder von seynen äckeren weiche/ darumb ist es  
 mir auch von nöthen das ich im weiche. Was wirt  
 das für eyn vermischung/vnnd verwirrung aller  
 ding/vnd aller ordenlicher berüffung vnd empter  
 so das/das im hertzen gedacht/vnd in Worten auß-  
 gesprochen wirt / soll gleich mitt den wercken voll-  
 bracht werden: Antwort/So gesagt wirt / Alles  
 das so jr wölle/das euch die leute thun sollen/ist nit  
 zu verstehen/von vnserem verderbten/vnbillichen  
 vngerechten/vnd vnordenlichen willen/vnd vonn  
 der bösen begirde/Sonder von dem aufrichtigen  
 gerechten/ordenlichen vnnd billichen willen/vnnd  
 der/der natürlichen nodt vnnd des **HERRN**  
 wort mit heilig seie. Dann so der richter wölle/das  
 so er im diebstal begriffen wurde/er frey vnd vngestraft  
 ledig wurde gelassen/so hatt er nicht eynen  
 willen/der Gottes gesatz gemäß vnd bequem seye/  
 darumb sol er euch nicht nach disem willen von eynem  
 andren der eyn diebe ist / vrteylen/oder vrteil  
 sprechen. Vnnd eyn fürst oder burger/so er eynes  
 andren fürstenthumb oder äcker begeret / nemlich  
 die/zu welchen er keyn ordenliche gerechtigkeit  
 hat/der hat nicht eynen billigen vnd rechten willē  
 sonder er hat eyn böse begird/wider das gesatz/vn  
 gebott Gottes/du solt keyns andren güts begeren.  
 Darumb wirt nicht von jm erforderet / das er one  
 ordenliche vnd göttliche vrsach eynem andren auß  
 seynem

vnser will  
 soll recht  
 vn billich  
 seyn.

Die Dreyzehen predig Johan Brentz.  
seynem fürstenthumb / oder von seynen äckern vñ  
güter weiche / vñnd seynen beruff verlasse / Sonder  
das wirt er forderet / das er die böse vñnd vnorden-  
lich begirde des frembden gūts von sich werffe / vñ  
diene seynem beruff fleissiglich. Das ist aber eyn  
rechter vñnd ordenlicher auch der naturlichen node  
vñnd dem wort des HERRN bequemer / vñnd  
einzeliger wille / so eyner mit armüt vñnd hunger  
beladen ist / vñnd begeret trost vñnd hillffe / So eyner  
nicht wil das er von eynem andren verlegt werde /  
so er will das ihm in der node gūts beschehe / es sey  
vom freund oder feynde. Dāñ dz wort des HERRN  
ghebt / das mann dem / der mit armüt ge-  
drungen ist / zu hilff kome / das keyner den andren  
verlege / das ye eyner dem andren gūts thue.  
Darumb alles das / wir wöllen nach dem rechten /  
billichen vñnd ordenlichen willen / das vnß die leüte  
thun sollenn / das selbig erfordere das gesatz der  
natur / das auch wirs den leüten thuen. Aber si-  
he hie zu / wie verkeret die menschlich natur / vñ are-  
seie / vñnd wie vnbillich siedz zu argem mißbraucher  
dz jr zu gūtem ist fürgesetzt. Dāñ so d' kurz spruch  
wie jr wöller das euch die leüte thun sollen / dz thut  
auch jr inen / gehandelt wirt / vñnd wirt geleret das  
in dem selbigen alle gesatz begriffen werden / vñnd  
das er vnser hantß bibel vñnd prediger seie / darauff  
wir lernen mögen / was für zugehöriger empter vñ  
werck die leüte vñnder eynander / eyns dem andren  
schuldig

In das Sechst Cap. des Euan. Luc. Cxxxviii  
schuldig sei zu thun/als bald/empfehen erliche vn  
geschickte leute eynen verdruß vnd mäsleidigkēyt  
nicht alleyn guter kunst/sonder auch der predigen  
vnd der heyligen geschriff/was/sprechen sie/sind  
mir die künst nutz: was helffen mir die predigen:  
veracht  
tüg guter  
kunst vnd  
der pre  
digen

Sihe ich begreiffe vnd verstande in wenig worten  
alles das yergen die kunst/vnnd geschrifften leren  
vnnd habe eynen prediger bey mir/der mich leret  
was recht oder vnrecht sei. Was ist mir dann  
vonnöden das ich vil studiere/vnd das ich predig  
höre: Aber höre du wider vmb/vnd erkenne/das/  
wie wol diser kurtzer begriff dir wol bekant ist/so  
manglet doch/nach vil/welche in künsten vnnd in  
den predigen zu leren sindt. Dann erstlich/so ist  
diser spruch/alleyn/eyn kurtzer begriff der andren  
tafel Mofi/welche vonn den gebürliche empteren  
vnd wercken der liebe gebeut/so die leute vnder ey  
nander/wie wir da oben angezeigt haben/ye eyns  
dem andren zu thun schuldig sind.

Es sind aber nicht alleyn die stück zu wissen vnd  
zu thun/welche ein mensch dem andren schuldig ist  
sonder auch vor allen dingen die stücke sind zu wis  
sen vñ zu thun/die der mensch Gott seynem HERR  
schuldig ist zu thun/vonn welchen die erst  
tafel Mofi gebeut. Darumb muß man die selbige  
lernē auß d̄ heyligē geschriff vñ auß den predigē.

Darnach/wie wol du dise wort/wie jr wölt das

AA ij euch

Die Dreyzehend predig Johan. Brentij.

euch die leüte thun sollē/all so thut inen gleich auch  
ir/sagen/vnd erzelen kanst/so mag es doch durch  
langsamkēyt des verstandes geschehen/das du ire  
krafft nicht volkōmenlich erlangen vnd verstehen  
magst/dann so/so vil übertrefflicher menner nicht  
alleyn vnter dem volck Gottes/ als Moſe/die Pro  
pheten/Christus/die Apostel/vnnd andre lehrer in  
der kirchen/Sonder auch in dem volck dz von Got

Das ge  
sag d nar  
tur hatt  
nyemand  
gnugsam  
bestanden  
ich gesch  
weig ge  
halten.

frembd ist gewesen/als die alten poeten vnd Philo  
sophi odder weisen der heiden/diſſ gesag der natur  
auszulegen seer gearbeitet haben/so ist es eyn groſ  
se anzeigung/das den verstand diſes gesetzes nicht  
eyn yeder haben kan/zu dem/so dencke im nach/dz  
eyn mensch also weyß erfunden möcht werden/der  
eyn volkōmene erkantnuß diſes gesetzes hette/ka  
ne er es daruñ auch mit der that thun/vñ mit dem  
werck volbringē/darumb das er verstehet was  
recht odder vnrecht ist? Aber so du die sache recht  
erwighst/warlich so wirst du findē/das wie eyn groſ  
sere/vnd übertrefflichere erkantnuß diſes gesetzes  
der natur eyner hatte/so vil mer vñ grossere sündē  
solle er erkennen das er habe/vnd wie volkōmenlich  
er er weyßet/was in diſem gesetz begriffen ist/so vil  
vnvolkōmener sol er sich halten zu volbringen die  
dinge so darinnen von vnſer forderet werden.

Dem wer hatt ye eynem andren mit volkōmener  
liebe in allen dingen gethan/das er gewölt hat dz  
ime von eynem andren geschehen? Wer hat ye seyn  
nen

In das Sechst Cap. des Euan. Luc. Cxxxv  
nen nechsten mit so hitziger liebe geliebet/allß sich  
selber? Ja wol/wer hat so grosse krafft in seynen  
natur/das er/so ers gleich fast gern wolte / seynen  
nechsten mit so hefftiger vnd reynen liebe künde lie  
ben/mit was liebe er sich selbst liebet? Warlich dz  
hanget in vnser natur/das jener sagt/ich bin mir  
selbs der nechst vnd das best schuldig. Verflucht a  
ber sei/spricht das gesetz im funfften Mosis am.

xxvij. wer nicht alle wort dieses gesetzes erfüllet/dz  
er darnach thue/Darumb/wie gewisser eyner den  
verstand dieses gesetzes hat/so vil klarer sieht er sei  
ne eygnen sünd/fluch vnd verdammniß. So will  
ich mich befeissen/sprichest du/auff das ich nichts  
von disem gesetz verstande/das ich meynen eygne  
jamer nit empfinde? Das kan mir eyn vnbilliche  
sach seyn/zu vor weichest du zu vil auff die rechten  
hand/yezund/so weichest du zu vil auff die lincken.  
Vorhin rümeſt du dich du kündeſt alle ding auß di  
sem spruch/vnd dorfftest weder geschrifft/noch pre  
dige/yezund so wilt du gar nichts wissen/was soll  
ich dir thun? Man handelt aber hienicht/das du  
vnentpfindlich vnd vnbesinner werdest/vnnd das  
du die krafft vnd verstand des gesetzes nicht fleys  
sig erforschen sollest/dann ob du schon auffhörest/  
vnd abstehest/so höret doch das vrteyl Gottes dei  
nes HERRN nicht auff/der zu seynen zeit/  
eyn zu iagen die krafft des gesetzes/vnd die emp  
findeniß der sünden vnd verdammniß. Sonder

AN ij man



Die Dreyzehen predig Johan. Brentii.

man handelt das/vnd gehet darauff vmb/das du verstandest/das es so weit dar von seie/das die erkantnuß diß kurtzē sprichlins dich von der predig das Euangelion zu hörē/solte abführen/dz es dich vil mer ladt/vermanet/vnnd treibt die predig des Euangelions zu süchen/in welcher du lereſt/wie du von den sünden so durch das gesetz erkant sind/ledig werdest/vnd die rechten seligkēyrt erlangest.

Der brach  
uch 8 pre  
dig des E  
uangelii  
ons.

Dann das Euangelion von Jesu Christo leret/dz Christus hab mit seinem blut vnserē sünd gebüßet vnd habe vnß den himlischen vater versönet/auff dz alledie so an Christum glaubē/werdē vor Gott from durch den glauben gerechnet/vñ werden mit dem heyligē Geyst begabet/auf welches krafft sie mögen iren glaubē/mit den wercken dises gesetzes/also anhin/bezeugen/vnd sich danckbar gegē Gott irem HERRN/vnd gehorsam erzeygen. Dar vmb ist das Euangelion von Jesu Christo zu hörē auff das du auß den gehörd den glauben empfangest auß dem glauben die gerechtigkeit/vnnd den heyligen Geyst/Gott nach seinem gesatz gehorsam sieest. Aber was so du alle ding so notdrwendig zur seligkēyrt sünd erkennest. Erstlich zwar/den einhalt der ersten taflen Mosi/du solt Gott deynē HERRN lieb haben vñ ganzem deinem hertzen. Darnach den einhalt der andren taflen/Du solt deinen nechsten lieben wie dich selbs/oder disen begriff/wie jr wölle das euch die leute thün sollen/  
also

In das Sechst Cap. des Euan. Luc. Cxxxv  
allso thut ihnen gleich auch jr/zum letzten auch den  
einhalte des Euangelions von Jesu Christo/Sihe  
das ist Gottes Lamb/welchs der welt sündet regt  
vnnnd verstandest die stücke alle auff das aller best/  
vnnnd vollkommenest/meynst du es werde dir dar  
vmb vnstreflich seyn/das du die heyligen predige  
en Gottes worts veräumest vnd verachtest?

Man soll  
die predi  
gē mit ver  
säumen.

Vnser widersächer der teüfel gehet vmbher/wie  
eyn brüllender lewe/vnnnd süchet/welchem er ver  
schlinde/vnd du wilt also on sorg schlaffen vnd nüt  
zilig seyn? vnd Paulus spricht Gal. v. Das fleisch  
gelustet wider den Geyst/vnnnd den geist wider das  
fleisch/die selbige seyn widerinander/das ihr nicht  
thut/was jr wöllet/vnd an die Epheser am. vj.  
Wir haben nicht zu kempfen mit fleisch vnd blüt  
sondern mit fürsten vnd gewaltigen/nemlich/mit  
den Herrē der welt/die in der finsternüß diser welt  
herrschen/mit den bösen geistern vnter dem himel.  
Vnd in diesem kampf/wie eyner anderley gesinnet  
ist/also darffe auch ein anderer anderley hilffedes  
heyligen geists. Der ist faul vnd langsam vnd be  
darff vermanens/dis er ist schwach/vnnnd bedarff  
sterckens/Eyn anderer ist traurig vñ engstig/vñ  
bedarff trosts/der ist zweyfelhaftig vnd wil ver  
zweiflen/vnd bedarff versicherung/dis er ist forcht  
sam vnd fluchtig/vnd bedarff das man im wider  
zuher locke/der ist starck/vnd bedarff erhaltens.

Kurz

## Die Vierzehen predig Johan Brenck.

Der heylig  
geyst  
ist  
tätig  
dur  
chs wort.

Kurzumb/es ist keyner der in disem geystlichem  
Kampff nicht bedärffte etwan cyns geschlechts der  
hilff des heyligen geysts. Der heylig geyst aber/  
ist krefftig vnnnd thätig durch die predig Gottes  
worts/vnd des Euangelij von Jesu Christo/Dar  
vmb/wie wol du eyn fleissige/vnnnd ganze erkant-  
nus hast des gesetzes/vnd des Euangelions/doch  
so du wol vnnnd recht deiner seel seligkeyt radrenn  
wilt/so wirt dir von nödten sein/das du die predi-  
gen/als vil du kanst/siehst vnd hörest. Auff das  
der heylig geyst dir durch sie die waffen darreiche  
mit welchen du dem teuffel widerstehen/vnd im re-  
chten glauben verharren mögest/durch vnserem  
HEXEN Jesum Christum/der zugleich mit  
dem vatter vnd dem heyligen geyst Gott ist /gelo-  
bet in ewigkeyt. Amen.

## Die Vierzehen Predig.



De wol Christus vnser  
HEXEN zu vor klärlich genög  
dis gesatz/ Du solt deinen näch-  
sten lieben wie dich selbs/hat auß  
gelegt/nemlich/dz dis gesatz nit  
alleyn gebeut den freund zu lie-  
ben/vnd dem freund güts thün/  
sonder/es gebeut auch den feind zu lieben/vnd jm  
güts

In das Sechst Cap. des Luan. Luc. Cxxxvi  
güts thun/yedoch so zeucht er yetzundt widerumb  
seyne außlegung herfür/vnd helt gegeneynander  
die lieben/welche in disem gesatz gebotten werden/  
Auff das auß der vergleichung/der rechte warhaff  
tig verstand dises gesetzes vns dester gewisser eins  
gepflanzet werde/Vnd spricht.

Vnd so ihr liebet die euch lie-  
ben/was dancks habt jr davon: denn die  
sünder lieben auch ihre lieb haber/vnnd  
wan jr ewern wolthetern wol thut was  
dancks habet jr davon: denn die sünder  
thun das selbe auch. Vnd wenn jr liebet/  
von den jr hoffet zu nemen/was dancks  
habt jr davon/denn die sünder lieben die  
sünder auch/auff das sie gleichs wider  
nemen. Doch aber liebet ewere feynde/  
thut wol/vñ leihet/das jr nichts da für  
hoffet/so wirt ewer lohn groß seyn/vnd  
werdt kinder des aller höchsten seyn/denn  
er ist gütig über die vndanckbaren vnd  
boßhafftigen. Darumb seyndt barm-  
herzig/wie auch ewer vatter barmherz  
ig ist.

Anfenglich/so ist zu mercken/das man in der  
außlegung dises gesetzes vñ gebots/du solt deynē  
nächste

Die Vierzehen predig Johan Brentij.

nechsten lieben wie dich selbs/ vil feltig pflegt zu se-  
ren. Den es sind etliche/die vermeynen es sei disem  
gesatz genüß geschehen/ so wir dem freünd gütlich  
thund/vnd werde auch feyn andere gerechtigkeit  
in disem gesatz erforderet/wie wir auch da oben an-  
zeygt haben. Es sind andre/die verachten die eyn-  
sörlich vnd burgerlich gerechtigkeit/vnd werffen  
oder thun von inen allen menschlichen vnd freunde-  
lichen annüt/welche eynfreund dem andren schul-  
dig ist/vnd lassen inen die weil trauern/all so ob sie  
eyner geystlichen gerechtigkeit volgen/vnd nach-  
sagen/wie vorzeyten etlich eynsidel gewesen sindt/  
vnder welchen etliche auch ire eygen vater vñ mü-  
ter/die sie mit weynen vnd zehern baten/nicht wol-  
ten ansehen/die andren/auff das sie erzeygeten/dz  
sie gar nicht irer angeborenen freund hallben in ire  
gemütern sich bewegen ließen/warffen sie ire eyge-  
nen kinder in die wasser. Wiedann auch zu vn-  
ser zeyt etlich widerteuffer sind/die weyb vnd kind  
verlassen/vnd werffen ire guten freund so für ihr  
heyl vnd leben bürg worden sind/in gefährlichkeit  
leibs vnd lebens durch ire trew lassen flucht/vñ rü-  
men sich doch dar vnder sie sagen der volkommenen  
gerechtigkeit nach/vnd bitten für ire feynd vnd  
verfolger.

Darumb iren etliche in der auflegung des ge-  
satzes von der liebe des nechsten gar zu vil auff die  
rechten hand/die andren zu vil auff die linken.

Christus

Anagoriza  
Luy Jm

Der eynsi-  
del narz  
heyt.

Der wids-  
teuffer  
gotloswe-  
sen.

Genatter  
über den  
zaun/ ge  
natter wi  
der herü  
ber.

**777**      **Disens**



Die Vierzehen predig Johan Brenth.

Christus  
bedarft  
die bur-  
gerlich ge-  
rechtigkeit  
nicht.

Die bur-  
gerlich ge-  
rechtigkeit  
ist an ihr  
selbs eyn  
grosse tu-  
get.

disen worten anzeygend dz dise gerechtigkeit zu flie-  
hen sei: Christus verdammet dise gerechtigkeit gar  
nicht/so leret er auch nit das sie zu fliehen sei/ son-  
der er vergleicht sie/ mit der andren gerechtigkeit  
die volkomener ist/ vnd zeygt an/dz die burgerlich  
gerechtigkeit nicht alleyn von dem gesatz erforde-  
ret werde/sonder das auch eyn andere gerechtig-  
keit die vil ubertrefflicher vn volkomener ist/vom  
gesatz erforderet werde/vnnd zwar die burgerlich  
gerechtigkeit gegen der andren vnd volkomener  
gerechtigkeit verglichen/hat vor jr eyn kleine wir-  
digkeit/odder wie Christus spricht/dancks odder  
lohns/ Jedoch so sie alleyn an jr selbs betrachtett  
wirt/so felet es also ferz dz sie zu verwerffen sei/dz  
sie vil mer eyn edel vn berumpte tuget ist/derẽ wir  
von noddren sollen nach iagen vnd volgen. Dann  
zu gleicher weyse/so man zin gegen silber/oder erz  
gegen gold vergleicht/Das silber wirt zwar dem  
zin furgesetzt vnd kostlicher geachtet/des gleychen  
wirt das gold dem erz weit furgesetzt/nicht deffer  
minder sind dennoch zin vnderz an jne selbs gut  
vn nit verechliche metall. Also auch in d vergleich  
ung der burgerlichen oder weltlichen vn geistliche  
(den es gefelt mir das ich sie also nenne) gerechtig-  
keit/uberrifft die geistlich gerechtigkeit die wele-  
lichen seer weit/yedoch ist die weltlich oder burger-  
lich gerechtigkeit an jr selbs eyn grosse tuget/vn  
großes lobs wert. Es stehet im gesatz geschribẽ im  
andren

In das Sechst Cap. des Euan. Luc. Cxxxviii  
andren büch Mosi am. xv. Du solt deyner vater  
vnd deyne müter ehren / guff das du langelebest.  
Wie wirt die weltlich gerechtigkeit gebotten / daß  
vatter vnd müter ehren / was ist das anders dann  
den wolthetern güts thun / welches / wie wol es mit  
den zolnern vnd sündern gemeyn ist / so hat es den  
nocht seinen danck vnd lohn / nemlich dz du / sprichst  
das gesatz / langelebest. Es haben auch die allten  
gesagt / das die danckbarkeit gegē den wolthetern  
seyngangz eerlich tuget / vnd das sie erhalte die ein-  
igkeit des menschlichen geschlechtes. Dargegen  
sagen sie / das vndanckbarkeit seie das schentlich-  
est laster. Daher auch Paulus / vnder denen / die  
von Gott in verkerre sünd gegeben sind / zeler die vn-  
freundlichen. Vnder welchem geschlecht auch die  
vndanckbaren begriffen werden / welche den men-  
schlichen annüt vnd freundlichkeit also gar von  
innen thund / das sie auch den güttern nichts güts  
thun. Darumb / wie wol die weltlich gerechtigkeit  
gegen eyner überraffenlichen gerechtigkeit ver-  
gleychen / nicht eyn grosse würdigkeit hatt / Dar-  
vmb das sie schlecht ist / vnnnd gemeyn mit den sün-  
dern vnd zolnern / Jedoch ist sie an ir selbs eyn ede-  
le grosse tuget / vnd wirt durch das gesatz erfordert  
vnd ist noch das sie geschehe / vnd wer sie verachtet  
der ist böser dann die vngleübigen / sündern / zolner  
vnd heiden. Im gesatz aber / du solt dein nechste lie-  
ben / wie dich selbs wirt nicht allein erforderlich die

Die Vierzehen predig Johan. Brentij.

weltlich gerechtikeit/welche ist/denn freund liebē  
dem gütheter gütz thün/vnd lebē/das du gleichs  
widerumb nemeſt/Sonnder es wirt auch ein weit  
übertreffenlichere gerechtikeit erforderet/welche  
wir ein geystliche gerechtikeit nennē/nemlich/den  
feind lieben/wolthün dem der vns arge thüt/vnd  
leihen/vnd nichts dar von hoffenn/Da her setzt  
Christus hin zu/Doch aber lieberr ewere feinde/  
Die geist  
lich gere  
chtigeyt thüt wol/vnd leihet/das jr nichts dar für hoffet.  
Wir haben da oben angezeigt/das vnder dem wort/  
Nächsten/nur alleyn der freunde/sond auch 8 feind  
sol verstandē werden/vnd so das naturlich gesatz  
erfordret/das alles das wir wollen dz vnß die leute  
thun sollen/also sollen wir auch jnen thün/So vol  
get vō nöten/dz wir also vnseren nechste durfftigē  
vñ armē lieben/dz wir nach vnserem v̄müßē seinē  
mangel zu hilff kumen/vñ leihen jm/dz wir nichts  
da für hoffen. Seit̄mal wir/so wir durfftig vnd  
arm weren/ebē dz selbig vō jm/den vberfluß hette/  
gewartig sein wöltē. Aber diser anmüt 8 liebe ge  
gē vnserem nechste er sei freund o8 feinde/wirt nit  
lohe/sond vff dz aller hüzigest/vnd aller volkum  
nest/vñ genglich dermassen/erfordert/wie der an  
müt vñ freundlich wille Gottes vaters gegen vnß  
mensche ist. Darum setzt Christus hin zu/Darum  
seid barmherzig/wie ewer vatter barmherzig ist/  
vnd aneynem andern ort/Darumb sollt ihr vol  
kumen seyn/gleich wie ewer vatter im himel vol  
kumen

Der an  
müt der  
liebe zu  
nächsten  
soll ganz  
hüzig  
sein.

In das Sechst Cap. des Luan. Luc. Cxxxviii  
 Kommen ist. Wie ist dann Gott barmherzig? Jo-  
 hannes der Apostel spricht also in seynrer ersten E-  
 pistel am. iiii. Cap. Gott ist die liebe / Er spricht <sup>Die barm-  
herzige  
heit Got-  
tes gegen  
vnß.</sup>  
 nicht Gott liebet vnß / oder hat vnß menschen liebe  
 Sonder er ist die lieb selbs / mit welchem wort er an-  
 zeygt / das die mensche lieben / vnd inen gûts thun  
 sein nicht cyn zu felliger oder cyn treger annûit vnd  
 frendeligkeyt in Gott / sonder sei eben seyne eygne  
 vnd warhafftige natur / nemlich / das Gott vnser  
 HERR / von seynrer natur her das cynig handler  
 das er die leute lieb habe vnd thûe inen gûts. Dañ  
 wie wol er vnder weylen die leute strafft vnd pey-  
 niget / vnd laßt sich sehen als ob er den leuten übelß  
 thûe / so ist doch das selbig cyn freind werck von im  
 dar vnder angenommen / durch welches er gleich allß  
 durch cyn werck zeug / zu seynem naturlichen vnn-  
 eygnen wercke vnn- zürnen welches ist gûts thun /  
 Komme / dañ also sagt Esaias agn. xxxviii. Cap. Wie <sup>Gottes et-  
gẽ werck  
ist / wol  
thun den  
leuten.</sup>  
 im tal Gibeon / das er seyn werck thûe / auff cyn an-  
 dweise / vñ dz er sein erbeit thûe / auff cyn and weise  
 dz ist cyn freind werck von im / aber gûts thun / dz  
 ist enlich dz eygẽ vnd natürlich werck des Herren  
 den sein zorn / spricht der. xliii. psalm / weret cyn  
 augen bilck / vnd er hat lust zum leben / vñ Hefecte.  
 am. xviii. Weinst du / dz ich gefallen habe am tode  
 des gotlosen (spricht der Herr) vnd nit vil mer das  
 er sich bekere vonn seinem wesen / vnd lebe? Vnn-  
 der Prophet Micha am. vii.

Der

Die Vierzehend predig Johan. Brentij

Der seinen zorn nit ewiglich behelt/den er ist barm  
herzig. Er wirt sich vnser widgr erbarmen/ Vnd  
Gott er zeuget nicht alleyn an/ mit Worten der hey  
ligen geschriffte/ sonder auch mit der that/das sei  
ne liebe/ vnd wolthat gegen den leuten sein natur/  
vnd art sei. Erstlich/dann/wie Christus sagt/er  
ist gütig über die vndanckbarn/vnd böshafftige.  
Oder wie in Matheo gesagt wirt: Er laßt seine  
Sonne auff gehn vber die bösen/ vnd vber die güt  
ten/vnd läßt regnen/vber gerechten/vnd vngerech  
ten. Diß ist ey anzeygung der aller grosten liebe/  
vnd güt hat in Gott gegen den leuten. Denn/das  
ich nicht rede von den geizigen/Gottes lesterern/  
hurrern/ehbrechern/vnd der gleichen andren/  
welche alle augenblick Gottes gesag vbertreten.  
Wie vil meynstu das leut seiē/die allezeit wid Got  
murmulen/Gott lesteren/Gott für vngerecht/vñ  
vnbillig vrteylen/Ia sie achten auch das gar kein  
Gott sei. Dann die thoren sprechen in irem hertzen  
es ist keyn Gott: vnd Gott vnser HERR leidet  
solche leute so gedultig die da wert weren tausent  
mal des tunders/vnd der helle/ia er thut inen noch  
grosse guthaten dar zu/Er gibt inen das leben vñ  
alles was zu dem leben nodt ist/Das vnser Sone  
(spricht der Cyliij. Psalm) auff wachsen inn irer  
jugent/wie die pflanzen/vnd vnser tochter/wie  
die außgehaurene ercker/gleich wie die palast/vñ  
vnser kammern vol seien/die er auß geben könnē/  
eynen

Zeugnis  
der liebe  
Gottes  
gegen  
vñß.

In das Sechst Cap. des Euan. Luc. Cxxxv  
eynen voradt nach dem andren / das vnser schaffe  
tragen tausent / vnd hundert tausent / auff vnserē  
dörffern / das vnser ochsen vil erarbeiten / dz keyn  
schade / keyn verlust / noch klage auff vnseren gas  
sen sei. Wie künde es möglich seyn das Gott den  
gottlosen menschen so vil vnd grosse guthaten be  
weise / wo er nicht von seyner natur her barmherz  
ig vnd gütig were? Darnach ist daran zu vor auß  
auch die liebe Gottes gegen vnser schinen / wie Jo  
hannes spricht / Johan. iiii. nicht das wir Gott ge  
liebet haben / sonder das er vnß geliebet hat / vnn  
gesandt seynen son zur versönung für vnser sün  
de. Vnd wie Paulus sagt Rom. v. Darumb prei  
set Gott seyne lieb gegen vnß / dz Christus für vnß  
gestorben ist / da wir noch sündler vnd feynde warē.  
Aber das Gott seynen eyngeworbenen vnd vn schul  
digen Sone in den tod geben hatt / für die feynde  
vnd gotlosen / auff dz sie selig wurden / das ist war  
lich keyn schlechte liebe / sonder es ist die gute vnn  
liebe selbs. Sonun gebotten wirt / das wir sol  
len barmherzig sein vnd guthetter gegen vnseren  
nechsten / wie dann vnser himlischer vatter barm  
herzig ist / so wirt klarlich erfordret / das wir geng  
lich eynen götliche annüt die liebe gegen vnseren  
nechsten haben sollen / vnd in mitt so grosser vnn  
hitziger liebe / lieben / das wir tag / vnd nacht nichts  
anders gedencken noch thuen / dann das wir güt  
thuen / Jederman er sei feynde oder freund. Es

DD ist



Die Vierzehen predig Johan Brentii.

Ist auch nichts neues/das hie an diesem ort erfordert wirt. Dann so im gesatz wirt gesagt/ Ir sollt heylig seyn/dann ich binn heylig der HERR ewer Gott/vnd aber eyn mal im.v.büch Mose am xiiij. Cap. Ir sollt kinder seyn des HERRN ewers Gottes/warlich so wirt eben gleich die reynigkheyt/lauterkeyt/gerechtigkeyt vnd heyligkeyt von vnser erfordert im gesatz/die in Gott vnserem HERRN ist.

Was dancks werden wir aber erlangen auß dieser liebe des nechsten: Was für eynen lohn werden wir auß eynem solchen werck darvon bringen?

Ewer lohn/spricht Christus:wirt groß seyn/vnd werdet kinder des aller höchsten seyn/So wir aber kinder sind/so werden wir auch erben sein als

Die liebe  
lohn.

ler götliche güter. Was höre ich hie neues: verdienen wir dann mit vnseren güten wercken den himelischen lohn/das wir kinder/vnd erben Gottes seien?

verdient  
der güten  
wercke.

wie sagt dann Paulus zu den Galatern am. ij. das durch das gesetzes werck keyn fleisch gerecht wirt vor dem angesicht Gottes/vnd aber eyn mal.

Den die mit des gesetzes werck vmbgehn/die sind vnder dem fluch. Vnd Christus Luce am. xvij.

Wann jr alles gethan habt/was euch bevolhen ist/so spricht/wir sind vnnütze knechte/wir haben gethan das wir zu thun schuldig waren: So wir durch die werck des gesetzes nicht gerecht werden/vnd sind vnnütze knecht ob wir schon alles thund/

wie

In das Sechst Cap. des Euan. Luc. Cxxxviii  
wie können dann wir durch die guten werck des himelisch erbe vnd das ewig leben verdienen?

Das wir in diesem handel eyn rechten verstande haben/so ist vnns wol zu mercken/das Paulus zu den Römern schreibt am. vii. Das gesetz/spricht er: ist ye heylig/vnd das gebot heylig/recht vnnnd gütt/vnnnd ist zu dem leben auff gericht/dann die sünden am vrsach am gebotte vnnnd betrogemich/vnd tödtet mich durch das selbig gebott/vnd/das gesetz ist geistlich/ich binn aber fleischlich/vnder die sünde verkaufft. Auß diesen Worten Pauli müssen wir lernen eygentlich/vnd mit außgetruckten Worten von den wercken des gesetz reden. Denn es ist eyn anders/so wir reden von den wercken des gesetz/so ferz sie durch das gesetz gebotten werden Eyn anders ist es/so wir reden von den wercken des gesetz/so ferz sie von den leuten geschehen.

Dann so du die werck des gesetz an jnen selbs betracht est/wie sie im gesetz gebotten werden/So ist es offembar/das wie das gesetz Gottes ganz heylig vnnnd vollkommen ist/allso gebeut es auch nicht andere werck dann welche ganz heylig vnnnd vollkommen seyndt/welche so sie also geschehen/warlich/so verdienet sie durch ire würdigkeit den lohn des ewigen lebens vnd seligkheyt.

Dann welches werck ist grösser/heyliger vnd vollkommener dann das in diesem kurtzen begriff des gesetz gebotten wirt.

Das gesetz  
ist heylig  
vnnnd gebeut  
vollkommen  
menne  
werck.

¶ Du

Die Vierzehen predig Johan Brenth.

Du solt Gott deynen **HERRN** lieben von  
ganzem deynem hertzen/von ganzer seelen/vom  
ganzem gemüte/vnnd auß allen deynen krefftē/  
vnd/du solt den nechste lieben wie dich selbst: War  
lich das werck/allß ferre es durch das gesetz erfor  
dret wirdt/ist so groß/das es wirdig ist des lohn  
der ewigen seligkēyt/doher auch das gesetz im drit  
ten buch Mosi am. xviii. sagt. Darum solt jr me  
ne sagunge halten vnd meyne rechte/dan welcher  
mensch die selben thut der wirt da durch leben/vn  
im. v. buch am. xxx. Ich neme himel vnnd erden  
heute über euch zu zeügen/Ich habe euch leben vnd  
tod/segē vnd fluch fürgelegt/den segē/so jr wer  
det gehorsam seyn den gebotten Gottes eweres  
**HERRN**/den fluch/so jr nicht werdet gehor  
sam sein. Vn im Euangelio da Christus von dem  
schrifftgelerten gefragt ward/was er thun müste  
das er das ewig leben erlangen möchte/Antwort  
im Christus/wilt du zu dem leben ingehn/so halt  
die gebott Gottes/Vnd Paulus Rom. ij. Preis  
aber vnd ehre/vnd fride/allen denē/die gūts thun  
vnd bald hernacher/Nicht die dz gesetz hören/sind  
vor Gott gerecht/sonder die dz gesetz thun/werde  
gerecht sein/vnd aber eyn mal. i Tim. iij. Die got  
seligkēyt ist zu allen dingen nutz/vnd hat die ver  
heißung/dies vnd des zukünfftigen lebens. Auß  
diesen vnnd vilen andren dretē der geschrifft ist  
klar vnd offēbar/dz die werck des gesetzes/so fer

In das Sechst Cap. des Luan. Luc. Cxxxvij  
 re sie durch das gesetz gebotten werden sind also  
 heylig vnd volkommen/das sie wo sie also geschehen  
 das ewig leben verdienen. Darumb sagt Christus  
 recht/dz vnser belonung groß sei/so wir die feynd  
 lieben/vnd jnen güts thund/das ist/so wir das ge  
 setz Gottes volkomen/vnd ganz/wiees dann ge  
 botten ist/erfüllen. Wann du aber die werck des  
 gesetzes betrachtest/so ferre sie von den leuten gesche  
 hen/So ist es klar/das keyne werck der menschen  
 sind so gut vnd gerecht/das sie durch ire wirdig  
 keyt die gnad Gottes/vnd das ewig leben/verdie  
 nen/Daß alle menschen sind sündler/in sünden em  
 pfangen vnd geboren/vnnd also vnder die sünde  
 verkauft/dz sie auch/ob sie wol hernach auß dem  
 Geyst geboren werden/nicht thun können was sie  
 wollen. Das gesatz/spricht Paulus Rom. vij. ist  
 geystlich/Ich aber bin fleischlich vnder die sünde  
 verkauft/denn ich weys nicht was ich thu/den ich  
 thu nicht was ich wil/sondern das ich hasse dz thu  
 ich. Darumb die sünde die in vnserem fleisch wo  
 net/die laßt vnser güte werck nit überal vnd ganz  
 lich volkomen vnnd heylig seyn/So sie aber nicht  
 volkomen vnd heylig sind/vnd haben eyn mangel  
 an jnen/warlich so ist es so weit dar von das sie dz  
 gesatz erfüllen vnd das ewig leben verdienen/das  
 sie vil mer/so man ernstlich von irer eygenschafft  
 auß dem gesatz vtheilet/des fluchs wirdig gerech  
 net werden. Deshalben so Paulus sagt Gal. ij.

Der men  
 schē werck  
 verdienē  
 nicht die  
 gnad got  
 tes.

Die Vierzehen predig Johan Brentij.

Darum wirt durch des gesetzes werck keyn fleyß  
gerecht/vñ weiter/den die mit des gesetzes wercken  
vñ gehē/die sind vnter dem fluch da sieht er nit vff  
die wercke des gesetzes/als ferz sie durch dz gesatz ge  
bottē sind/dan dise/die weyl sie volkommen geboten  
werdē/sind sie die gerechtigkeit vñ 8 segē/Sond  
er sieht vff die werck des gesetzes/so ferz/sie von den  
mensche in sündē empfangē vñ geborē/geschēhē/di  
se/die weil sie mit dem brestē 8 sünden befleckt sind/  
so kōnden sie nit für die gerechtigkeit vor Got ge  
rechnet werdē/vñ welcher alleyn mit denē wercken  
vñ gehet/8 ist vnder dem fluch vnd 8 ewigē vdam  
niß. Vñ zwar dz gesatz erfordret von allē mēschē  
seine volkommenen werck/welche die menschen auch  
thun kōntē so sie den heyligē geist von natur hettē  
wie sie in gehabt hettē/wan Adam nit gesündigt  
hette. Nun aber die weil/die sünde durch eynes mē  
schē willē in die welt kōmen ist/so kan nichts volko  
mē gūt von den mēschē geschēhē/so kan auch dz ge  
satz nit volkommen von inē erfüllet werdē/darumb  
werdē sie von dem gesatz vflucht/vñ dem teuffel ge  
gebē. Wz ist im den: ist dan keyn ander wege mer  
vorhanden/dadurch wir von dem fluch vñ teuffel  
möge erlöset/vñ wid vmb zur seligkeit gebracht  
werdē/die weil vñ nit kan geholffen noch geratē  
werdē durch die werck des gesetzes/die von vñ ge  
schēhē: Warlich/es ist kein weg der seligkeit vor  
handlē

In das Sechstcap. des Euan. Luc. Cxxxviii  
 handen/so wir die weyßheyt vnser s fleisch hören  
 wollen. Aber so wir den heyligen Geyst hören wol  
 len/vñ die gütigiste barmherzigkeit Gottes raders  
 fragen/so werden wir erkennen vñd lernen/das  
 vnß eyn anderer wege/vñd eyn ganz gemütsamer <sup>der gele</sup>  
 vñd wolgelegener wege vnserer seligkeit/vñß für <sup>genest we</sup>  
 gesetzt ist/durch welchen wir nicht alleyn dem teuf <sup>ge zur seli</sup>  
 fel entfliehen mögen/sonder werden auch zu kind <sup>keit.</sup>  
 Gottes/vñd zu erben aller himlischen güter/auff  
 genommen. Welches ist dann der selbig weg der se  
 ligkeit? Höre paulum der zu den Römern amach  
 ten also schreib. Denn das dem gesetz vñmüglich  
 war (seitmales durch dz fleisch geschwechet ward)  
 das that Gott/vñd sandte seynen Son/in der ge  
 stalt des sündlichen fleisches/vñd verdampft die  
 sünde im fleisch durch sünde/auff das die gerech  
 tigkeit vom gesetz erfordret/in vnß erfüllet wurde  
 Diser spruch Pauli wirt offte vñm vnß an zogen  
 vñd geefret/zu vor an in diser auslegung des ge  
 setzes/welches wir yetzund in der erklärung der pre  
 dig Christi handeln. Dannes ist eyn spruch der ser  
 wol zu mercken vñd zu bedencken ist/vñd legt vñmß  
 auß/was noch für eyn weg der seligkeit vorhan  
 den seie.

Nach dem wir nicht köndendurch die werck/  
 die wir thunde/weder das gesetz erfüllen/nach die  
 frommkeit vñd das ewig leben erlangen.

Das



Die Vierzehend predig Johan. Brenck

Das dem gesatz/ spricht er: vnmüglich war/ was war im vnmüglich: die sündelichn nemē/ vnß from̄ vnd selig machē/ Von wānnen was aber das dem gesatz vnmüglich: Ist dann das gesatz Gottes an im selbs also vnuoltkommen/ das es nicht werck gebietedie gerecht/ vnd heylig genüg seien/ durch welche wir gerecht/ oder from̄/ vnd heylig wurden: Gar nicht/ dann das gesatz Gottes ist ganz volkōmen/ vnd gebiet ganz heyligewerck/ dz auch kein heyligere mögen erfunden werden/ daruñ kompt es nicht von dem gesatz her/ das wir nicht gerechtfertiget werden durch die werck des gesetzes/ sond es kompt von dem fleisch her/ Seitmales spricht er: durch das fleisch geschwechet war. Dann die leut sind von jr natur her vil schwacher/ deñ das sie dem gesatz vollkommen genüg thūn mögen. Darvmb ist es vnmöglichen/ dz wir durch die werck des gesetzes gerecht/ vnd selig werden mögen. Wie ist im dann: Hat vnß dan̄ Gott vmb der vrsach willen verworffen: Wir weren zwar ganz wert gewesen das er vnß verworffen/ vnd dz er vnß in vil helle verdammet hette. Aber Got vnser HERR/ dieliebe selbs ist/ hat vnß mit so grösser gütigkeyt vmbfangen/ das/ was dem gesatz vnmüglich was das that Gott auß barmherzigkeyt/ vnd sandte seinen eygnen Son/ in der gestalt des sündelichen fleisches. Wellcher zwar zum ersten dem gesatz vff das aller vollkommnest genüg than hat/ vnd hatt nicht

In das Sechst Cap. des Euan. Luc. Cxliij.

nicht alleyn die freund/sonder auch seine feind vff  
das aller freuntlichest/vnd gantzlich nach dem re-  
chten verstand dises gebotts/geliebet/vnd hat alle  
menschen/auch seinen wider sächern/weit das aller  
best gethon. Darnach ist er für vnser sünde/ein  
versonung vnd genügthung worden/vnd hat in  
vnß die sünd außgetilget durch das/das er eyn op-  
ffer worden ist für vnser sünde/Disen seinen Son  
Jesum Christum hat vnß Gott geschenckt/ Erste  
lich/vmb der versach willen/auff das die gerechtig-  
keyt vñm gesetz erfordret/in vnß erfüllet würde/  
das ist/das wir in Christo hetten verzeihung der  
sunden/die gerechtigkeit/vñnd die erfüllung des  
gesetzes/vnd wurden nicht anderst vmb Christus  
willen/so wir an ihn glauben/vor Gott gerechnet/  
Denn so wir selbs mit vnseren werken dem gesetz  
Gottes vollkommenlich hetten genüg gethan: vñ  
wurden also vmb Christus willen zu kindern Got-  
tes angenommen/vnd in die gerechtigkeit der him-  
melischen erbschaft eingesetzt.

Warum  
Christus  
vnß von  
Gott ge-  
ben sei.

Darnach hatt er vnß geschenckt Jesum Chri-  
stum/nicht das wir fort hin weiter den sunden ge-  
horsam seien/vnd die feind hassen/sonder/das wir  
vil mer durch Christum den heyligen geyst empfa-  
hen/durch welches krafft wir das vberig vnser  
fleysches außfegen/vnd brauchen vnß recht/vñnd  
wol der verzeyhung der sunden/vnd gerechtigkeit  
durch den glauben empfangē/vñ beweisen die mit

pp vnse

Die Fünffzehen predig Johan Brent ff.  
vnseren werckē welches/wie wol es in disem fleisch  
vollkommen nicht mag geschehen/yedoch mage es  
vnd muß durch die krafft des heyligen Geysts ge-  
schehen/das der haß vnseres feyndes nicht herrsche  
in vnserem hertzen/das wir nicht gehorsam seyen  
den bösen begirden des zorns vnd neides/Sonder  
das wir vnser gelieder begeben knecht der liebe ge-  
gen freunden vnd feynden. Also hat der heylig  
Geyst in Mose geregiet/welcher/ob jm wol übel  
widerfure von den kindern Israel/welche er auß  
Egypten mit seynes eygenn lebens gefärkigt eyt  
geföret hatte/vnd hatte vil vrsachen den vndanck-  
baren arges zu vergelten/dennocht hat er nit nach  
dem fleisch gewandelt/sonnder er tödtet die werck  
des fleisches durch den Geyst/vnnd wollt vil lieber  
auß dem büch der lebendigen außgethan werden/  
weder den vndanckbaren böses widergelden.

Also hat auch der heylig Geyst im Dauid gere-  
gieret/welcher/wie wol er durch das fleisch getri-  
ben wurde/das er den König Saul seynen feynd  
erwürgen solt/Jedoch hat er die begird des fleisch  
es durch den heyligen Geyst/überwunden.

Das lasse/sprach er: .i. Regum .xxviii. Der  
HERR ferne von mir seyn/das ich das thun  
solte/vñ meine hand legē an meynē HERRN  
den gesalbten des HERRN.

Also hat der heylig Geyst in Paulo geregie-  
ret/welcher/wie wol er nicht so cyn groffer cynig  
eyt

In das Sechſt Cap. des Euan. Luc. Cl.  
Keyt der liebe gegen ſeynen vervolgeren die Iſraeli-  
ter hatte / allß groß ſie das geſatz Gottes erfor-  
dret. Dannecht wünſchet er / durch den heyligen  
Geyst geregiet / verbannet zu ſeyn von Chriſto /  
für ſeynebrüder vñ gefrembden nach dem fleiſch  
Der heylig Geyst hatt allſo auch in dem heyligen  
Stephano geregiet / welcher / ob er ſchon noch die  
angeliebten des fleiſches an im trüge / vñnd zum  
rach ſeyner vervolger getriben ward / Jedoch hat  
er durch den heyligen geyst überwunden die böſen  
begirden des fleiſches / vñd kneiet nider vñd ſchrey  
laut / HERR / behalt jnen diſe ſündenicht. Vñd  
es iſt ja vonnöden / dz alle die ſo an Chriſtum glau-  
ben / nicht wandlen nach der ſinnligk eyt vñ annüt  
des fleiſches / welche der tod iſt / ſonnder nach dem  
annüt vñd geystlich geſinnet ſeyn / welches iſt fri-  
de vñd das leben.

Denn wie wol die werck / die durch den heyligen  
geyst auß dem glauben geſchehen / durch ſich ſelber  
nicht vollkōmen dem geſatz Gottes genügt thund /  
doch / die weyl wir an Chriſto haben verzeyhung  
der ſünden / vñd die erfüllung des geſatzes / ſo ſind  
es Gott die aller angenehmſten Gottes dienſt / vñnd  
ſeine dieliebſten opffer / welchen Gott auch ire belo-  
nung gütigklich gibt / nicht vmb der vollkōmen-  
heyt vñd würdigk eyt willen der wercke / ſonder vñ  
Jeſus Chriſtus willen vnſers HERRN.

pp u Darvmb

## Die Fünffzehen predig Johan Brenth.

Darumb/so wolan/ihr aller alleliebsten laßet  
vnß fleiß ankerē/auff dz die sünde nit hersche in vn  
serem sterblichen leibe/im gehorsam zu leyßen inn  
seyen lüsten/vnd laßt vnß nicht begeben der sün  
den vnserer gelider zu waffen der vngerechtigkeyt/  
sonder vnß laßt selbert Got ergebē/als die auß den  
todten lebendig sind/vnnd vnserer gelider Gott zu  
waffen der gerechtigkeyt/auff das wir das ewigle  
benn haben durch vnseren IESUM Jesum  
Christum/der zu gleich mit Gott dem vatter vnnd  
dem heyligen Geyst Gott ist/gelobt in ewigkeyt.

Amen.

## Die XV Predig.

**I**n der auflegung dieses gesetzes / Du sollt deys  
nen nechsten liebenn wie dich selbs/über die an  
dren stück/setzt Christus auch diese wort hinzu.

**V**nnd wenn ihr leihet / von  
denen jr hoffet zu nemmen/was dancks  
habt jr da von? denn die sündler leihen  
den sündler auch/auff das sie gleichs wi  
der nemen/doch aber/liebert ewere feyn  
de/thut wol/vnd leihet/da jr nichts da  
für hoffet/so wirt ewer lohn groß seyn/  
vn̄ werdet kinder des aller höchsten sein.

Dann



**D**ann die liebe des nech-  
sten / wann sie gerecht vnd war-  
hafftig ist / bringet sie nicht ab-  
leyn mit jr die weltlich gerecht-  
heyt / dz du dem leihest / von dem  
du gleichs wider vmb hoffest.

Sonder auch das du leihest dem  
nemlich / der da dürfftig vnd arm ist / von welchem  
du nicht gleichs wider vmb hoffest. Dann eyn ye-  
der hat sich selbs also lieb / das er begeret das man  
im mit leihen hilffe / so in die nott vnd armüt über-  
felt / ob er es schon nicht wider vmb bezalen kan.

Darumb so leret in hie der hauszuchtmeyster vnd  
vermanet in / das auch er dem der mit der nott vnd  
armüt gedruckt ist / mit leihen zu hilff komme / ob  
schon der / dem gleichen wirt / mit wider vmb zu be-  
zalen hat. Aber hie an disem ort / daran gesagt  
wirt / leihet das jr nichts darfür hoffet / treget sich  
eyn frag zu / obe es eynem Christen auch gezimme /  
handtierung mit kauffen vnd verkauffen zuge-  
brauchen / darinnen gleichs vmb gleichs gegeben  
wirt. Vnd zu vor an fraget man ob es auch eyn-  
em Christen gezimme jarliche zinse zu kauffen vnd  
zu haben / nemlich / als eyn gulden jarlich nemmen  
auß eynem ligēdē gūt / oð auß den gütern einer stat  
vmb zwonzig erkaufft / oder fünff auß eynem ligē-  
den gūt / oð gütes eyner stat vñ hundert erkaufft  
vñ also von andren des gleichen / welcher kauffe zu



## Die Sünffzehen predig Johan Brenck.

diser zeijt gang gemeyn ist/ Es sind aber etlich die auß disem ortt/lei hett/da jhr nichts da für hoffet/ sprechen vnd vrteylen das diser kauff vnzimlich vnd eyn wücher sei/vnd vrteilen das die/so sich solches kauffs gebrauchen/sündigen. So wöllem wir nun yetzund eyn wenig weitleüffiger vom disem kauff reden. Vnderstlich wöllem wir erklären den rechtē verstand diser wort/leiher/da jr nichts da für hoffet. Darnach wöllem wir anzeygen/wa die billigkeyt odder vnbilligkeyt der burgerlichen handtierung vnd keuffe zu erfodren sei. Zum letzten wöllem wir darchun/was die weltlichen gesetze von dem kauffe der jārlichen zinsē vnd gullt halten. So wir dise stück mit fleiß ersuchen/so wirt vnns gang offembar werden/ob eyn Christe möge mit gutem gewissen solchen kauff gebrauchen.

Erstlich nun/was den verstand diser wort/leiher/da jr nichts da für koffet/betrifft/ist zu mercken/das vnß wie im lieben/also auch im leihen/werden zweyerley ordnung oder parteien der menschē fürgesetzt. Denn im lieben/wirt vnß auff eyner seytē fürgesetzt die party der freunde/auff der andren seytē aber die party der feynde/vnd so ich mich kere zu der party der feynde/da wirt mir gebottē das ich die feynde lieben soll/zimmer es sich dann nicht den freund lieb haben/die weil geboten wirt das ich die feynd lieben soll? Warlich es zimmer sich nicht alleyn/sonder es ist auch von nöden das ich

Es findt  
zweyerley  
geschlechter  
menschē  
zu lieben.

In das Sechst Cap. des Luan. Luc. Clif.

ich den freund liebe/zwar nit in der feynd ordnung  
oder parrey dar innen ich keynen freund/finde son  
der in der ordnung der freunde/vnd eyn yetlich lie  
be/beide gegen den feynden/vnnd auch gegen den  
freunden/sol je geding vnnd eygen schafft haben/

Denn in der liebe des feyndes wirt eben eynerley  
frenndeligkeyt/einbrünstige liebe vnd lanterkeyt  
erfordret/gleich wie sie gegen dem freund sol gehalten <sup>Liebe des</sup>  
ten werde. Aber in der liebe des freunds wirt von <sup>seynds.</sup>  
vnß erfordret/das wir den freunde nicht Gott vnß <sup>Liebe des</sup>  
serem <sup>freunds</sup> **EXXII** für setzen/wer vatter vnß miß  
ter/spricht Christus/meer liebet/denn mich/der ist  
meyn nicht wert/vnd wer Son oder rochter meer  
liebet/denn mich/der ist meyn nicht werdt.

Also werden auch im leihen/vnß zweierley par  
reien der menschen für gesetzt. Die eyne ist der ar  
men/die nichts haben noch besitzen/die ander ist de  
ren die reich sind/oder deren die äcker/felder vnnd  
andere zeytliche güter besitzen. Vnnd so ich mich  
kere zu dem hauffen oder partheien der armen/vnß  
die nichts haben noch besitzen/vnnd si bedäselbst <sup>den armē</sup>  
nodt/da ist dann gebotten/das ich leihen soll/vnd <sup>soll man</sup>  
nichts dar für hoffen. Denn das ist/s das so offte <sup>leyhen.</sup>  
das gesag Mosi/die Propheten/Christus vnd die  
Apostel vnß einblewen.

Ja es ist eben das/zu welchem vnß die natur der  
menschliche vernunft fñret vnd emanet nemlich  
das

Die Fünffzehen predig Johan. Brentii.

man mag  
sich bur-  
gerlicher  
handier-  
ung vnd  
keuff ge-  
gen den  
reichen  
brauche.

Das wir der nott vnd dürfftigkeit vnserer nechsten  
auff was weise wir könden/zu hilff kommen sollen  
vnd sollē mit vnserem überfluß/wie Paulus sagt/  
jrem mangel zu hilff kommen/vonn welcher sacht/  
die weyl wir da oben oft darvon geredt haben/nit  
von nöden ist vil zu sagen. Darff man dan dar-  
vmb sich nit burgerlicher handierung vnd keuff/  
darinnen gleichs vmb gleichs gegebē wirt/gebru-  
chen gegen dem reichen/vnd der acker vnd güter be-  
sitz die weil gebotten ist/das ich dem armen sol zu  
hilff kommen/vnd vmb sunst leihen/vnnd müß ich  
auch den reichen vnd die hab vnd güter haben vn bes-  
sigen leihen on hoffnung wider zu nemen: in key-  
nen wege. Dann wie in dem lieben/wie wir cyn we-  
nig zu vor gesagt haben/es mir zwar von nöden  
ist/die feynde zu lieben/so ich mich zu der ordnung  
oder partey der feynde kere/Jedoch sol ich vnder  
dem auch die freund lieben/die ich auff dem andren  
teil habe. Also auch im leihen/ist mir zwar von nö-  
ten/das ich den armen nach meynem vermügen zu  
hilff kome/doch zimmet mir auch vnder dem/mitt  
den reichen/vnd die acker vnnd andre güter haben  
burgerlich handierung vnd keuffe zu treiben.  
Vnd so ich vnder dem hauffen binn/da wirt dann  
nicht erfordret/das ich leihen sol/vnd nichts dar-  
für hoffen. Wie auch nicht erfordret wirt/das ich  
die feynde liebe/so ich vnder d ordnung der freund  
binn/nemlich darumb das ich vnder den freunden  
keynen

In das Sechst Cap. des Luan. Luc. Eliij.  
Keinen feind habe / Sonder es wirt erfordert das  
Paul. j. Tes. iij. schreibt / dz niemant zu weit greif  
fe nach überfortheile seinen brüder im handel: Dañ  
wann es eynem frommen Gott seligen menschen  
nicht zimpre burgerlichen zu hantieren / Kauffen/  
vnd verkauffen / vnd gleich vñ gleiches nemen / so  
hette Paulus nicht alleyn den betrug / vnd verfor  
teylen im handel / sonder die hantierung / vnd han  
del selbs verworffen / vnd verdammet / Vnd sunst  
auch in der ersten Epistel an die Corinthen am vij.  
spricht er: vnd die da Kauffen / als besessen sie es nit  
vnd die diser welt brauchen / das sie der selbigen nit  
mißbrauchen / wñ die handrierung des Kauffens  
vnd verkauffens vnder cynander / deren die so äck  
er vnd andere güter besitzen / sich vñnder cynander  
gebrauchen vnd yeben an im selber gottlos / vñnd  
vnrecht were / So wirt Paulus nicht alleyn des  
Kauffers gemüt vñnd hertz straffen / sonder er hette  
auch den Kauff selbs verworffen / vñ so es vnrecht  
were von deren die güter haben gleich vmb gleiches  
nemen. Warumb haben den die Christen in den ge  
schichten der Apostel / die äcker oder heuser hatten /  
die selbigen verkaufft / vnd haben das gelt für der  
Apostell fñg gelegt: Warumb haben sie ire äcker  
vnd heusser nit vmb sunst den Kauffern erausser ge  
ben: Aber es ist das / dz wir gesagt habē / so man  
zu den armen kompt / so soll man ihrer nott vmb  
sunst zu hilff kommen / on hoffnung des widergel

Die funffzehen predig Johan. Brenetij.

rens/So man aber kompt zu denen die gelt/acker  
wissen vnnnd andre güter besitzen/da ist nicht von  
nödren/das eyner seine güter vmb sunst auß gebe/  
sonder man mag wol offentliche handrierung vñ  
Teuff/dar innen gleich vmb gleichs ge geben wirt/  
brauchen vnd treibē. Darumb so man sagt/leiher/  
das ihr nichts da für hoffet/werden die weltlichen  
vnd burgerlichen handrierung vnd Teuff nicht ver  
botten/sonder es wirt alleyn gebotten dñ wir des  
nächstennode zu hilff kommen sollen.

Aber/so wir sindt vnnnd handeln vnder denen  
die Acker/vnd andere güter besitzen/mitt burger  
lichen handrierung/vnd Teuffen. Da fraget man  
entlich/ob es auch mit gütem gewissen zimlich/vñ  
billich sei/auff cynem ligenden güt/odder auff den  
güter eyner statt/järlich zins/vnnnd gült kaufen?  
Ob diser Kauff järlicher zins/vnd gült vnzimlich  
vnd cyn wücher sei? Wan es offembar vnd gewiß  
were/das diser Kauff vnzimlich/vnnnd cyn wücher  
were/so were keyn zweyffel da/das sollicher Kauff  
cynem Christen menschen gar nit zimpre/dann der  
gelt wücher vnd vnzimlich gewin ist seer ernstlich  
im gesag verbottē. Es stehet im andern büch Mo  
si am xvij. Ca. also geschriben/wen du gelt leihest  
meinem volck das arm ist bei dir/solst dich nicht  
als cyn wucherer gegen im halten/vñ keinen wuch  
er auff im treiben: Vnd im v. büch Mo si/am xvij.  
Capitel. Du solt an dinem brüder nicht wuchern  
weder

Ob zins  
kaufen  
billich sei

Wucher  
ist im ge  
sag ver  
botten.

In das Sechst Cap. des Luan. Luc. Clüß.  
weder mit gelt/nach mit speise/nach mit allem da  
mit man wuchern kan. Andem frembden magst  
du wuchern / aber nicht an deynnem brüder/auff  
das dich der HERR deyn Gott segene / in al  
lem das du für nimmst. Vnd es ist keyn wunder  
dß/der gelt wücher verbotten ist im gesatz/die weil  
es wider dienatur des gelts ist/dann gelt kan von  
seyner natur nicht gelt geben oder bringen/wie  
eyn künle das in eynen acker geworffen ist / Aber  
im wücher bringt eyn pfenning den nadren/Dar  
vmb wisset der wücher wider die natur.

Daher auch / darumb das der wücher weder  
mit der natur/nach mit dem gesatz übereyntömet  
wirt im .xiiij. psalmen gesagt/wer seyn gelt nicht  
auff wücher gibt/der wirt wol bleiben.

Der wüch  
er ist wid  
die natur  
vnd das  
gesatz.

Vnd in der hütten des HERRN wohnen/  
vnd der Prophet Heseckiel am .xviiij. Der nicht  
wü.hert/der niemand übersetzt/der soll das leben  
haben/Darumb welcher wü.hert/der wirt weder  
in der hütten Gottes wonen/nach das leben haben  
sonder er wirt sterben. Dann dise straff der wüche  
rer wer leidenlich/das die reichrüm/welche sie mit  
vnrechtem wücher/vnd vnbilllichem übersetzen/zu  
samen hauffen/verflucht sindt/vnd werden nimmer  
zu gutem kommen. Aber dise straff ist vntreg  
lich/das sie/die wücherer/durch ihre vngerechtig  
keyt ire ewigen seligkeyt verlieren/vnd geben sich  
selber in ewige verderpnüß.

Straff d  
wücherer

¶ ¶ ij

Darvmb



Die Fünffzehen predig Johan Brenth.

Darumb wann es gewiß were/das järliche zins  
vnd g.ilt eyn wucher weren/so müß sie eyn from-  
mer gott seliger mensch gantzlich vermayden vnd  
fliehen. Darumb müß man fleißig er suchen vñ  
erforschen/ob järlicher zins kauft eyn wucher sei.

Wie die  
kuff sein  
sollen/dz  
müß man  
aus den  
sagunge  
der ober-  
keyt lere.

Waher müß man es aber erforschen? müß man  
aus der heyligen geschriffte erfaren? Die heylig ge-  
schriffte leret zwar das vnbillliche/vngöeliche kuff  
vnd der vnbillich wucher zu fliehen vnd zu vermei-  
den seien/Sie lere. aber gar nicht/welche kuff vn-  
billich vnd wucher seien/Sonder sie scheut. vnd  
wirfft solichs vrrail hinder sich in die menschlichen  
gesatz/vnd in die ordnung vnd sagungen der welt-  
lichen oberkeyt. Dann/wie in der artzney/die hey-  
lig geschriffte leret/das eyn frommer gott seliger  
mensch möge mit gutem gewissen natürlliche vnd  
ordenliche artzney brauchen/Sie leret aber nicht/  
was für artzney zu eyner yeden krankheyt gehöre  
sonnder sie scheut das auff das vrrail des Galeni  
Hippocratis vnd anderer artz. Also auch in den  
weltlichen vnd burgerlichen kuffen/leret wol die  
heylig geschriffte/dz eyn frommer mensch/möge sich  
der billichen vnd ordenlichen kuff gebrauchen/sie  
erkläret aber nicht/welche kuff ordentlich vnd bil-  
lich seien/Sonder gibet das den gesagen vnd vrrail  
der oberkeyt heym. Dann im ersten büch Mosi  
am .ij. Cap. spricht der HERR zu dem menschen  
wachset vnd meren euch /vnd erfüllet die erden vñ  
bringen

In das Sechß Cap. des Luan. Luc. Clv.

bringē sie vnder euch/ So er gebeut /dʒ der mensch  
solle das erdrich vnder sich bringen/warlich so ge  
beut er auch /das et soll alle ding verordnen/die zu  
dem verwalten vnd regiment des erdrichs vnnnd  
des eusserlichen lebens gehören/ Es gehöret aber  
eyn oberkeyt vnd weltliche handtierung vnd kuff  
zu der erhaltung des eusserlichen lebens /vnnnd der  
menschlichen gesellschaft vnd gemeyschafft. Dar  
vmb so hat Gott vnser HERR /vnder dem wort  
bringen sie vnder euch/gewalt geben den mensche/  
vnnnd zu vor an der oberkeyt /die zu erhaltung des  
eusserlichen lebens verordnet ist /zu vrteylen vnd  
zu sprechen über die weltlichen vnnnd burgerlichen  
kuffe. Vnd im .cxij. psalmen spricht der Pros  
pher/der himel allent halben ist des HERRN  
Aber die erden hat er den menschen kindern gegebē  
Dann wie wol der HERR den himmel vnd die  
erden erfüllet / vñ in himel vnd auff erden herschet  
yedo ch was zu der eusserlichen verwaltung der er  
den gehöret /das hatt er den menschen kindern be  
uolhen/das sie nach irer menschlichen natürlichen  
vernunft / die jnen von Got gegeben ist /von welt  
licher ordnung verteilen vnd erkennen sollen.

Vnder den menschen aber ist der brauch der men  
schlichen vernunft in der oberkeyt krefftiger vnd  
scheynlicher/dann im gemeynen volck/darumb ge  
höret es oberkeit zu/von eusserlicher hantierung  
vnd kuffen/welche zu menschlicher gemeinschafft

¶ ¶ ij vnd

Die Fünffzehen predig Johan Brenij.

vnd geselschafft krefftig sind/zu vrteyle/Es sage  
auch Paulus Rom. viij. yederman sei vnderthan  
der oberkeyt/die gewalt über ihn hatt/der heylig  
geyst aber in Paulo wurde vnß dem magistrat o  
der der oberkeyt nit vnderwürflich machen/in welt  
lichen sachen/wa die oberkeyt nicht gewallt hetre  
indisen sachen zu vrteylen/zu ordnen vnd was not  
were zu setzen. Darumb welcher die eygenschafft  
der ordenlichen handrierung vnnnd teuffen in dem  
gemeynen nutz vnd weltlichen wesen erkennen wil  
der muß sie/nicht auß der heyligen geschri<sup>ft</sup>/sond  
auß den gesetzen/satzungen vnnnd ordnungen der  
burgerlichen vnd weltlichen oberkeyt ersuchen vñ  
erfordren/vnd welche teuffer in denen als ordens  
lich vnd billich erfinder/so soler hallten das er sich  
der selbigen mit gutem gewissen möge gebrauchē.

Gebürt es dann auch eynen frommen bidermann  
möchtest du sagen/so die oberkeyt erkante in welts  
lichen hendle/dz offentlich schentliche vñ vnbillige  
stücke/erlich vnd recht sollten seyn/das er den selb  
bigen volge?

Vngöt  
lichen ge  
bottē do  
berkeit ist  
nit zu vol  
gen.

In keynen wege/dann wir reden von der ober  
keyt/nicht die vn<sup>s</sup>innig vnnnd wietend ist/wie eyne  
vileicht vorzeyten bey den Indier gewesen ist/auß  
welcher geseze zu gelassen ward/gar nackert zu ge  
hen/vnd vatter vñ müter so betaget waren/metz  
gen/gleich als eyne opffer/vnd ihr fleisch essen/dise  
stück

In das Sechst Cap. des Luan. Luc. Clys.  
stück sind wider die natur / Sonder wir reden von  
eyner oberkeyt die nach rechter vernunft vrs  
teylet / ist es nicht auff dz fleysigest vnd scherpfest /  
so ist doch nicht zu verwerffen / vnd tritt nicht weit  
von der natur abe / Dann was sie also in weltlich  
en handtierung vnnnd teuffen ordenlich vrtylet /  
vñ menschlicher gemeynschafft nützlich erkennenet /  
dem mag eyn biderman wol sicher volgen.

Wir haben yetzt gehöret / das man die rechten  
eigenschafft der handtierung vnd teuffe auß den  
gesetzen vnd sätzen der weltlichen oberkeyt ne  
men solle / So wollen wir nun sehen / was der Rö  
mischer Keyser welchen wir für vnser ordenliche  
oberkeyt erkennen / von dem kauff der jährlichen  
zinse halte vnd erkenne.

Wie wol es aber nit  
vnser fürnemens oder profession vnd bekennüß  
ist / die weltlichen handel zu erforschen / welche der o  
berkeyt vnd den recht kundigern zu gehöret / yedoch  
die weyl wir yetzund von der marer vñnd handel  
der jährlichen zins reden / wirt es vileicht nicht vnge  
schickt sein / eyn wenig von disem zinnß kauff / auß  
den sätzen der oberkeyt / vnd vrsachē der recht  
kundiger / an disem ort zu erzelen.

Darumb so laßt vnß erstlich hören die öffentlich  
erkennüß vnd gebot / welches von disen kauff im  
reichs tag zu augspurg / mit d grösste herlikēy des  
Keyfers

Die Fünffzehen preigb Johan. Brenntz.

Keyfers vnd aller Fürstendes Römischen reichs  
geordnet vnnnd bewilliget ist/ Recita: Wir Karl  
der fünfft von Gottes genaden/ Römischer Key-  
ser/ 1c. So thund wir mitt rathe wissen vnd willen  
vnsrer vnnnd des Heyligen Reichs/ Churfürsten/  
fürsten vnd stende/ solch ordnung auß rechter wis-  
sen erneuen vnd betreffigen/ 1c. Vnnnd bald her-  
nacher/ vnd nach dem die widerkauffs gulten al-  
lenenthalben in landen gemeyn seyn/ so setzen/ ordne  
vnd wöllen wir/ das hinfurter vonn dem hundert  
nit mer dann fünff/ wie gebreuchlich/ gegeben vnd  
genommen werden/ vnd hinfurter die verscheib-  
ung auff widerkauff/ wie widerkauffs recht besche-  
hen/ was darüber gegeben/ genommen/ oder gehan-  
delt/ wöllen wir das selbig für wucherlich geacht  
vnd gehalten vnd/ wie obgemelt/ gestrafft werde.  
Ir aller liebsten/ ir habt yezund/ die sagung vnd  
ordination vnsrer höfsten oberkeyt/ von den jähr-  
lichen zinsen/ gehört/ in welcher ordination vnnnd  
sagung ir erstlich sehet/ mitt wie grosser herlig-  
keyt vnd Maiestat von disem kauff geordnet wirt  
Denn hie wirt nichts gehandelt mitt freuenlichem  
willen eynes menschen/ eyns schlechten sonderlich  
en mensches oder eyns fürsten.

Sonder was gehandelt vnd erkennet wirt/ das  
wirt mit der grössen herligkeyt/ Maiestat/ rat/  
wissen vnd bewilligung ges Keyfers vnd der für-  
sten des reichs/ erkant/ vnnnd entlich wirt es auch  
erkant

In das Sechst Cap. des Luan. Luce. Clvff.  
erkant vnd beschlossen / durch die herrligkeyt vnd  
gewalt des ganzey / allerwifesten / vnd übertreff-  
lichsten radts vnnnd versamlung des Römischen  
Reichs. So nur eyn fürst / eyner land schafft / auß  
radtschlag seynes eynigen radts etwas in eynem  
weltlichen handel erkante vnnnd beschlüsse / so were  
es nicht zu verachten / was meynst du dann das zu  
halten sei / von der erkantnüss vñ beschluß / so groß  
mechtiger fürsten / vnd der aller wey sesten vnd für-  
sichtigesten versamlung des ganzen Römischen  
Reichs? Darnach / ist offembar / das in diser sag-  
ung des jährlichen zins kauffs / darinnen fünff gul-  
den jährlich zins / auff eynem ligenden güt / oder ey-  
ner statt güter / vmb hundert gulden erkaufft wer-  
den / werde nicht alleyn gelidten / allß eyn kauff der  
eyns teils vnbillig / vnd dem gemeynen nutz schäd-  
lich sei / der gleichen vil ding von der weltlichen o-  
berkeyt gelidten vnd geduldet werden / Sonder er  
wirt auch allß eyn gerechter vnd ordenlicher kauff  
approbiert / bewilliget vnd bestätiget / wir erneue-  
ren vnd betrefftigē / sprechē sie / solich ordnung / ic.  
vnd aber eyn mal / so setzen ordnen vñ wölle wir / ic  
Warlich das sind nicht wort / das vnbillich zu dul-  
den vnd nachlassen / sonder es sindt wort der bewil-  
ligung vnd besterigung des rechten vnd billigen.

Vnd so alleyn das / das über fünff vonn hunder-  
ten / gebē / genomē oder gehandelt wirt / für wücher  
geurteilet wirt / so ist es künde vnd offembar / das /

XX so



Die Fünffzehen predig Johan. Brentii.

Der contract jährlicher zins ist/ so fünff vonn hundertten/ nach seynen ordenlichen  
 tract jährlicher zins ist/ eigenschafften vnd umbstenden gegeben vnd ge-  
 kauft ein. nommen werden/ billich/ gerecht vnd ordenlich ge-  
 urteilt werden sol. Daher gehöret auch/ das in  
 diser sagung vnd ordnung der jährlich zins kauffe/  
 öffentlich für eynen kauff geacht vnnnd geurteylet  
 wirt/ den sie künden nicht widerkauffs gültenge-  
 nant werden/ es were dann der selbig contract eyn  
 kauff/ es möchte auch die verschreibung auff wi-  
 derkauff/ wie widerkauffs recht ist/ nit beschehen  
 wanicht zu vor eyn ordenlicher kauff geschehen we-  
 re. Denn diser contract hatt alle stück an ihm/ die  
 zu eynem ordenlichen kauff erforderet werden/ de-  
 ren aber sind vornemlich drey/ nemlich eyn wahr/  
 wer schafft oder gelt für die wahr/ vnnnd eynhelige  
 verwilligung/ vñ wie wol in dem kauff eyn geding  
 vnd vertrag gemacht wirt/ an eynem teil nichts zu  
 verändern/ an dem andren von abzulösen oder wi-  
 derkauffen. Jedoch leren die recht kündiger/ das/  
 das geding vnnnd vertrag nichts zu verendren/ nit  
 sei wider die natur des eygenthumbs/ das auch dz  
 geding vom ablösen vñ widkauffen den kauff nit  
 schwache. Item/ so der contract od handel eyn orde-  
 nlicher kauff geacht wirt/ vñ ein biderman mag den  
 ordenlichen sationen vnnnd ordnung volgen/ was  
 hindert es/ das eyn biderman/ nit auch disen kauff  
 brauchen solte? Vnd so du die eigenschafft der bil-  
 ligkeyt rats fragest/ so wirfst du sehe/ dz diser kauff  
 nicht

Wz zu ei-  
 nem kauff  
 gehöre

Der zins  
 kauff ist  
 billich.

In das Sechst Cap. des Luan. Luc. Clviij.  
nicht eyn kleyne billigkeyt auff jm hat. Dñ was  
were dz für eyn billigkeyt/das/ so der eyn acker vñ  
andre güter besesse/der ander aber gelt hette/vñ je  
ner wolt wed seyne güter vt auffen/nach die frucht  
seiner güter disem mitteilen/sonder zu gleich der sei  
nen vnd der frembden güter genießen/vñ dem an  
dren nichts dan schaden verlassen: Darumb ist d  
rathschlag vnd weyse der jährlichen zins durch die  
klügen vnd verstendige menschen erfunden/darinnē  
eyner der acker vnd güter besitzt/seyne güter behal  
ten magē / vnd doch nit desterminder eyns andren  
gelt nit vmb sunst brauche/sonder gebe jm auß sei  
nen ackern vnd gütern eyn teyl der frucht/oð were  
schafft/nach billichem vñ rechtem gewin vñ nutz.

Vñnd so du bedencken wilt / was zu diser zeytt/  
der menschlichen gemeynschafft nutz sei/warlich/  
so wirst du sinnden/das der jährlich zinnß kauff/so  
gar nicht eyn wücher ist/das er vil mer den vnbi  
ligen wücher abthut vnd hinnimpt.

Dann wader kauff nicht erfunden were/so wir  
den die/so acker vñnd andre güter besitzen / in ihrer  
notd / mer gelt auff wücher entlehen/auff das sie  
ihre güter behalten möchten denn das sie / sie ver  
kaufften.

Daher kompt auch / das diser kauff eyn erlö  
sung ist des gemeynen volcks/von den hartseligen  
Knechtschafft vnd dienstbarkeyt.

Der zinnß  
kauff hebt  
die Knecht  
schafft vff.

XX ij Dann

Die Fünffzehen preigt Johan. Brentij.

Dañ so der Kauff der jährlichen zinsen vnzimlich were/so wurden die so grosse vile gelts haben/alle äcker vnd güter inen gelegē / zu sich reissen vñ gelt wie groß es auch were / vñ die armen müßten vñ der dem ire knecht sein / vñ alles dz sie er arbeytēt in ire scheurē führen. Jetzt aber die weil diser Kauff billich geurteilet wirt / so haben die reichen ire nahrung auß iren zinsen / die armen aber mögende sterwölfler die äcker erkauffen / vñ dieselbigen freyer gebrauchen vñ nützen. Darumb ist es so ferz darvon / das diser Kauff dem gemeynen nutz vnleidentlich seie / das er vil mer die knechtschafft vñ dienstbarkeyt auffhebt / vñ bringt mit in die freiheyt.

Aber was thun ich? Ob schon die billigkeyt vñ nutzbarkeyt dises Kauffs vnß nicht also offentlich erschine / yedoch die weyl vnser oberkeyt / der Römisch Keyser / zu gleich mit dem heiligstē / herlicheffen vñ weyßesten rade vñ versamlung des Römischen Reichs / disen Kauff für billich vñnd rechte erkennet vñ geurteilet hat / so soll bey cynem yedē biderman der gewalt vñ herligkeyt der oberkeyt mer gelten vñ vermügen / dann seyn eygener verstande. Dañ der heylig Geyst / heyst vnß gehorsam seyn dem vrteil der oberkeyt / vñ hat die sagung der oberkeyt mit dem ehrlichsten titel gezieret. Denn die werden / wie Paulus Rom. viij. schreibe göttliche ordnung genent / vñnd wer den selbigen widerstrebt / der widerstrebt Gott selber.

Du

In das Sechst Cap. des Luan. Luc. Clij.

Du wirst aber sagen/so du den beschluß vnyd sartz  
un7 so zu Augspurg geschēhē ist/in dem teil erken  
nest/darinnen er approbiert vnd bestetiget den jar  
lichen zins kauff/warumb erkennest du ihn nicht  
auch in disem teil/darinnē er verdamet ewere newe  
predig des Euangelions/vnd richtet die messen wi  
der auff/vnnd allen Gorts dienst der Babstlichen  
religion: Nie mag leichtlich geantwort werden/  
so du bedenkest/das die weltlichen keuff/vnnd die  
religion oder glaub vnd Gorts dienst/sachen sind  
die auff das aller weitest vō cynander abgesun  
dret sind/der glaub vnd religion verdamen zwar  
die weltlichen keuff nicht/die da ordenlich sind/A  
ber doch so sie vnder cynander vergleichen werdē  
so sind die keuff vnd handtierung vil cynanders/  
dann der glaub vnd religion/dann die weltlichen  
hantierung vnd keuff gehōrē zu der gemeynschafft  
vnd gemeynen geselschafft vnd stille diser welt.  
Die religion aber vnd glauben gehōret zu rüg vnd  
stille des gewissens vor Gott/vnd zu der gemeyn  
schafft 8 burger im himelreich. Widerum/so sind  
die weltlichen keuff vnd handtierung dem vrteil 8  
weltlichen oberkeit vnderworffen/der glaub aber  
vnd religion dem vrteil der heyligen geschriffte.  
Darnnb so die weltlich oberkeit von dem glaubē  
vñ religion/wider die heylig geschriffte vrteilet/da  
müß man dem heyligē geyst/8 durch die heylig ge  
schriffte redet/mer gehorsam sein/dan den mensche.

Keuff: vil  
religō sin  
weit vō ei  
nander.

Glaub 8  
sachē solē  
auff 8 hey  
ligen ge  
schriffte ge  
vrteilet  
werden.

XX ij Dann

Die funffschut predig Johan. Brentij.

Dann gleich als wann die weltlichen fürsten vnd  
rechtkundiger/erkannten/wider Galenum/vnnd  
Hypocratem/das man dem siebrigen giffet für  
arzney geben solte/dar wider wurden gewißlich  
alle arztzschreien/vnd sagen das sie zwar die herr  
ligkeyt der weltlichen oberkeyt erkennen/wann sie  
innerhalb dem zil ires beruffs bleybe/vnd vrteyle  
nach iren bewerlichen vrsachē/von teuffen/hands  
rierung vnd weltlichen hendlen. Ma sie aber ü  
ber das zil/vnd außerthalb ires beruffs gehet/vñ  
vrteylet vonn sachen der arzney/wider Galenum  
vñ Hippocratem/da müße man mer dem Galeno  
vnd Hippocrati gehorsam seyn/dann den fürsten  
vnnd rechtkundigern. Also auch wann die welt  
lich oberkeyt vrteilet von glaubens sachen/alleyñ  
nach der alten gewonheit/vnd nach menschlichem  
verstand wider die heyligen geschriff/warlich so  
ist die geschriff mer zu hören/dañ die weltlich ober  
keyt/Aber so die oberkeyt bleibt innerhalb dem zil  
ires ampts/vnnd vrteilet von den weltlichen hend  
len/nach der menschlichē verstendigkeyt/vñ nach  
den vrsachen so dem gemeynen nutz dienstlich vnd  
nutzbar sind/da ist die herligkeyt d oberkeyt auff  
alle weyß zu erkennen/vnnd iren gebotten vnd er  
kantenuß/als göttlichen ordnungen/gehorsam zu  
seyn. So nun beweret vnd angezeygt ist/erßlich/  
d3 Got vnser H<sup>er</sup> X/dem vrtail der weltlichē ober  
keyt/die erkantenuß von weltlichē vñ burgerlichen  
hendlen

In das Sechst Cap. des Luan. Luc. Cly.  
hendlen/vnder worffen hat/vnd das cyn frommer  
biderman mögen mit gutem gewissen die weltlich-  
en ordnung vnd sazungen brauchen. Darnach  
das die oberkeyt mit grosser herligkeyt der ver-  
samlung des ganzen Römischen reichs/geurteilt  
vnd außgesprochen hat/den jarlichen zins kauff/  
nach seynem geding vnd eygenschaften/für eynē  
ordenlichen vnd billigen kauffe. So ist es klar vñ  
offenbar/das cyn Christ mage mit gutem gewis-  
sen jarliche zins kauffen vnd besigen.

Da sihe nun zu/wie grosse schelt wort vñ schmach  
rede dise außstossen/die allent halben den iarlichen  
zins kauff wücherisch heissen/vnnd schreien wider  
die/so solchen kauff gebrauchen/allß wider die of-  
fentlichen wücherer/vnd wie mans nennet/Jude. Ob zins  
kauff cyn  
wücher  
sey.  
Den cyn vnordenlicher wücherer ist nichts anders  
dan cyn betrieger/dieb/rauber/gemeyner schatz  
dieb/vñ verderber der menschliche gemeynschafft  
vñ des gemeynē nutz. Darum wer seine nechste ein  
wücherer nennet darum dz er jarliche zins ein nime  
der schmehet mit dem cynigē namē/wücherer/erst  
lich/die maiestet des Römischen kaisers / vnd den  
gantzē radr vñ versamlung des Römischē reichs  
welche disen kauff approbiert vñ verwiliget habē  
Darnach schmehet er auch seine vñ dñ oberkeyt/de-  
re er mit eyd vñ pflicht ist/welche offentlich den kauff  
braucher/zu dem auch die diener d Kirchen/welche  
solche kauff bei jre zu hören mit vwerffen noch vñ  
damien.

Zum



Die Fünffzehen predig Johan Brenck.

Zum letzten schmeben sie so vil güter frommer sonderliche burger/die mit disem zins kauf vñ gang. Dise all sandt schender vñ verleumbdet offentlich diser schweser/werer auch ist / mit dem cynigenn wort wücherer/als offentliche betrieger/dieb/rauber/gemeyne schatz diebe/vñ zerstörer des gemeynen nutz. Wer wolte nicht erschrecken bei solliche schellt worten? wer wolte eyn so grosse schmach der größten straffe nicht wat achten? Darumb lerne eerlicher reden von der oberkeyt/vñ deinem nächsten/auff das nicht auff dich kome / das du ander leuten anhenckest / vñ das du nicht wort auß giesest/die du selber wider schlinden müssest.

Diß hab ich an disem ort von dem jährlichen zins kauffe/wöllen sagen / nicht das ich den geizigenn eyn vrsach gebe allenthalben mit betrug die reichthum zu jnen zu reissen/vñ jährliche zins zu kauffen das sie eyn faul leben führen. Dan der geiz/betrug vñ faulkeyt sindt allwegen eyn greuel vor Gott. Sonder das ich deren gewissen möcht radten/welcher leben also gestalltet ist / das jnen von nöten ist sollichen kauff zu brauchen. Die sollen disen kauff für billig/vñ ordenlich erkennen/vñ sollen darinnen lernen ordenlich leben / das sie nit stolz seien vñ nit hoffen auff den vngewissen reichthumb / sond auff den lebendige Gott / der vnß dar gibet reichlich allerley zugenissen / durch Christum Jesum vnseren HERRN / der zu gleich mit dem vater

In das Sechst Cap. des Euan. Luc. Cijf.  
er vnnnd dem heyligen Geyst Gott ist gelobt in ew  
wigkeyt. Amen.

## Die XVI Predig.

**M**iser HERRA Jesus Christus hatt auß dem  
gebort/ du solt deynen nechsten lieben als dich  
selbs/erkläret. Wie wir vnns sollen halten gegen  
den freunden vnd feynden/ gegen den reichen vnd  
armen. Jezund aber erkläret er wie wir vnß hals  
ten sollen gegen denen/welche zwar sünden vñ vn  
recht thund/doch on vnseren schaden/ vnd spricht.

Richttet nicht/so werdet jr auch nit ge  
richtet.

Richten aber nach der Hebreyschen wey sezu redē/  
heyst verdamen. Darum wolget bald hernacher  
die außlegung dises spruchs.

Verdampft nit/so werdet jhr  
nicht verdampft.

**C**hristus leret nichts newes inn  
disen Worten/sonder legt auß/was in dem  
alten gesatz oder gebot begriffen wirt/du  
solt deyn nechsten lieben wie dich selbs.

SS

Denn

Die Sechstzeheit predig Johan. Brentij.

Demneyn yerlicher hat sich selbs natürlich al so lie  
be (so er anderst recht bey vernunft vn sinnen ist)  
das/so er sündiget on des nechste schaden/vngern  
hetze/das seyne sünd allenthalben/in allen gassen  
bade/scherheuseren vnd allen zehen/auf geruffe  
vnd vmb zogen wurde/vnd er angalgen/ich weyß  
nicht wa/vom den schwerere vnd nachredern ver  
dampt vnd geurteilet wurde. Das aber wünschet  
vnd begeret er in alleweyse/das seyne sünd verbor  
gen blibe/dz er/wo es geschicklich seyn mage/heym  
lich alleyn darinnen gewarnet vnd gestrafft wur  
de/vnd das man vmb die verzeihung der sünde vor  
Gott bitte. Das ist natürlich & will des/der durch  
irthumb/ oder vnfürsichtiglich/ oder auff andere  
weyß wie geschehen mage/sich über sehē vnd gesün  
diget hat. Darumb vermanet vnd leret dich die  
natur selbs/das du eben auch das eynem anderen  
thuest/nemlich/das du keynen menschen vrteilest/  
keynes menschen sünde offentlich vmb ziehest/vnd  
niemandt vñ der sünden willen dem rüffel gebest  
vnd verdamest. Was wollen wir aber von der o  
berkeyt sagen/welche die verklagten vnd mit der  
übelthat überzeugt/vrteilet/vñ zum schwert/rad  
oder strick verdamet? Was wollen wir vom den  
predigern sagen die schreien müssen über die sünde  
des volcks/zu welchen gesagt wirt/das durch den  
Propheten Heseckiel am .iij. Cap. geschribē steht/  
wen ich dem gotlosen sage/du müßst des tods sterbē  
vnd

In das Sechst Cap. des Euan. Luc. Cxij.  
vnd du warnest in nicht/vnd sagest es im nicht/da  
mit sich der gotlose / for seynem gotlosen wesen hüt  
te/auff das er lebendig bleibe/ So wirt der gotlose  
vmb seynere sünde willen sterben / aber seyn blüet  
wil ich vō deynere hand fordern: Nie wirt nichts  
schwers bleiben/so du mercken wirst/das es cyn an  
ders ist Gottes berüff volgen/cyn anders/on Got  
tes berüff cyn werck auß sonnderem freuel gebrau  
chen vnd im zu eygnen/Dann/das die oberkeyt ge  
gen denen so der laster schuldig sind/ordenlich han  
dlet/das ist jr ampt / vnd der gehorsam göttliches  
berüffs. Den sie ist cyn dienerin Gottes/cyn rath  
erin zur straff über den/der böses thut.

die ober  
keyt mag  
die schul  
digen ver  
teilen vñ  
verdammen.

Des gleichen das cyn prediger wider die sündere  
nach der weise seynes ampts handelt/das ist kein  
freuel/sonder cyn schuldige dienstbarkeyt Gottes  
vnd cyn nödtiger brauch seynes ampts / predige/  
spricht Paulus .ij. Tim .iiij. Das wort / halet an/  
es sei zurechter zeit/oder zur vnzeyt/straffe/drawe  
ermane/mit aller gedult vnd lere.

Es zympt  
den predi  
gern zu  
straffen die  
sünd des  
volcks.

Vnd aber cyn mal .j. Timo. v. Die da sündigē  
die straffe für allen/auff das sich auch die andren  
fürchten.

Darum so gesagt wirt / verdammet nit/so werdet jr  
nit verdampt/da werden die ordenlichen empter d  
oberkeyt/vñ der prediger nit verdammet sonder die  
schweizer/nachred vñ schend werde verdampt die

SS ij auß

# Die Sechstzechen predig Johan Brenth.

die schwe  
ger wer  
den ver  
dampt.

des nech  
sten sünd  
vñ tragt  
ist eynn  
grosse  
sünd.

auff keynem beruff Gottes/sonder alleyn auff irem  
sonderen freuel/neid vnd haß/die sünd ires nechste  
vmb ziehen vnd thadlen/vñnd fellen erschrocken  
liche vrtail wider ire nechsten. Er ist wert/sprechē  
sie/das er an eynem baum er hange/oder das in der  
tonder erschlahe/vñd der gleichen was noch grau  
samer seyn kan. Die sünd aber des nechsten vñ  
ziehen/groß machen/vñd ihn auff eygenem freuel  
vñd miltwillen verdammen/ist eyn grausame er  
schrockliche sünd. Denn erstlich/wer das thut/der  
ist auffrührisch vñnd eyn lesterer wider Gott seynen  
HERRN. Dannes gehört der Maieſter Got  
tes zu/die sündler zu vrtailen vñd zu verdammen.  
Darum wer sie on Gottes beruff vñd befelsch ver  
dammet/der gibt jm selbs die göttlich Maieſter zu/  
welches/nichts anderst ist/dann eyn auffrühr wi  
der Gott erregen/vñd als vil es an dem nachreder  
ist/Gott auß dem stül seyner Herligkeyt vñd ma  
ieſter stossen. Darnach ist er schmechlich vñd auff  
rührisch/wider seyne ordenlich oberkeyt/vñd wider  
seynen ordenlichen prediger Gottes woits. Dañ  
das ampt dz disen zu gehörig ist/dz selbigē nimpt  
sich der schwerer vñd nachreder freuendliche an/  
vñd zeuget an durch seyn schmechen/das zwar die  
oberkeyt vñnd prediger faule hinleſige verächter  
ires ampts seyen/er aber wölte solliche empter vil  
verständiger vñd fleysſiger verwalten.

Über das so sündiget er wider die maieſter vñd  
wider

In das Sechst Cap. des Euan. Luce. Clxiij  
wider das ampt vnser HERRN Jesu Christi.  
Dann der hat die sünd der menschen gebüßet/  
vnd verbirgt vnd verdeckt sie also durch seyn ley-  
den vor Gott/das welche an ihn glauben/nit mer  
sünder/sonder from vnnnd gerecht/gerechnet wer-  
den. Der lesterer aber vñ nachreder/deckt des nech-  
sten sünd auff/vnd als vil an jm ist/so verwirfft er  
vnd verdamet die maifester vnd dz Ampt Christi.

Zu dem so sündet der lesterer vnd nachreder/wi-  
der das naturlich gesatz/du sollt deynen nechsten  
lieben wie dich selbs/wie dann Christus das selbig  
gesatz hie auflegt/vnnnd wir es auch eyn wenig zu  
vor anzeygt haben. Zum letzten sündet er auch

wider das gebott/du solt nit tödten/Denn on Got-  
tes berüß/den nechste auch den schuldigen/verdam-  
men/ist eyn gelid des todt schlags. Dann der todt  
schlag geschicht nicht alleyn mit der hand/sonder  
auch mit der zungen vnd herze/wie wir in der auß-  
legung dises gebotts da oben bewisen haben. Vñ  
auff das du die schwere diser sünd/nach klärer se-  
hen mögest/so bitt ich dich bedencke doch/wie mit  
grosser Maifester vnnnd Herligk eyt Gott vnser  
HERR vnseren nechsten geeret hat.

Den nech-  
sten ver-  
dammen ist  
eyn todt  
schlag.

Dann anfenglich hat Gott den menschen ge-  
schaffen in zum bilde. Darnach hatt zu seynem  
Heyl vnd seligk eyt seynen eyngelbornen Son Je-  
sum Christum gesandt durch welchen er den men-  
schen an eyns Kindes stat auffgenommen hat/vnd zu

Vnser  
nechster  
ist eerlich  
vñ heylig



Die Sechstzehen predig Johan. Brenctij.

eynem erben aller himlischē gütē gemacht. Warlich mit diser Herligkeyt vnd maieſtet hatt Gott vnſeren nechſten ſo ganz heylig vnd vnbeſlect gemacht/das/alles das du/es ſei güt oder böſes/dey nen nechſtenthüſt/das wölle Gott nicht annderſt achten als ob es im ſelbs gethan ſei. Darumb ſo du die ſünd deynes nechſten öffentlich vmb zeu heſt ſchendest/vnd groſsmacheſt/vnnd verflücheſt vñ verbanneſt deynen nechſten menſchē/So thüſt du das übel/nit ſchlecht dem menſchen/ſonnder du thüſt es Got deynem **HERRN** ſelbs/wer wöl te aber eyr ſo groſſe ſchmach vnd leſterung wider Gott vngestrafft thun? Wider ſtraff iſt nun eyr ſo groſſe ſünd wert? Richtet nit/ſpricht Chriſtus/ ſo werdet jr auch nicht gerichtet/verdampft nicht/ ſo werdet jr nicht verdampft.

Der aff  
ter reder  
ſtraffe.

Darumb welcher ſeynen nechſten richtet vnnd verdampft/der verdienet das er auch wider vmb gericht vnnd verdammet werde/nicht allein von Gott/ſonder auch von den menſchen.

Hand vmb hande/ſpricht das geſatz/aug vmb auge/3an vmb 3an/füß vmb füß/vnnd wie er ſey nem brüder than hat/alſo geſchehe auch im. Du zeu cheſt die ſünde deynes nechſten vmb vnd ſchendest vnd verdammeſt in zu gransamer ſtraffe.

Darumb iſt es billich vnd recht/das deyne ſünd auch widerum der ganzen welt geoffenbaret werden

In das Sechst Cap. des Euan. Luc. Christi  
den/vnnd das Christus der die sünde gebüßet hatt  
von dir genomen werde/auff das deyne sünd bloß  
vnd offembar werden vor dem angesichte Gottes  
vnd der menschen/vnd werdest zu gleich mit dey-  
nen sünden in das ewig hellisch feuer geworffen.

Thut dann auch eyner recht/der von seynem leste-  
rer oder affter reder wider vmb übel redet/vnnd  
wie etlich sagen/Last vnß anderleuten übel reden  
vnd aufrichten dann man thutß vnß auch? Gar  
nicht. Dann so gesagt wirt/welcher den andren  
verdammet/8 soll auch wider vmb vdampt werde/  
da wirt erkläret was für eyn verdiente straff dem  
so verdammet zu gehöre/es wirt aber nicht eynem  
yeden sonnderlich gewalt gegeben/wider vmb zu  
verdammen. Dann es ist eyn anders billich vnnd  
recht verdammet werden/eyn anders billich vnrecht  
verdammen. Es ist eyn anders billich gestrafft wor-  
den/vnnd eyn anders/billich straffen/welcher vn-  
recht thut/der leidet billich/von wannen joch das  
leidē her komme. Es strafft aber/vn füget dz ley-  
den nicht eyn yeder billich zu/dem der vnrecht thut  
Es hat der den berüß/eyn anderer disen/welcher  
nicht ordenlich berüßt ist/das er den schuldigen fre-  
straff anthue/der selbig sündet/so er einen straffet  
ob er schon eynem mörder odder todt schleger seyn  
straff anthut.

Vnd wie eyner eyn todt schleger wirt/der eyn tod-  
schleger vnberüßt erwürget/ob der todt schleger di-  
ser

Dem aff-  
ter reder  
soll man  
nit wider  
vñ übel  
reden.

Die Sechstzechen predig Johan. Brentff.

ser straff wol ganz wert ist/Also wirt der eyn sünd  
der/welcher eynen sündler/auff seinem eignen vnn  
sunderem freuel schmehet vnd an übel nachredet/  
obschon der sündler dise straff wol verdienet hat.  
Darumb wie wol du von andren leuten geurteylet  
vnd verdamet wurst/jedoch zimpt es dir nitt das  
du sie widerumb vrteylest vnd verdammeest.

Aber/so des nächsten sünd vmbziehē/vnd schen  
den/vñ in vmb 8 sünden willen vrteilen/odder ver  
dammen/eyn so grosse sünd ist/das sie die straff 8  
ewigen verdammnis/verdienet/wie wir eyn wenig  
zu vor haben angezeygt/was wollen wir den von  
den falschen lesteren/schendern/vnd lügnern/sagē  
welche nicht die sünd/sonder auch die woltbaren/  
vnd gūten werck auff das aller ärgeß außlegen/od  
der die falsche/erdichtete vnderlogne sünd von irē  
nächsten außgeben/vnd außbreysten? Warlich die  
sündigen nit mer menschlich/sond vil mer hellisch  
vnd teuflisch. Dann das ist des teufls art/nem  
lich/liegen/vnd das gūt auff das ergeß außlegen.  
Darumb welche dz laster an jnen haben/die sind  
nicht Gores kinder/sonder des teufls/sie sind nit  
erben des himels zu achten/sonder der hellen. Du  
wirst aber sagen/wann sich die sach also helt auff  
die weise/was wollen wir thun? Den wir sehen in  
disen zweyen worten. Richtet nicht/so werdet ihr  
auch nicht gerichtet/verdampft nicht/so werdet ir  
nicht verdampft/klar vnd offentlich als in eynem  
spiegel

Dieschen  
der vnn  
lugner  
sünden  
teuffe  
lisch.

In das Sechst Cap. des Luan. Luc. Clav.  
spiegel / das alle vnser gedancē / alle vnser wort  
alle vnser zechen / alle vnser versamlungen vnser  
gespreech / voller todschleg vnd teuflischer laster  
seyen / da her wir auch sehen / das wir ganz billig  
vnd recht dem ewigen hellischen fener zu gehören.

Wo wöllen wir vnß dann hin wenden / das wir  
nicht alleyn von den sünden / sonder auch von der  
straff der sünden erlöset werde? In eynem so gros  
sen vndercheid diser sache / keret sich der eyn zwar  
da hin / der ander dort hin. Der hatt eyn zuflucht  
auff den verdienst seyner fromtkeyt vnd gerechtig  
keyt / der annder vertröster sich auff den verdienst  
eyner frembden gerechtigkeit vnd fromtkeyt / das  
ist / auff die für bitt der mōnch / oder der heyligen so  
indem **WEXXVII** rüwen. Es ist eyn ander  
der Gottes vrteils nichts achtet / Item eyn ander  
verzweyset gar an seyner seligkeit. Wir a  
ber wöllē vnß zu vnserm **WEXXVII** Jesu Chri  
sto keren durch den glauben. Denn alleyn vnser  
**WEXX** Jesus Christus ist vnser seligkeit / heyl  
vnd erlösung / dann der hat vnser sünd gebüßet  
vnd hatt vnß verdienet / das wir eynen gnedigen  
Gott haben. Vnd die weil vnß der vatter vñ Chri  
stus willen gūnstig ist / so wir an ihn glauben / so  
schenckt er vnß auch in Christo alle gerechtigkeit  
vnd die erfüllung des gesetzes / die Christus an ihm  
hat / auff das wir vor seynem angesicht also from  
vnd gerecht vmb Christus willen gerechnet werde

Wieman  
vonn der  
sünd Form  
men soll.

TT als

Die Sechstzechen predig Johan. Brentii.

als wir gerechnet wurden/so wir mit vnseren ey-  
genen wercken das gesatz erfüllet hetten. Was  
dann? Mögen wir dann/die weil wir mit der ge-  
rechtigkeyt Christi begabt sindt/nach vnseren be-  
girden leben/wider das gesatz/dz wir yetzt handeln  
vnseren nechsten zu vrteilen vnd zu verdamen: Dz  
sei ferz. Dann Christus hat vnser sünd nit dar-  
vmb gebüßet/das wir in den sünden leben sollen/  
er hat vns seyne frommkeyt vnnnd gerechtigkeyt nie-  
erlanges/das wir der vnfrommkeyt vnd vngerech-  
tigkeyt volgen sollen/Sonder hat vil mer darvmb  
für vnser sünd genüg than/das wir die sünd flie-  
hen sollen. Vnd hat vns darumb seyn gerechtig-  
keyt geschenckt/das wir der gerechtigkeyt nachia-  
gen sollen/vnd in der ernewerung des lebens wan-  
dlen/wie solten wir/spricht Paulus Rom .vj. in  
sünden wöllen leben/der wir abgestorben sind?  
Darumb müssen wir vns hüten/wie es imer gesein  
mag/das wir wider Gottes gesatz/vnseren nechste  
mit sonderem eygnen mütwillen oder frenel/nit  
vrteilen vnd verdamen. Sonder sollē vns für die  
augen stellen/erstlich/die straff die über die affter  
reder vnd freuenliche verdammer gehet. Darnach  
die maieſtet vnd herligkeyt des nechste/damit in  
Gott eerlich gemacht hat. Zum letzten/das vor-  
bild vnseres HERZEN Jesu Christi/welcher/  
wie wol er aller mensche sünd auff das aller offent-  
lichest gewiſt hatt/yedoch hatt er sie nicht gewöle  
vmb

Warvmb  
Christus  
für die  
sünd ge-  
nüg than  
habe.

In das Sechst Cap: des Luan. Luc. Cloy/  
vmb ziehen vnd öffnen/vnd die menschen verdam  
men/Sonder hat die zugedeckt mit seynem leyden  
vnd sterben/vnd hat die menschen vertreten/dan  
er ist nicht in die welt kommen/das er die welt ver  
damme sonder das die welt durch in selig werde.

Darumb wollen auch wir bitten für vnser er  
nechten sünden/vnd wollen sie zu decken/als friles  
mag geschehen/auff das wir kinder vnseres Got  
tes seien. Durch Jesum Christum vn

seren HERZEN der zugleich  
mit dem vatter vnd dem hey  
ligen Geyst Gott ist ge  
lobet in ewigkeyt.

Amen.

## Die XVII Predig

Wir haben gehört/wie wir vnß halten sollen  
gegen denen/die on allen vnseren schaden sündigē  
So laßt vnß auch yetz hören/wie wir  
vnß halten sollen gegen denen/die  
wid vnß mit vnserem nachteil  
vnd schaden sünden.

Vergehet/spricht Christus  
sowit/euch vergeben.

Ame



Die Sybenzehen predig Johan Brentii.

Anfenglich ist zu mercken/das wider vnns mit  
vnserem schaden auff mancherley weise  
gesundiget wirt.



**L**ennietzt wirt vnser nam  
vnd eer mit lester worten/nachrede  
vnd ehr abschneidung geschmecht  
yetzt wirt vnser lieb mit schlagen  
vnd streichen verletzt yetzt werden  
vnser hab vnd gütter von vnß ge  
nommen/durch diebstal/oder durch  
rauberey oder durch berrug/yetzt

Man sün  
dett mit  
vnserem  
schaden  
auff man  
cherley  
weiss wis  
vnß.

Das man vnß auß vertrag schuldig ist/odder das  
wir hinauß geleihen haben/das wirt vnß entzogen  
vñ nit wider gebē/vñ kurz/es geschicht vnß durch  
vil andre der gleichen weise schaden. Was ist dan  
in solchē sachen vñ felen zuthun? Christus spricht  
vergeber. In welchen worten erstlich geboten wirt  
das wir nach lassen vnd verzeyhen sollen vnserem  
nächstē/nit alleyn alle vnbilligkeyt vnd schmach  
die er vnß hat zugefügt/sonder auch so es die node  
des so durfftig ist/erfordret/alle schulden/man ha  
besie mit gewalt von vnß genommen/oder entlehent  
oder auff was weise oder wege man vnß schuldig  
seyn kan/nachlassen. Darnach wirt gebotten/dz  
wir dienitt alleyn nachlassen/dem freund/sonder  
auch dem feind/wie offenbar ist/auf dem dz drobē  
gesagt ist. Ober das wirt erfordret das wir disse  
schulde

Wz nach  
lassen os  
vergeben  
heisse.

In das Sechst Cap: des Euang. Luce. Cluyt  
schulden nachlassen/nicht alleyn mit worten/son-  
der auch mit den wercken/vnd von gangem hergē.  
Zum letstē wirt gebotten/das wir also nachlassen  
vnd vergeben/das wir vil mer andre vnbilligkeyt  
vnd schmach leyden wöllen/weder das wir sie ver-  
gelten/oder vnß selbs rechen/woltē / Vber das/dz  
wir also die schuld nachlassen/das wir vil ehe dem  
dürfftigen mit vilen vnseren gütern helfen/weder  
das wir zu vor die schulden von im erfordern oder  
heischen/wolten. Dann das diß der verstand seie/  
des wörtlins/vergebt/das zeygen die wort des ge-  
seses selbs offentlich an/welches Christus hie an  
dem ort außlegt. Dann das gesetß spricht also im  
dritten büch am. xix. Cap. Du solt deynen brüder  
nicht hassen in deynem hergen/Du solt nit rachgē-  
rig seyn/noch zorn halten/gegen die kinder deynes  
volcks/sonder /du solt deynen nechsten lieben/wie  
dich selbs. Dann wie weyt der name der liebe sich  
ausbreite/Item der name odder das wörtele /des  
nechsten/vnd das /das gesagt wirt / wie dich selbs  
das haben wir da oben angezeygt.

Vnd das gesetß spricht im fünfften büch Mose  
am. xviii. Cap. Du solt nicht zu pfande nemen  
den vnderstehn / vnnnd vbersten müßteyn / denn er  
hat die seele zu pfande gesezt.

Vnd bald hernacher/wenn du deynem nechsten  
irgent eyne schuld borgest / so solt du nicht in seyn  
hauß gehen/vnd im eynpfand nemen.

TT iij Son

Die Sybenzehen predig Johan. Brentij.

Sonder du solt hauffen stehn / vnder dem du borge  
gest / sol seyn pfand zu dir erauß bringen. Ist er as  
ber eyndürfftiger / so solt du dich nicht schlaffen le  
gē über seynem pfand. Sonder solt im seyn pfand  
widergeben / wenn die Sonne vnder gehet / das er  
in seynem kleyd schlaffe / vnd segene dich / das wirt  
dir von dem H<sup>ER</sup>X<sup>CH</sup> deynem Gott eyne ge  
rechtigkeyt seyn. Vnd noch eyn mal spricht das ge  
sesz an dem selbigen ort. Du solt das kleyd der wid  
wenicht zum pfand nemē. Was zeyget das gesetz  
in disen worten anders an / denn / das die schulden /  
dem dürfftigen also gar sollen nachgelassen wer  
den / das / ob auch etwas zu pfande von im abgeno  
men were / mans ihm von stunden an wider geben  
solle ? Vnd so das gesatz auch im .xx. Cap. des  
fünfften büchs Mosi / sagt / wenn deynes brüder  
irgent eyner arm ist / in irgent eyner stadt / in deys  
nem lande / das der H<sup>ER</sup>X<sup>CH</sup> dein Gott dir geben  
wirt / so solt du deyn hertz nicht verherten / noch dei  
ne hand zu halten / gegen deynem armen brüd / son  
dern solt sie im auffstehn / vñ im leyhē / nach dem er  
mangelt / da ist klar vñ offenbar / dz nit alleyn er  
fordret wirt / dz die schulde dem dürfftigen nach ge  
lassen werde / sondes wirt auch erfordret / das wir  
dem dürfftigen mit newem leihē helfen. Hieher ge  
höret auch dz 2<sup>sa</sup>.lvij.ca. schreibt / loß / loß sprich  
er / welche du mit vnrecht verbundē hast / laß ledig  
welche du beschwerest / gib frei / welche du drangest  
reiß weg allerley last brich dem hungerigen deyn

In das Sechst Cap. des Luan. Luc. Clviii.  
 brot/vnd die so im elend sind/füre ins hauffe. Dise  
 wort zeigē klarlich an dz/dz gesetz erfordere/dz du  
 dem armē mit alleyn die schuld nach laffest/sond/  
 dz du durch newe geschlecht d wolt hatē seyner ar  
 müt zu hilff komest. Vñ so paulus sagt Rom. vii.  
 dz/dz gesetz geistlich sei/vñ in d erste an Timo. am  
 ersten/dz die haupt sūm des gebottes sei liebe von  
 reinem hertze/vñ von gutem gewissen/vñ von vn  
 gefeibtem glaubē. So ist es offembar/dz in dem  
 wort/nachlassen oder vgebē/im menschē alle ding  
 heylig vñ reyn erfordret werdē. Du hast/wz in di  
 sem teil des gesetzes/vergebt/vonn vññs erfordret  
 werde. Wz wöllē wir dan sagē so yederman genz  
 lich seyne sünd vñ schulde sind vergebē vñ nach zu  
 lassen/wirt dan nit also alles wesen vñ stand diser  
 welt gar bey gang vñ gar verwirret werdē: wirt  
 nit also die oberkeyt auffgehebt: wirt der predig  
 er keyne sünd mer straffen: Wirt der haufvatter  
 keine irthum vñ sünde an seinem hauffgesind schel  
 tē: vñ wirt gar kein brüder den andrē nit straffen:  
 wz wöllē wir weiter sagē/dzes sich auch keinem ge  
 bürē wirt/von d vnbillikēyt seines nechste vor d o  
 berkeyt sich beklagē/od seine schulde forderē: Vff die gemet  
 dz wir auff dise stück antwortē/ist zu merckē/das/  
 so wir zum offtern mal geeßret vñ eyngeblewet  
 haben/das die gemeynen gebott Gottes/die sūn  
 derlichen beruff Gottes vñ personliche freyhey  
 ten/nit auffheben. Dz ist aber eyn gemeyn gebot/  
 vergebt/vñ dz gehört in d gemeine allē menschē zu.

nen Got  
 res gebot  
 heben die  
 sonderen  
 beruff got  
 tes nicht  
 auff.

Die Sybenzehen predig Johan. Brenij.

Yedoch so eyner vnder dem cynen sonderen berüß  
Gottes hat/dem ist von nödten das er das gemein  
gebot also mercke/vnd halte/das er seinen sonder  
lichen berüß nicht veräume. Alß eyn oberkeyt/die  
weil sie vnder dem geschlecht der menschen begrif  
fen wirt/so ist jr auch von nödten/das sie den leu  
ten ire sünd/vnd schulden vergebe/vnd nachlasse.  
Aber daruñ/vber das/dz sie cyn mensch ist/trege  
sie auch das ampt der oberkeyt/ist jr auch von nöd  
ten/vnder dem werck der vergebung/vnd nachlas  
sung/das sie die sünd straffe/vnd das sie ordentlich  
außer treibe/dzeyner dem andern was er im schul  
dig ist/zale. Es soll dich auch nit wunder nemen/  
das die oberkeyt/zugleich auch die sünde vergibt/  
vñnd nachlasset/allß eyn mensch/vnd straffer die  
sünd/alß eyn oberkeyt/Seitenmal auch cyn vater  
der cynen vngehorsamen Son mit der rüten straf  
fet/vnd kan vnder der rüten die vetterlichen liebe  
behalten. Wer seiner rüten schonet/(spricht Salo  
mon in sprüchen am xiiij. Capit.) der hasset seinen  
Son/wer in aber lieb hatt/der züchtiget in baldt/  
Was wirt frembder vor der liebe geachtet/wen die  
scherpffe der rüten? Aber/wann der vatter (wie  
Salomon sagt) den Son nicht liebet/so brauchet  
er die rüten nicht. Zü dem/pflegt auch Gott vn  
ser HERR/die gürtigkeyt vnder dem zorn zu be  
halten/Denn er pflegt zum offtermal sein volck  
mit grosser grausamer straffe/zustraffen/welche

Gott be  
heilt die  
gürtige  
keyt vn  
der dem  
3034



In das Sechst Cap. des Euan. Luc. Clix  
erwarlich nicht there/so er seyn volck nicht lieb her  
te/vnd reizet es zur büß vnd seligkeyt. Darumb  
so werden in disem wort/vergeber/weder der ober  
keyt/noch dem prediger/noch dem haußvater/sre  
empter vnd berüß/verbotten/Sonder es wirt vil  
mer das gehandelt/das ein yeder wisse/was er vn  
der dem wercke seynes berüßs vor Gott zu thun  
schuldig sei. Weyther aber/was zu dem verklar  
gen der vnbilligkeyt/vnd forderung der schulden/  
vor dem weltlichen rechten vnnnd gericht/gehört/  
da ist eben das zu halten/das wir yetzt/gesagt ha  
ben. Denn es muß eyn yetlicher die vnbilligkeyt  
so im geschehen ist/dem nechsten vergeben/vnd die  
schulden den dürfftigen nachlassen. Vnder dem a  
ber/die weil die weltlichen satzungen/göttliche ord  
nungen sind/so ist es zimlich/das sich eyner mit  
ordenlicher weise vnd vrsach/vor der vnbilligkeyt  
seynes nechsten beschirme/vnd seyne schulden von  
jedem/der bezahlen kan/erfordern. Dañ wie Chri  
stus Matth. xviij. gebent/das eyn brüder den an  
dern in den sünden straffen solle/wie wol er vorhin  
gehört hatte die sünd verzeyhen vnd nachlassen  
also verbeut er nit den brauch der rechten billigen  
ordnungen/ wie wol er die begird des eygenen vnd  
sunderliche rachs verbeut/wie wir dañ sunst zum  
offcern mal anzeyge haben. Du wirst aber sage  
wie wol in disem teil des gesetzes/vergeber/weder  
die empter der oberkeyt/noch des predigers/noch

verflagt  
vñ vnbil  
ligkeyt vñ  
schuld for  
deren ist  
billich.



Die Sybenzehen predig Johan. Brentij.

eynes haußvaters auffgehebt werden / jedoch werden darinnen so groſſe ding / wie auch droben anzeygt iſt / erfordret / wie groſſe / nie keyn mensch yethan hat / oder thun mögen. Was wirt denn vnſ werden? vergebet / ſpricht Chriſtus / ſo wirt euch vergeben. Wir aber / vergebenn entweder nichts

Die menschen vergebē nichts oder vnſ vollkommen.

oder vergeben nicht vollkommen / wie wir ſchuldig ſind / was iſt denn nun das wort anders / denn vnſere eygne verdamung? Vnd ſo wir im vatter vnſer betten / vergib vnſ vnſer ſchulde / wie wir vnſeren ſchuldigern vergeben / was bitten wir anders / ſo wir den rechten verſtand diſer wortt er wegen / denn das Gott vnſer HERR entweder vnſ gar nicht vergebe / oder vergebe vnſ nimmer warhafftiglich vnd von hertzen? Denn wir ſind all ſo geſinnet / dz wir denen / ſo vnſ vnbilligkeyt zugefügt haben / nit vergeben / oder ſo wir vergeben / ſo vergeben wir doch vnd verzeihen nicht alſo vollkommenlich vnd reyn / alſ dz geſetz von vnſ erfordret. Darumb was kan anders vorhanden ſeyn / denn das vnſ vnſere ſünden nimmer mer von Gott vollkommenlich vergeben werden? Wa wollen wir vnſ hinteren? So wir von Gott / keyne vollkommenen verzeyhung der ſünden erlangen / ſo iſt nichts gewiſſers vorhanden dann vnſere verdamniß.

Wollen wir denn darumb verzweyſlen? Das ſei fert von vnſ / den wie wol / ſo wir vnſere frommkeyt oder gerechtigkeit anſehen / da durch wir vnſern

In das Sechst Cap. des Luan. Luc. Cxy.

fern nechsten vergeben ire sünde/nimmer mögen verdienen/das Gott vnß vnserē sünd verzeyhe/sonder wir müssen vil mer Gottes zorn/vñ die ewigen verdammniß über vnß erkennen/jedoch so wir die fremden fromtkeyt vñnd gerechtigkeit ansehen/welche vnseres HERRN Jesu Christi ist/da wirt vnß dann wider vmb der weg zu der seligkeit geöffnet. Dann Jesus Christus hat das gesetz vñnd gebott/vondem verzeyhen vñ nachlassen die fremden schulde vñ sünde also volkommen erfüllet/dzer nit alleyn derē sünde nachgelassen hatt/die wid in gesündigt habē/sond hat auch versonet aller menschen sünde/vñ hat verdienet allen so an in gläubeyn gnädigē günstigen vater im himel/Gott aber ist vnß versonet worden vñ Christus willen seines lieben Sons. Erstlich zwar vergibt er vnß vnserē sünd/vñ rechnet vnß für from vñd gerecht vor in durch den glauben/Darnach schenckt er vnß den heyligen Geyst/durch welches krafft wir überwinden mögen das rachgirik fleisch/vñd vnseren wider sächern vergeben/vonn hertzen ire sünd/zwar nicht also volkommen/das dise vergebung keynen mangel habe/vñd verdiene in Gottes gericht dem namen der gerechtigkeit (den durch den glauben/vñ nit auß den werckē/kompt die gerechtigkeit) aber doch also offenbarlich dz sie vnserē gläubē erklarer/vñ bezeuget die gegenwertigkeit des heyligē geists/vñ werde vor got als werck d̄ dankbarkeit vñ dankopffer auffgenomē.

Christus  
hatt vol  
kommen  
geben  
tes  
man vñd  
hat aller  
mensch  
sün  
gebüßet.

Vñ Den

Die Sybenzehen predig Johan Brentij.

Den was solt es für cyn vrsach seyn / Darumb  
du deynem nechsten seyne fel vnd sünd wider dich  
geschehen / nicht vergeben wöltest? Weynst du es  
zime dir darumb vnstrefflich zu sünden / vnd die vn  
billigkeyt so dir geschehen ist rechen / das Christus  
dir deyne sünd vnd mengel vergeben hat? Lieber  
irre dich nicht / Christus hat deyne sünd nit darumb  
versonet / das es dir hernacher vnstrefflich zu sündē  
gezime / Sonder vil mer darumb / das du die sündē  
fliehst. Das du Gott den rach gebest / das du an  
dern leuten so wider dich sünden vergebest vñ nach  
lassst. Oder / du wilt vileicht deynem nechsten sei  
ne sünd so er wider dich gethan hat nicht vergeben  
das du achtest sie seien vil grösser vnd grausamer  
weder das sie im vergeben sollen werden? Aber es  
ist keyn so grosse sünd eyns menschen die wider ey  
nen mensche geschicht / als groß die sünd eynes men  
schen ist / die wider Gott seynen **HEXEN** ges  
chicht / in Matheo am. viij. Cap. Wirt die sünd  
eyns menschen so wider cyn menschen geschicht /  
hundert groschen / aber die sünd eyns menschen so  
wider Gott geschicht zehen tausent pfunden / ver  
gleichen. Was ist den das für cyn vnuer schampt  
wesen / dz du von Gott hoffen darffest vergebung  
vñ nachlassung der zehen tausent pfunde / du aber  
machest die hundert groschen / die dir dein nechster  
mensch schuldig ist / vnder dem all so groß / das du  
meinst sie seien vil grösser zu achte / dan dz sie soltē  
nach:

Die sünd  
des men  
schen wid  
Gott ist  
die aller  
schwerest

In das Sechst Cap. des Euang. Luc. Cloyß  
nachgelassen werden? Es ist aber/sprichst du/  
das werck schwerer/dann das ich dem seynd die vn  
billigkeyt/so er mit gethan hat/könne vergeben.

Ich weis zwar wol/das/das güte nicht in vnserem  
fleysch wonet/wie Paulus zu den Römern am. vii.  
sagt. auch das es nimmer als güte ist mit dem men  
schen/das er in dem leben des HERRN gesatz  
volkommen erfülle/vñ dem nechsten on allen man  
gel seyner sünden vergebe vñ nachlasse/Aber  
doch der heylig Geyst/welcher den gleybigen an  
Christum durch das Euangelion geben wirt/der  
kan zu wegen bringen/dz die sünd in vnserem sterb  
lichen leibe nicht hersehe/das wir nicht nach dem  
fleysch leben/Sonder das wir durch den Geyst die  
werck des fleysches tödten.

Darumb sollen wir den grösten fleiß ankeren/  
auff das wir Christum durch den glauben ergreif  
fen/vergeben vñ lassen also nach die sünd vnser  
nechsten/die er wider vñ begangen hatt/wie wir

glauben das vñ vnser sünde von Gott ver  
geben vñ nachgelassen werden/durch

Jesum Christum vnseren HERRN

AN/8 zu gleich mit dem

vatter vñ dem heyligē

Geyst Gott ist ge

lobt in ewig

keyt A

men.

XX iii

Die

Die Achtzehen predig Johan. Brentii.

## Die XVIII. Predig.

Was für cyn gerechtigkeit zu beweisen sei ihm  
leihen/ist da oben angezeygt. Vnz leret Christus  
was mann für cyn gerechtigkeit beweisen soll in  
kauffs hendlen/vnd spricht.

Gebt so wirt euch gegeben/  
cyn vol/getruckt/gerütelt vñ überflüß  
sigemaß wirt man in ewere schoß geben  
denn eben mit dem maß/da jr mitt meß  
set/wird man euch wider messen.

Anfenglich ist zu mercken/auff das wir  
die stück/die hie an dem ortt Chris  
tus prediget/recht verstan  
den werden.



Das/so Christus hie mel  
dung thut von der maß/die/die  
leüt im handel des verkauffens  
brauchen das er zu vor anrede  
hie vonn der handtierung vnd  
handel des verkauffens.

Dañ wie wol/der spruch/ge  
bet so wirt euch gegeben/in der gemein gebrauchet  
werden

In das Sechst Cap. des Luan. Luc. Clyxij.  
werde mage/ jedoch die weil Christus die geschlechter  
oder gattung der massen hinzu setzt/ so ist es offen  
bar/ das es zu vor an zu verstehen sei von den welt  
lichen teuffen. Darnach so Christus eyn weis vñ  
form fürschreibet in den dingen so verkaufft wer  
den sollen/ so zeugt er offentlich an/ das er die han  
dlerung des verkauffens für billig vñnd ordenlich  
erkenne vñnd approbiere. Dann wann der handel  
an jm selbs gottlos vñnd vnbillig were/ vñnd were ey  
nem Christen menschen nicht gebürlich/ Warlich/ Christus  
gibt güte  
handel  
des ver  
kauffens.  
so würde Christus nicht beuolhen haben/ eyn volle  
vñnd getruckte maß zugeben/ Sonder er hette das  
verkauffen gar verworffen vñnd verdamet/ vñnd  
het gebotten das die leüt ire wahr vngemessen auß  
geben. Dann keyn lerer der gerechtigkeit/ schreib  
et weise für zu leben/ in eynner form oder gattung  
des lebes/ die an ihr selbs gottlos ist/ Sonnder er  
verdamet vñnd verwirfft gang vñnd gar/ die sel  
big form vñnd weise des lebens.

Darumb so Christus eyn weis vñnd maß leret  
in den dingen die man verkauffet/ so gibt er offent  
lich güte den handel des verkauffens/ vñnd spricht/  
Gebet/ so wirt euch gegeben/ Was soll man gebē?

In der handlerung des verkauffens/ soll man  
eyn volle maß gebenn/ so du thuch verkauffest/ o  
der des gleychen andere wahr/ die mit der ehlen/  
gemessen werden.

Item



Die Achtezehen predig. Johan. Brenck.

Item/du solt cyn getruckte/vnd gerütteltemaß ge  
ben / so du frucht od der korn verkauffest. Es ist  
auch cyn vberflüssig maß zu geben / so du flüssige  
war/ als wein/ öl vnd der gleichen andre/ verkauff  
est. Aber/was wir zu vor offte/vnd vil gemeldet ha  
ben/das ist auch yetzund fruchtbar/vnnd nützlich  
wider zu eefren nemlich/das Christus an disem ort  
hie keyn new gesatz den gewerbs leuten auffrichte  
et/sonder das er alleyn das allt gesatz auflege.  
Das ist das alt gesatz/ Du solt deinen nächsten lie  
ben/ wie dich selbs/Diß gesatz oder gebot/waß du  
es erklärest/so leret es dich/ das gleich wie du vom  
dem verkauffer cyn rechte/volle/getruckte/gerüt  
telte vñ vberflüssigemaß begerest zu empfangē/ al  
so solt du widerum dem kaffer rechte/vñ ordeliche  
maß geben. Item/dz ist das alt gesatz. Du solt nit  
steelen/nun achtet der gemeyn hauff dz alleyn für  
cyn diebstal/so eyner die frembdē kisten/on wissen  
vñ willen deren so sie eygen sind/außraumer/aber  
die maß/vnnd gewicht in den waren so mann ver  
kauft/verwandlen/vnnd dem kaffer nachteylich  
sein/das sie weder betrüg noch diebstal/sonder cyn  
behendigkeyt/cyn geschwinde für sich rigkeyt/vñ  
cyn eerlicher gewin. Da her auch die gewerbs leute  
kauffleut/vnd handwercks leut in iren kauffman  
schätzen iren betrug haben. Der kauffmann/auff  
das er seyne war dester theurer verkauffen möge/  
brauchet er vil lerer/vnützer/trugliche wort/vnd  
schweret

Eyn and  
berriegē  
im kauft  
sen ist ein  
diebstal.

In das Sechst Cap. des Luan. Luc. Cloytt.  
schweret mit der vnwarheyt seyne war sei die aller  
beste/vnd habe weder mangel noch fele. Die metz-  
ger/becke/rücher fremder / vnd der gleichen andre  
gewerbs leut /haben ire vnnütze geschwetz/lügen/  
list vnd betrug/vnd es ist keyn gewerb oder hand-  
werck so kleyne oder schlecht/darinnen nit eyn son-  
derer betrüg erfundē seie/vñ alles dz mit solichē li-  
stē vñ betrug vberkommen wirt /dz wirt nit dem  
diebstal/sonder dem grossen güten eorlichen gewin-  
zu gergchner. Christus aber leret hie an disem ort  
weit eyn annnders / auß dem gesatz/danner gebeut  
vnd heyst eyn güte/volle/getruckte vnd vberflüs-  
sige maß geben/vnd nicht betriegen oder nachtey-  
lig seyn/dann alles das du der vollen/ getruckten/  
gerüttelten vnd überflüssigen maß /oder dem rech-  
ten ordenlichen gewicht/durch listigkeyt vñ schal-  
keyt/entzueuchst vñd geringerst/das ist vnder den  
diebstal zu rechnen. Dan dz gesatz spricht im drit-  
ten büch Mosi am .xix. Ihr sollt nicht vngleich  
handlen/am gericht/mitt der ehlen/mitt gewicht/  
mit maß/rechte wage/rechte pfunden/rechte schef-  
fel/rechte kändren/soll bey euch seyn. Vñ im fünff-  
ten büch Mosi am .xxv. Du solt nicht zweyerley  
gewicht in deynem sack/groß vnd kleyne haben/vñ  
in deynem haufe soll nit zweyerley scheffel/groß  
vnd kleyne seyn/du solt eyn vollig vñ recht gewichte  
vnd eynen volligen vnd rechten scheffel habē/auff  
das deyn leben lang were in dem lande das dir der

Die Achtzehend predig Johan. Brentij.

HERR deyn Gott geben wirt / denn wer solichs thut / der ist dem HERRN deynem Gott eyn grewel / wie alle die übel thun. Vnnd aber eyn mal spricht Salomon im buch der sprich am. xv. cap. Man herley gewicht vnd maß / ist beydes grewel dem HERRN. Dise gesetx vñ sprich sind eyn auslegung des / das in den zehen gebotten wirt gesagt. Du solt nit steelen. Dann was die zehen gebott in der gemeyn / sagen / das selbiger klären dise gesetx vñd sprich eygentlich gewiß vñd in sonder heyt. Darumb alle die güter die du mitt vnrechtem gewicht / vñd vnordentlichem maß zu wegen bringst / die sind dem diebstal zu zurechnen. Zu dem sagt auch der weysman Salomon in sprich en am. xvi. Cap. Recht wag vñd gewicht ist vom HERRN / vñd alle pfunde im sacke sind seyne werck. Welcher nun mitt vnrechtem gewicht vñd vnordentlichem maß seynen nechsten betrüg / der nimpt seynem nechsten mit bosshet abe / das auß götlichem vrtail seyn ist / was aber bosshafftiglich dem nechsten wirt abgenomen / das selbig wirt vñd der dem nammen des diebstals begriffen.

Die betrieger  
sind dieb.

Darumb so stilt eyn yeder der durch vnrechte vñd vnordentliche gewicht seynen nechsten betrügt wolan / so denn die betrieger / dieb sind / so ist es offembar / was für straffe beyde vor Gott vñd dem menschen / innen zu gehöre. Vñd zwar vor Gott sind sie schuldig des hellischen feners / denn weder  
die

In das Sechst Cap: des Luan. Luc. Chrystij  
die geizigen/spricht Paulus/nach die dieb/nach  
die rauber/werden das reich Gottes ererben. Vor  
den menschen abel haben die dieb auch ire straff/  
welches das gemeyn sprichwort auch bezeuget.

Es ist keyn empte/sprechen sie/so kleyn/das nite  
sei hendens wert. Mit welchem wort bezeuget die  
gemeyn verwilligung aller menschen/dz in eynem  
yeden ampte oder gewerbe sollicher betrug durch  
die bösen vngerechten menschen erdacht werden/  
welche billich mit grosser straff sollenn gestrafft  
werden. Es ist aber auch das seer eitel vnd leicht  
fertig/das die leute/die güter/so sie mit betrug vñ  
vnrecht vnd vnordenlichem gewicht vnd maß ü  
berkommen/nit für schaden/sonder für gewin ach  
ten. Dañ welcher seynen nechste im handel verfor  
teiler/vñ brauchet vnrechte gewicht vñ maß/8 ver  
legt Gottes wort/vñ wiðstrebt dem vrteil vñ 8 er  
dnung Gottes/wie wir zu vor haben angezeygt.

was mit  
betrug ü  
berkomē  
wirt ist  
nit gewin  
sond scha  
den.

Welcher aber dem wort vñ dem vrteil des Herren  
wiðstrebt/wz solte 8 anders thun/dañ dz er jm selbs  
eyn versächer ist des fluchs: Wenn du/spricht das ge  
sez im fünfften Mosi am. xxviii. cap. nit gehorchē  
wirst 8 stim des Herren deines Gotes/dz du haltest  
vñ thust/alle seine gebott vñ rechte die ich dir heut  
gebiete/So werde alle dise flüche über dich komen  
vnd dich treffen/verflucht wirst du sein in der stad  
verflucht vff dem acker/vñ flucht wirt sein dein forb  
vñ dein übriges/vñ flucht wirt sein die frucht deines

Leibs/

Die Achtzehen predig Johan. Brentij.

leibs/die frucht deynes lands/die frucht deynes  
 ochsen/vñ die frucht seyner schaff/verflucht wirst  
 du sein wann du eingehest/verflucht wann du auß  
 gehest. So nun der betrieger verflucht ist/wie kñ  
 dees dann zu gehen/das seine betrügercy gesegnet  
 würde vñ glücklicher gewin were? Dañ man soll  
 von den gütern so durch betrug überkommen sindt/  
 nicht vrteilen/nach irer eusserliche gestalt vñ vile  
 sonder nach des **HERRN** wort: Des **HERRN**  
**HERRN** wort vrteilet vñ spricht/sie seien verflucht.  
 Darumb so dichte vñ achte sie so groß/dz sie auch  
 mit ihrer vile die grossen schertz des Königs Cräsi  
 bertreffen/yedoch/die weil Gottes wort/welches  
 weder betriegen noch liegen kan/vrteilet sie als ver  
 flucht/so mögē sie nit vnder dem namē des gewins  
 gezalet werden. In dem so haben wir drobē auß  
 dem Mose vñ Salomon erweisen/das vnrecht ge  
 wicht vñ maß cyn grewel vor Gott sind/so aber  
 Gott cyn grewel hat ab dem vngleichē gewicht/  
 wie wölte er dann nit auch cynen grewel haben ab  
 dem güt das mit vngleichem vñ vnrechtē gewicht  
 überkommen ist? So aber Gott cyn grewel dar ab  
 hat/was segē meynst du dz solchem güt möge zu  
 kommen? Gott kan solche güter nit gütig ansehen/  
 sonder er keret sein angesicht dar von/vñ du wilt  
 meynen sie sollen nit schaden/sonder gewin seyn?  
 Was kan für cyn gewyn sein/wz kan es für cyn se  
 gē sein/on die güte Gottes? Im Prophetē Micha

am

reichtum  
 mitt vn  
 rechtē ge  
 wicht ab  
 erkomme  
 sind ver  
 flucht.

In das Sechst Cap. des Luan. Luc. Cloy  
am. vj. Cap spricht der HERR/solt ich nit zürnen  
über das vnrecht güt im hause des gottlosen/vnd  
das man dzmaß zu Eleyne macht: Odder solt ich  
die vnrechte wage/vnnd falsche gewichte im seckel  
billigen: durch welche/ire reichē vil vnrechts thun  
vnd ire einwoner gehen mit liegen vmb/vnd habē  
falsche zungen in irem halse. Du hast yetz gehöret  
die reichthumb mit vnrechter wage/ betruglichem  
gewichte/mit liegen vnd eriegen überkommen/so hö  
re yetz auch wie grosser gewin die selbige reichthum  
seien. Darumb will ich/spricht der HERR dich  
auch anfahen zu plagen vnd dich vmb deyner sün  
den willen wüß machen/du solt nit genug zu essen  
habē/vñ solt verschmachten/vñ wñ du erhaschest  
soll doch nicht da von kommen/vnnd was da von  
kompt/wil ich doch dem schwert über antworten/  
Du solt seen/vnd nit erndten/du solt öl kelttern/vñ  
dich mit dem selben nit salben/vnnd most kelttern/  
vnd nit wein trincken. Sihest du wie eyn grosser  
fluch über die reichthumb gehet die mit betrug über  
kommen sindt.

Es ist zwar fast schwer vnnd verdrüsslich/das  
du essest/vnd nicht satt werdest/das du seest vnnd  
nicht erndtest/das du most samelest vnnd nicht  
trinckest.

Aber eben das ist das billichest/das du der vn  
fertigen güter die vnbillich gewonnen sind/nit ge  
niesset/im Propheten Amos stehet also geschribē



Die Achtzehen predig Johan. Brenetti.

am. viij. Cap. Höret diß / die jr den armen vnder-  
truckt / vnd die elendē im lande verderbt / vñ sprech-  
et / wenn will den der newmond eyn ende haben / dz  
wir getreide verkauffen / vnd der Sabbath / dz wir  
Korn veil haben mögen / vñ den scheffel ringern / vñ  
den Seckel steigern / vñ die wogen felschen / Auff dz  
wir die armen vmb gelt / vñnd die dürffreigen vmb  
schüch / vnter vñß bringen / vnd sprewn für Korn  
verkauffen. Aber sie hören wider vmb den H. L. X.  
X. L. V. schweren vnd sagen / was gilt ob ich solch-  
er irer werck immer vergessen werde? Sollt nicht  
vmb solchs willen das land erleben müssen / vñnd  
alle einwoner trauern? Ja es sol ganz / wie mit ey-  
nem wasser / überlauffen werden / vnd weg gefüret  
vnd überschwemmet werden / wie der fluß in Egypten-  
thut? Vnd bald hernacher / Ich will über alle  
lenden den sack bringen / vnd alle köpff kahl mach-  
en / vnd will jnen eyntrauren schaffen / wie man ü-  
ber eygem eynigen Son hat / vnd sollen eyn jemer-  
lich end nemen. Sibe dz ist der gewin / der durch be-  
triegē vñ mit falschem gewicht / erlanget wirt / vnd  
paulus so er an die Tassalo. schreibt spricht in der  
ste am fierden cap. Vñ dz niemand zu weit greiffe  
noch vñfortheile seine brüß im handel / den d. Herz ist  
d. recher über dz alles / so d. Herz d. recher ist des listis  
vñ betrugs / wñ für verfluchung wirt nit auff den  
Straff d listigē betrieger erwachsen vñ vff im bleibē? Aber  
betrieger was kan offentlichers von dem fluch der betrieger  
gesagt

In das Sechst Cap. des Euan. Luc. Cxxxvi  
 gesagt werden/dann das Christus spricht/denn es  
 ben mit dem maß/da jr mit messet/wirdt man euch  
 wider messen? Darumb so du ander lehre mit fal  
 schem list betrogen hast/so ist das vrteil gewiß/vñ  
 der sentenz ist gefelt/das auch du billich solt betro  
 gen werden/vnd der güter so vnredlich gewonnen  
 sind/nimmer genießten solt. Dañ wie wol/dz die  
 oberkeyt/deren zu gehört die truglichen verender  
 der gewicht vnd maß ernstlich zu straffen/vñ  
 dweilch hinlässig ist/vñ jr ampt versaumet/sedoch/  
 so wirt diß gesatz im göelichen vrteil so fleysig ver  
 merckt vñ erhalte/dz die betriger auff w3 weise es  
 geschē kan/entwed mit kriegē/o8 morderē/o8  
 brandt/o8 mit gleicheliste vnderēynand/o8 mit  
 andern schaden/widerymb betrogen vngestrafte  
 werden. Simpt es denn auch/wirst du sagen/auf  
 disem spruch Christi/die listigen mit liste überwin  
 den/vnd die betrieger widerymb betriegen? Das  
 seiferz. Dann Christus zeyget mit dem spruch nit  
 an/das denen so betrogen sind worden/widerymb  
 gezieme die betrieger über dz seil werffen vñ betrie  
 gen/dañ von dem hat er da oben geredt/von dem/  
 spricht er: der dir dz deyn nimpt/da fordere es nit  
 wider/vnd wer dir deyn mantel nimpt/dem were  
 nit auch den rock/Sonder er erkläret/was straffe  
 dem sinanger vñ betrieger billich widerfaren soll.  
 Dann wie eyn offner morder/zwar/wirt billich  
 vnd

Man soll  
 die betrie  
 ger nit wi  
 dymb be  
 triegen.

## Die Acherzehen predig Johan Brenck.

vnd recht von der ordenlichen oberberkeyt/gerödet.  
Darumb das Got vnser H<sup>E</sup>X die oberberkeyt  
verordnet hatt/die morderi zu straffen/ So er a  
ber von eynem sonderlichen menschen der keyn be  
felch dar zu hatt/on das gemeyn rechte/erwürget  
wurde/ wie woler gantz billich nach seinem ver  
dienst/erwürget wurde/nemlich/das es billich ist/  
das wer das schwert nimpt/der sol durch schweert  
vmbtummen/Jedoch/eyn sonderlicher mensch/so  
er on gemeynen gewalt der oberberkeyt eynen morder  
erwürget/der thet vnrecht/darumb das er vber  
das ziel seines beruffs gehet/ Also eyn betrieger  
wirt ordenlich durch die oberberkeyt gestrafft. Aber  
so eyn sonderer mensch dem nichts beuolhe ist/ime  
auff seinem eygnen freuel/vnd mütwillen disen ge  
walt zu gebe/vnd betrüge den betrieger wider vñ  
es ist zwar recht vnd billich das dem finantzer vnd  
betrieger geschicht/der aber der jn betrügt/thut  
vnrecht/darum das er vber dz ende seines beruffs  
springet. Darumb eyn betrieger/wer er ja auch  
ist/sol gedencken/das jm das schwerst vrteyl Got  
tes von Gott auff dem halß ligt/vñ sol sich bessern  
vnd der betrogen worden ist/der gebe Gott seinem  
H<sup>E</sup>X den rath/vñ volge seinem ordent  
len beruff nach. Welches ist dann die rechte wei  
sereichrum zu vberkommen/vnd gewin zu haben in  
Eaußs hendlen: Vor Christum/so wirt er dich hie  
an dem ort die aller best weiseleren/Geht/spricht  
er

Die recht  
weiß  
reich zu  
werden  
in Eaußs  
hendlen.

In das Sechst Cap: des Luan. Luc. Cxxvij.

er: so wir euch gegeben. Was heyst du vnß gebē:  
eyn gütemaß/ein getruckte/gerüttelte vn̄ überflü-  
ssigemaß/vnd als den werden auch die andren euch  
in ewere schoß geben/eyn güte/getruckte gerüttelte  
vnd überflüssigemaß. Denn eben mit dem maß/  
da jr mit messet/wirt man euch wider messen. Du  
hast die best vnd aller göttlichest weise gewin zu  
überkommen/on zweyfel/nicht so du eyn zu kleine  
maß gibst/oder eyn vnordenlichs gwichet/Sonder  
so du dem kaffer gibst eyn güte gerüttelte vnd ü-  
berflüssige maß. Was: glaubst du denn nicht den  
worten Christi: Eyn er sagt zwar wir empfinden  
an jm selbs das eyn kleine maß dem verkaffer ge-  
win bringe. Christus aber sagt das eyn gerüttel-  
te vnd überflüssige maß dem verkaffer gwin brin-  
ge/welchem wilt du nun glauben: wilt du der euf-  
serlichen vnd truglichen empfindnüs mer glaubē/  
dann dem wort Christi/welcher die war heyt selbs  
ist: Aber auff das keyn zweyffel mer da bleibe/so  
sind auch vil andre ort der heyligē geschrifft durch  
welche offentlich beweret wirt/das eyn überflüß-  
sig vnd reihlich außgeben/dz ordenlich nach Got-  
tes beruff geschicht/bringe dem außgeber/nicht  
schaden/sonder gewin.

Es ist im fünfften büch  
Mosi am. xxiiij. geschriben/wenn du auff deinem  
acker geerndtet hast/vnd eyner garben ver gessen  
hast auff dem acker / so sollte du nicht vmbkeren die  
selben zu holen/Sonnder sie sol! des fremblingen/

ordenlich  
auß gebē  
der güter  
bringē  
keynen  
schaden.

Die Achtzehen predig Johan. Brenetij.

des weisen/vnd der widwen seyn. Es möchte aber  
jergent eyn geiz halß bey jm selbs also gedenck  
en/Was: muß ich die ersten frucht vnd den zehen  
den geben/so muß ich auch auß dem gesatz leyden  
das/so eyner in meynne Saat gehet/rupffet eher  
auß vnd esse/warumb solt ich dann erst noch mir  
garben ligen lassen/oder solte die verlassenen nicht  
holen? Were das nit sich selbs in eynen offentlich  
en schaden werffen? Aber der heylig Geyst/der al  
leyn eyn rechter warhafftiger namengeber ist al  
ler ding/der heist das nicht eyn schaden/sonder er  
nennt es eyn gewin. Auff das dich/spricht er: der  
HERR deyn Gott segene/in allen wercken deyr  
ner hende. Hieher kompt auch das Salomon in  
sprüchen ameylfften sagt/Eyner teilet auß/vnnd  
hat jmer mer/Eyn ander karget/da er nit soll/vñ  
wirdt doch ermer/die seele die da reichlich segenet/  
wirt fett/vnnd wer truncken macht/der wirt auch  
truncken werden. Vber das/hat auch Gott eben  
das selbig durch eyn naturlich exempel vñ vorbild  
des samens der in acker geworffen ist erklaret.  
Dan welcher vil samen auff den acker seet der sam  
let auch eyn grosse erndte.

Aber geben vnnd vil darstrecken nach Gottes  
beruff/was ist anders dann den samen in acker  
werffen? Dann also leret Paulus .ij. Cor. ix. wer  
da seet/spricht er: gern vnnd gütiglich zu geben/  
der wirt überflüssig erndten.

Darumb

In das Sechst Cap. des Luan. Luc. Cloyvitt

Darumb zeygt die eygenschafft des samens der  
in die erden geworffen ist klarlich an/das reichlich  
geben nach ordentlichem beruff Gottes/Keyn schad  
sonder eyn gewin sei. Zum letzten/hat auch Got  
vnsen HERR eben das mit vilen wunderzeychen  
als mit himlischen sigillen/bestetiget/auff welcher  
zall wir nur eyns andi sem ort als das fürnemlich  
est er zelen wollen. Im dritten büch der König am  
xvij. Cap. Heist der Prophet Elias die widwen  
zu zar path im eyn wenig wasser vñ eyn kassen brot  
geben. Vnd wie wol aber die widwe/in so langer  
zeyt der grossen theurung/nicht mer übrig hette/  
dann eyn wenig melhs vnd öle/vnd wartet zu ster  
ben wann sie das selbig gessen het/yedoch/die weil  
sie auff Gottes beruff dem Propheten frey herauf  
ser gab/was sie hatt/da hatt der öl krüg keynen  
mangel mer gehabt/vnnd das mel im Cad ward  
nicht verzeret/biß auff den tag da der HERR re  
gen ließ auff die erden. Das ist eyn seer groß wun  
derzeychen/da durch d HERR hat beweret wol  
len/das dz ordenlich außgeben der güter/seye dem  
aufgeber keyn schade/sonder eyn grosser gewin.

Darumb/ihr aller liebsten/so laßt vnns das si  
nangen/liegen vnnd triegen fliehen/vnd der rech  
ten ordenlichen weise/zeitlich hab vnd güter zu ge  
winnen/nach volgen/auff das so wir vnseren nech  
sten eyn reyhliche vñ überflüssige maß dar messen.

V V ij Wir



Die Neünzehen predig Johan Brenck.

Wir auch die selbige überflüssige maß von Gott  
vnsrem **HEXÆTI** erpfahen vnd ein nemen  
durch Jesum Christum vnsren **HEXÆTI** / 8  
zugleich mit dem vatter vnd dem heyligen Geyst  
Gott ist/gelobt in ewigk eyr. Amen.

## Die XIX. Predig.

Bis her hatt Christus das gesetß außgelegt /  
nach seynem rechten vnd göttlichen verstand / vñ  
hat es aber vil anders außgelegt dann die schrift  
geleren vnd phariseer. Nun aber / ehe dann er in  
der außlegung des gesetzes für feret / setz er eyn  
vermanung darzwischen / in welcher er seine zu hö-  
rer vermanet / das sie sich hüten sollen vor denen le-  
reren / welche das gesetß anderst außlegen / dan wie  
er geleret hat. Vnd er saget inen spricht Lucas /  
eyn gleichnüss.

**Wag auch eyn blinder ey-**

nem blinden den weg weisen : werden sie  
nit alle beyde in die grüben fallen : der  
Junger ist nicht über seynenn meyster /  
wenn der Junger ist wie seyn meyster /  
so ist er vollkommen.

Was Christus hie mit wenig wortē gesagt hat / dz  
wirt nützlich vnd gut sein / das man es mit eyn we-  
nig mer Worten erkläre.

Dann

In das Sechst Cap. des Euan. Luc. Cxxxij.

Darumb so ist das die meynung vnd  
verstand der wort Christi.



**I**ch hab in diser pre-  
dig den verstand des geset-  
so war hafftigklich/volkom-  
men vnd klar dar than vnd  
geleret/das es nicht sein kan  
das die so das gesetz anders  
auslegen/nit vnerfarne vñ  
blinde außleger seiẽ/welche  
aber blind sind/wie mögen

Die phariseer  
sind blind vñ  
leger des  
gesetzes.

sie dann eynem blinden den wege weisen: Vnd es  
sei gleich also/dz eyn blinder dem andren den weg  
wey se/yedoch/so fallen sie doch beyde in die grübẽ.  
Darumb welche den rechten verstand des gesetzes  
ersehen wollen/vnd wollen nicht in die tieffegrübẽ  
der blindheyt fallen/denen wirt von nöden seyn/  
dz sie sich vor disen schriftgelerten/phariseern vñ  
falschen propheten hüten/welche eynẽ andrẽ ver-  
stand dem gesetz mit gewalt geben/dann ich es er-  
kleret vnd außgelegt habe. Zu dem/so sind zwar  
vil Rabi/phariseer vnd meister die sich aufschund-  
sielerten den rechten waren verstand des ganzen  
göttlichẽ gesetzes/welche doch also vnbesünn toll  
vnd vnerfaren göttlicher sachen sind/das sie auch  
nicht die geringsten rechte erkantniß des gesetzes

Die Meünzehen predig Johan. Brentii.

Die decke  
über dem  
angeficht  
mosi daer  
das gsa  
gab.

verstanden/vnd sind nicht wert das sie den namen  
eyns meisters oder lehrers haben sollen. Dañ was  
bedeutet worden ist durch die decke ober dem ange  
sicht Mosi/8 dz geset zu dem volck Israel bracht  
wie im andren buch Mosi am. xxxiiiij. Capit. ge  
schriben ist/dz selbig ist in disen pharisaischen doc  
torn vnd lehreren erfüllet worden/ den ire sinne sind  
verstockt/das biß auff den heutigē tage bleibt die  
selbig decke vnauffgedeckt in ihnen über dem alten  
Testament wenn sie es lesen/vnd in seynere ausles  
gung/wie es Paulus in der andren Epistel an die  
Corinther am dritten klarlich auflegt. Was sol  
te aber eyn vnwissender junger von eynem vnwis  
sender meister vnd lehrer anders/den vnwissenheyt  
lerē? Es mag zwar wol geschehē dz eyn junger ein  
so grosse verstendikeyt vñ kunst erlange/als groß  
sie 8 meyster hat/aber so der meister toll vnd vngel  
ert ist/so gibts die natur selbs/das auch 8 junger  
toll vñ vngeleret werde. So nun die andrē meister  
vñ lehrer dz gesag mit ire auslegung vil mer ver  
dückelē dañ dz sie es erkläerē/vñ lassen ire junger vil  
vngelerter vñ inē gehē/so müssen wir vnß seer wol  
befleissen dz wir sie zu gleich mit irer vnütz lere vñ  
geschwenz vermeidē vñ fliehē. Du hast wz Christus  
wil mit diser gleichnuß des blindē führers vñ blindē  
meisters. Darum so müssen wir erstlich dar vñ ver  
merckē/wie eyn grossen nutz die recht war ausleg  
ung des gesetzes/dargegē wie eyn grossen schadē/  
die

In das Sechst Cap: des Euan. Luc. Clyxx.

die falsch/pharisaisch schülererisch vñ mōnichisch  
auflegung des gesetzes iren schülern vnd jungern  
bringe. Dann das ist eyn falsche vnd gottloser  
von dem gesatz/das/das gesatz möge mit mensch-  
lichen krefftē/vnd eusserlichen werckē vollkōmen  
erfüller werden/vnd das wir mit denen werckē die  
sünd büssen/vnd die genad Gottes vnd das ewig  
leben verdienen. Diseler von dem gesatz haben nit  
alleyn die phariseer zu der zeyt Christi gelert/son  
der ez leren sie auch zu diser zeyt die sophisten/schü  
lerer vnd mōnch. Aber die weil Christus hie an di  
sem ort die lerer dises verstands/blinde meister vñ  
lerer nennet/so ist es offembar/das die ler die grō  
ste blindheyt finsterniß vnd vnwissenheyt ist/vnd  
bringe iren jungern die hōchste verderpnuß.

Denn zum ersten füret diseler von dem gesatz  
ihre zuhörer in ihre eygenen vnwissenheyt/vnnd  
macht sie vor Gott stolz vnd übermütig. Denn  
welche sich dahin beredenn lassen/das/das gesatz  
mit menschlichen krefftē vnd werckē möge erfült  
werden/die wissen vnd erkennen nicht die grōsse vn  
serer sünde/die vnß von natur anhangt/so wissen  
sie nicht/wie vil die menschlichen krefftē/durch die  
sünde vnseres ersten vaters Ade/verloren haben/  
vnd wie groß der gewalt des teufels über den men  
schen/so in sünden empfangen vnd geborē ist/seie.

Welcher aber dise stück nicht weißt/vñ verimeynt  
das

schade  
die falsch  
vñ fleig  
des gesatz  
es bringe

Die Neünzehen predig Johan. Brentij.

das seynet krefft noch genug vnuerseret vñ volkommen seyn/was breiß er vnd lob wirt der vor Gott nicht aufziehen? Was mäiestet/herligkeyt vnd tuget wirt er nit rüme? Darnach/dise ler von dem gesatz/wirfft den junger in die ewigē verdammüß. Denn so sie leret/das wir mit vnseren wercken mögen das gesatz erfüllen/vnd die sündē büßen/vnd das ewig leben verdienen/warlich so leeret sie vnverholen/das wir Christus garnichts bedörffen/vñ das ganz nārrisch sei/dz Christus cyn so grausamen tod vnserē sünd zu büßen/vnd zu versönen hab auff sich genomen/die weil die leute selbs mit iren eygnen wercken/vnd leidē die sünd büßen/vñ versönen kōnden. Wo aber dise meynung dz menschlich gemüt besessen hat/dz wir Christus nichts bedörffen/vnd das er vergebens von himel herab gestigen sei/oder das er heraber kōmen sei/alley n gebort des lebens wie man sich dar innen haltē solle/zuleeren/da wirt keyn heyl noch sālīgkeyt mehr dem junger verlassen. Darumb/ist nichts gefährlichers/nichts schädlichers/dañ dise leer von dem gesetze. Die recht warhafftig leer aber von dem gesatz ist/das/das gesatz/wie Paulus sagt Rom. viij. geystlich ist/Das wir/die weil wir von natur des heyligen geysts manglen/das gesatz nicht kōnden erfüllen/das wir auch nicht mit vnseren wercken die sündē büßen noch versönen/das/dz gesatz zu vor an darvmb geben sei/das es vnß in die erkantnus

Die recht  
leer von  
dem gesatz  
vnd nutz.

**In das Sechst Cap. des Luan. Luc. Cxxxv**  
**Erkenntniß vnserer sünden füre / vnnnd treibe vnß in**  
**die begirde vnnsers HEILIGEN Jesu Christi /**  
**vmb welches willen wir alleyn durch den glaube**  
**haben verzeihung der sünden / vnnnd die erfüllung**  
**des gesetzes / Das gesatz ist zwar auch darumb ge**  
**geben / dz es vnser sittē gestalt vnd gschickt mache**  
**vnd das es die boßhafftigen zwingt / Aber allß vil**  
**das gewissen berriß / so ist es vor allen dingen dar**  
**zu geben / das die erkenntniß der sünden dar auß**  
**komē / dz wir auß der erkenntniß der sünden getrie**  
**ben werden Christum zu suchen / Das ist die ler von**  
**dem gesetze die weder pharisaisch noch sophistisch**  
**oder schülererisch ist / Sonder es ist die / welche die**  
**Propheten Christus selbs vnd die Apostel geleret**  
**haben. Daher / welcher mit der ler geleitet vnd ge**  
**füret wirt / der wirt nicht in die grüben des ewigē**  
**verderbniß / sonnder zu dem lichte des himlischen**  
**reichs / gefüret / dann durch dieler wirt vnser vn**  
**wissenheyt darinnen wir vnß selb nicht erkennen /**  
**vertriben / vnd vnser vermessenheyt / vnnnd wider**  
**spenigheyt wirt dar durch nidergetruckt. Da her**  
**volget demütigheyt / darnach begird vnnnd sönen**  
**nach der seligheyt / nach dem das fleysig forschē**  
**nach Christo : wo aber Christus erforschet / vnder**  
**kannt ist / da standen alle sachen wol. Darumb laß**  
**vnß hüten / vor der widerwertigen vnnnd pharisa**  
**ischen lere des gesetzes / das wir nicht in die finstere**  
**grüben der verderpniß verführet werden. Laß**



Die Neünzehen predig Johan Brenck.

vnß aber die rechte ware/prophetischen/Christlichen/vnd Apostolischen lere von dem gfar/an nemen/auff dz wir auß deren/zu dert antmuß des wäreliechts vnderwisen werde. Ober das/so berüffet

Man soll  
fleiß anke  
zen in den  
sachendie  
die selig  
keit betre  
fen.

vnß auch/dise vermanung /darinnē Christus vnß heist die blinden meister/vnd pharisaischen aufleger des gesezes vermayden vnd flichen/dahin/auff das wir vonn der schlaff süchet erwecket werdenn/schlahen vnser faultheyt vnd tragtheyt auß/vmnd werden fleissiger/vnd emsiger/den dingen nach zu volgen vnd aufrichten /die zu vnserem heyl vnnnd seligkeyt gehören. Denn es sind vil /die eyn yeder /sie seirecht oder vnrecht/erkennen/vnd nemens on allen verstand an/vmnd geben vnder dem jnen selbs recht/gleich als ob sie vor Got entschuldiger seien/das sie die selbigen lere/von jren lererē/sie sei götlich od vngötlich/hörē vñ jr volgē/wañ d pfaff sprechē sie/des zuhörer ich biñ/recht leret/so wil ich auch der warheit der selbigē lere genießē/wañ er aber vnrecht leret /warumb solte er mitt meynem schadē übel leren? wie sollt ich /d ich eyn schlechter einfeltiger man biñ/vñ aller ding vnwissend /vñ einer fremdē schuld willē vderben? Aber Christus prediget hie an disem ort den selbigen weyt andere stück/vnd leret/das durch die gottlosen lere nicht alleyn der meister vnd lerer/sonder auch der jung er verderbe/So eyn blind/spricht er : eynem blinden

den

In das Sechst Cap. des Luan. Luc. Cxxvii.  
den den wege weiser/so felt nicht alleyn der leyter  
vnd wegwaiser/sonder auch der/so geleitet vnd ge  
wisen wirt/in die grüben/vnd der junger/spricht  
er weiter/ist nicht über seynen meyster/So eyn vn  
gelerter vnwissender meyster eynen junger leret/so  
kan der junger auß des meisters lere nicht gelerter  
werden/vnnd so der junger auch vil zu nimpt/so  
kan er eben zu solicher vnderweisung vnnd kunst  
kommen/mit welcher sein meyster begabet ist/So  
aber der meyster alleyn mit gotloser lere vnderwi  
sen vnd gelert ist/warlich so kan er nichts dann ey  
nen gotlosen schüler vnd junger machen.

Daher kompt das/das im Propheten Heseckiel  
am. iij. Cap. geschriben steht/wenn ich/spricht der  
HERR/dem gotlosen sage/du müst des todts ster  
ben/vnd du warnest in nicht/vnd sagest es im nit/  
da mit sich der gotlose für seynem gotlosem wesen  
hüte/auff das er lebendig blibe/was wirt dann ge  
schehen? wirt nicht der gotlose entschuldiger sein?  
gar nicht/sonder/der gotlose/spricht er:wirt vñ  
seyner sünde willen sterben/aber,seyn blüt will ich  
von deyner hand fordern.

Dieses  
schē lerer  
werde zu  
gleich mit  
iren jung  
ern ver  
derbt wer  
den.

Vnd aber eyn mal im. xxxviii. Capitel. Wo a  
ber der wechter sehe das schwert kommen/vnd die  
drommeren nicht bliese/noch seyn volck warnett/  
vnnd das schwert komme vnnd nem etliche weg  
werden dieselben erhalten?

Die Neünzehen predig Johan. Brentij.

in keynen wege/den es volget die selben wurde wol  
 vmb jrer sünde willen weg genomen / aber jr blüt  
 wil ich von des wechters hand fördern. Vnd pau  
 lus sagt von den gotlosen lereren in der andrene  
 pistel an Timotheon am andren Cap. Ihr wort/  
 spricht er : frist vmb sich wie der Krebs / vnd verze  
 ret nicht alleyn die lerer selbs / sonder auch ire sun  
 ger / Darumb / wie wol des jengers blüt / vonn der  
 hande des gotlosen meisters erfordret wirt / jedoch  
 so der junger zu gleich mit dem gotlosen lerer ver  
 derben muß / so soll eyn yedlicher sich vor den got  
 losen außlegern des görtlichen gesetzes für sehen vñ  
 sich hüten / nit anderst / den vor der gechlichen pesti  
 lenz vñnd todlichen giffe. Was wollen wir a  
 ber sagen von denen / die gewesen sind eh dan Chri  
 stus geboren ist worden / vñ sind zuhörzer gewesen d  
 gotlosen vñ pharisaichen lere / vñ die zu diser zeit /  
 vor d offenbarung des Euangelions / sind junger  
 gewesen der sophistischen vñnd mōnichischen lere :  
 wölle wir den halten dz die selbigen alle sampt zu  
 gleich / mit iren gotlosen lereren verdorben seien ?  
 Vondiser sacht ist also zu haltē / das nit geleugnet  
 mag werde / das die pharisaich vñ mōnchesch lere  
 von den verdiensten der menschliche gerechtigkeit  
 welcher lere vnser elteren zu hörzer vñ junger ge  
 wesen sind / an jr selbs gotlos sei / vñ für auß jrer  
 natur zu ewigem verderben. Denn wie das feuer  
 von seyner natur her / alles was du von holz / oder  
 des

Die schü  
 ler d got  
 losen lere  
 vor vñnd  
 nach Chri  
 sto sin nit  
 alle ver  
 dampf.

In das Sechst Cap. des Luan. Luc. Cxxxviii.  
des gleichen dar ein legst/dz verzeret es/allso auch  
die ler von den verdiensten menschlicher werck hat  
Eyn andre natur/dann seyne zuhörer zu verder-  
ben/wie wol es aber die natur des feners ist/dz es  
holze oder menschliche liebe/welche dar ein gelegt  
sind/verbrenne/doch mage es durch eyn wunder-  
zeychen/odder irgennt durch eyn übernatürliche  
Krafft geschehen/das die im fener vnuerferet erhal-  
ten werden/dan Mose hat gesehen/wie im andrē  
büch am dritten geschriben ist/das der pusch mit  
fener brandte/vnd ward doch nicht verzert. Vñ  
im Propheten Daniel am dritten Cap. Die drey  
menner die von den Nebucad Nesar in den glüen  
den offen geworffen waren/giengē vnuerferet mit  
ten im feure. Also auch/wie wol es der gotlosen le-  
re natur ist/das sie ire junger verschlinde vnd ver-  
derbe/yedoch so werden die außervölten Gottes  
wunderbarlicher weise darynter erlöset/welcher  
sach eyn öffentliche anzeygung im dritten büch  
König am. vii. Cap. erzelet wirt. Dann zu d zeit  
des Prophetē Elie/ward der gotloß Gots dienst  
des Baals gar bey von allen Israelitern öffent-  
lich mit so gr offer ehr entpierung/gehalten/Das  
Elias vermeynet/er were alleyn in dem rechtē wa-  
ren Gots dienst verlassen/die kind Israel/spriche  
er: haben deynen bundt verlassen/deyne altar zu  
brochen/deyne Propheten mit dem schwert er-  
würget/vnd ich bin alleyn überblibē/vnd sie stehē

Die Neünzehen predig Johan. Brenck.

Darnach/das sie mir das leben nemen/was für ein  
gestalt und ansehen der kyrche des HERREN  
hete grausamer mögen sein/denn/die so von Elia  
erzelt wirt: Der recht war Gottes dienst was auff  
gehebt/die rechten waren Propheten waren er  
würget/Alleyn des Baals gözen dienst wardt  
nit alleyn offentlich geprediget/sonder auch von  
yeder man gehalten/Alleyneyn rechter wahrer  
Prophet Elias war noch vorhanden/war den  
denn alle junger vnd schüler der Baalirischen lere  
verderpt vnd verdampft:

Zwar die natur vnd eigenschafft der gottlosen  
lere regt also auff/ das alle ihre schüler sollen  
verderben. Aber auff das du sehest/wie wunder  
barlich Gott vnser HERRE seyne außersölle  
re erhalte/so höre/was das göttlich antwort sa  
ge zu Elia/Ich hab mir lassen überbleiben sibenz  
tausent mann/die nit haben ire knie gebogen vor  
dem Baal/vnd allen munde der ihn nicht gekus  
set hatt.

Also führen zwar die pharisaisch vñ mönchisch  
lere auß irer natur her/die junger vñ zu hören/zur  
verderpniß/yedoch/so etlich vnder vnseren elterē  
sind außersölte Gottes gewesen/die selbigē sind  
zu ihrer zeit/wie wol sie offentlich gottlos gewe  
sen ist/wunderbarlicher weise erhalten worden  
durch die gottlichen miltigkeyt vnd güte.

Dan cyn yede zeit/wie wol sie durch offentliche  
lere

In das Sechst Cap. des Euan. Luc. Cxxxviii  
lere vnd falschen Gottes dienst/gottlos ist/hat ire  
sißbentaufent menner/welche durch die wunderba-  
lichen vnd gewaltigen Gottes gütigkeyt rein vnd  
unbefleckt von dem gottlosen wesen erhalten wer-  
den. Den der H<sup>E</sup>X/spricht Dauid im. lxxxviii.  
psalmen/wirdt seyn volck nit verstoßen/noch sein  
erb verlassen. So wirdt nun eyner sagen/wan  
die sach also stchet/was ist das wir mit solcher ge-  
fahr der rechten warhafftigen lere des Euange-  
liions volgen vnd nachtragen? Laß vnß vil mer  
die gottlos lere in der Eyrchen regieren/auff das  
wir sicher on sorge leben mögen/seitmal der Herr  
seyne sißbentaufent/one die öffentlichen predig der  
Euangelisten warheyt/ime verlassen kan. Aber  
was wil im das anders/dann so eyner spreche/laß  
vnß eyn feuer vndter vnser heuser stecken/vñ laß  
vnß selbs in das feuer werffen. Denn so d<sup>H</sup>E<sup>X</sup>  
X<sup>E</sup> den pusch der mit feuer brandt/vñ die drey  
menner im feuer vnuerseret erhalten hatt/so ist  
Eyn fahr das wir vom feuer verbrennen werden/  
was künde freuenlichers gesagt werden?

man sol  
öffentlich  
die lere des  
euangeli-  
ons vol-  
gen.

Denn wie wol die drey menner oder gesellen/im  
feuer vnuerseret erhalten sind worden/yedoch/so  
zimpt es sich vnß nit freuenlich on Gottes beruff  
in das feuer ergeben/vñnd Gott vnseren H<sup>E</sup>X  
X<sup>E</sup> versuchen.

Man sol zwar Gottes beruff im glauben volgen/  
so wir durch Gottes wort geheysen werden in das  
feuer



Die Neünzehend predig Johan. Brentii.

feur gehen/ vnd Gottes will ist zu leiden durch den glauben/ so wir mit gewalt in das feur geworffen werden/ oder so wir on geferde darinn fallen/ vnd können mit keyner ordenliche weise entrinnen. Aber so Gott vnser HERR vns hat für gesetzt eynē rechten vnd füglichē wege zu entrinnen/ oder vns vor dem feur zu verhüten/ So sollen wir vns auff das höchst befeissen/ das wir nicht Gott versuchē oder das wir vns nicht freuenlich in die gefahr erzegeben. Eben auff die weise ist auch zu halten von der öffentlichen predig des Euangelions nach zu volgen. Denn wie wol der HERR mitten vns der dem gottlosen wesen seine sybentausent erhelzt/ iedoch/ so er vns dz geoffenbaret Euangelion fürsetzt / vnd zeyget vns öffentlich das gottlos wesen an/ so sollen wir durch keyne gefahr weß habe noch güter/ noch eere/ noch des leben/ von dem fliehen/ vñ vermeiden des gottlosen wesens/ vnd dem Euangelio nach zu volgen/ ab geschreckt werden. Denn welcher/ spricht Christus Math. x. mich verleugnet für den menschen/ den wil ich auch verleugnen für meinem himmelischen vatter. Darumb/ wie wol die gottlos leer von den verdiensten der werck/ bei vnsern voreltern öffentlich in der kirchen geprediget worden ist/ so ist doch wol vnd guts von ire seligkeit zu hoffen. Wir aber/ welchen auß Götlicher güte die warheyt des Euangelions vonn Jesu Christo/ vnd von der gerechtigkeit/ welche wir haben

In das Sechst Cap. des Luan. Luc. Cxxxv.  
ben in Christo durch den glauben / geoffenbaret  
ist / sollen mit allen krefftendarnach streben / das  
wir die blinden vnd vngelernten meyster fliehen / vñ  
aber der waren vnd göttlichen auflegung des ge-  
setzes nachjagen / welche vnß Jesus Christus in di-  
ser langen predig geleret hat / Auff das wir durch  
das gesetz zu der erkantnuß der sünden / vñnd auß  
der erkantnuß der sünden zu der erkantnuß des E-  
uangelions / auß der erkantnuß des Euangelions  
zu dem rechten waren heyl vnd seligkeit kommen mö-  
gen / durch Jesum Christum vnsern HERRN  
der zu gleich mit dem vatter vnd dem heyligē geyst  
Gott ist / gelobt in ewigkeyt. Amen.

## Die XX. Predig.

Nach dem Christus Jesus vnser HERR  
seyne zu hörer vnd junger vermanet hat / dz sie sich  
fürsehen vnd hören sollen vor den blinden meistern  
vnd tollen vngelernten auflegern des gesetzes / vnd  
das da oben mit kurzen Worten gesagt ist / ver-  
dampt nicht / so werdet jr nicht verdampt / das sel-  
big erkleret er yet mit mer Worten / vnd spricht.

Was sihest du aber eyn splitter

in deynes brüders ange / vnd des balckē  
in deynem ange wirfst du nit gewar. Dd

Aaa

wie

Die Zwenzigst predig Johan. Brenck.

wie kanst du sagen zu deynem brüder /  
halt still brüder / ich will den splitter auß  
deynem aug ziehen / vnnnd du sihest selbst  
nichter den balcken in deynem auge: Du  
heuchler / zench zu vor den balcken auß  
deynem auge / vnd besihe denne / das du  
den splitter auß deynnes brüders auge  
ziehest.



die affter  
reder wer  
de auff dz  
ernstlich  
est gestra  
fet.

die kfert  
art vñ na  
tur d men  
schen.

**S**ie bescheltung ist gantz  
ernsthafftig mit welcher Christus  
auff das aller ernstlicheß diese mit  
schelten ansetzt / die cyn frembd ge  
rucht / lob vnd eere mit irem lesterē  
vnnnd hinderr eden beslecken / vnnnd  
zwar ire eygnen sünd lassen sie fa  
ren / aber fremde sünd vnd ir rñ  
die machen sie vber auß groß vnnnd verdammen sie  
auff das heftigest. Dann die splitter oder egel ist  
die kleyng gering sünd.

Der balck aber / ist die grosse schwere sünd. Nun  
ist das die angeborne art vnd natur der menschen  
das sie ire balcken nicht sehen / die frembdē splitter  
aber vnd spenle ersen sie bald. Das ist / ihre grö  
ßten schwereßten sünde entschuldigē sie fleysig / vñ  
vnder weilen zwar achten sie ihr gar nicht / Aber  
die schlechten sünde der andren menschen verkle  
gen

In das Sechst Cap. des Luan. Luc. Cxxxv  
gen sie auff wunder barliche weise vnnnd machen sie  
auff das grausamest/ vnd sind blind so sie ire sünd  
richten vnd vrteilen sollen/ aber in anderleut sün-  
den sind sie voller augen vnd sehen scherpfer dann  
der scharpffsichtig Linceus gesehen hatt. Daher  
auch vnser elteren gesagt haben das cyn jeglicher  
eynen halß sacke/der vornen vñ hinten her ab han-  
ge/trage/vnd zwar in das hinder teil des sacks lege  
er seyne eygnen sünde/aber in das fordereteile lege  
er anderleuten sünde. Wilt weat hem bedeutet ist  
worden/das/das der mensch art sei/dz sie ire sünd  
vor iren augen hinweg thund/aber sehen alle zeyt  
auffs scherpffest anderleuten sünde an.

Es sind etliche/die schreiben/das Nomus/wel-  
chen sie dichten/das er cyn Gott gewesen sei dselbs  
nichts gemacht habe/aber was die andren götter  
gemacht odder geschaffen haben/das habe er/der  
Nomus mit ganz scharpfen augen besichtiger/  
vnd wa er mangel funden habe/den habe er mit  
höchster freyheyt gestraffet vnd getadlet. Diser  
Nomus sagen sie/das er in des menschen erschaf-  
fung vñ wesen vnder andrem/auch dz am mensche  
gescholten habe das der mensch augen hette die al-  
lyn aufferworts gekeret weren/mit welchen er al-  
leyn anderleute sünd sehe/vnd nicht innewerts ge-  
wandt weren/da mit er auch seyne eygnen sünd be-  
schawen vnd sehen mochte. Aber was darffes  
vil wort?

Aaa ij

Das

Die Zwenzigst predig Johan. Brentij.

Das ist die gemeyn vnd ganz erkante sucht vñ  
franchheyt der menschen/in eynes frembden auge  
die splitter vnd spenle sehen/aber in seynem auge  
des balcken nicht gewar werden. Wöllen wir den  
nicht sagen das dise sucht vñnd franchheyt so vil  
minder gefarlich sei/so vil mer sie gemeyn ist? gar  
nicht/in keynen wege/ Sonnder wie vil mer sie ge-  
meyner ist/so vil mer ist sie gefahrlicher vnd sched-  
licher/vnd ist so vileyn schwerere sünd/wie offter  
gesündiget wirt. Denn erstlich/welche frembde  
sünd also groß auffmugen/die sündigen wider den  
einhalt des gesetzes vnd der propheten/welcher ist  
Alles nun/dz jr wöllet/dz euch die leute thun sollē/  
das thut jr inen auch/vnd/du solt deynen nechsten  
lieben/wie dich selbs. Denn eyne yeglicher ist natur-  
lichen also gesinnet/das er begeret das seyne sünd/  
entweder bedeckt/oder kleyn gemacht/od entschul-  
dieget wurden. So er nun einem andrē dz nit thut  
warlich so verlegt er das naturlich leyten vnd fū-  
ren/vnd yebet in des menschen gestalt vihische gri-  
mitteyt als willethiere. Darnach welche die frem-  
den sünd schenden vnd groß machē/die sündē wiß  
dz gebort Gottes/Du solt nicht tödten Denn der  
todt schlag geschicht nicht alleyn mit der hand son-  
der auch mit der zungen. Vñnd das nachreden so  
du es recht ansehest/ist nichts anders/wañ eyne zer-  
zeerung vnd verschlindung des nechsten. Den wie  
in den freundelichen zechen cyn gebratne gans od  
kapun

Frembde  
sün groß  
auffmugen  
en ist eyne  
ser schwere  
resünd.

offter re-  
den ist ein  
tooschlag

In das Sechst Cap. des Euau. Luc. Clxxxviij  
Kaput/auff den tisch für gesetzt/von den hungeri-  
gen gekostet zerlegt vnd zerrissen wirt/vnd abge-  
get/das kaum die ein übrig blibē. Also wirt auch  
eyn abwesender in den zehen der affterreder in dz  
mittel gerissen/vnnd wirt durch das affterreden  
also hin vnd her gerissen vnd verschluckt/das ihm  
kaum eyn brösamle seines gütten lumbden vnd lo-  
be/oder eynes erbaren namens überbleibt. Was  
soltede nun undas affterreden von dem zerharren  
odder zerreissen vnnd todt schlage des nechsten  
für eyn vnnerscheid haben? Dann das/das aff-  
terreden eyn gelid des todt schlags seie/das zeyget  
Job im. xij. Cap. Klarlich an/Habenn nicht die  
menner/spricht er: in meynen hütten müssen sa-  
gen: O wolt Gott/das wir von seynem fleisch nit  
gesettiget wurden? Das ist ich hab nicht gelitten  
das auch meyne hausgenossen übel vonn meynem  
seynder redeten/vnd sich freweten wenn es im übel  
gieng? Eben das selbig bedentet auch Paulus an  
die Galater am fünfften Cap. So ihr euch aber/  
spricht er: vntereynander beisset/vnd fresset so see-  
het zu/das jr nicht vnternander verzeret werden.  
Zu dem spricht auch der prophet Dauid im .lvi.  
psalmen. Die menschen kinder sind flammen/ihre  
zeen sind spieß vnd pfeile/vnd ire zungen schapffe  
schwert. Vnd Salomon in sprüchen am. xv.  
Cap. Wer wider seynenn nechsten falsch zeugnüß  
redet/der ist eyn spieß/schwert vnd scharpfe pfeil.



Die Zwenzigst predig Johan Brenck.

Darumb so volget es/das nit alleyn die todtschles-  
ger seien/welche dem nechstenn das leben mit dem  
schwert nemen/Sonder auch die/so irem nechsten  
seyn güt gerucht vnd lobe/welches eynem erbaren  
man fürnemlich vnd besser ist dann dz lebē/durch  
lesteren vnd affterreden stelen. Vnd dz nit alleyn  
die/so am freyt ag fleysch essen/gottlose fleysch fresser  
zu achten sind/Sonder vil mer die/welche mit  
irem affterreden das menschen fleysch/nemlich dz  
güt gerucht des nechsten/zerharwen vnd zerfley schen.  
Aber dz schmehe vnd affterreden/ist nit alleyn  
die schwerest sünd/wider Gott vnnnd den nechsten/  
sonder sie bringe auch dem schmeher vnd affterred  
selbs eyn weit grösseren schaden/weder dem/den er  
geschmehet hat vnd jm übel geredt. Dann wer ey-  
nes andren sünde vmbzeucht vnd groß auffmützet  
der selbig veradret sich selbs offentlich/das er sey-  
ne eygnen sünd noch nicht erkennet. Denn/wann  
er die schwere seyner sünden recht erkante/so hette  
er so vil mit seynen sünden zuschaffenn/das er gar  
nit der weil hete von anderleute sünden zu gedenc-  
en. Wa aber keyn erkantnuß seyner sünden ist/da  
ist weder glaube/noch Christus/noch die seligkeyt.  
Darumb offembart vn veradret sich selber mit sey-  
nem eygnen anzeigen/der affterreder so er ander-  
leuten sünd vmbzeucht vnd groß vnnnd grausam  
macht/Er veradret sich/sage ich/dz er auß der vn-  
wissenheyt seiner laster/weder glaube/noch Chri-  
stum

Dz affter  
redeschas-  
det dē aff-  
terrederr  
mer denn  
anderleut  
ten.

In das Sechst Cap. des Euan. Luc. Cxxxviii  
stum/nach seligk eyt habe/ Sonnder sei der ewigen  
verderben schuldig. Zu dem/ so mach auch der  
schmeher vnd affterreder das vatter vnser/welch<sup>der eerab</sup>  
es er bettet zu Gott dem vatter/mit seynem schme<sup>schneider</sup>  
hen vnd affterredē/jm selbs vnnützlich/vnd bettet <sup>betet wis</sup>  
wider sich selbs. Denn so er bittet vergibe vns vn  
sere schulde/wie wir vnsern schuldigen vergeben.  
Lieber was bedeutet das dem affterreder anders/  
dann als ob er spreche/ Ich verzeihe Keinem men  
schen seyn sünde/sonder ich schneide meynem nech  
sten seyne ehr ab/vnnd schende yedermans güttern  
lumbden. Vnd wa auch in meynem nechsten Keine  
sünd/sind/da erdichte ich sünd auff in/wa ich aber  
Kleine sünd sünd/die selbigen mache ich grausam  
groß. Darumb so bitte ich/dz mir keine sünd/wed  
vor Gott/nach vor den menschen verziehen werden  
vnd das yederman übel von mir rede/vnd das sie  
meyne allergeringsten sünd weit für die aller grös  
sten vrteilen. Was ist grausamer vnnder schrock  
licher dann cyn solchs gebet:

Da her kompt auch/dz cyn affterreder  
vnnd eher abschneyder durch seyn  
affterredenn anzeyget/das  
seyn hertz vn gemüt vol  
sei vnd übergang  
mit aller boß  
heyt vnd vnbilligk eyt/Denn  
also volget weiter im text.

Denn

Die Zwenzigst predig Johan. Brenck.

## Denn es ist keyn güter baumb

der faule frucht trage/ vnd keyn fauler  
baum der gute frucht trage/eyn iglich  
erbaum wirt an seiner eygen frucht er  
kent. Den man liser nicht feigen vom  
den dornen/auch so liser man nicht tra  
uben von den hecken/eyn güter mensch  
bringer gutes herfür/auß dem gütern  
schatz seines hertzen vnnnd eyn böshaff  
tiger mensch/bringer böses erfür/auß  
dem bösen schatz seines hertzen. Denn  
wes das hertz vol ist/des gehet d munde  
vber.

Das exempel/oder vorbildt des güten/vnd bö  
sen baumb / das Christus an disem ort brauchet/  
mag zu mancherley brauch genommen werden/in  
Matheo am vii. Cap. brauchts Christus/zu be  
deuten wie die lere der falschen propheten zu erken  
nen sei/an iren fruchten (spricht er) solt jr sie erken  
nen. Aber in Matheo am vii. Cap. vnnnd hie an di  
sem ort/brauchts Christus auff zu decken/vñ an  
tag zu thun die schender/aufftrered/vñ eerab schnei  
der. Ir ort ern gezihre (spricht er) wie t und jr gü  
tes reden/die weil jr böse seid.

Auff das wir nun recht verstehn mögenn/was  
im Christus wolle mit dem vorbild des güten/vnd  
bösen baumb / in diser predigin dem Euangeliste  
Luca.

In da Sechst Cap. des Euan. Luc. Cxxxix.  
Luca. So ist zu merckē/das/wie aneynem baum  
die wurzel vñ das marck geurteylt wirt/also wirt  
im menschē das hertz geurteylt.

Vñ wie an dem baum die frucht ist/also ist in dem  
menschē die rede/vñ alles woz d eusserlichen werck  
sind. Jetzt wie nunder baum auß der frucht erkē-  
net wirt/ob er güt/odder böse sei/ob er eynn güte  
wurzel vñd marck habe oder nicht/Deñ wo eyn er  
eyn feigen oder trauben hangen sicht/warlich da  
urteylt er nicht/dz eyn dorn oder bromber stau-  
de da sei. Wa du aber mauiber/oð andre beer sihest/  
da wirst du nicht sagen das es eyn feigenbaum oð  
weinstock sei/Denn eyn iglicher baum wirt auß sei-  
ner frucht erkant. Also wirt auch der mensch auß  
der rede erkant/ob er güt odder böse sei/ob er eynn  
güt oder böß hertz habe. Deñ wellcher von seinem  
nächsten arge redet/vñ misset jm seine laster hoch  
auff/der zeygt mit diser seiner rede an/das er eynn  
hertz habe das voll bößheyt/vñd laster steckt/Deñ  
eyn böser mensch/bringet böses erfür/auß dem bö-  
sen schatz seines hertzen. Wellcher aber von sei-  
nem nächsten güts redet/vñ zeucht seine laster nit  
hin vñd wider/sonder wie erkant/so verdeckt er sie  
vñd bit den HERRN für sie/Diser zeigt sich  
an mit seinen Worten vñd wercken/das er eyn hertz  
habe dz aller güte/vñ got selikeyt vol sei/Deñ eyn  
güter mensch/bringet güts erfür/auß den güten  
schatz seines hertzen/denn wes das hertz vol ist/des

Der  
mensch  
wirt auß  
der rede  
er kant.

Bbb gehet

Die Zwenzigst predig Johan. Brentij.

gehet der mund über. Darumb/so der mund böses vnd lesterwort redet/so wirt öffentlich geurteyllet das/ das hertz vber gange mit böshēy vñ Gottes lesterung/widerumb aber/so er gūte vnd gottseli gewort redet/so wiet klarlich erkleret/das auch das hertz mit gūte vnd gottseligkēy über gange.

Weither aber /so du begereſt zu wissen/welches der überfluß vnd der schatz des gūten hertzen sei.

der schatz  
eyns gūte  
hertzen.  
Über das auch welches sei der überfluß oder übergang eynes bösen hertzen/So höre was Paulus an die Galater am fünfften Cap. schreibe. Die frucht/spricht er: des geystes ist liebe/freude fride gedult/freündeligkēy/gütigkēy/glaube/sanfftmüt/keuschheyt/diſ ist die überflüſſigkēy vñnd schatz des gūten hertzen.

der schatz  
eyns bösen  
hertzen.  
Aber Christus erzelet in Matheo am. xv. Cap Denn schatz des bösen hertzen.

Auß dem hertzen/spricht er: Kommen arge gedanken/mord/ehbruch/hurerey/dieberey/falsche gezeugniß/lesterung/vñnd welcher vonn seynem nechsten alle ärgſten stück vñnd laster auffpreitet vnd groſ vnd grausam machet /der zeyget an d̄z er diſen schatz beſiße.

Darumb iſt der aſtterreder vnd eherabſchneyder der grōſt verredter seyn ſelbs. Darumb das er öffentlich bezeuget durch das eherabſchneyden vnd aſtterreden/das er den grōſtē ſchalck vnd büßen in ſeynem büßen trage.

Zum

In das Sechst Cap des Luan. Luc. Clxxxv.

Zum letzten/wirfft sich selbs der affterreder ent  
gegen der aller ernstlichen rechenschafft/ welche  
vonn ihm in dem göttlichen vrtail wirt erforderet  
werden. der affter  
red muß  
rechensch

Denn Christus spricht in Matheo am. xij. Cap  
Ich sage euch aber/ das die menschen müssen rech-  
enschafft geben am Jüngsten gericht / von eynem  
yeglichen vnnützen wort/ das sie geredt haben. afft gebē  
vor dem  
vrtail got  
tes.

So wir rechenschafft geben müssen am Jünge-  
sten gericht von eynem yeglichen vnnützen wort.  
Was ist dann zu halten von dem wort des affter-  
reden/ schendens vnd schmezens? Kan auch von  
deren wegen rechenschafft gegeben werden?

Aber wie vor Gott niemand kan seynen freuen-  
lichen todtschlag entschuldigen odder beschirmen  
also kan auch niemandt/ auch das geringst wortt  
der affterrede oder schmach/ vor Gott beschirmē.  
Seitemal das eher abschneyden vnnnd affterreden  
vnnnder das geschlecht der todtschlege gehöret/ wie  
wir da oben haben angezeygt vnd bewisen.

Was wollen wir dann thun? Wa wollen wir  
vnß hin wenden? So wir vonn den vnnützen woz-  
ten müssen rechenschafft geben/ vnnnd die schmehe  
wort vnd affterrede vor Gott für todtschleg vnd  
mordt gehalten werden.

Warlich so ist es vmb vnser heil vnd seligkeyt  
schon geschehen.

Denn wir werden im register vnserer sünde gar

Bbb ij bey



Die Zwentzigst predig Johan. Brentii.

bey als vil todt schleg sünden/als vil wort/vnnd so wir eynem todt schlag nicht mögen entschuldigen oder beschrimen/wie wollen wir dan vnzeliche todt schleg vertedigen? Was wirt vnß denn anders zu lohn/dan dzewig hellisch ferwer? Warlich nichts anders/so wir vnser gerechtigkeyt vnnd schirm red in dem göttlichen vrtail ansehen. Aber Gott sei danck d vnß dē sig gebē hat/durch Jesum Christum vnseren HERRN/den der hatt alle vnser sünd verßonet vn gebüßet/nit alleyn die wort sonder auch die werck/vnnd hat sich selbs vnß für gesetzt zu eynem fürsprechen bey seynem vatter. Darumb so wir an den glaubē/so gewinnet er vnß also lieb/das er sich selbs in dem göttlichen vrtail an vnser stat stellet/vnd das wir weder entschuldigen noch beschirmen kōnden/das sellbig löschet er mit seynem blūt auß/vnnd verßonet vnß also mit dem vatter/das er vnß alle vnser sünd verzeiht vnd gibt vnß die ewigen seligkeit.

Wirt denn nichts anders/sprichst du von vnß erforderet/dann das wir an Christum glaubenn/vnd gebürt es sich die weil alle bösen stück vn laster von vnseren nechsten ausspreiten? Oder/wirt nit das von vnß erforderet/das wir vnser nechsten schand vnd laster loben/vnd sie für gerechtigkeyt auflegen? In keynen wege.

Zwar die verzeyhung der sünden zu erlangen/wirt wol nichts anders erforderet denn der glaub an

In das Sechst Cap. des Euan. Luc. Cxxxviii.  
an Christum. Aber die selbig verzeihung den sün-  
den zu erkleren/vnd den selbigen glauben zu bezeu-  
gen/wirt erfordret das du der stimm Christi gehor-  
sam seiest/der also spricht/du heuchler/zeich zu  
vor den balcken auß deinem auge/vnd besihedenne  
das du den splitter auß deynnes brüders auge zie-  
hest.

Wie sollen denn wir den balcken auß vnserem  
auge ziehen? Warlich du kanst den balcken mitt <sup>den balck</sup>  
deynem andren zeug erausser ziehen/ <sup>Es sei denn</sup>  
das du den glauben an Christum annemest/ <sup>aus dem</sup>  
mitt <sup>aug zie</sup>  
welchem du den balcken auß deynem auge graben  
kanst/vnnd wirff den auff die schultern vnseres  
HERRN Jesu Christi. Nemlich/das du vor  
allen dingen das thuest/das/so du deyne sünd er-  
kant hast/glaubest das dir die selbigen vmb Chri-  
stus willen verziehen seien. Darnach dz du auff dz  
aller fleyssigest die sünd fliehst/welche du an dey-  
nem nechsten straff wirdig vermerest.

Zum letzten/so du eyn ampt hast anderleütten  
sünde zu schelten vnd zu straffen(wieda findt die  
empter der oberkeyt/der prediger vnd der haup-  
vetter) das du das thuest/das deynem ampt zu ge-  
höret/nach ordenlicher weise deynes beruffs.

Oder so du nicht eyn solich ampt hast/so solle  
du deynes nechsten sünde nicht offentlich vmbzie-  
hen vnd schmehen/Sonnder du solt zu Gott dar-  
für bitten/vnd so du sihest das es deyn nechster ley

Die Lxxviiij. predig Johan. Brenth.  
den/mage/so warne in vorden sünden/besonder al  
ley/nach der regel Christi Matheiam. xviii. cap  
Sündiger aber dein brüder an dir/so gehe hin/vñ  
straffe in/zwischen dir vñd im alleyn/Das ist die  
sucht die das gesatz des HERRN/von vnser  
forderet/Das ist der wege/auff welchen vnß die ey  
genschaft vnseres glaubens an Christum berüffet  
auff welchem so wir wandlen werden/werden wir  
stracks gehen zu dem leben vñnd ewigen seligkeyt/  
durch Jesum Christum vnseren HERRN/  
der zu gleich mitt dem vatter vñnd dem Heyligen  
Geyst Gott ist/gelobt in ewigkeyt. Amen.

## Die XXI. Predig.



Jedas gesatz zu verstehn sei/vñnd was es  
für eyn meynung vñnd verstand habe/ist  
genugsam bißher in der predig vnseres  
HERRN Jesu Christi erkleret. Nun volget  
yetz der beschluß der selbigenn predig/in welchem  
vnser HERR Christus seer ernstlich vñ mit gros  
ser herrligkeyt diße außlegung vñd erklerung des  
gesetzes rümet vñd benihet.

Denner will nicht/das welche ding in diser pre  
dig gesagt sind/vñd welche des HERRN ge  
satz gebeut/für rädte nach eynes yeden willē/wie er  
lich achten/gehabt werde sollē/sonder er erfordert  
genglich

In das Sechst Cap. des 2. an. Luc. Cxxxvii.  
genglich/das/wie es gangernstliche gebort Got-  
tes sind/also sollen sie auch auff das aller volkom-  
menlichst gehalten werden/vnd wa sie nicht also  
gehalten werden/da dreyet er das ewig verderbē.

(Was/spricht er: heist jr mich HERR/HERR/  
vnd thut nicht was Ich euch sage.)

In Mattheo werden disz wort also erzelet/  
im. vij. Cap. Es werden nicht alle/die zu mir sa-  
gen/HERR/HERR/in das himmel reich kom-  
men/sondern die den willen thun meynes vaters  
im himmel. Darumb das Christus sagt/das hatt  
dise meynung.



Ich hab biß her das  
gsatz des HERREN auff  
das aller volkommenest erkla-  
ret/vnd wie wol es von vilen  
für cyn newler geachtet wirt  
yedoch/so Mose vnd die pro-  
pheten recht ersüchet werden  
so wirt es offembar werden/  
das ich in diser Predig gar  
nichts newes geleret habe: Sonder das ich hab al-  
leyn das alt gesatz nach dem rechtē waren vñstand  
des heyligen geyst/Mosi selbs vnd aller prophetē  
dar than vnd erkläret.

Dar

Die Eynunzwenzigst predig Johan. Brentij.

Des ge-  
seses hal-  
tug wirt  
außs vol-  
kommenest  
von vnß  
erfordret

Was sey  
Gott  
HERR  
HERR  
beyßen.

Gebet vn  
kyrchens  
breuch er-  
füllen mit  
vollkomē  
des gesatz.

Darumb ist nun das noch vorhanden / das ihr er-  
kennet vnd wisset / das die haltung des gesetzes vn  
sey nes verstandes / werde nit all y enusserlich / son-  
der ganz vollkommenlich vnd genglich von vnß  
erforderet. Denn erstlich / das gesatz vollkomē  
lich zu erfüllen / vnd das himmel reich mit dem ver-  
dienst vnserer gerechtigkeit zu besitzen / ist es nicht  
genug mich HERR / HERR / zu heyßen / diß ist  
geredt nach der weise d hebreer / welche / so sie Gott  
ansprechen / sagen sie vmb grösserer ehren willen  
Adonai Jehouah / das ist HERR HERR.

Darum an disem ort / Got HERR / HERR  
heyßen / ist entweder vil gebet wider äfferen / od der  
vil Ceremonias kyrchenbreuch vnd Gottes dienst  
Gott zu ehren halten oder aufrichten. Dise stück  
aber sind noch nicht die vollkommen erfüllung des  
gesetzes / oder eyn genugsamer verdienst des ewigē  
lebens vnd des himelreichs. Daher auch Esaias  
mit dem wort Christi stimmt vn spricht am ersten  
Cap. Was soll mir die menge ewer opffer / spricht  
der HERR : vnd bald hernacher / vnd wenn ihr  
schon ewerehend außbreitter / überge ich doch mei-  
ne augen von euch / vnd ob jr schon vil bettet / höre  
ich euch doch nit / denn ewere hende sind voll bluts.  
Daher kompt auch Jeremias am .vij. Cap. So  
spricht der HERR Zebaoth / d Gott Israel thut  
ewer brandopffer vnd ander opffer zu hauffen / vn  
fresset fleisch / den ich hab ewern vertern / des tags /  
da

In das Sechst Cap. des Luan. Luc. Cxxxviii  
da ich sie auß Egypten land fürere/ weder gesagt  
noch gebotten/von brand opffern vnd andern opf  
fern/Sondern diß gehört ich ihnen/vnd sprach/ge  
horchett meynem wortte/ so will ich ewer Gott seyn  
vnd ir solt meyn volck seyn / vnd wandlet auff al  
len wegen/die ich euch gebiete/auff das euch wol ge  
he. Auch Paulus so er an die Römer schreibt  
spricht am andren Cap. Nicht die das gesez höre  
sind gerecht/sondern die das gsezt thun/werden ge  
recht seyn. Vnd in der ersten an die Corinthern am  
viij. saget er: Die beschneidung ist nichts/vnnd die  
vorhaut ist nichts/sondern Gottes gebott haltē.

Du hast zeugnuß/das weder vil gebet/nach vil  
Kyrchen breuch oder Gottes dienst das gesatz Got  
tes vollkommenlich erfüllen/oder das himel reich  
verdienen. Sollen wir denn/wirst du sagen/gar  
nichts betten: sollen wir Gottes gesatz nicht hö  
ren: Vnd solten die Juden vor der geburt Christi  
nicht beschnitten worden seyn: Vnd nichts geopf  
fert haben: Das sei ferne/das gebet/vñ dz gesez  
hören sind von nödren. Auch die beschneidung vñ  
die opffer sind in irer ordnung vnd zu irer zeit güte  
vnd nützlich gewesen/aber wie nützlich vund notd  
wendig auch die gewesen sind/so sind sie aber doch  
noch nicht die recht volkōmen erfüllung des gesez  
es. Ober das/so der won vnd meynung des ge  
thanen wercks/wie sie es nennē/hin zu Kompt/nem  
lich/so du haltest/das die werck durch ir verdienst



Die Tynundzwenzigst predig Johan. Brentij.  
 die sünd büßten/vnnd wirdig seien des lohns des ewigen loben/So sind sie nicht alleyn mitt die erfüllung des gesetzes/sonder sie sind auch ganz verderblich/vnd führen zu ewigen verderben. Darnach das gesetz zu erfüllen/vnd die ewigen seligkeyt zu erlangen mitt seynen verdiensten/ist nicht genug die grosse der sittlichen oder auch der wunderbaren tugeten. Denn von der gabe wunderzeychen zu thun prediget also Christus Mathei am. viij.  
 Es werden / spricht er: vil zu mir sagen an seinem tage/HERR/HERR/habennicht in deynem namen geweissaget: haben wir nicht in deynem nammen teuffel außgetriben: haben wir nicht in deynem namen vil thatten gethan: Denn werde ich ihnen bekennen /ich habe euch noch nie erkant/weichet alle von mir jr übeltheter. Was: ist denn das übel than/in dem namenn des HERRN weissagung/vnd teuffel außtreiben: Gar nit/deñ das sind die grösten fürtreffentlichesten gabe Gottes. Aber Christus deutet mitt disen worten/das zwar dise gaben mögen wol den menschen vor den leuten berümpter machen/sie machen ihn aber vor Gott nicht frommer oder gerechter/erfüllen auch das gesetz Gottes nicht/ verdienen auch nit durch ire wirdigkeyt das ewig leben.

Die gabe  
 wundzey  
 che zu thun  
 erfület dz  
 gesetz nit.

Daher als die sibenzig Junger / Luce am. x.  
 Wider zu Christo kamen/vnd berümbten sich / dz ihnen auch die teuffel vnderthan weren in seynem namen

In das Sechst cap. des Euan. Luc. Cxxxviii  
namen/da antwort ihnen Christus/Sehet ich hab  
euch macht geben/zu treten auff schlangen vnnnd  
Scorpion/vnd über alle gewalt des feyn des /vnd  
nichts wird euch beschädigen/doch darinnen frewet  
er euch nicht /das euch die geister vnderthan sind/  
frewet euch aber /das ewere namen im himmel ge  
schriben sind.

Vnd so die gabe wunderzeichen zu thun die er  
füllung des gesetzes were vnd die rechtfertigung.  
Warumb heisset an Christus Mathei am. xxiii.  
Capitel. Die falschen Christen vnd falschen Pro  
pheten slichen/welche so grosse zeichen vnnnd wun  
der thun wer denn /das versüret werden in den ir  
thumb (wo es möglich were) auch die außersöl  
ten. Vnd als Paulus an die Corinthen schreibt  
spricht er am. viij. der ersten Epistel / vnd weiß ich  
spricht er: weissagen künde/vnd wüßte alle geheim  
niß/vnd alle erkenntniß / vnd hette allen glauben /  
also/das ich berg versetzte /vnd hette der liebe nicht  
so were ich nichts.

Hatt nicht auch Bileam weißgesaget? Ist nit  
Judas Ischariotes eyner auß den zwölff Apost  
len gewesen/vnd hat die krafft gehabt wunderzei  
chen zu thun? Jedoch die weyll sie gottlos sindt  
gewesen/so hatt weder dem Bileam das weyß sa  
gen/nach dem Jude das Apostel ampt die gerech  
tigkeyt vnd die seligkeyt bracht.

Ccc ij

Welches

Die Eynundzwenzigst preßig Johan. Brentij.

Welches von den wunderbarlichen tugeten vñ  
Ereßten wunderzeichen zu thun/ vnd von der weis  
sagung gesagt ist/ eben das selbig ist zu haltē von  
sittlichen tugeten. Darn/ weder die weltlich gerecht  
tigkeyt/ noch da pfferkeyt/ noch der gleichen andre  
sittlicher tugeten/ erfüllen das gesatz Gottes /oder  
verdienen das himelreich/ Eyn weiser/ spricht der  
HERR im Jeremia am .ix. rüme sich nit seyner  
weißheyt/ eyn starcker rüme sich nit seyner stercke/  
eyn reicher rüme sich nicht seynes reichthums/son  
dern/wer sich rümen will/der rüme sich des/das er  
mich wisse vnd kenne /das ich der HERR bin  
der barmhertzigkeyt recht vnd gerechtigkeit über  
aufferden. Decius bey den Römern der obrest ge  
walt haber/hatt eyn so grosseliebe gegen dem vat  
erland/vnd dar zu eyn solche manligkeyt vñ da  
pfferkeyt/das er sich selbs für das heil seynes vater  
lands zu sterben ergeben/vnd sich miten vnder die  
seynde gelassen/vnd hatt sich selbs als eyn versö  
nung des himlischen zorns/den feynden zu erwür  
gen für geworffen/welche tuget wie wol sie groß vñ  
für trefflich ist/ noch dennoch ist sie wed eyn er  
füllung des göttlichen gesetzes noch eyn verdienst  
des himelreichs gewesen. Aristides hat bey denen  
zu Athen in so grosser weltlicher gerechtigkeit ge  
schinen/das er auch den zunamen/ der fromm ge  
rechte Aristides/erlangt hat/Aber mit der gerecht  
igkeyt/wie wol sie des größten lobs wert ist gewes  
sen/

Die sittli  
che tuget  
erfüllt  
gesegnit.

Liebedes  
Römers  
Decij ge  
genn dem  
vaterlan  
de.

Der ge  
recht Ari  
stides.

In das Sechst Cap. des Luan. Luc. Cxxxv  
sen/ist weder dem göttlichen gesatz genug gesche-  
hen/noch die war recht gerechtigkeit vñ heil vor  
Gott erlangt worden. Die Römer rüme sich von  
wegen der tuget des Atilij Reguli/welcher/als er  
von den Carthagienensern gefangen ward/vñnd  
ward gen Rom geschickt/die gefangenen auff bey  
den seiten zu wechseln/hatt er zu vor geschworen/  
wid gen Carthaginem zu kömen. Erstlich/als er  
gen Rom kam/hat er beschlossen im radt man sol  
die gefangne nit widergeben. Darnach als er von  
seynen nechste vñ freunden auffgehalten wurde/  
wolt er vil lieber zum leiden vñ todt wider kömen/  
dā nit glauben halten/das ist eyn übertreffliche/  
tuget/aber sie ist so güt nit/dz sie dem gsez Gottes  
genüg thue/so ist sie auch nicht so würdig/das sie  
das himmel reich verdiene.

Die man  
leyt Ati-  
lij Re-  
guli.

Darumb wie wol das dem menschlichen verstand  
grausam zu hören ist/doch was Christus bezeuget  
dz er zu den gottlosen sagen wölle/die sich jrer wun-  
derbarlichen gaben berüme/eben das selbig wirt  
er auch an dem jüngsten tag sagen. Zu denen welch  
in eynem gottlosen wesen in sittlichen tugeten be-  
rümpt/vñ vbertreffenlich sind/nemlich/Ich ha-  
be euch nie erkandt/weichet alle von mir jr vbelthe-  
ter. So nun weder vil gebett/noch das hallten  
viler kirchen breuch/vñ Gottes diensten/noch die  
gaben wunderzeychen zu thun/noch sittliche tuge-  
ten/das gesatz Gottes volkömenlich erfüllen/vñd

Die Lünzwenzigst predig Johan. Brentz.  
Das himmel reich verdienen. Was ist denn zu thun  
da mit dem gesatz Gottes genug geschehe/vñ mit  
welchem das reich Gottes mit verdienst der gerecht  
tigkeyt erlangt werde? Von diser sache höre Chris  
stum/der in Matheo also prediget/Es werden nit  
alle/die zu mir sagen/Herr/Herr/in dz himelreich  
kommen sonder die den willen thun meynes vatters  
im himel. Aber der will des vatters ist im gesatz  
Mosi außgetruckt/welches gesatz ist zwar/zu vor  
durch die Propheten/yezt aber durch Christum  
selbs also erkläret/das es offembar vñnd klar ist/  
das es geistlich sei/vñd erfordere nicht alleyn eyn  
eufferliche/sonder auch eyn innerliche erbarkeyt/  
vñd eyn so grosse volkommenheyt der gerechtkeyt  
vñd heylkeyt/dzes nit übersicht die übertretung  
eyns punctlins od tüpfelins/verflucht sei/spricht  
es/wer nit alle wort dises gesetzes die in disem buch  
geschriben sind erfüllet/dz er darnach thue. Dar  
umb welcher dz gesatz wil vollkommenlich erfüllen/  
vñ dz himelreich durch den verdienst seyner gerecht  
tigkeyt überkommen/dem wirt von nöden seyn/dz  
er gar keyn laster vñd mangel/ja auch den gering  
sten/nit an jm habe/Sonnder das er den heyligen  
geist also vollkommen habe/dz er nicht anders ge  
dencke/halte oder thue/denn dz er Got von ganzer  
seel vñd krefft/vñnd den nechsten wie sich selbs/  
liebe. Vñd welcher dise stück vollkommen/nach der  
meynung des gesatzes thut/der ist eyn recht fromer  
erfüller

In das Sechst Cap. des Euan. Luc. Cxxxviii  
erfüller des gesetzes/vnnd wirt vor Gottes vrteil  
mit seyner gerechtigkeit bestehen. Daher Christus  
hie an diesem ort hinzu setzt/vnd spricht.

**Wer zu mir kompt vnnd höret**  
meyne rede/vn̄ thut sie/den will ich euch  
malen/wem er gleich ist/Er ist gleich ey  
nem menschen/der eyn hauß bawete/vn̄  
grub tieff vn̄ legete den grund auff den  
fels/da aber gewesser kam/da reiß der  
stram zu dem hause zu/vnd mocht nicht  
bewegen/denn es war auff den fels ge  
gründet.

Der mensch der eyn hauß bawet/ist der/der das  
gesetz höret vn̄ volget im nach. In die tieffe grabē  
vnd den grundt legen/ist dz gesetz vollkōmenlich  
nach dem sinn vn̄ verstand des heyligē geists erfül  
len/vn̄ eyn gang vollkōmene heyligkeit habē vn̄ be  
weisen. Das gewesser aber vn̄ strame/sind die an  
fechtung des todes vnd d̄ helle/vn̄ d̄ ernst des göt  
lichen vrteils. Darumb welcher dz gesetz vollkō  
men erfüllet/vn̄ eyn vollkōmene gerechtigkeit be  
weiset/der wirt in den sturm winden vn̄ gewessern  
des aller ernsthaftigste vrteil Gottes wol beste  
hen. Welches vn̄ ser HERR Jesus Christus mit  
eyner gleichniß erkläret.

wer dz ge  
setz erfül  
let d̄ wirt  
im vrteil  
gotes wiß  
alle anfe  
chtungen  
bestehen.

Das



Die Lymundzwentzigst predig Johan Brentij

Das wirt auch sunst an vilen orten der heyligē geschrieffte beweret / im drittē büch Mose am. xviij. Darumb spricht der HERR / solt jr meine sungen halten / vnnnd meiner rechte / Denn welcher mensch die selben thut / der wirt dar durch leben. Vnd am xliij. Psalmen. HERR / spricht er : wer wirt wonen in deiner hütten : wer wirt bleiben vff deinen heiligen berge : Wer on wandel eynher gehet / vnnnd recht thut / vnd redet die warheyt von Eergen : Wer mit seiner zungen nicht verleumbdet vnd bald hernacher / wer das thut / der wirt wol bleiben. Vnd am Cxviij. Psalm. / wenn ich schawe alleyn auff deine gebott / so werde ich nit zu schanden. Vnd Salomon in sprüchen am v. Cap. Der wer ge-  
recht ist, gottlos ist wie eyn wetter / das vber hin gehet / vnd nicht mer ist / der gerecht aber bestehet ewiglich.

Wen wollen wir aber gerecht heysen : Wenn du auff das gesetz sihest / so wirt niemangerecht geurteylet werden / den allern der / so das gesetz vff das aller volck omest / vnd ganz erfüllet hat / Niemlich der / welcher auff das vollkommenest die stuck thut / welche Christus in diser seiner predigē auß dem gesetz geleret hat / Odder welche der prophet Heseckiel am xviij. Capitel. erfordret / wenn nun spricht er : eyner fromb ist / der recht vnd wol thut der auff den bergen nicht isset / der seine augen nit auff hebt zu den gözen des Hauses Israel / vnd seines nächsten weib nicht beflecket / vnnnd ligt nit bey  
der

In das Sechst Cap. des Euan. Luc. CCCCXVI  
der frawē in irer krankheyt/der niemandt besche-  
diger/der dem schuldner sein pfand wider gibt/8  
niemandt etwas mit gewalt nimpt. Der dem  
hungerigen sein brot mittheylet/vnd den nacketen  
kleydet. Der nit wüchert/ Der niemandt vbersetzt/  
der nit hilfft vnrecht thun/ Der zwischen den leu-  
ten recht vrtheylet/ Der nach meinen rechten wand-  
let/vnd meine gebot helt/das er ernstlich darnach  
thue. Der ist cynfrommer man/der sol das leben  
haben/spricht der HERR HERR. Wie wirt  
es aber mit dem gehen/welcher/wie wol er vil ge-  
betet hat/vnd vil kirchen breuch gehalten/vnnd  
hat doch die stück/die Christus hie in diser predig  
gelert hat/vnd welche der prophet Heseckiel erzelt  
hat/nicht gethan/vnd hat auch Gottes gesagte  
volkommen erfüllet? Es volget also weiter in  
Luca.

Wer aber höret/vnnd nicht  
thut/der ist gleich eynem menschen/der  
eyn hauß bauwere auff die ordnung on  
grund/vnd der stram reiß zu im zu/vnd  
es siel bald/vnd das hauß gewan eynen  
grossen riß.

Eyn hauß bawen/ist dem gesag nach sagen/oder  
volgen/vnd erbarlich leben/Aber eyn hauß bawē  
auff die erden/oder auff eyn sand on eyn grund/ist  
das gesetz vnvolkommen volbringen/vnd alleyn ein

Ddd welt

Die Lxxviiijste predig Johan. Brenij.  
weltliche oder gleissnerische gerechtigkeit bewet-  
sen. So nun dz gewitter des todes vnd derstrom  
des götlichen vtheils einher felt/ So wirt der bau  
mit alleyn zerrissen/sonnder auch der / so dartinne  
wonet/wirt zu gleich mit dem bau vnder gehē/Les  
seidenn/spricht Mose/dz du erfüllest vndt hñest al-  
le wort/sprich ich/dises gesetzes/die geschriben sind  
in disem büch (dise stück aber sind zu vor an in di-  
sem büch geschribē/nemlich/du solt den Herren dei-  
nē Got lieb habē/von ganzem hertze/von ganzer  
seele/von allem vermügē/vñ deinē nechste wie dich  
selbs dz du fürcht est disen herliche vñ schreckliche  
namē/den Herren deinen Gott/ So wirt der Herr  
wunderlich mit dir vñgehen/mis schlegē auff dich  
vñ deynē samē/mit grossen vñ langwüigē schlegē  
mit bösen vñ langwüigē krankheytē/vnd wirt zu  
dir wendē alle seuche Egypti/da für du dich fürch-  
test/vñ werdē dir anhengē/da zu alle krankheyt  
vñ alleschlege/die nit geschribē sind in dem büch di-  
ses gseses/wirt d̄ Herr über dich kōmen lassen/bis  
du vertilget werdest/vñ wirt ewer wenig pöbels i-  
berbleibē/die jr vor hin gewesen seid/wie der stern  
am himel nach der menge/ze. Was wölle wir den  
dazu sagē: od̄ wa wölle wir vnß hin kēē: den so  
die sach also stehet/wer wirt vnder vnß selig wer-  
den: Wer vnder vnß/ist dem narrechten man nit  
gleich/welcher seyn hanß auff den santen bauet:

Welch

In das Sechst cap. des Euan. Luc. Cxxxviii  
 Welches fall/so das gewesser vnd stromedes göt-  
 tlichen vrteils überhand nimpt/nit bis in abgrude  
 der hellen sein werde: Denn wie wol es erlich sind/  
 welche durch den glauben an Christum/den Geyst  
 Gottes haben/ vnd führen cyn erbar vnd vnstreff-  
 lich leben vor der welt/doch/ die weil sie vnder die  
 sünde verkaufft sind/vnd haben noch/eyn gesetz in  
 ire gelidern/dz da widerstreitter/dem gsez ihres ge-  
 mächs/vnd nimpt sie gefangē in 8 sünden gsez/wie  
 paulus zu den Römern am .vij. Cap. sagtr. Ich  
 kan in dem fleisch/nit ein so volkommen vñ ganz vñ  
 gar vnuerseret güt volbringen vñ thun/wie vol-  
 kommen vñ vnuerseret es dz gsez erfordert. Ist den  
 sunst nichts anderst mer übrig/den dz wir mit dem  
 ewigē fluch sollē verdampft werden: Wol/so wir  
 nach dem gsez vnd seiner gerechtigkeit geurteilt  
 werden. Wollen wir dann darumb verzweyflen/  
 das wir nach dem gesagt geurteilt/der verdamp-  
 nūß schuldig sind: In keynen wege/denn wie wol  
 wir nit kōnden durch den wege/welcher ist durch  
 das gesetz vñnd seyne gerechtigkeit/von der ver-  
 damnūß zu der seligkeit kommen.

So doch eyn anderer wege vnß für gesetzt ist/  
 durch welchen wir zu dem rechten leben vnd der e-  
 wigen seligkeit kommen mögen.

Denn es sindt zwen wege/welche zu dem ewigen  
 leben vnd seligkeit fūre/der erst/ist der weg durch

Es sindt  
 zwe wege  
 zu der seli-  
 keit.

D d d ij das

Die Eynundzwentzigst predig Johan. Brenst.  
dz gesatz vnd seyne gerechtikeyt / durch disen wege  
ist nit keyn mensch ( außgenomen der eynig Jesus  
Christus vnser HERR ) zu derseligkeyt kommen.  
Der wege zu d selig  
keit durch  
dz gesatz.  
Denn vnder den mensche / ubertretten etlich Got  
tes gesatz offentlich / vn fürē on alleforcht gottes  
vn d mensche offentlich cyn wußt schentlich leben.  
Dise / wa sie sich nicht besseren / so gehören sie on alle  
wider rede zu dem ewigen verderben vnd verdam  
nuß. Die andren führen zwar cyn erbar lebē vor  
den leuten / sie manglen aber des glaubens vn Got  
tes geists. Die selbigen / darumb dz sie dz gsez nit  
voltkömenlich erfüllen / welchem mit eusserlicher er  
barkeyt nit genug geschicht / sind auch des ewigen  
fluchs schuldig. Etlich führen nit alleyn cyn erbar  
lebē / sonder habē auch cynē rechtē glaubē an Chris  
stu / vn sind durch den glaubē mit dem heilige geist  
begabet / aber es mögē auch dient durch dz gsez  
vn seyne gerechtikeyt zu dem heyl vn selikeyt kom  
men. Den der heylig geist feger nit also die sünd vß  
in dem gleubigen / dz sie nit mer da seie / sonder dz sie  
in nit werde zu gerachnet / vn dz sie in jnnit hersehe.  
So er aber die sünde in dem gleubigen laßt / so ist  
es offembar / das die gerechtikeyt des gseses / vor  
der sünde / mage auch nicht voltkömen erfüllen wer  
den / von dem glaubigen / wa aber die voltkömen er  
füllung des gseses nit ist / da ist auch die seligkeyt  
nicht durch die gerechtikeyt des gseses. Daher  
wirt im .Cxlj. Psalmen gesagt / Gehe nicht ins  
gericht



In das Sechst Cap. des Euan. Luc. Cxxxviii  
gericht mit deynem Knecht / denn für dir ist Keyn le  
bendiger (gewislich / auß der gerechtigt eyt des ge  
setzes) gerecht / Vnd Paulus zu den Römern am  
vii. Das gute das ich will / das thu ich nicht / sonder  
das böse / das ich nicht will das thut ich. Vnd zu  
den Gal. am v. das fleisch gelustet wider den geist  
vnd den geist wider das fleisch / die selbige sind wie  
der ander / das jr nicht thut was jr wöller.

Alleyn Jesus Christus / darumb das er on alle  
sünd gewesen ist / welcher Keyne sünd gethan hatt /  
ist auch Keyn berrug in seynem munde erfundē / hat  
des **W E R T** / gesetz auff das aller volkome  
nesserfüller / vnd ist dem willen Gottes gang ge  
horsam gewesen / bis zum tode / Ja zum tode am  
Creutz / darumb ist auch alleyn Jesus Christus  
durch den verdienst seynere eygner frombkeyt vnd  
gerechtheyt vnd durch disen wege des gesetzes zu d  
seligkeyt komen / vnd ist mit eynem solchen namen  
von dem **W E R T** Gott seynem vater bega  
bet worden / das in seynem namen sich beugen sollē  
aller deren Knie / die im himmel vnd auff erden / vnd  
vnder der erden sind. Was wollen ihnen dem /  
wirst du sagen / nit alleyn Mose / sonder auch Chri  
stus das sie vns den wege für setzen / so doch Keyn  
mensch durch den weg / weder kompt / noch komen  
mäge zu der seligkeyt / wie Paulus zu den Römern  
am. viii. schreibt. Fleischlich spricht er : gesinnet  
seyn (welches für war im fleisch bleibt / alle die weil

Christus  
ist alleyn  
durch den  
wege des  
gesetzes zur  
seligkeyt  
kommen.



Die Lyncdzwenzigst predig Johan. Brenck  
 der mensch auff diser welt lebet) ist eyne sint schaffe  
 wider Gott/ seittemal es dem gesetze Gottes nicht  
 vnderthan ist/ denn es vermäge es auch nicht/ war  
 vmb werden dann das gesetz vnd seyne gerechtig-  
 keyt vnns für die augen gestellt? Warlich es ge-  
 schicht nicht vmb der vsach willen/ das angezeygt  
 werde/ das wir das gesetz volkommenlich erfüllen  
 mögen/ vnd durch seyne gerechtigkeit zu der selig-  
 keyt kommen/ (denn/ der massen hallten darvon  
 die so vnwissen sind göttlicher sachen) sonder das  
 vnß werde angezeygt/ was wir thun sollen/ vnd so  
 wir das selbig weder volkommenlich thund/ noch  
 volkommenlich thun können/ So gehöret das ge-  
 setz zu dem brauch/ das es vnß vnser sünd anzey-  
 ge/ vnnnd erklere den zorn Gottes wider vnß/ vnnnd  
 setze vnß für vnser augen/ vnseren fluch vnd ver-  
 damniß/ zwar nicht mit dem fürschlage/ das wir  
 in dem fluch vnnnd verdamniß ewigklich bleyben  
 sollen. Sonnder das wir durch soliche vsach ge-  
 triben werden/ eynen andren wege zu der seligkeit  
 denn durch das gesetz vnd seyne gerechtigkeit/ zu  
 suchen. Denn wie wol das gesetz auch den vnge-  
 rechten geben ist/ das es sie mit schwerer straffe  
 in der erbarkeit des lebens erhalte.

Vnd den gerechten auff das sie haben eynen in-  
 halt der wercke/ welche sie auß dem glauben thun  
 sollen/ yedoch die weil das gesetz nimmer von vnß  
 volkommenlich erfüllet wirt/ so gehet es zu vor an

in

Warum  
 vnß dz ge-  
 setz vnß  
 ne gerech-  
 tigkeit für  
 gesetzt sei-  
 en.

In das Sechst Cap. des Luan. Luc. CC.

In vnserem gewissen dahin / das es vnns die sünde  
offenbare / vnd zeyge vnns vnser schande an / den /  
wie niemandt sehen kan den vnflat / damit seyn an  
gesicht besudeler ist / er besthe sich dann in eynem  
spiegel. Also sind wir von natur blinder / denn dz  
wir könden den vnflat vnnd die mackelen vnserer  
sünden sehen. Darumb so ist das gesetz vnns für ey  
nen spiegel dargestelt / auff das so wir dz angesicht  
vnserer natur dar gegen heben / sehen mögen / wie  
eyn grosser last der sünden vnns anhangt / vnd wie  
eyner grossen verflüchung wir schuldig seien. Vñ  
dis ist eben das so Paulus zu Römern am dritten  
sagt / durch dz gesetz kompt nur erkantnuß d sün-  
den / vnd aber cyn mal / dz gesetz richt nur zorn an.  
Vnd am. viij. Die sünde erkante ich nit / on durchs  
gesetz / vnd bald hernacher / vnd es befandt sich / dz  
das gebott mir zum rodt reicher / dz mir doch zum  
leben gegeben war / den / d'e sünde nam vrsach am  
gebott / vnd betrog mich / vnd rodte mich durch dz  
selbig gebott. So aber vnns das gesetz todret / wie  
köndren denn wir durch dz gesetz vnd seyne gerech-  
tigkeyt zu dem heyl vnd leben komen? Zwar die  
erst staffel zu dem heyl / ist die erkantnuß der sünde  
welche geschicht durch dz gesetz / yedoch / dise erkant-  
nuß / wie sie durch sich selbst nit die gerechtkeyt ist /  
sonder alleyn cyn erkantnuß der vngerechtigkeyt  
also ist sie durch sich selber nicht der verdienst der  
säligkeyt.

Dz gesetz  
ist vnns für  
eyn spie-  
gel für ge-  
setzt.

Ddd iij

Darumb

Die Lxxviii. zwentzigst predig Johan. Brenck.

Darumb müssen wir weit eynen andren wege / zu der seligkheyt suchen / wann durch das geset vnd seyne gerechtigkeit.

Welches ist aber der selbig ander wege zu der seligkheyt: Warlich es ist keyn annderer vorhanden mer / denn der wege welcher durch das Euangelion vnseres HERRN Jesu Christi / ist.

Denn in dem Euangelio wirt vnß Christus geprediget / das er alleyn das geset vnd seyne gerechtigkeit vollkommenlich erfüllet habe / das er vnser sünd versöhnet vnd gebüßet habe / das er Gottes zorn gestillet habe vnd versöhnet / vnd habevnß mit Gott vertragen / vnd das seyn gehorjame vnß das himelreich verdienet habe.

So wir nun an den selbigen Jesum Christum glauben / so nimpt vnß Gott vnser HERR auff vmb Christus willen als seyne kinder / verzeycht vnß vnser sünde / wendet ab von vnß allen seynen zorn / rechnet vnß vmb Christus willen durch den glauben nicht anders gerecht vnd fromm / denn / als betten wir selbs mit vnseren wercken das geset vollkommenlich erfüllet / vnd schenckt vnß das himelreich. Denn also hat Gott die welt geliebet / das er seynen eynigen Son gab / auff das alle die an ihn glauben / nicht verloren werdenn / sondern das ewige leben haben / Johannis am. iij.

Vnd bald hernacher / wer an ihn glaubet / der wirt nicht gerichtet.

Vnd

In das Sechß Cap. des Luan Luce. C Cj.

Vnd aber eyn mal/der vatter hatt den son lieb/vñ  
hat im alles in seyne hand gegeben/wer an den son  
glaubet/der hat das ewige leben/wer dem son nicht  
glaubet/der wirt dz leben nit jehē/sonder der zorn  
Gottes bleibt über im. Wer kōnde in eyner kurtzē  
rede alle ort der heyligē schrift er zelē/durch welche  
beweret wirt/dz der glaub an Christum 8 and we-  
ge sei/durch welche wir alleyn zu der seligkeyt kom-  
mē mögē: Vnd hie si heß du/was die versach ist/dz  
so vil heydē/so vil Jūdē/so vil Türcken/so vil vñ  
den Christen mit ewigen verderbē verdampt wer-  
den. Deñ die weil nur zwen wege der seligkeyt sind  
für gesetz/der eyn/ welcher ist durch dz gesetz vñ  
seyne gerechtkeyt/durch welchen sie nit gehen kōn-  
nen/den andren aber / welcher ist durch dz Euang-  
gelion von Jesu Christo/den wissen sie entwed nit  
oder verachten in. Darumb ist es von nöden das  
der zorn Gottes über inen klibe/vñ dz sie verderbt  
werdē. Aber du wirst sagen/so die/welche eynher-  
gand zu dem heil auff dem wege/welcher ist durch  
den glauben an Christum/haben vñ besitzen all s  
für eigē die erfüllung des gesetzes/welche Christus  
geleistet hat. Simpt es denn inen nach irem müt-  
willen leben/das gesatz übertretten / vñ kein güt  
werck thun: Das sei ferre. Denn wie wol wir nit  
mer mit vnsern wercken dz gesetz volkōmenlich er-  
füllen mögen/jedoch die weil wir mit der erfüllung  
des gesetzes/welche Christus than hat/begabt sind

Warum  
so vil ewi-  
glic ver-  
dampt  
werden.

Ddd v so